

27,376/2

55750

ALBERTI
HALLERI

*Domini in Goumoëns le Jux & Eclagnens.
Præsid. Societ. Reg. Gætting. Præsid. Societ. Oeconom. Bernensis;
Sodal. Acad. Reg. Scient. Paris. Acad. Imp. Nat. Cur. Boruss. Suec. Bonon. Arcad. Acad. Reg. Chirurg. Paris.
Soc. Reg. Brit. Bot. Flor. Bavar. Helvet. Carniolic. Hafniens. Coll. Med. Edinburg. In Supremo Senatu Reip. Bernensis ducentum Viri.*

DE
PARTIUM
CORPORIS HUMANI
PRÆCIPUARUM
FABRICA ET FUNCTIONIBUS
OPUS QUINQUAGINTA ANNORUM.
TOM. IV.
SANGUINIS MOTUS.



BERNÆ & LAUSANNÆ,
EX PRELIS SOCIETATUM TYPOGRAPHICARUM.

M. DCC. LXX. VIII.



ILLUSTRISSIMO VIRO
LAZARO SPALANZANI

SUMMO NATURÆ

IN MINIMIS


ET DIFFICILLIMIS

INDAGATORI


OB EJUS IN VERI FINIBUS EXTENDENDIS MERITA

D. D. D.

AUCTOR.



P R Æ F A T I O.

 IN libro, quem hic offero, plurima
ratiocinia sunt, experimentorum ali-
quantum. Prioribus detrahere maluif-
sem, quam addere quidquam; minus enim
illæ *Bellinianæ* theoriæ valent, quibus in
Anglia mascula & hypothesibus pene libera
consilia ad medendum successerunt, felici
certe rerum conversione facta. Alibi confusa
theoria dominatur, in qua exclusis certissimis
experimentis occulta potestas substituta est, &
evidenti sensuum testimonio semiveræ obser-
vationes præferuntur: eodem tempore, quo
isdem medici clamant, debere bonam artem
omni hypothesi liberam tradi.

Quæ in hoc libro & imprimis in hac editione aucta exstant, ea hic breviter recenseo, ut quid lector sperare possit, facilius perspiciat. Retardationem sanguinis in vasis minoribus minorem esse per experimenta reperi, quam ex calculis positis sequatur; aliquam tamen esse non repugnat. Cur autem experimenta a calculis dissideant, partim in minori efficacia causarum retardantium quæri debet, partim in nova subnata velocitate. Eo vis contractilis arteriæ hætenus pertinet, ut certe compenset motus progressivi jacturam, qui in lateralem abierat; de progressivi enim motus velocitate quæritur. Vim derivationis pene novam præter *Heidei* experimenta hic exposui. Deinde atriola mortis ad phænomena manantis sub microscopio sanguinis descripsi. Ea vir alioquin *Ill.* qui pleraque mea pericula suis confirmavit, negat se adnotasse. Reperio autem & ipsum vidisse, & me toties repetiisse, ut

dubium omnino nullum mihi de his mortis nuntiis superesse possit. Motus in sanguine post mortem animalis cordisque quietem superstitis causas & phænomena addidi.

Inde pressionem lateralem, per experimenta evictam, a *Weitbrechti* aliorumque dubiis vindicavi. Hic idem pulsus est, cujus phænomena & mensuras numerosque imprimis, pro varietate humanæ conditionis varios, ad mea adversaria recensui. Nimias illas pulsus frequentias non potui cum meis experimentis conciliare, deque *Theophili de Borden* nuperis pulsibus malui ampliare. Inter effectus motus sanguinis potissimum calorem recensui, quem cum multi nuperorum ad chemica phænomena referant, ego quidem potissimum ab eo motu oriri, libratis utriusque causæ argumentis, persuadeor. Ad ruborem etiam facere non dubito, etsi in ipsis etiam sanguinis ele-

P R Æ F A T I O. v

mentis ejus coloris causa ponitur : neque
hactenus video , aeri posse acceptum referri.

Demum venosi sanguinis motum , undi-
que neglectum , etiam a Iatromathematicis ,
ad experimenta descripsi , & lateralem pres-
sionem a venis non abesse ostendi. In eum
motum magnam esse potestatem derivationis
reperi. De ea vero ejusdem perturbatione ,
quæ a respiratione pendet , iterum experi-
menta mea retuli , justoque dolori aliquot
paginas dedi , quem non pati non potui , cum
viderem , me post tot mea experimenta plagii
postulari , aut certe ad repetitores alienorum
laborum relegari. Res ipsa considerari
meretur , etsi in vivo homine vix unquam
locum habet , cum *Schlichtingiana* illa
cerebri turgescencia , & alterna inflatio , duram
matrem a cranio solutam , aliasque condi-
tiones poscat , quæ a vivo homine absunt.
Celeritatem sanguinis venosi ad arteriosi

sanguinis velocitatem comparatam me facillima
mensura metiri posse speravi, cum sit non dubie
in ratione inversa luminum venarum cava-
rum ad aortæ lumen. Denique cur venæ
alternò motu non agitentur, conatus sum
exponere.

Bernæ D. 3. Septembr. 1777.

Hæc cum scripſiſſem, morbusque meus aliquas feciſſet inducias, ut limpidiori mentis uſu frui, denuo viſum eſt, rebus rite expenſis, ne in his quidem cauſis ſcaturiginem eſſe novæ celeritatis. Non in derivatione, rara & quæ tamen lætens videatur eſſe tonica contractio. Non in contractili vi, mortua, inſita aut nervoſa. Hæ enim vires omnes in ſubſidentia quidem arteriæ ſanguinem comprimunt, ejus motui progreſſivo addunt. Verum omnes eæ cauſæ in tempuſculo paulo priori eandem celeritatem perinde & eadem portione diminuerunt, ut nunc augment. Contra vim nempe cordis ſanguinem agentis, arteriæ vis contractilis quæcunque ſe habet, ut contraria poteſtas. Eam cordis vis ſuperat, ſed ut ſuperet, impendit vim æqualem præſenti vi contractili arteriarum. Erit adeo celeritas ſuperſtes ſanguinis $c --- a$ (cordis celeritas diminuta contractione arterioſa). In proximo tempuſculo autem contrahitur aorta ad eandem diametrum, ex qua per vim cordis dilatata fuit. Celeritas ergo ſanguinis eſt $c --- a + a$ nempe ipſa celeritas cordis nihil mutata, niſi portiuncula aliqua exigua vix definienda, quam frictio abſumſit.

Quod ad muſculos pertinet, eorum actio non penitus nihil poterit in celeritate ſanguinis augenda. Venofum nempe non dubie ſanguinem incitant, & preſſionem ſuam unice contra cor dirigunt. Ducentibus valvulis, ſanguis ad cor celerius redux irritat id organum intra idem tempus, & pro ratione molis potentius & frequentius. Nova ergo hic vis ſubnata eſt, quæ

prius nulla adfuit. Aliquam quidem partem
hujus compressionis valvulae absumunt, non
tamen totam, tum experimento teste, & evi-
dente caloris atque pulsus augmento per motum
musculorum subnascente; præterea columnæ suc-
cedentis sanguinis valvulas sustinent, ipsaque
figura cujusque venæ facit, ut pressio sanguinem
facilius versus canalem majorem agat, minus
verò contra angustam sedem venæ repellat *a.*

a L. III. p. 389. 390.



D E

PRÆCIPUARUM PARTIUM
CORPORIS HUMANI
FUNCTIONIBUS.

LIBER SEXTUS.

ARTERIARUM ET VENARUM OFFICIA.

SECTIO I.

SANGUINIS MOTUS QUI AXIN
SEQUITUR ARTERIÆ.

§. I.

HOC toto volumine theoria passim continetur, quæ anatomes luce caret, neque ad evidentem demonstrationem potest perfici. Multa ergo hic hiulca, multa dubia supersunt; quæ certa ea pauciora, aut ad pulsum pertinent, aut per ea experimenta nascuntur, quæ vivorum animalium perspicua cutis permisit. Non alibi magis jatro-mathematica secta dominatur, quæ fluentis per conicos & cylindricos canales sanguinis motum, retardationem, celeritatem, qua secundum axin vitalis humor progreditur, momentum, quo in parietes arte-

Tom. IV.

A

riarum dilatandos nititur, harumque velocitatum effectus in mutandis humoribus definire conata est. Si non licet multa firma docere, faciam tamen, ne debilia pro certis, & pro vero hypotheseim offeram. Neque enim hanc physiologiæ particulam omisisse licet, quam & in toto reliquo opere frequenter, & tamquam fundamentum reliquæ theoriæ, repetere necesse sit: & absque qua de secretionem, & nutritionem, de obstructione denique, inflammationem, febre, & universa fere morborum aut lentorum, aut velocium pathologia vix quidquam dici potest. Ita vero velim, dum ista tracto, legi, ut potius studium mihi fuerit non omittere, quæ alii Cl. viri proposuissent, quam quidem ea docere, de quibus aliquid certi ipse statuam.

Possit videri, contra leges boni ordinis me peccasse, quod sanguinis per arterias venasque fluentis phænomena nunc demum exponam, postquam dudum arterias descripsi venasque. Verum non potuit certe sanguinis per arterias motus intelligi, nisi cordis prius vires, atque adeo fabricam, & contractionem delineassem: neque intelligi, quæ vasorum sanguinem vehentium sint officia, nisi sanguinis & reliquorum, quos continent, humorum, indolem exposuissem.

§. II. *Sinus maximus aortæ.*

Quando de arteriis in universum sermo est, præstiterit aortam contemplari, ad quam omnino major pars arteriarum, tamquam ad truncum rami pertineant: de pulmonis enim arteria

proprio capite dicendi locus erit *a* ; quatenus peculiares hujus arteriæ adfectiones sunt. Ergo ex ventriculo quidem superiori , posteriori , quem vulgo ad brutorum animalium fabricam sinistrum dicunt , sanguinis in aortam *b* pelli-
tur , cujus arteriæ prima stamina alio loco exposuimus *c* , ad arteriarum nempe coronaria-
rum oscula. Quæ ultra ea adscendit arteria , ea quasi laxato cingulo , quo carnes cordis nascentem truncum comprehendebant , aliquanto latior est , quam intra cordis quidem ambeuntem anulum. Eam latitudinem se habere ad cordis ostii ambitum ut 37 ad 32 , auctor est *Franciscus Boissier d* , quarta parte reliqua aorta latiore esse alii Cl. viri. Cæterum ejusmodi sinum in piscibus *e* , ranisque *f* , majorem video , ut frigidi maxime sanguinis bestiis aorta manifesto tubere supra cor intumescat *g* , quem tumorem non pauci quidem anatomici pro aurium altera *h* habuerunt , alii rectius intellexerunt. In eo tubere cellulas rugasque *Duverneyus* detexit *i* , quas laminae spiralis nomine descripsit , & cujusmodi cellulas in

a Lib. VIII. de pulmone & respiratione.

b Lib. IV. Sect. IV. n. 18.

c Ibid. Sect. III. n. 16.

d Mem. de l'Acad. de Berlin. 1755. p. 38.

e Inter frigidos pisces in salmone *Antonius v. Leeuwenhoeck* Phil. Transf. n. 319. & ante eum *Samuel Collins* System. of anat. T. II. tab. 15. f. 1. in mustela *Gering.* de piscatur. Salmon. in xiphia *Hartmann* diss. in spinosis *Viq d'Azyr* Mem.

pres. VII. p. 30.

In phoca, calido pisce, habet *M. A. Severinus* antiperipat. p. 32. Solidissimam enim & gibbosam aortam dicit.

f Second Memoire sur les parties sens. & irrit. Exp. 548. 551. 554.

g In anguilla l. c. exp. 526.

h Conf. T. II. p. 94. & *Robert de pisc. salm.* p. 10.

i Mem. de l'Acad. Roy. des Scienc. 1669. f. 6. 7.

anguilla vidi. In pullo, qui ovo continetur, hæc amplitudo adeo memorabilis est, ut eam ipsam *Malpighius* pro sinistro ventriculo habuerit. In homine, & adultiori maxime, amplitudo quidem manifesta est, etsi nimis forte ambitiose *maximum aortæ k sinum Valsalva* dixit. In juniore homine in universum aortæ ostium, quam in sene angustius *l* est, & nunc in fele nupero partu exclusa coram ne vestigium quidem ejusmodi sinus video: vidit tamen in variis animalibus illustris *Morgagnus m*, & in fetu vestigia reperit *n*: ut omnino non ab urgente sanguine nata latitudo, & nativum quasi aneurysma sit, sed ab ipso Naturæ primo instituto fabricatum prodeat *o*. Uti se in pulli incubati corde habeat *p*, pulsatilis hactenus bulbus, alibi exposui: sed eum bulbum maturior vitæ vis intra cordis carnes retrahit.

§. III. *Ejusque arteriæ arcus.*

Eadem aorta, ad egressum subclaviæ dextræ priorem ad diametrum redit *q*, quæ ipsi ex corde prodeunti fuit. Sed ab ipso ex corde egressu curvam lineam describit, *arcus* est quem volo, quem & physiologia cognitum ponit,

k *Dissert. posthum.* I. tab. 2. olim in vitulo, citante *Morgagno*.
f. I. p. 131.

l *Fr. Sauvages Mémoire de l'Acad. de Berlin* 1755. p. 34. &c.
m *Epist. Anat.* XV. n. 1. 5. 6.
n n. 5. p. 13. deinde *Tauroy*

o *Schreiber almag.* p. 228.

p *Mémoire sur la formation du cœur dans le poulet* T. II. Sect. VI. n. 5.

q *Valsalva posthum.* p. 131.

& ad evitandos veterum errores hactenus descripsisse necesse est.

Alia nempe hic homini, quam animalibus fabrica est. Pleræque equidem, quas ego quidem dissecai, bestię, arcum in aorta habent, qua de corde prodit, ramos vero aliter educunt, avibusque præterea is arcus dextrorsum curvatur. Ergo in homine aorta arteria, quam primum de corde exiit, dextrorsum aliquantum *r* dum ascendit, inclinatur. Inde, & magis quidem atque magis sinistrorsum flectitur, & una, sed magis, & magis in transversum deprimitur; aque suprema sede sua sinistrorsum quidem descendit *s*, & una deorsum, ut vertebrarum dorsi corpora consequatur, quæ sibi porro sint pro fulcimento. Ea quando adtigit, recta fere, sed tamen una dextrorsum aliquantum, sive antrorsum descendit, ut mediis se vertebrarum corporibus inponat. Ita in adulto homine, nam in fetu arcus aortæ magis transversus est.

Hæc nunc arteriæ principis inflexio non satis accurate cum aliqua linea curva mathematica bicruri comparari potest. Neque enim parabolæ convenit, cum crura nimis habeat parallela, neque circularem *t* rotunditatem imitatur, cum crus sinistrum pene rectum, dextrum dextrorsum primo, inde sinistrorsum flexum nacta sit.

r Winslow expos. T. III. tr. des arteres n. 5. Senac du cœnr T. IV. f. 1. Icon. Anat. fascic. VI. p. 1.

s Vide eum arcum passim, sed inprimis Senac T. IV. f. 1.

t Huc Michelottus Comment. Bonon. T. I. p. 449. 450.

Imum crus ad originem aortæ inclinatur, ut ea fede arcus minor sit latitudo. Sed neque a sanguinis projectione ejusmodi curvitates unice, aut primario nascuntur, quarum princeps potius causa in cellulosa tela sit, quæ arteriam ad vicinas firmiores sedes eam in figuram adliget, quam natura requirit. Quare soluta, suis de vinculis, arteria rectitudinem recuperat.

In eo vero vetustas v maxime erravit, quod ramum ex aorta alterum, sursum deduxerit, deorsum alterum, unde nomina illa adscendentis aortæ & descendents nata sunt. Avibus equidem totidem truncis ex aortæ arcu, sua cum carotide conjunctæ subclaviæ exeunt, dextra, sinistraque x. Bovino generi, quod coram non habeo, video aortæ adscendentem truncum a clarissimo scriptore tribui x*. Canum, felium, aliorumque quadrupedum, ea fere est fabrica, ut ex aortæ nascente arcu grandis truncus prodeat, qui porro in subclaviam dextram, & carotidem utramque funditur: sinistra subclavia seorsim fere prodit x**. In equo unus ramus isque major & capiti prospicit, & brachiis, alter arcum facit, idem minor x***.

v Obscure Galenus de arter. & venar. dissect. c. IX. manifestius Jacobus Berengarius Carpenfis Isag. brev. in anat. corp. hum. p. 32. b. Carolus Stephanus de dissect. part. corp. hum. p. 134. Andreas Vesalius de fabric. corp. hum. L. III. c. 12. p. 486. Tab. anter. vas. tot. corp. III. Y. Z. X. D. Ab eo

pene omnes, & nonnulli recentiorum.

x Second Memoire sur le poulet p. 87.

x* Monro of comparat. anatomy p. 41.

x** Huc tabula Casserii de voce & auditu T. XV. five hom. Tabb. posth. L. X. T. I.

x*** La Fosse hippiatr.

Homini , hactenus soli inter ea animalia , quæ mihi incidisse contigit, tres rami y distincti de convexitate magni arcus proveniunt, ut omnino voce aortæ adscendentis absque errore nequeamus uti. Eorum ramorum primus subclavia dextra est , quæ porro sui lateris carotidem generat : altera est carotis sinistra , tertia subclavia ejusdem lateris. Is naturæ ordo raro mutatur , frequentius tamen , si aliquantum a recepta divisione natura recessit , quartus de aorta ramus prodiit , qui vertebralis sinistra est z. Si quando rariori exemplo aut quadrupedum fabrica in homine obtinuit a , aut quatuor rami diversi b ex corde prodeunt, aut subclavia dextra serius nata retro truncum aortæ suam ad sedem occulta erepit c, aut mammaria

y Vide interim , si placet , iconem nostram fasciculi VIII. tum iconem Cl. viri *Arent. Cant. T. IV.*

z Fascic. VI. p. 1. & ante me *Johannes Leoncena Veslingii* olim incisor *Phil. Trans. n. 280.* *J. Godofredus de Berger Act. Erudit. 1698. p. 295.* *J. Zacharias Petsche observat. miscell. in Tom. VI. mexæ collectionis recus. n. 45.* *J. Benig. Winslow l. c. n. 21.* *Christoph. Jac. Trem. Commerc. Lit. 1735. hebdom. 24.* *Georgius Martine ad Eustach. p. 141.* *Barbaut Angiolog. p. 387.* *Huber sæpe. Deinde Phil. Adolp. Boehmer observ. anat. fascic. I. p. XI. Cl. Loeske observ. anat. p. 26. Journal de Medecine 1757. dec. & Cl. Henkel zweyte samlung p. 11, qui quidem Vir Clar. duas reperit vertebrales*

ejus lateris arterias , hanc, quæ processum colli transversum quintum subiit, & aliam, quæ septimum. Ita & *Huber* tantum ut confluant p. 73.

a *Casseholm* apud *J. Zachariam Petsche l. c. n. 47.* Bis vidit *III. Huber act. Helv. VIII.*

b *Phil. Conr. Fabricius Act. Acad. Nat. Cur. Vol. X. obs. 36.* *Phil. Adolphus Boehmer in programmate, quod in T. II. mear. disp. recensum est, f. 1.* *Winslow l. c. n. 19.* *Barbaut l. c. Journal de Medecine 1758. M. April.* Eo inclinat icon *Jacobi Drake*, hactenus aliquantum a *Comperiana* diversa T. XX. Quatuor ramos, & quintam vertebralem vidit *J. Z. Petsche l. c. n. 44.*

c *Loeske l. c. Hunauld histoir. de l'Acad. Roy. des Sciences 1735. p. 20.*

dextra de ipso arcu nascitur *d*, aut subclavia sinistra, pariter ut dextra, communem cum carotide truncum habet; aut unus duarum carotidum & unus pariter duarum subclaviarum truncus est. Alias hoc ordine producunt, carotis dextra, sinistra, subclavia sinistra, arcus aortæ *d**. Sed & arteria thyreoidea aut thymica *d*† ex aortæ trunco *d*†† prodiit: alias aorta infula facta e duplicatum in arcum abit, aut absque arcu bifida est *f*, aut alia demum ratione *f** natura hanc principem arteriarum originem fabricata est, adeo tamen hæc rara sunt, ut in quadringentorum cadaverum incisione nihil ejusmodi viderim, neque ante me, celebris olim ex manus medicantis & dissectantis solertia, *Guilielmus Cheselden g*. Multum vero debemus claris viris, qui aut iconibus ad naturam factis *h*, aut sermone præ-

d P. Ad. Boehmer in progr. cit. f. 2.

*d** Pohl de arteriis.

d† Mekel ib.

d†† Erdman arter. thyr. T. II.

f. 2. Nicol. dis. n. 7. Mekel id me III. n. 141.

e Optimus Hummel, meus olim Bernæ incisor, Comm. Lit. Noric. 1737. hebdom. 21. tab. 2.

f. 3. 4. Phil. Conradus Fabricius anat. pract. p. 118.

f Journ. des savans 1668. n. 3. in infante.

*f** Duo ex aorta trunci, quorum alter in carotides, in subclavias alter divisus est Hummel l. c. f. 3. 4. Duæ carotides ex eodem trunco Erdman l. c. p. 5. 16. Nullus arcus aortæ Pohl obs. angl. artt.

g Anat. of human body Edit. VI. p. 184.

h Bartholomæus Eustachius

Tab. XV. f. 2. 4. 6. T. XVI.

f. 1. 2. &c. Hieronymus Fabri-

cus ab Aquapendente de form.

fetu. T. VI. f. 15. utcumque in

fetu. Veslingius Syntagm. anat.

T. X. f. 2. N. O. O. J. Leon-

cena l. c. Richardus Lower de

corde c. 1. p. 36. tab. 2. f. 4. 5.

6. Raymundus Vieussens Neuro-

graph T. 23. cui laudem primæ

verioris iconis tribuit Cl. Mar-

tine l. c. Guilielmus Cowper in

append. ad opus Bidloii T. III.

& apud Drake T. XX. Phil.

Verheyen anat. corp. hum. T.

27. f. 1. H. Ridley ic. 5. post

observationes Johannes Mery

nouv. système sur la circulation

du sang f. 1. 2. Arent Cant im-

pet. anat. T. IV. hætenus,

Lanciscus de corde & aneurysm.

T. IV. f. 1. 2. Senac tr. du cœur

T. IV. f. 1. Garengot splanchnologie T. II, p. 162, Tab. 15,

terea *i*, quo epidemicum errorem redarguerunt, paulatim aortæ adscendentis fabulam, & dedecorosum in re facili errorem medicorum repetitis tandem laboribus superarunt; ut pauci sint, qui nostro ævo eo aortæ adscendentis vocabulo utantur, cui sensus excusabilis vix invenitur.

§. IV. *Rami principes.*

Horum cæterum ramorum maximus est subclavia dextra, quæ sursum introrsum *k*, & paulo post rectius sursum, carotidem sui lateris emittit *l*. Subclavia vero, quæ peculiariter hoc nomine designatur, sensim inclinata, & transversa demum, super claviculam *m*, & pone id os, sui lateris brachium adit. Ea subclavia, quæ angustiori sensu hoc nomen conservat, sinisteriori sodali sua aliquanto amplior est *n*, etiam me observante. Rationem reperi uti 35 ad 29, & uti 27 ad 25, & uti 24 ad 20. Ill. *Senacus*, numeris usus majoribus, eas rationes fecit, ut 23309 ad 15129 0. Deinde *Cel.* olim *Sylva p*, magnam rationem, nempe diametros

i *Johannes Riolanus* in *animadvers. in Laurentium* p. 691 inque *anacephalæosi Nath. Highmori* p. 163. *Carolus Drelincourtius*, qui aortam curvo cum baculo comparavit, apud *Beaumont de circul. sang.* Leid. 1698. *G. Comperus* ad T. XXIII. *Bidloi.* *Fridericus Ruyfch* in *Epist.* III. ad *Gaubium* & in *thes.* I. p. 11. *thes.* IV. Tab. 3. f. 2. 3. *Johannes Baptista Morgagnus* *advers. anat.* I. p. 19, n. 16.

k *Cant.* I. c. Tab. nostr. tot. corp. anat.

l *Idem* *ibid.* *Fascic.* VI. T. I.

m *Superclavias* dixit *J. Riolanus* *anthropol.* p. 344. *Enchirid. anat. path.* p. 410. Conf. Tab. nostr. fascic. VI. I.

n *Helvetius* *lettre au sujet de la critique de M. Bessé* p. 181. o l. c. T. I. p. 246.

p *Traité de la saignée* p. 189.

fecit uti 18 ad 14. Si ea ratio satis firma est, & repetitis experimentis fulcitur, intelligitur, quare dextrum brachium homini in universum & majus, & una valentius sit *q*. Sed lego etiam in plufculis animalibus dextram subclaviam majorem esse.

Carotis sinistra & fursum protenditur & una sinistrorsum *r*, non evidenter sua sodali dextra minor, & major aliquanto, si Ill. *Senaci* mensuræ valent *s*. Cæterum satis intelligent, qui multum in metiendis fartorum cera vasorum luminibus laboraverunt, quam facile hac in opera erretur, & quam non difficulter major aliquantum siphonis impetus, aut flexio aliqua, aut laxata cellulosa tela sanguinem in alium, aliumve ramum potentius ducat.

Subclavia sinistra suum ad latus magis inclinata adscendit, majorum propaginum ultima *t*.

Qui porro his a truncis rami arteriosi nascuntur, eos oportet in brachiis quidem ab anatome repetere *v*, hic porro non exponendos. Nam in capite accuratius aliquanto carotidum & vertebralium arteriarum ramos requiremus.

Sed plicas etiam, quæ sunt sub horum trium grandium de aorta prodeuntium truncorum

q Cum non solum robustius, sed etiam aliquanto majori sit volumine, non potest majus robur brachii dextri a majore sanguinis in arteriam subclaviam ejus lateris minorem irruentis velocitatem explicari
Comparative anatomy p. 112.

r Fascicul. VI. iconum anatomicar T. I.

s Rationem sinistrae carotidis ad dextram fecit 23216. ad 23104. l. c.

t Fascic. VI. iconum. anat. T. I.

v In fasciculo VI.

originibus , eas alibi expositas α , hic non repeto.

§. V. *Motus sanguinis quo secundum axin arteriarum pergit.*

In aortam nunc arteriam , ejusque ramos omnes , sanguis de sinistra cordis cavea magna velocitate impellitur. Sed is, quem a corde accepit, compositus motus duas omnino in directiones resolvitur. Prima, quam fere solam physiologi vulgo metiri solent, & contemplari, ea est, qua sanguis a corde secundum rectam lineam secedit, aut secedere sumitur, ut per axin arteriarum, lineasve rectas huic axi parallelas, recta a corde per aortæ, & ejus ramorum axin, ad extremos arteriarum fines, inque venarum initia didatur, qualem fere lineam possis a cordis exitu ad arteriam temporalem satis rectam ducere. Eum motum imaginaria illa cylindrus sanguinis sequitur, quam *Laurentius Bellinus* γ ab omni in parietes arteriæ illi- sione immunem sibi finxit. Eundem motum *progressivum* vocant, eumque possis in frigidis animalibus oculis facile usurpare: eorum enim globuli sanguinei omnino secundum axin arteriarum, lineasve ad axin parallelas, rectissima directione procedunt ζ .

α L. II. p. 130. 131.

γ Prop. XXV. Boerhaave *du sang* p. 235, &c.

prælect. Acad. T. II. p. 286.

ζ *Memoire sur le mouvement*

§. VI. *Hujus motus velocitas.*

Hic ipse motus est , cujus velocitatem physiologi , & imprimis jätromathematici quæsi-
verunt, quoties cordis vires calculis suis subjicere
sunt conati *a*. Est tamen aliqua diversitas inter
mensuram velocitatis , quæ ad cordis motum
definiendum requiritur , & mensuram ejusdem
velocitatis , qua per arteriam fertur. Nempe
priores calculos ingreditur temporis ratio *b* ,
quo cor in systole versatur , quo solo nempe
tempore cor totam sanguine aortam perfluenti
velocitatem impertit. Hoc loco vero quærimus
mediam velocitatem *c* , qua sanguis per aortam
effluit , continuo flumine , lentius utique ,
quam in prioribus calculis, cum tempus nunc, quo
spatium priores per calculos inventum percurrit,
non sit unius systoles cordis , sed unius omnino
pulsus : eritque hæc velocitas tanto minor ea ,
quam prius invenimus , quanto systole cordis
brevior est tempore pulsus totius. Sed hæc
ratio , etsi eam definire vix possimus , tamen
subtripla , aut major est : cum diastoles tempus
systolen satis manifesto superet *d*.

Hanc emendationem si in *Keilii* calculos
introduxeris , pedes erunt 52 , quos sanguis
ex corde prodeuns , in uno minuto primo
per-

a L. IV. Sect. III. n. 42. seqq.

b Ibid. p. 454. edit. 1757.

c *Stæbelin de vi cordis* p. 8.
Sauvages de inflamm. p. 245.

d L. IV. p. 454. ed. 1757. Ad
quingagesimam partem redu-
xit J. R. *Stæbelinus* l. c. p. 17.
& III. *Schreiber* in *Almagesto*.

percurrit *e* ; si in *Halesianos* , erunt pedes paulo minus 50 *f*. In uno adeo pulsu , positis pulsibus unius minuti 75 , erit celeritas ex prioribus calculis pollicum octo in uno pulsu , ex posterioribus aliquanto minor.

Claudius Nic. le Cat , ad dimidium in secundo minuto pedem eam velocitatem reducit *f**. *Franciscus Boissier* , in nuperis calculis eamdem iterum diminuit. Auget enim ostium aortæ , uti monui , facitque , ex adulto homine diametri 10. 11. lin. *g* ita id ostium aortæ mediocriter extensæ ad lineas 126. 6 æstimat *h*. Deinde saltum *Halesianum* , tamquam ex ultimo conatu animalis productum , a 7 pedibus reducit ad 16 pollices , volumen vero sanguinis duabus unciis æquale , ad 4989. lin. quadr. *i* : ita redit iter ab unda sanguinis , in sano homine , de corde in aortam propulsæ , ad tres pollices cum parte quarta in toto pulsu : & si aliquanto plus sumferis sanguinis , ad uncias tres , erit etiam aliquanto minor velocitas. Denique systolen & diastolen cordis æquo tempore peragi , *Idem* auctor est *k* , ut adeo celeritatem a systole cordis natam vehementer minuat.

Si hos calculos cum celeritate sanguinis comparaveris , qua sub microscopio ranarum arterias perfluit , non adeo longe a calculis

e Conf. L. II. p. 450. proximus numerus *Morganiano* , qui vir 55 pedes in minuto primo percurri maluit. *f* p. 453. 454. *f** Diff. sur le mécanisme du mouvement des muscles p. 83. *g* Mem. de l'Acad. de Berlin 1755. p. 34. *h* p. 36. *i* p. 37. *k* In hæmast. p. 32.

recesserit observatio. Tanta enim in iis animalibus velocitas est, ut oculis globulos sanguineos per arterias sequi non possis, & in tempusculo vix adsignabili, eam *lineæ* fere longitudinem percurrant, quam possit campus metiri microscopii *l*. In pulmone ranæ, non per truncum, sed per ramos sanguis in $\frac{1}{1600}$ horæ pollicem perfluxisse creditur: quod tempus est totius pulsus fere tertia pars, atque adeo ea ex observatione in tantillo animale, cujus cor est ex minutioribus, velocitas sanguinis fere eadem esset, quæ in aorta hominis *m*. Saltus merito diminuitur. Fit enim ex arteriæ loco, de quo solo resistantia demta est *m*^{*}, multumque superat velocitatem naturalem *m*^{**}. Plura experimenta, de minoribus vasis alibi locum invenient.

§. VII. *Adfectiones aliquæ.*

I. *Motus per axin celerior.*

Cum sanguis ex corde expulsum neque totus axin possit tenere sui canalis, neque ejusdem indolis, ponderisque, particulis constet, non eadem cum velocitate omnes, de eodem corde expulsæ, particulæ incedent. Primumque in universum motus per axin ipsum aliquanto *n*, quam in lineis ab axi remotioribus,

l *Memoire sur le mouvement du sang.* exp. 67. 71. 81. 82. 84. 88.

m *Hales hæmastat.* p. 68.

m^{*} *Bellin de sang. miss. prop. I.*

m^{**} *In second mem. sur le*

mouv. du sang. Sect. VII. tot.

n Motus aquarum ad latera tardior est *Bernoulli hydrodynamic* p. 36. Conf. *Schreiber almag.* p. 244.

propiusque parietem positus, celerior est. Ad axin enim, qui moventur globuli, rectam lineam brevissimam tenent, secundum quam pressio cordis in promovendo sanguine operatur, & in qua adeo velocitas accepta, quoad ejus fieri potest, conservatur integerrima. Quare etiam in vivi animalis arteriis linea sanguinis, quæ axin tenet canalis arteriosi, aliquanto celerius progredi videtur o.

§. VIII. *Diversum momentum particularum diversi ponderis.*

Deinde, si in sanguine particulæ vehuntur non ejusdem innati ponderis, non dubium videtur, quin axin eæ teneant, quæcunque pondere proprio reliquas superant. Communis omnibus a corde velocitas impertitur, massa vero his particulis major est, & impetus adeo major, ut reliquas de rectissima linea, quam ex corde euntes sequuntur, suo robore p depellant. Ita, jam *Cartesius*, cum ex eodem sclopo plumbeos globulos & subereos exploderet, vidit lineam in axi sclopi in rectum eductam a plumbeo globulo teneri, ad latera vero spargi subereos.

o Exp. 134. & p. 264. *Remus* n XI. *Schreiber Elem.* p. 323.
 p. 43. in vena equidem; sed in *Sauvages sur l'action des médi-*
 arteriis eadem ratio valet. *camens* p. 26. & olim *Cartesius*
 habet etiam *Malpighi posthum.* de form. fet. p. 213.
 p. 92. *Bianchi hist. hep.* T. II. p *Schwenke hæmatolog.* p. 78.
 p. 283. *Rideux de secret. anim.* *Neifeld in primit. Polonic. de*
Walther in diff. ejusdem tituli secret. n. 130.

Video Cl. virum , nostrumque dum vixit , amicum *A. F. Waltherum* , huic diversitati parum tribuere ; quam a prima quaque arteriae contractione credit conturbari *p**. Sed eundem proxima diastole restituit.

Deinde , ex eodem experimento vis , qua ponderosior globulus feretur , major erit , quam vis , qua fertur globulus levior. Video coram *Petri Ant. Michelotti q* , & *Francisci Boissier r* , virorum clarissimorum contrariam demonstrationem , qui minorem celeritatem a graviore globulo recipi ostendunt , & in ratione quidem inversa , subduplicata densitatum , & lego nobilissimum virum *Rupertum Gherardi s* haec porro ornantem.

Globulus tamen ruber axin tenebit , & longius procedet , quam quidem particula aliqua ramosae figurae , quae sub majori volumine non plus habet materiae , quam quidem globulus , neque adeo perinde objectam quamcunque resistantiam superat *t*. Sunt enim resistantiae , ut quadrata radiorum , nempe ut superficies , massae vero ut cubi radiorum. Globulus ergo majorem molem resistantiae opponit & superficiem minorem. Ipsa cylindrus resistantiam experitur , quae est ad resistantiam objectam globulo , ut 3 ad 2 *v*.

Iterum ,

*p** De scarif occip. p. 9.

q De separat. fluidor. p. 120.

r Ad haemastatiks Cl. Hales
p. 43, 44.

s Del uso del mercurio nella
medicina p. 66.

t Irregularia ad littora pel-
luntur des Landes T. I. p. 107.

v s' Gravezan de n. 1918, seqq.

Iterum , ex eadem ratione , vehementius promovebitur globulus, quicunque major fuerit x . Is enim perinde sub eadem superficie plus habet materiei , quam ejusdem densitaris minor globulus , per eosdem notissimos calculos , qui superficies faciunt ut quadrata , massas ut cubos , ut impetus sint , uti radii y . Si globulus ex sex globulis minoribus compingitur , superficies ejus fere duplo minuitur z , viresque , si omnia eadem manent , omnino decrescunt a .

§. IX. Retardatio motus progressivi.

Ejus causæ.

Velocitatem diximus , qua sanguis ex corde sinistro in aortæ principium expellitur. Verum de ea velocitate perpetuo decedit aliquid , dum sanguis a corde recedit , eaque celeritas qua per minima vasa fluit , multo utique minor est , quam ea , qua ex corde primum exsiliit. Plerique physiologi , & princeps *Keilius* , retardationem sanguinis admiserunt , multumque in eo studio

x Globulus plumbeus major longius ab eodem scolpeto propellitur , quam minor ejusdem metalli globulus *Nollet leçons de physique* T. I. p. 226.

y *Hartsoeker cours de physique* p. 46.

z Erit nempe globulos major ad globulos minores

fuerint a & b . Ponendo $b = 1$ erit superficies globuli majoris

$\frac{3}{2} b b 3 = \frac{3}{2} 36$ quæ radix est inter $\frac{13}{4}$ & $\frac{10}{3}$ Sed sex superficies

minorum globulorum erunt $= 6 b b$ & $= 6$.

a *Pujati de morb. Narot.*

$\frac{3}{2} b b 3$. ad $6 b b$. si radii p. 109.

laboravit secta Jatromathematica , quo ea velocitatis sanguini impressæ diminutio ad numeros mensurasque definitas revocatur. Prius autem , quam clarorum virorum placita & proponamus , & expendamus una , removendæ nobis erunt de causis sanguinem retardantibus aliquæ , quæ cordi equidem obstant , & debent inter resistentias numerari , quas validissimum id organum superat , ita tamen , ut sanguinis per arterias fluentis velocitatem vere non minuant c.

§. X. *Pondus incumbentis atmospheræ.*

Totum utique corpus humanum premitur undique a gravi aere , cujus pressio eadem est , quæ foret ponderis aquæ , cujus altitudo triginta fere triumque pedum esset , basis vero quindecim pedum quadratorum , ea enim creditur corporis humani mediocris esse superficies. Ita nascitur enormis pressio , quam 34000 d , 35000 e , & 39000 f , fere librarum æstimant. Id pondus utique corpori humano grave incumbere , per experimenta ostenditur. Si enim de aliqua peculiari particula cutis humanæ , quocunque modo , aeris pressionem removeris , tumebit ea continuo , & rubebit , & insigniter sanguine replebitur. Causæ phænomeni est ,

c Lib. IV. p. 458. ed. 1757. *Wainewright & Sauvages des effets de l'air*.
d *Sauvages des effets de l'air* effets de l'air.
p. 7. nempe 34300 l. f Apud *Musschenbroeckium*.
e Accuratius hæc tradentur qui superficiem aliquanto majorem facit.
libro VIII. Lege interim Cl.

quod æqua vi ex corde expulſus ſanguis , preſſione ſua eas corporis animati partes extendat , a quibus ſolis vis diſtentioni oppoſita ablata eſt. Is vero effectus obtinetur admoto igne , quo aer alicui cutis particulæ circumfuſus ita vehementer rareſcit , ut pene inane ſpatium eum inter & inpoſitam , in exemplo , cucurbitulam naſcatur *g*. Ita pondus irruentis atmophæræ cucurbitulam quidem tanta vi ad cutis ſedem inani ſpatio ſubjectam adprimit , ut omnino adglutinari videatur : inter concavam vero faciem cucurbitulæ cutemque , ſpatium aere ſumme rarefacto plenum naſcitur , a quo ipſa cucurbitulæ adhæſio preſſionem atmophæræ avertit. Quare tota area cutis , quæ cavæ cucurbitulæ ſub eſt , nullam nunc ab atmophæra preſſionem patitur. Ea ipſa ergo cutis ſedes a ſanguine , quem cor impellit , diſtenditur , qua nihil reſiſtit , inque hemiſphærii ſpeciem in cucurbitulam adſurgit. Idem effectus ſequitur , ſi igne quidem abſtineris , cæterum ſiphonem cuti adplicueris , & extracto embolo feceris *h* , ut ſpatium aere vacuum cutem inter & cuticulam naſcatur. Non ideo oportet diſſimulaſſe , hæc experimenta etiam alia a cauſa fieri , quod nempe vis incumbentis in totum reliquum corpus atmophæræ , cutis particulam , ſolam a preſſione liberam , cogat eminere , eoque , tamquam ad ſedem

g Pecquet diſſ. anat. p. 68. *chan. touching the ſpring of the*
Bayle problem. XIII. Wolf air exp. 35. Senguerd inquis.
verſuche I. n. 139. exper. exp. 6.

h Boyle new exper. phyſ. me-

minime resistentem, humores impellat. Idem enim omnino effectus sequitur, sive intus novam prementem vim generaveris, sive resistentem extus potentiam abstuleris. Hinc cucurbitula cum igne etiam in cadavere *i* solitum incute tumorem excitat. Verum etiam hæc contemplatio pondus ingruentis in animale corpus atmosphæræ stabilit.

Eadem causa est elegantis artificii, quo *Papinus k* primum, deinde *Hombergius l*, aliique *m*, & noster olim *Stæbelinus n* coloratos liquores in vasa viscerum, porosque ovarum urgere docuerunt. Tubuli nempe latius ostium vasculo argento vivo, aut colorato certe liquore, plenum demergunt, angustum vero finem in arteriam ligant, quæ ad viscus pertinet, sub campana repositum. Educto aëre, pressio, quam id viscus solebat ab atmosphæra pati, aufertur, resistentia ergo tollitur, quæ introituro per canalem liquori obsistebat, & liquor sponte, ut videtur, ex vasculo in tubulum, inque omnia visceris vasa illabitur, eaque æque replet penitus, ut quidem vis emboli potentissime adacti replevisset.

Iterum pressionem aeris in corporis animati superficiem nitentis aqua imitatur, quæ in

i Pecquet p. 69.
k Gypso usus, apud *Birch*
hist. of the royal societ. T. IV.
p. 296. &c.

l *Homberg memoir, de l'Acad.*
Roy, des Sciences 1699.

m *Polycarpus Gottlieb Schacher* in *disp. de administr. anat.*
n Apud *Cl. Schinziun de calce* p. 35. Ipse vero ejusmodi ova, a claro olim amico *Stæbelino* dono data, possideo.

demersa sub profundum mare vascula tanta vi nititur, ut credita sit poros vitri pervadere, aut certe in optime clausas phialas viam sibi aperire, alias vero frangere visa sit o : inque urinatoribus, quibus aliquæ cutis particulæ p a pressione tutæ sunt, dum reliquæ sub 24. aquæ orgyis merguntur, tanta vi nititur, ut sanguinem de oculis, naribus, & auribus visa sit expressisse q , & cunei quasi in aures intrusi sensus nascatur q^* , & tympani denique membrana diffingatur q^{**} .

Verum hæc tota, ut immensa sit, aeris pressio nihil quidquam aufert de celeritate sanguinis circuitum vitalem obeuntis, & meruit pro causa auxiliatrice contractionis arteriosæ a magnis viris haberi r . Nempe aeris incumbens pondus resistit equidem dilatationi, quæ a cordis impetu omnes arterias dilatante sequitur. Sed paulo post, quando cor nunc laxum quiescit, premit eadem in arterias, earumque parietes ad axin urget, sanguinisque iter promovet, æmulum certe munus nacta fibrarum, quæ arteriam orbiculatim ambeunt. Non posse cerebri vasa depleri, quæ ab aere non premuntur, clari viri est observatio s , & omnino in cadaveribus hominum

o *Memoire de Trevoux* 1742.
 p Experimentum in femore
 fecit *Blasius Pascal de l'équilibre*
L. II. c. 2. n. 6.

q *Sauvages effets de l'air* p. 13.
Birch T. I. p. 392.

q^* *Phil. Transact. n. 349.*

q^{**} *Bonanni recreatio ment.*
 \S *ocul. p. 247. sed vide L. VIII.*
 Sect. III.

r *Pecquet* p. 74.

s *F. Quesnai de la saignée*
 p. 18.

ex frigore emortuorum sanguis in vasa encephali congeritur s*.

§. XI. *Pondus partium corporis humani , quæ arteriis incumbunt.*

Utique muscoli , & adeps , & cutis , aliaeque corporis humani partes , arteriis undique circumfusae , resistunt , dum sanguinis nova unda arterias dilatat , easque partes omnes possis pro pondere habere , quod a cordis vi , arterias distendente , elevatur. Facilius hoc pondus , certe obiter aestimamus , quando poplitem alterius pedis , pedis alterius genu imponimus. Ita arteria poplitea , hinc resistentem nacta alterni pedis patellam , inde proprii femoris ossa carnesque , hoc ipsum , & una impositum pondus centum & ultra librarum , alium nempe hominem genu acceptum , absque ulla difficultate elevat , quoties arteria poplitea , a sanguine de corde expulso in diastolen cietur. Magnum inde , ut priori libro ostendimus , cordis robur adparet , nam in omnibus arteriis eum nixum exercet , qui in unica tot libras elevat. Verum nihil inde velocitati sanguinis decedit ; nam paulo post , idem quod cor elevavit pondus , in arteriam decumbit , eam comprimit , & sanguinem una cum contracta arteria promovet.

s* Quelmatz de frig. effect. Rosen anat. bekrift p. 241.

§. XII. *Vis contractilis sive elater arteria.*

Enormis est , quam tot arteriae cordi opponunt , resistentia. Membranae robustae sunt , neque facile extensiles , adeo durae , ut aortam filo vix constringas , numerus arteriarum incredibilis , area major , quam quisquam fere aestimaverit , angustia in minimis summa , cum aucto parietum robore conjuncta. Et tamen hoc totum innumerabilium arteriarum systema , a velocitate sanguini impressa una dilatatur , & undique tumet. Totum enim corpus animale in cordis systole distenditur , & quasi intumescit *t*. Deinde in minimis potissimum canalibus arteriosis , unici globuli capacibus , unaque , ut alias repetimus *v* , fere robustioribus *x* , quo a corde remotiores sunt , omnium globulorum extimi diametri arteriarum latera contingere , & cuneorum fere modo distendere *y* dicuntur , non absque probabili ratione.

Verum etiam haec enormis , cordi utique objecta , resistentia paulo post viribus sanguinis motum promoventibus accedit , cum tantumdem procul dubio arteriae contrahantur , quantum paulo prius dilatatae fuerunt.

t Senac T. II. p. 200.

v Aqua , cui brachium immis-
sum , tumescit , quando
arteria micat , & vicissim sub-
sidet Birch l. c. T. II. p. 412.

x Ex Cliftono Wintringham
vide T. II. p. 73. Non ergo

magis flexilia sunt , neque
magis dilatantur arteriolæ mi-
nimæ . ut satis receptum est ,
& a Francisco Boissier Viro
Clar. pronunciatum de pulsibus
p. 8. conf. p. 27.

y Vide n. 14.

Caeterum ex hac arteriarum vi, qua cordis motui resistunt, similia fere eorum phaenomena explicantur, quae modo proposuimus. In pediluviis, aut vaporariis, tepor, subrepensque per cutis poros aqua, arteriarum, venarumque parietes laxat, ita cordis dilatantes vires auget, dum aufert resistantiam. Vidit Cl. *Gautier* in ranis vasa ita dilatata, ut duos globulos nunc transmitteret, quod unicum admiserat *z*. Ergo eam corporis humani partem magis, quam reliquum corpus, communis cordis impetus dilatabit, totusque artus & tumebit *a*, & rubebit. Non ideo sanguinis per eum artum motus aut acceleratur, aut expeditur. Cum enim calor humidus vim contractilem vasorum minuat, tantumdem aufert de viribus in arteriarum systole sanguinem promoventibus, quantum viribus addit, quae in diastole operantur. Hinc laxato vasorum robore, sublata adeo aliqua ex causis sanguinis motum promoventibus *b*, a pediluviis pedum oedemata nascuntur, & augentur. De pondere aquae in pediluvio cutem urgentis hic omitto dicere, cujus omnino minor, quam vis laxantis aquae, est efficacia. Sed neque caloris in sanguinem recepti vim contemplor, qui utique non in submerso artu, sed in toto corpore hominis sanguinis motum accelerat *c*.

z *Observ. T. III. p. 408.*

a *Henkels. bethesda p. 126, 127.*

b *Schvvenke haematol. p. 76.*

c *Henkel ibid.*

§. XIII. *Figura mutatio.*

Aliquanto plus veri est in hac causa, quæ sanguinis vires retardare dicitur. Utique enim, & fusius hæc describentur *d*, sanguinis in arterias impulsus impetus flexiones omnes mutat, & partem arteriæ cordi propiorem ultra partem remotiorem protrudit *e*, angulumque flexionis reddit acutiorem: arterias una in majorem & amplitudinem & longitudinem producit *f*, & hætenus vis a corde accepta in his mutationibus consumitur, tantumque decedit motui progressivo, quantum in arteriarum figuris mutatur. Hæc enim omnia & in vivis animalibus vidi, & injectio, quam vocant, arterias manifesta reddit, inque serpentinos flexus contrahit. Deinde responderi potest, paulo post, in arteriæ systole, flexiones omnes in priorem brevitatem redire, angulum flexionis increfcere, arteriæ axin in se ipsum reduci, & hanc ipsam restitutionem sanguini impulsione eam reddere, quam arteriarum membranæ sibi sumferant. Est tamen aliquid in hac arteriarum mutatione, quod vere de velocitate demit. Frictio nempe, cum mutata elastici, durique systematis vasculosi figura, plurima conjungitur: sed frictio, uti notissimum est, in omnibus machinis majorem partem impensæ celeritatis destruit. Quare de hac retardationis causa liceat repetere *g*.

d n. 20.*e* Mem. sur le mouvement du sang Exp. 46. 56.*f* Exp. 48. 57.*g* n. 23.

§. XIV. *Veræ causæ retardationis in motu sanguinis progressivo subnascentis.*

Sequitur autem , ut eas causas consideremus , quæ vere velocitatem a corde acceptam diminuunt. Primo loco eam enumerasse liceat , quæ fit a dilatato tubo arterioso , sive a lumine trunci minori , quam sunt conjuncta lumina ramorum.

Rem , ut in anatome arteriarum descripta est , proposuit *Guilielmus Cole b* , indeque deduxit , sanguinis circulationem retardare , quæ circa cor nimis rapida sit. Ornatius *Keilius* modestam quidem trunci ad ramos rationem sibi sumpsit , quæ potius infra veram sit , nempe 10000 ad 12387 *i* , numerosas vero divisiones adoptavit triginta *k* , quadraginta *l* , & demum quinquaginta *m* , unde retardationes sanguinis enormes sequuntur , in ratione nempe ad nascentis aortæ celeritatem 615. 5233. & 44307. Deinde in mesenterio aliam rationem velocitatis primæ ad ultimam dat , uti 5261. ad 1. Denique per venosas mesenterii radículas sanguis , secundum Cl. virum , ea fuit celeritate , quæ est ad nascentis arteriæ mesentericæ celeritatem , uti 1. ad 14613 *o*.

b Digress. de secret p. 97.

i L. II. p. 78. de velocit. sang. p. 46. experimento a femoris arteria sumto.

k Keil ibid.

l Arbitrariis calculis usus. }

m Ibid.

n De secret, anim. p. 88. 89. 93.

o p. 93.

Magno cum plausu hæc theoria fere ab omnibus physiologis *p* hujus seculi recepta fuit, neque calculum suum penitus negavit *Petrus Antonius Michelottus q*, non perinde cæterum *Keilianarum* hypothesium fautor.

Longe aliam rationem secutus est nuper Vir Cel. *Franciscus Sauvages r*. Ex ratione nempe 10000 ad 10274, aortæ nempe ad suos ramos, primum progressus *s*, posuit arteriolas rubras minimas unius globuli rubri capaces esse: diametrum ergo habere $\frac{1}{1940}$ pollicis æqualem *t*, hinc calculis positis reperit, divisiones intercedere 23 inter ultimam arteriam, primamque *v*, numerum vasorum minimorum in ea divisione esse 4,603,000 *x*, eorumque conjuncta lumina aortæ lumine una tertia fere parte latiora, cum id lumen pollicis æquale sit, lumen vero ramorum conjunctorum $\frac{1518}{1000}$ pollicis æquet *y*. Cæterum non supra divisiones 15 in mesenterica arteria ad venas usque reperit *z*.

p Archibaldus Pitcarne, de secret. n. 217. Franc. Boissier modo quo cibi alterantur n. 8. de inflammat. p. 219. Schreber Joh. Tabor Exerc. III. (Sed is & Man de inæqual. celest. utique minorem rationem sang. &c. Principium ubique trunci ad ramos fumsit.) Thomas Morgan philosophical principles p. 121. 123. mutatis etiam idem ponunt, in numeris differunt.
q l. c. p. 99.
r In Memoir. de l'Acad. des Scienc. de Berlin pour l'année 1755.
s p. 44. Ex Keilio de secret. anim. p. 87.
t Ibid.
v p. 44. 45.
x p. 45.
y p. 45.
z p. 42.
Augustinus Fredericus Walthus de sanguinis accelerat. ac retardat. *Josephus Sylva* de la saignée p. 112: *Antonius Fixes* physiol. conspect. p. 46: *Cl. Orlovius* de motu sanguinis per arterias & venas n. 45: *Cl. Butler* of venæsection p. 12. 13: *Bryan Robinson* Essays on animal æconomy p. 63. 65. prop. X. &c. *Jer. Neifeld* de

Ego vero, ut ab anatome principium faciam, non credo aut trunci ad ramos rationem, aut divisionum numerum definiri posse. Illa quidem in magnis ramis parva est, & fere sesqui altera *a*, ut summa luminum ramorum pro 3, lumen trunci pro 2 haberi queat. Sed ea trunci ratio videtur eundo augeri, ut omnino in minimis, unius globuli vasculis ratio luminis trunci ad ramorum lumina dupla sit *b*. Adeoque in minimis ramis contraria ratio obtinet, ejus, quæ in majoribus dominatur. Deficit autem experimentorum fides, qua definiatur, quot divisiones magnam trunci ad ramos rationem habeant, quot parvam, neque lex nota est, qua hæc ratio ita diminutum.

Sed neque numerus divisionum notus est. In humano corpore, ab aorta orsus, numeravi ad retis usque arteriosi in convexitate intestini positi ultimas conspicuas fissiones, divisiones omnino 20, quibus aliquot divisiones adjecisse æquum fuerit, cum ultimas arterias unius globuli oculus noster non adtingat. Si nunc ratio sesquialtera constans foret, esset in vigesima divisione ratio trunci ad ramos, uti potentia vigesima numeri 2 ad potentiam numeri 3, sive uti 1048576. ad 3, 585, 218, 301, quæ ratio ad istam redit; 1 ad 3420. Verum ex iis calculis retardatio, perinde ut in *Keiliano*, nimia sequeretur, & etiam major fieret error, si plures divisiones admiseris.

a L. II. p. 157.

b p. 158.

Et in univcrsum , quo minorem trunci ad ramos mediam portionem sumferis , & quo plures divisiones feceris , quo majorem denique sumferis arteriam capillarem , eo major emerget luminis ramorum ad lumen trunci ratio. Ipse vir clar. eodem loco , patentiores in visceribus arteriolarum fines recipit *c* , & expeditiorem inde per viscera circuitum *d*. In mesenterio demum rationem ramorum 5200 ad truncum facit arteriæ mesentericæ sedecuplam *e* , valde certe a priori diversam. Ad numeros vero rem reducere , omnino præcociis videtur consilii , neque in anatome fundamentum habet.

In calculis Clarissimi *Boissier* statim adparet , gratuito arterias minimas omnes sumtas esse unius globuli capaces , cum & in *Leeuwenhoekianis* experimentis *f* , & in meis *g* denique , multæ arteriolæ minimæ plurium globulorum diametro sint. Quo plures autem globulos admiseris , eo magis ramorum ad truncum ratio crescet. Manifestum vero est , minimam arteriolam , & ab aorta remotissimam esse , quæ in venulam continuatur. Ut videatur hæc trunci ad ramos portio infra veram esse.

§. XV. Inde omnino sanguis retardatur.

Ex hydraulicis notissimum est *h* , celeritatem

c *Boissier* l. c. p. 43.

d p. 49.

e p. 42.

f Conf. L. II. p. 181.

g Ibid. p. 446.

h *D. Bernoulli hydrodynamic* p. 87. conf. p. 276. & *Petri v. Musschenbroeck Institut. physic.* p. 326. *Essais de physique* p. 391. *Boerhaave Prælect.* ad n. CCXII.

liquidi in cono inverso , cujus sectiones continuo majores fiunt , continuo decrefcere , & in fingulis ejus coni sectionibus celeritates femper effe in ratione luminum , ut tanto minor velocitas fuperfit in dilatati coni qualibet fectione , quanto ea fectio lumen coni liquorem recipiens fuperat. Neque difficile eft perfpectu , unde haec celeritatis diminutio proveniat. Paucae nempe particulae fluidi celeritatem , in angufto lumine acceptam , nunc in ampla fectione in plurimas particulas diffundunt , ut multas ab unica particulas propelli necesse fit ; inde vero aequum eft exspectare , numerosiorum particularum fingulas retenturas eam velocitatem , quae fit ad velocitatem ejus particulae unicae plures impellentis , ut numerus particularum ad unitatem.

Hinc in canale amplo , qui cum angufto canali communicat , velocitates funt in utroque canali , in ratione orificiorum inverfa *i*. Hinc in vafe ramofo , per cujus truncum & ramos aqua a vi emboli agitur , etfi ramorum lumina summam trunci lumine majorem conftituunt , tamen de ramis omnibus nihilo plus effluit , quam de trunco *k* , etfi ampliores funt , & in ramis dilatatis , in experimento , celeritas effluentis liquidi decrevit *l*. Hinc , cum ejusmodi systematis ramofo unicus ramus dilataretur , velocitas in

i Orlov. de motu sang. per arter. & venas n. 35.

celeritas eadem fupereffet *Fr. Boissier de l'inflamm.* p. 219.

k Adeoque in ramis aqua lentius fluit , majori copia effluxura , fi in ampliori ostio

l Bryan Robinson *Essays on animal economy* p. 65.

toto systemate decrevit *m*. Hinc in tubulis, quorum diametri erant 372. 185. & 90. sive fere 8. 4. & 2. aquæ eodem tempore effluentis quantitates fuerunt 179. $33\frac{1}{2}$ & $6\frac{1}{8}$, minor nempe pro portione celeritas canalisi latioris *n*, & angustioris major. Hinc aliquo ramorum obturato aquæ copia augetur, a 100 ad 109 *n**. Ita in tubis duris & inanimatis res se habuit.

Sed etiam in corpore animato aliqua experimenta existant, quæ confirmant, eandem etiam in hoc tuborum genere legem obtinere. Ita manifesto vidi, in aneurysmatibus, sive natura ea generasset *o*, sive arte ea aliqua produxissem *p*, sanguinis certe celeritatem in arteriæ parte dilatata, memorabili ratione diminui. Vidit eadem Cl. *Spalanzanus*. Neque alia procul dubio causa est, cur & in meis experimentis *q*, & in clarorum virorum *r* numerosissimis adnotationibus, aneurysmata fere fornice polypofo & grumoso obducantur, inque cavea aneurysmatis sanguinis coagula constanter reperiantur.

Vidi vero, ex eadem ratione, sanguinem

m Ibid. p. 80. 81.

n Ibid. p. 31. 32. 33.

*n** *Sauvages de pulsu* p. 22.

o *Memoire sur le mouvement du sang* Exp. 88. 92. 101.

p Exp. 93. 94.

q *Opuscul. patholog. obs.* 4. 19.

In vivis animalibus Exp. 97.

Conf. Cl. *Boissier* l. c. p. 127. in *Hales hæmæstat.*

r *Fanton* ad obs. 1. p. 2. *Morgagni advers. anat.* II. p. 81.

Valisnieri T. III. p. 198. *Lancisi* de corde & aneurysm. p. 232.

251. 258. *Comm. Acad. Petrop.* T. III. p. 401. 402. *Histoire de l'Acad. des Sciences* 1721. p. 31.

Memoire de l'Acad. 1707. 1724. *Eph. Nat. Cur.* vol. X. obs. 39.

Mauchart de pulsu crepitante. In aneurysmate arteriæ popliteæ sanguinis grumosi libræ

sedecim *Matani* de aneurysm.

p. 139.

sub aneurysmate iterum accelerari s, & angustiores tubum celerius a globulis paucioribus percurri. Vidi denique, cum truncus ramum emitteret angustiores, celeritatem in eo ramo majorem fuisse t.

Ex istis manifesto sequitur, sanguinis per arterias fluentis velocitatem in aorta quidem maximam esse, in prima jam divisione minui, & magis & magis in repetitarum divisionum minoribus furculis decrescere, donec in minimis arteriarum finibus minor supersit. Quanta vero portione diminuatur, tunc demum intelligemus, quando constantem legem cognitam habebimus, qua lumina ramorum trunci lumen superant, & quando arteriarum minimarum mediocris diameter rectius definita erit; atque adeo numerus divisionum a trunco aortæ ad minimam arteriam certis in numeris expressus notusque habebitur.

§. XVI. *Frictionis vis retardatrix.*

I. *A vasis longitudine.*

Potentissima causa retardatæ velocitatis, qua ex corde sanguis expellitur, est utique frictio, sive adtritibus particularum fluidi contra asperam
super-

s *Memoire sur le mouvement du sang* Exp. 80. 49. Negavit ita fieri Cl. *Vandelli* epist. l. p. 68. quem miror fidem negare meis experimentis, cum sibi fidem haberi postulet.
t *Exp.* 72.

superficiem internam canalium, quos id fluidum percurrit, quo præterea omnem consumptionem celeritatis acceptæ referimus, quæ plurima fit in mutatione figuræ canalium & particularum adeo exigua discessione, quæ eos canales constituunt. Ea frictio in canalibus aquilegum maximam potestatem exercet, sive lignei fuerint, sive metallici, sive terrei: efficitque, ut de ultimis tubulorum ostiis multo minor in dato tempore aquæ quantitas effluat, quam quidem ex castelli amplitudine, & ex aquæ per lapsum adquisitione celeritate, licebat expectasse. Non debet autem certa mensura recipi portionis celeritatis, quam a frictione liquor quicumque amittit. Hæc enim omnia ex levore vel asperitate vasis, ex figura & longitudine, ex rectitudine & flexione ejusdem, ex visciditate aut limpидitati fluidi, ex celeritate impressa, & ex ponderibus incumbentibus mille modis alia fuit aliaque.

Ut liquidior sermo fiat, quatuor minimum modis frictio profluentium aquarum celeritatem frangit. Ergo ipsa longitudo tuborum, etiam amplorum, & cylindricorum, tamen frictionem auget, cum confrictam superficiem, asperorumque punctorum numerum augeat, contra quæ elementa fluida adteruntur *v.* Hinc aquæ duc-

v Nollét leçons T. 1. p. 231. 236. 249. 253. Franc. Boissier in *Memoire de l'Academie des Sciences de Berlin* 1755. p. 47. Qui a superficiei frictionem non augeri, sed esse in ponderis incumbentis ratione docue-

runt, ii de solidorum frictione unice intelligi debent, neque etiam eam frictionem recte æstimant. Frictio a duplicata superficie quarta parte aucta est, a duplicata pressione dimidia parte Nollét p. 253.

tibus prolongis aquæ celeritas maximopere minuitur, & aquæ transfluentis aut copia, aut saltus decrefcit *x*. In tubo mille ulnarum, in experimento, undecim duodecimis partibus minus de ultimo labro effluxit, quam ex calculis positis oportebat in dato tempore effluxiffe *y*. In systemate fuo tuborum reperit Clar. olim amicus noster *Bryan Robinson*, effluxus aquarum esse in ratione inverfa radicum quadratarum longitudinum tuborum *z*, in eadem nempe ratione, quam calculi postulabant *a*. Iterum, perinde in duris tubis minimeque dilatabilibus comperit *J. Adolphus Wedelius*, diminuta longitudine tubi, quantitatem effluentis aquæ augeri *b*. Denique in flexilibus tubis, ad animata corpora pertinentibus, experimentum fecit *Franciscus Boissier c*: in felis nempe intestinum tubulum adligavit; invenit, celeritates, atque adeo quantitates effluentis ex fine intestini aquæ, esse fere in ratione longitudinum inverfa, ut per intestini pollices 36 intra 1050 temporis partes ea copia aquæ exiret, quæ intra partes temporis æquales 350 ex intestini parte 18 pollices longa elaberetur, & intra 134 partes temporis easdem

x Mariotte traité du mouvement des eaux p. 492. edit. Belg. Musschenbroeck Essais de physique p. 389. Boissier Mémoire de Berlin 1755. p. 47. diss. sur la manière dont les medicamens &c. p. 25.

y J. Theoph. Desaguliers philos. transact. n. 393.

z Effluxus nempe fuerunt

175. 133. $97\frac{1}{2}$ ex tubis quorum longitudo erat 8. 4. 2. 1. c. p. 29.

a Helsham course of lectures p. 47. 227. J. Dom. Sandris de sanguine p. 24.

b De velocitate sanguinis a statu vasorum &c. n. 30.

c De pulsu p. 10.

de intestini particula non supra sex uncias longa, quem quidem experimenti cum calculis consensum admireris. Alibi idem vir clarissimus, decurtato tubo, cæterum æque lato, tamen copiam transfluentis aquæ augeri confirmavit, apertis vero ramis, de tubo adeo nunc longiori, minorem aquæ portionem prodire *d*. Hinc cæteris paribus, quo remotior quæque pars corporis est a corde, eo lentior est motus, eo promptius restinguitur; & ex ipsa ratione distantiarum a corde ostendemus, sanguinem in moribundis in pede primum, inde in femore, porro in abdomine, demum prope cor motum amittere.

§. X V I I.

II. *Ab angustia tuborum.*

Angustia tuborum, quos liquor percurrit, utique frictionem auget, deque celeritate demit, auget enim puncta contactuum liquoris ad parietes tubi sui, minuitque numerum particularum, quæ in latiori canale inoffensæ per liberum lumen canalıs transibant *e*. Dudum viderunt aquileges, ex tubo dupli luminis plus *f* aquæ fluere, quam ex duobus tubis, quorum lumen prioris tubi subduplum est, atque omnino

d *Memoire de l'Academie de* p. 39.

Berlin 1755. p. 47. 48.

f *Nollet leçons* T. I. p. 25.

e *Mariotte* l. c. p. 427. *Jurin* *Memoire de l'Acad. Royale des*

Philos. transact. n. 355, *dissert.* *Sciences* 1705. p. 275.

quadruplum aquæ fluere ex tubo, cujus lumen ad minoris tubi lumen se non penitus uti 4 ad 1, sed uti $\frac{15}{4}$ ad 1 habet g.

Porro reppererunt, in perangustis tubis incredibili fere portione vim frictionis retardantem crescere. In tubulo nempe, cui trium linearum diameter est, minuitur celeritas tribus totis decimis *b*; deinde in vase, quod eundo arctatur, aut in quocunque demum minori tubulo, aiunt, celeritatis diminutionem tanto majorem esse, hac prima diminutione, quanto vasis minoris diameter minor fuerit diametro trium linearum. Si adeo vas capillare diametri fuerit, quæ est globuli rubri, nempe non major quam $\frac{1}{1940}$ pollicis, quæ diameter est trium linearum pars 485^{ta}, erit etiam decrementum velocitatis in arteria minima ad decrementum velocitatis in arteria capillari, tantum, ut non supra $\frac{1}{1746}$ partem effluat ejus sanguinis, qui quidem efflueret, si hæc angustatio non intercederet; enormis ratio, neque incredibilis, notissimum enim est per tubulos vitreos, multo quam $\frac{1}{1940}$ pollicis laxiores, nulla fere vi liquidissimam aquam embolo pelli. Sæpe memini, & hic repeto, me anelliano siphone aquam quidem hactenus per tubulos argenteos subtiliores urfisse, quam primum vero ea aqua coloratas particulas receperat, nihil ultra secutum fuisse. Si nunc arteriam trilinearem comparaveris cum

g *Memoires* l. c. p. 277.

b *Sauvages in hamastatiks* p. 110. III. 41.

aorta, constabit etiam eam arteriam multum deceleritate amisisse, quæ in aortæ principio est, in tubulo ergo capillari, si hæc firma sunt, multo minorem, quam $\frac{1}{1612}$ partem velocitatis superesse, qua cor sanguinem expulit.

§. X V I I I.

III. *Frictionem auget celeritas.*

Quo velocius liquor quicunque canalem suum perfluit, eo plures in dato tempore particulae fluidi ad solidam tubi superficiem confricantur, eo ergo frictio major fit, quod est simplicissimum *k*.

§. X I X.

IV. *Et figuræ in vase mutatio, ob plicas.*

Dixi *l*, arterias quidem ex situ suo motas restitui paulo post dilatationem, inque ea restitutione fluidum vitale urgere, neque adeo vim totam perire, qua latera arteriarum distenduntur, & mutantur, & qua arteriae inflexae pars secunda a principio motus educitur & repellitur *m*.

k Musschenbroeck *essais de physique* p. 185. Desamontons *Memoire de l'Acad.* 1699. p. 260. Desaguliers *course of experimental philosophy* T. 1. p. 193. Resistentiam nempe vir Clar. æstimat, uti productum frictionis in tempus & velocitatem, Desamontons frictionem, ut pondus in velocitatem ductum.

l n. 12.

m Ant. Fizes de liene p. 116.

Magnam tamen partem motus accepti in mutatione minimarum particularum, quae canalem constituunt, perire, utique certum est. Mutationem vero, quae fit in flexione corporum, magnam cohaesioni minimorum elementorum vim inferre constat, cum ea sola, repetita, omnia aut solidissima, aut flexilissima corpora, paulo citius paulove ferius rumpantur.

Sed etiam in solidissimis & levissimis tubis curvitas celeritatem minuit, dum particularum fluidi in parietes illapsus, atque adeo contra minimas asperitates earum particularum confrictionem auget. In canale enim ad angulum rectum flexo, facile intelligitur, maximam partem fluenti recta illabi in secundi lateris gnomonis parietem ulteriorem. Additur, minores arterias magis serpentino ductu ferri *m*^{*}.

Quare, etsi in ejusmodi canalibus, liquidissimo humore plenis, nullam retardationem admiserunt viri clarissimi *n*, experimenta tamen ostendunt, utique etiam in his tubis, qui sint minimi, flexionem magnam partem acceptae celeritatis destruere. *o*. Datam aquae copiam rectus canalis transmittit intra tempuscula novem. Idem, aut aequalis canalis, quater flexus, 14 tempuscula requirit, ut eadem aquae copia perfluat, & 18, si octies flexus fuerit.

m^{*} III. Schreber de inæ- de inflammatione. J. Adolphus
qual. sang. in divers. vasis Wedel. in disp. de velocitate
celer. sanguinis.

n P. A. Michelottus l. c. o Hamberger l. c. p. 102.
p. 139. 140, Walther in progr. 103, 104.

Non ideo continuo oportet *Bellini* *p* calculos probare, qui vim plicarum in minuenda celeritate nimii fecit, & singulam plicam tantam de velocitate primigenia portionem demere adfirmavit, ut celeritas a plicae actione deleta, sit ad eam primigeniam velocitatem, ut unitas est ad plicarum numerum. Ita in canale quater millies octingenties plicato, celeritas est, secundum virum clar. ad celeritatem ejusdem tubi in rectitudinem exporrecti, uti unitas ad 4800. Hi enim calculi tum demum veri sunt, quando tota fluidi celeritas per plicarum repetitionem destruitur. Quare neque alterius clari viri *q* calculos sequimur, qui etiam majorem plicarum in celeritate destruenda rationem fecit, ut sex plicae duplo majorem velocitatis portionem destruerent, quam quatuor.

Aliud genus plicarum internum est, tum in arteriis, quarum facies interior rugis quibusdam plicisque exaratur, ut in arterioso pueri modo nati ductu, in arteria bronchiali, lienali, hepatica *r*; aut alias plicae nonnullae ad originem ramorum eminent *s*. Illae aliquam utique, hae vero parvam omnino frictionem excitare poterant, eodem fere modo, uti viae scabrities rotas magis, quam perfecta aequoris planities moratur.

Facile vero intelligitur, utramque retardationis

p De ferm. & glandul prop. XI. p. 161. 162. *Cheyne theory of the gout* p. 74. 75. *q* Neifeld de secret. n. 173.

r *Weiss de arter. viscer. prop.* & L. II. p. 130. *s* L. II. p. 131.

causam eo potentius operari, quo canalis plicatus minor fuerit. Eo minor enim erit numerus particularum, quae absque illapso ad parietes per canalem flexum transfluunt.

§. XX. *Ob figuram conicam.*

Alia causa retardationis, quae cum priori ad idem fere redit, est in figura conica, directa. Nam etiam haec figura facit, ut liquor in canalis parietes illabatur, eos distendat, eorumque ambitum mutet. Vel leviter enim meditatus intelliget, posse quidem totam massam sanguinis pro filorum serie haberi, qualia utique in animalibus frigidi sanguinis etiam oculos ostendere putamen. Deinde in singulo ramo arterioso, cujus amplius ostium admittit sanguinem, angustius emittit, reliquis omnibus aequalibus, absque illapso quidem exire filorum sanguinis numerum illius aequalem, quem minus ostium transmittit; reliqua fila omnia, quae anulo continentur, quo ostium minus a majori superatur, utique in parietem arteriae illabi, eumque conari distendere, donec lumen vasis minus lumini majori aequale sit *t*. Etiam ex ista causa aliqua pars celeritatis sanguinis primigeniae destruitur, est enim haec arteriae distentio vera flexio, ex breviori curva linea in longam magis. Hinc, si cylindro tubum conicum adpenderis, eo celerius

t Bellin propof. XXV. de p. 321. Fizes de liene p. 119. motu bilis Schreiber Element. Boërhaave ad n. CCXII.

evacuatur, quo iste tubus magis divergit v , eo tardius adeo, quo magis convergeret. Hinc cum in venam arteria per vulnus utrique commune pateret, ipsa arteria latior facta est v^* . Hanc speculationem addidi, veram, si arteria conica convergit. Verum curatior anatomæ utique detexit, arterias series esse cylindrorum, ad singulos ramorum exortus minorum v^{**} .

§. XXI. IV, *Ob majores angulos.*

Nunc ad angulos transimus, in quibus pariter sanguis retardatur, & pars ejus velocitatis perit, qua primum a corde prodiit. Velocitas a corde accepta optime conservatur in ea sanguinis arteriosi parte x , quæ per axin fluit, aut axi certe parallela manat, & ad quam vis motrix, parietum nempe cordis contractio, ad perpendicularum operatur. Sequitur ut tanto plus de ea velocitate pereat, quanto majori sub angulo, ad lineam per axin ducentem facto, sanguis e trunco arteriæ in ramos discedit, sive, fluida de fistulis, æque latis, & oblique erectis, & ex trunco exhibunt celeritatibus, quæ sunt in ratione perpendicularium linearum, quæ obliquas elevationes metiuntur x^* . Omnis enim motus obliquus potest in duos resolvi y , qui, in

v Bernoulli hydrodynamic.
p. 44. 276.

v^* Obs. of a soc. at Lond.
T. I. p. 340.

v^{**} L. II. p. 113.

x L. VI. p. 14. 15.

x^* Sandvis l. c.

y Conf. Helsham course of
lectures T. II. f. 4.

exemplo, erunt motus quidem progressivus, quo a corde sanguis recedit, alterque, quo secundum angulum quemcunque ab axi, & linea recta motus progressivi directrice, ad latus declinat. Ut enim hæc linea augetur, omnibus æqualibus, ita certe minuitur linea motus progressivi, sive spatium, quo eodem tempore sanguis a corde recedit. Simplicius adhuc, si sanguinem in hypothesi, vix quidquam diversa a vero, habeas pro globulorum catena, dubium non est, quin globuli a corde velocitate primigenia imbuti, longissime propellant globulos, qui in eadem linea recta jacent, & quos ad perpendiculum feriunt: minus vero longe propellant eos, qui ad angulum aliquem cum primis, motum impertientibus globulis, disponuntur, & ad quos isti oblique motum suum transmittunt, tanto minorem, quo est obliquior, & quo angulus lineæ directionis obliquæ cum linea motus progressivi recta major est. Minor enim erit velocitas anguli semirecti, minor recti, minima obtusi. In recto sola pressio lateralis superest, deleta pressione recta: in obtuso etiam de pressione laterali multum perit, cum lateralis pressio nunc obliqua fiat, secundumque angulorum cum linea rectum angulum intercipientem factorum augmenta lateralis pressio minuatur.

Etiam hanc retardationem rejecit avunculus olim noster *J. Adolphus Wedel* z, & effluentis liquidi eandem quantitatem in experimento

z De velocit. sang,

reperit , quocunque demum angulo ramus , in
systemate tuborum consentientium , a trunco
natus fuisset. Brevitas forte systematis hic in
vitio fuit. Cl. enim viri gener , quem etiam
libentius laudo , postquam graves mecum inimi-
citas exercuit , *Georgius Erhardus Hamberger a* ,
in simili systemate repetitis periculis reperit ,
majorem quidem celeritatem superesse in ramis
ad angulum acutum de trunco natis , minorem
in iis , qui angulum cum trunco rectum inter-
cipierent , minimam denique , in majoribus
inprimis angulis , si ad obtusum angulum ramus
prodiret. Sed etiam in fluminibus , aqua eos
ramos , qui ad angulos rectos obtusosve de præ-
cipuo flumine prodeunt *b* , detrectat subire.
Porro Cl. *Boissier* siphoni duos tubos vitreos
appendit , quorum alter erat in directione trunci ,
alter cum ea directione angulum intercipiebat.
Longius utique progressus est , migrante embolo ,
aqua quæ in tubum directum prodibat *c*. Inde
sequitur , in ramis minorem , quam in trunco
sanguinis velocitatem esse *d*. Soleo vero hac
occasione monere , ne projectilium corporum
consideratio admisceatur , quorum iter ex gra-
vitate , & ex motu trajectorio temperatur , & in
quibus angulus semirectus ad maximam distan-
tiam corpus motum promovet *e*. Motus enim

a *Physiol. Med.* n. 176. p. 105. & n. 328. diff. *sur la secretion en général* n. XI. n. 550. *Helsham course of lectures* n. 185. 186. *Musschenbroeck essais de physique* p. 221. &c.

b *Placentinus de venæ sectione* p. 66. *Birch* l. c. T. III. p. 100. experimento in globo facto , qualem *granatam* vocant , in quo tamen infra 45 gr. major projectionis favor fuit.

c *De l'inflammat.* p. 232.

d *Schreiber almag.* p. 245.

e *G. J. s'Gravezande Instit.*

projectilis mensuram aliæ, quam labentis liquidi, adfectiones ingrediuntur.

§. XXII. *Hæc ad corpus animatum transferuntur.*

Non defunt experimenta, ex quibus probabile fiat, etiam in animato corpore leges hydraulicas valere. Ita a longitudine vasorum retardationem nasci suadent aliqua, & alia demonstrant. Majorum animalium pulsus rari sunt *f*, minorum celeres, interque homines Ill. Archiattrorum comes *J. Baptista Senac g* pulsus proceriorum militum pauciores deprehendit, quam virorum minoris staturæ, quibus nempe brevior a corde ad carpum via esset *h*. Gigantissæ *Magrath* pulsus non fuisse supra sexaginta lego. Deinde arteriola exigua plus omnino fundit sanguinis, quando ex magno arterioso trunco prodit *i*, quam alia etiam latioris diametri arteria, quæ extremis membris propior nascitur. Quare non penitus immerito Clari viri, nostrique *k* inprimis amici receperunt, tardiores in sanguine motus esse, quo longius a corde recessum fuerit.

Sed ab angustia potissimum magnorum canalium magna retardatio merito expectatur, quæ

f Vide L. VI. Sect. III. n. 16. ed. 1.

g *Traité du cœur* T. II. p. 150.

h *Schwenke* l. c. p. 25.

i *H. Franciscus le Dran observat. de Chirurg.* T. I. p. 139.

k *Schreiber almagest.* p. 228. Negavit distantiam a corde,

& longitudinem arteriosi canalium, moram in sanguinis celeritate facere *Josephus Morland force of the heart* p. 20. 21. & *Morgan philosoph. princip.* p. 44. 45. rerum natura non satis recte explorata.

tanta est, ut nostra quidem vascula omnibus capillaribus tubulis minora sint, & per ejusmodi poros mechanica emboli vi, aut ponderis impulsu, liquorem aliqua cum celeritate promoverè nequeas.

Si enim minima vascula ponas aliquanto majoris esse luminis, quam est globuli rubri diameter, reperies aut non majora esse, quam $\frac{1}{1940}$ pollicis, aut omnino, ut ego quidem existimo, minora *l*. Inde intelligitur, quemlibet nunc globulum superficiei internæ canalis sui in omni flexu sui canalis adplicari, cum in majoribus vasis multa certe pars sanguinis inoffensa flexum superet. Deinde id fluidum, quod rubro sanguine subtilius est, utique plurima parte sui ad parietem sui canalis confricatur.

Si vero eousque hæc consideratio ornetur, ut sumatur, tota sua superficie *m* globulum minimum totam superficiem sui capillaris vasculi radere: si præterea addatur, adeo angustam per minima vascula viam esse, ut globuli rubri ne conservata quidem figura sua transitum inveniant, inque ovatas omnino moleculas transeant, quarum minor nunc diameter iter sibi per suum vasculum aperit *n*, facile quidem video, incredibilem frictionem nasci, si lumina minimorum canalium minora ponas maximis globulorum sanguineorum circulis, & eos globulos omnes toto maximo circulo suo, contra totos circulos luminum canalium minimorum incuneatos im-

pingere, atque eos parietes ita distendere ronas, ut figuram suam a resistentibus luminibus cogantur mutare. Augentur enim aliunde friciones, quoties corpora, quæ punctis solis se contingebant, nunc totis superficiebus se contingunt.

Verum eam figuræ in globulis mutationem nondum video ad eam evidentiam pervenisse, ut tuto theoriam superstruere liceat o, & quidem mihi semper hic nimii aliquid visum est, facitque, ne eam admittam, celeritas minime exigua, qua vidi eos globulos per suarum venularum angustos mæandros circumferri, cum omnino ab ea distentione angustiorum luminum maximam retardationem æquum foret expectasse.

§. XXIII. *Plicarum vis in corpore animalium.*

Si in duris & immotis canalibus aliqua plicarum & frictionum retardatrix potestas est p, erit multo major in canalibus flexilibus & elasticis, quorum figuræ ab illapso fluido vitali q omnino mutantur, inque ea mutatione pars motus progressivi consumetur. In unica equidem plica, arte facta, flexuve unico arteriæ venæve vivi animalis, non potui satis certo eam retardationem percipere r. Sed in animalibus

o L. V. p. 105. 106.

p L. VI. p. 36.

q Schreiber Almag. p. 228.

r In duobus experimentis

videbatur inde sanguis retardari Exp. 135. 182. in tertio neutiquam Exp. 136.

utique arteriæ non unica flexione incurvantur, quæ motus impressi exiguam particulam consumat : repetitæ & numerosæ sunt , & grandium truncorum flexiones *s* , & minimorum , plurimis locis , vasculorum , frequentiores tamen in utero , reneque. Ita , dum singula plica tantillum de velocitate demit , conjunctus multarum effectus utique majoris erit momenti *t*. Ita in epididymide minime obscurum est exemplum , argentum vivum , fluidissimum certe metallum , vi magna columnæ impendentis *v* , aut excitati , ut ego solebam , vacui spatii , impulsus , ægre tamen totam vasis unici , sed innumeris mæandris plicati , longitudinem relegere , & lentissime demum eo motu defungi , si omnino cauto labore eo urgeatur : aliud vero levius liquidum , aut coloratam aquam , nulla vi emboli eo adigi , ut ad caput usque epididymidis veniat. Hinc a retardato sanguine , flexæ , & contortæ arteriæ intumescere solent *a* , eaque serpentina figura in adulto homine augetur.

Sed etiam , ut in nonnullis experimentis meis , ita in aliis sæpe vidi , quantum etiam unica plica in motu per canalem aliquem retardando possit. Sæpe , dum coloratum sebum

s Maxime arteriarum , quæ partes adeunt , quarum variabilis est longitudo , lingualium , facialium , splenicarum. Vide L. II. p. 163. seqq.

t Quæ est Cl. *Monroi* enchei-

resis de *femin. duct.*

v Hæmorrhagias inde frenari *Hebenstreit.*

a De carotidibus , vertebralibus , splenicis *Comper Phil. Trans.* 280.

iniciebamus, id ut a brachio excluderem, cada-
veris infantini brachium unice super pectus
reponebam, ut acutus brachialis arteriæ cum
subclavia flexus fieret. Ita, quæ magno cum
impetu in extensum brachium irrumpit cera,
eadem a solo hoc flexu averfa, in brachium
ferri definebat. Ita umbilicales, grandissimæ
arteriæ, ob insignem, quem cum extenso
puero intercipiunt anfractum, continuo sangui-
nem desinunt suppeditare. Ita ab extensione
colli sola nata est apoplexia, cum sanguis cele-
rius in cerebrum ferretur c.

§. XXIV. *Vis angulorum.*

In repletionem vasorum, quæ siphone fit, &
cordis utique vim hactenus imitatur, quod
per arterias humanas liquorem qualemcunque
impellat, sæpe observatum est, eos ramos a
liquore neglectos fuisse, nihilque a communi
penu recepisse, atque adeo per ea vasa celeri-
tatem non solum fractam, sed omnino deletam
fuisse, quæ ad angulum retrogradum nascun-
tur d, ut in spinali arteria. Umbilicalium
truncorum, quos modo citavi, par fere est
ratio, cum certe contra propriam sanguinis
per aortam descendentis directionem, sanguinem
sursum revechant, etsi vere ad acutum angulum
de

c De la Condamine introduct, *historiq.* p. 102.

d Comper append. f. 28.

de aorta nascuntur. Deinde in vivo animale sanguinem celerius per truncum fluere, tardius, & pro magna portione, in ramis ad acutum angulum natis, viri in natura colenda exercitati est observatio *e*. Inter meas observationes sunt equidem *f*, in quibus sanguinis per ramum, quam per truncum velocior, motus fuit. Verum multa sunt, quae hunc eventum, praeter naturae consilium, potuerunt producere, ut libera anastomosis, in quam ramus se facilius depleret, aut vicinum vulnus. In alio certe experimento, cujus nullum, quantum novi, vitium fuit, sanguis per ramos ad acutiores angulos natos, celerius fluxit *g*, & constantiori flumine, quam in iis quidem ramis, quorum a trunco origo majorem angulum comprehendebat.

Ex hac caeterum angulorum contemplatione subtiliter olim deduxit *Georgius Martine h*, velocitatem in corpore humano, & in ramis cordi proximis, & in iis aequalem esse, qui remotissimo a corde loco pronascuntur: cum rami cordi propiores ad angulos fere rectos oriantur, in quibus velocitas frangatur, rami vero ultimi, & capillares, ad angulos peracutos prodeant, atque adeo de motu progressivo minimum amittant. Sed anatome huic speculationi minus favet, cum passim retia minorum vasorum ad varios omnino angulos dividantur *i*.

e Hales hæmæstatiks p. 67.

f Exp. 72. 93.

g p. 73.

h De animalib. similib. p. 187.

Tom. IV.

Cheselden anatomy of human body Edit. VI. p. 195,

i L. II. p. 163.

Aucta sanguinis celeritate , perinde ut in tubis inanimatis , etiam in animalium vasis frictionem augeri , atque adeo hactenus febrem sibi ipsi remedio esse , non improbabilis est conjectura , cum & theoriae consentiat , & in febribus hujus frictionis manifesta vestigia adsint , plus nempe terrae per urinam egeratur , & sedimenta aqua graviora nascantur *k*. Febrem vero sibi esse remedio ita intelligendum est , ut de nimio impetu , quem sanguinis a corde accepit , plus quam in naturali sanguinis itinere , per frictionem dematur , quae una cum celeritate sanguinis aucta est.

§. XXV. *Aliæ causæ retardationis.*

Resistentia quam sanguis in ramis experitur.

Sunt præter has conditiones , velocitatem primigeniam destruentes , animato corpori & inanimatis tubis communes , aliquæ , quæ corpori animali peculiares sunt. Ita ipsa repetita ramorum in animali divisio , retardationis genus efficit , cujus extra animal exempla rara sunt. Minime etiam dubium est , quin frictiones ramorum celeritatem minuant , qua trunci sanguis evacuatur ; ramorum enim plicæ efficiunt , quod efficeret pars luminis clausa *l*. Nam , ut semel repetam , quanta portione trunci celeritas per

k Vide interim Cl. B. Langrish *flammat. n. 15.* Bernoulli *hydro-experimenta modernæ præctice. dynam. loco ult. cit.*

l Conf. Fr. Sauvages de in-

Sect. I. IN RAMIS RESIST. ANASTOM. § I

ramos minuitur, tanta portio luminis trunci potest pro clausa haberi. Sed ea quasi obturatio motum progressivum retardat; & in lateralem pressionem convertit. Truncus ramosus, cum uno ramo apetto dedit uncias aquæ 29 cum dimidia, omnibus apertis uncias 36 cum $\frac{5}{8}$ l*.

§. XXVI. *Anastomoses.*

Arteriarum anastomoses hactenus sanguinis motum adjuvant, quod periculum obstructionum minuant, cæterum non possunt non inter causas esse, quæ sanguinis celeritatem minuunt. Sæpiissime enim, etiam majores arteriæ, contrario perfecte ductu sibi occurrunt, inque unicum canalem abeunt, cujus duæ sunt sanguineæ columnæ, utraque a corde projecta, quæ in medio arcu contrariæ sibi obnituntur. Ita in arteriis mesentericis, mesocolicis, Willisii circulo, arteriis recurrentibus cubiti, ulnæque, arteriis epigastricis & mammariis, arteriis intercostalibus & dorsalibus, & alibi, innumeralibus in corpore humano locis, inque capillarium denique vasorum per totum corpus animale dispersis retibus, arteriæ contrariæ in unum truncum coalescunt *m*. Non potest autem fieri, quin contrarii sanguinis torrentes, in se invicem nixi, aliquam partem celeritatis suæ sibi mutuo destruant, neque eam exiguam, cum sanguis eo elatere destituatur, qui in collisione obviatorum

*l** Robinson I. c. p. 66.

m L. II. p. 167.

sibi corporum durorum amissam ab ictu mutuo velocitatem regenerat. Sed etiam in vivo animale hos contrariarum columnarum ictus vidi *n* fatis sæpe vividos. Ita, paulo alio modo, sanguis etiam in venis minoribus, quæ in majorem se inmittunt, a torrente majoris trunci repulsus de sua celeritate amittit *o*. Insignis iste anastomosium effectus, nondum, quoad nunc memini, a quoquam scriptorum anatomathematicorum consideratus fuit. Fuit, qui eum effectum rejecit, quod globuli sanguinei elastici sint. Verum is elater cum magna duritate conjunctus nondum demonstratus est, neque ab indole pingui globulorum expectari potest.

§. XXVII. *Sanguinis viscor.*

Minime vero negligere oportet potentem utique causam retardationis, quæ est a sanguinis visciditate. Neque enim dubium est, quin sanguinis fluida natura a solo motu progressivo sustentetur *p*, cum in homine, & in aliis animalibus, majoribus *q* etiam magis, sanguis suis ex vasis emissus continuo, & intra brevissimum temporis spatium in solidam gelatinæ naturam

n Second Memoire plurimis locis. In eodem trunco *Exp.* 95. 129. 137. 153. 154. 154*. 155. 157. 171. 173. 174. 178. 180. 183. 187. 188. 190. Nihil interest, quod aliqua horum experimentorum ad venas pertineant, In contrariis per anastomosis conjunctis vasis vide *Exp.* 132. p. 58. Sed plures obss. aliis sub verbis latent. *o* *Exp.* 137. 145. *p* Conf. L. V. p. 28. seqq. *q* Ut in equo *Birch history of the Royal Society* T. IV. p. 292.

cogatur. Nunc si motus sanguinis progressivus intercedit, ne is vitalis liquor coeat, necesse est ejus motus partem ab ipsa ea visciditate consumi, cujus effectum motus progressivus destruit, sive, ut simplicius rem exponamus, ejus motus partem in dimovendis a se elementis sanguinis, aque vi adtractili absumi, qua ii globuli in mutuos contactus nituntur, & quam motus progressivus superat. Experimentis enim constat, motu sanguinis in vivo animale languente *r*, aut destructo *s*, globulos continuo, amissa, ut videtur, sphaerae figura coire: eisdemque iterum solvi, prioremque distinctorum globulorum figuram recuperare, quando motus restitutus est *t*. Deinde notissimum est, & in frigidis animalibus vulnera arteriarum liquore rubro, alba circumdato nebula, continuo claudi *v*, qui compactus rimam arteriae obducit, utique non fluidus, cum vulnus obturet, cordisque resistat impetui, & in canibus grandiorum etiam arteriarum vulnera a coacti cruoris grumo sanguinem fundere prohibeantur *x*.

Negavit equidem rationem hujus visciditatis haberi debere, acris olim ingenii vir *Georgius*

r Exp. 93.

p. LXVII.

s Exp. 6. 7. 18. 19. 60. 93. 155.

v Exp. 153. 154. 157. 160. 161. 163. 166. 167. 170. 171.

t Exp. 6. 7. 18. 155. Qui hunc eventum nuper negavit

176. 177. 178. 180. 182. 184. 187.

Vandellius, ex repetito experimento procul dubio nobiscum reconciliabitur *Epist.* I.

x *Sauvages* in *Hales* p. 43. *Saviard* exp. 61. conf. L. V.

p. 34.

Erhardus Hamberger y. Verum vel sola injectio anatomica facile ostendit, quam magna ratione facilius aqua pura per corporum animatorum vasa urgeatur, si cum tardo aliquo viscidoque liquore, cera, sebove, comparaveris.

Alia adhuc ratio est, qua viscida liquores motum progressivum sanguinis debilitant. Nempe ad fuorum canalium parietes & sanguinis globuli adtrahuntur, & lymphatica gelatina. Illud quidem phænomenon sæpe vidi, ut contra proprium pondus ad parietes etiam exteriores arteriarum globuli rubri retinerentur z: & dissecta arteria, foramine mesenterio inflicto, tamen sanguis ad circulare lumen discissæ arteriæ retentus defluere negaret a. Hinc, nam etiam huc priora experimenta redeunt, in parvis animalibus hæmorrhagiæ vix oriuntur, quod majori vi sanguis ad arteriarum parietes adtrahatur, quam quidem a corde depellitur b. In mytulis sanguinem, quem aliqua vascula effuderant, alia reforbent c. Sed etiam grandium arteriarum, aortæque interiori faciei adeo potenter grumi sanguinei adhærescunt, ut huic arteriæ pro membrana sint, ejusque in substantiam, quam vocant, omnino transeant d.

De lymphæ sæpe & repetito monui, eam

y *De cordis diastole* n. X. conf. L. IV. p. 442. ed. 1757.

z *Exp.* 90. 98. 198. 216. 219. 220. Ita palpebræ interjectum liquorem adtrahunt *Sauvages physiol.* p. 176.

a *Exp.* 210. 211. 212. 213. 214.

b *Kruger physiologie* n. 201.

c *Hales hæmastat.* p. 96. *Schwenke* p. 27.

d *Opuscul. patholog. obs.* 19.

albæ nebulæ specie medios in rima arteriolæ venæve læfæ globulos ambire *e*, & venæ parieti adeo adhærere, ut nihil quidquam effluat, cum deterfa ea nebula continuo torrentis ad modum fanguis de vulnere erumpat.

Hæc cæterum adhæfio *f* in minoribus tubulis, etiam inanimatis, inque omnibus fluidis notis conftanter dominatur. Argentum vivum fluidiffimum, ad leviffimum barometri vitrum, vehementer trahitur, ut capillares tubos omittam. De anellianis tubulis monui, fed hoc loco expedit repetiiffe, aquam equidem, quæ minus vifcida fit, emboli vi de anguftiffimis canaliculis expelli poffe, coloratum vero liquorem retineri, neque hoc iter abfolvere poffe, quod craffiores proculdubio particulæ canali vehementius adhærant *g*.

Nunc fi fanguis arteriarum canalibus avet adhaerere, neque tamen in vivo animale fanoque adhaeret, minime dubium eft, quin hæc potentia a contraria potentia deftruatur, eamque viciffim deftruat, partemque adeo progressivi fanguinis motus occupet aboleatque.

§. XXVIII. *Ergo fanguinis per arterias minimas fluentis celeritas minor eft.*

Menfura hujus decrementi.

Ex iftis caufis, & ex aliis, fi quæ forte

e L. V. p. 219.
f Eam inter caufas motus fanguinis varii fcriptores pofuerunt v. g. Neifeld de fecret, p. 85. 86. De vafis lacteis affirmat Whytt phyfiol. eff. p. 74.
g Simile experimentum habet Stephanus Hales hæmafth. p. 150.

meam diligentiam fugerunt, vulgo consentitur, minori in minimis vasis, quam in truncis, celeritate sanguinem circumferri: & in universum celeritatem in minimis vasis tanto minorem superesse, quanto quaevis arteriola minor est, & a corde remotior. Ita lentum in vasis capillaribus sanguinis motum esse, primus forte insignis olim naturae cultor *Johannes Swammerdam* *h* monuit: sed etiam *Antonius de Heide* *i* in vasis capillaribus prius, quam in trunco sanguinem stagnare, sua per experimenta reperit. Porro *Henricus Mibles* *k* in majoribus canalibus ranae sanguinem torrentis modo ruere, in minoribus rubros globulos, aliquo intervallo distinctos, lentius se insequi, non adeo dudum retulit. Magnam rationem hujus retardationis esse, quae tamen calculis erui nequeat, graviter pronuntiavit *Petrus Antonius Michelottus* *l*: & vasa capillaria lente a sanguine perflui *Petrus Senac* *m*, & *Hermannus Boerhaave* *n*, & alii auctores consenserunt. Addit *Cl. Stevenson*, globulum rubrum aream microscopio subjectam, exilem utique & unius forte lineae, intra octo & decim demum pulsus percurrere *n*^{*}.

§. XXIX. *Qui mensuram aliquam proposuerint.*

Propius accuratam rationem primigeniae velo-

h In corollar. ad diff. de respiratione.

i Exp. 8.

k Phil. Transact. n. 460.

l Separ. fluid. p. 99. 100.

m T. II. p. 26. seqq.

n Praelect. ad Instit. rei Med.

n. 221.

n^{*} Essays of a Societ. at Edimb. T. V. P. II. p. 821.

citatis ad diminutam illam , inque minimis vasis superstitem , exploravit *Jacobus Keilius* o , unica equidem retardationis causa usus.

Deinde *Stephanus Hales* , sanguinem in vasis musculosis ranæ intra minutum primum duas, non plus , tertias pollicis partes percurrere , adeoque 646^{ies} p tardius fluere , quam ex corde humano exeuns sanguis , se vidisse putavit : multum equidem non a nostris unice , sed ab *Antonii v. Leeuwenhoeck* q experimentis diversus. Iste enim Vir , in observandis utique naturæ phæ-nomenis & solers , & multa expertus , in anguilla sanguinem intra unum pulsum , aut $\frac{1}{72}$ minuti primi , decimam quintam pollicis partem percurrere , atque adeo pene quinque in minuto primo pollices superare , calculis positis scripsit , quæ celeritas est ad *Halesianam* ut 15 ad 2. Cum vero rana multo vividius , quam anguilla sit animal , & intra idem tempus plures habeat pulsus , adparet , in rana etiam sanguinem plus quam quinque pollices percursum.

Alia etiam ratione in definiendo hoc decremento usus est idem ingeniosus auctor *Stephanus Hales* r. Metitus nempe aquæ pondus , quæ dato tempore de ostio trunci arteriæ mesentericæ efflueret , eam quantitatem cum ea aqua comparavit , quam omnia intestina dissecta reddunt : ita enim credit exprimi aquæ quantitatem , quæ per omnes ramos arteriæ mesentericæ apertos

o p. 174.
p *Hæmæstatiks* p. 68.

q *Exp. & contempl.* p. 196.
r *Ibid. Exp.* 9. p. 54.

dato tempore fluit. Eam rationem Vir Cl. tripla non majorem reperit. Deinde, cum arteria mesenterica, ut ingens sit, tamen aortæ sit ramus, inque nascente aorta celeritatem majorem esse facile persuadeamur, rationem celeritatis in aorta, ad celeritatem in arteria mesenterica reperit ut *I. 17.* ad *I.* Denique liquorem aortæ injectum in venam adeo lente trajecisse experiundo comperit, ut intra quadraginta minuta prima non supra sesqui pollicem progrediretur *s.*

Multum ab eo viro diversus *Bryan Robinson* celeritatem in aorta, ad velocitatem in vasis minimis superstitem æstimavit, ut *1100* ad *1 t.* Cl. vero *Robertus Whytt*, cujus intererat celeritatem a corde acceptam vehementius diminuere, ex *Keilianis* calculis globuli sanguinei momentum a corde acceptum negat superare duplum pondus globuli *v*: deinde, considerata frictione, probabile existimat, momentum a corde acceptum globuli rubri in arteria capillari minus esse, quam globuli *x* pondus, nempe omnino eum globulum promoveri non posse.

Iterum vir Cl. *Franciscus Boissier* ex carotidis trunco aperto intra æquale tempus novem partes effluere reperit, ex ramis autem carotidis majoribus non supra septem *y*. Deinde in duobus æquæ molis canibus hanc arteriam mesentericam disseccuit, inde, intestinis dissectis ramos ejus

s p. 122.

t *Of food and discharges* p. 18.

v *Physiological essays* p. 10.

x *Ibid.* p. 16. 17.

y *De pulsu* p. 22.

arteriæ plerofque : tunc aquæ quantitatem comparavit , quæ per truncum mefentericum , & quæ per ramos efflueret , & reperit effe uti 20 ad 12 : atque magis demum exquisita ratione , cum truncus daret partes aquæ viginti , ramos primos vidit dediffe partes 16 , ramos tertios partes tres , intestina ipfa partem unicam.

Porro idem vir Clar. rem eandem de integro nuper adgreffus est *a* , diminuto divifionum numero , & ratione ramorum ad truncos reducta , deinde in arteriis quidem minimis fanguinem unica tertia parte minus , quam per aortam velociter fluere *b* , fluidum vero transpirabile 7,854,000 lentius , quam de corde fanguinem moveri pofuit *b**. Quorum priora quidem ab antiquis Cl. viri placitis valde diffident , cum nostris vero mire conveniunt , quæ paucos ante annos edidi *c*. Addit denique vir Cl. aliam , aliamque in diverfis corporis animati paritibus celeritatem effe , faciliusque per viscera fanguinem fluere , quam per mufculos , cum parum aquæ ex arteriis in venas per carnes tranfeat *d*.

Supereft , ut exploremus , quid ipfa nos natura doceat , & quæ caufa fit erroris reliqui. Dudum equidem *Malpighius e* , cum dicat , sæpe fe vidiffe , in truncis arteriarum celerius quam

a De inflamm. n. 17. p. 247. *physiolog.* p. 85.

a In *Mem. de l'Acad. des Scienc. de Berlin* 1755.

b p. 47. Idem tamen eodem fcripto tantum motus confumit , ut in venis plusquam $\frac{4}{9}$

celeritatis in corde adhibitæ superesse non poffint.

*b** p. 46.

c In *Mem. sur le mouvement du sang.* editis a 1756.

d p. 49.

e *Posthum.* p. 92.

in ramis sanguinem moveri, utique innuit, in aliis experimentis, non celerius motum fuisse. Porro legimus apud *Antonium* v. *Leeuwenhoeck* ^{e*}, infinitis fere locis, velocissimum in arteriis venisque motum se vidisse. Eo quidem testimonio minime abutemur, cum facile intelligamus, velocitatis mensuram esse percurra spatia: atque adeo si feceris, ut ea spatia majora videantur, efficere te utique, ut celeritas major adpareat, & sexagies major, si lens vitrea diametrum corpusculi sexagies majorem repræsentaverit *f*.

§. XXX. *Quid experimenta doceant.*

Ad experimenta ergo accessi, quæ in pullis ovo contentis utique institui possunt, in frigidis vero capta hæcenus valent, ut a majori calentium bestiarum corde velocius sanguinem projici memores simus.

Ergo vidi, neque lentibus vitreis convexissimis minimisve usus, in minimis, & capillaribus, & unico globulo patentibus venis, sanguinem celeriter moveri *g*, ut fugitivos globulos vix oculus sequatur, quando per flexuosos minimarum venularum anfractus alternis quasi undis procurrunt, & situ, & fulgore perpetuo alterne micant. Facile vero dederit æquus rerum arbiter,

^{e*} *Contin. arcanor. natur. made easy* p. 63.

p. 131.

^g *Exp.* 129. 122. 124. 125.

^f *Poliniere cours d'experience* 126. 127. 128. 132. 138. 143. *Baker microscope* 144.

per venulas minimas non majori, quam per arterias, celeritate sanguinem moveri, cum venosus cruor suum ab arterioso impetum habeat.

Non ignorabam, esse qui idipsum objiciunt *h*, quod adeo nuper monui, velocitatem nempe vitrea lente adhibita augeri. Ergo eam ipsam in minimis vasis fluentis sanguinis celeritatem cum ea comparare institui, qua per vasa majora manat. Facile enim adparet, & in magnis vasis & in parvis, pro eadem portione celeritatem per vitrorum convexorum usum increfcere. Quæritur autem unice ratio celeritatis, quæ in magnis vasis obtinet, ad eam celeritatem, quæ in parvis superest. Ratio autem duarum quantitatum non mutatur, quando utraque per eundem numerum multiplicatur.

Ergo, quantum absque micrometro ejus fieri potuit, contuli celeritatem, qua sanguis per majores arterias fluit, cum ea, quam in minimis vasculis arteriosis, venosisve sibi servat. Deinde comparavi etiam constantiam motus, qui in magnis, & motus, qui in parvis vasis conservatur. Vidi, sincerus, nullique subrepenti systematis amori serviturus, non raro equidem celeritatem in minoribus vasis minorem, quam in grandioribus *i* arterijs fuisse: & motum in iisdem, inque venarum unius globuli capacium reticulato opere, citius cessasse *k*, dum in ma-

h Cl. Jampert in disp. de *i* Second Memoire sur le mouvement du sang. p. 262.
causis incrementi p. 16. *k* Exp. 65. 72.

ioribus subsistebat. Sed etiam in venis, quod alio loco dignius repetetur, minoribus sæpe æque celeriter, quam in majoribus truncis, inque venis sæpe æque rapide, ac quidem in arteriis sanguis circumfluit. Venæ vero minimæ eas causas omnes expertae sunt, quae sanguinem in arteriis retardant *l*.

Sed contra alii fuerunt eventus, in quibus celeritas in utroque vasorum genere aequalis *m* fuit: fuerunt denique multa exempla, & celerioris in minimis venulis fluenti, & demum constantioris *n*, ut omnino tunc in minimis vasis motus superesset aliquis, quo tempore in aliis majoribus & vicinis nullus superaret. Parvum etiam discrimen esse, quo velocitas sanguinis truncos percurrentis sanguinem per ramos fluentem superat, *Spalanzani* repetito experimento docuit: in que ipsis venis alias aequalem celeritatem vidit arteriae suae, alias parum minorem, ut per systolen cordis arteriae superare viderentur, per diastolen venae. Neque dissimulari debet, ut certo plicae videantur sanguinis motum tardare, in venis tamen teneri pulmonis animalium sanguinem expedite fluxisse *n*^{*}.

Cum minoribus animalibus majorum phaenomena contuli. Saepe nempe incisus canum aliorumque animalium arteriis, expertus sum, de

l Exp. 65.

m Exp. 62. 68. 72.

n Exp. p. 262. Vidit etiam
Cl. Schwenke p. 67.

n^{*} *Spalanzan.* p. 59.

exiguus vasculis multo vehementius sanguinem exsiliisse, adque majorem altitudinem, & longiorem distantiam saltum continuasse, quam quidem recepta theoria permetteret. Sunt exiguae arteriolae, quas mammariarum internarum truncus generat, & quae passim de costarum intervallis ad musculorum carnes feruntur o qui eas costas elevat, graciles etiam in homine trunculi, quarta parte lineae non latiores, ut in catello vero etiam intra hanc mensuram subsistant. Ex istiusmodi arteriolis vidi, ad tres pedes & pollices quatuor in priori experimento p, in altero ad sex pedes q pollicesque totidem sanguinem in catellis profiliisse. Sed ex arteria iliaca, tanto latiori, sanguis non supra tres pedes in Keilii r experimento exsiliendo relegit, quem ex theoria exspectares, longe majorem parabolam descripturum, quam minutae illae inter costas arteriolae. Sed ipsarum venarum sanguis arteriosus similes saltus nonnunquam edidit r*. Carotidis arteriae saltum ad septem pedes Cl. Frairiot aestimat.

Cum itaque in vasis minimis sanguis velocitas minus decreseat, quam quidem eae causae videntur admittere, a quibus sanguinem diximus retardari s, superest, ut inquiremus, quaenam causa subsit, cur aliter effectus se

o Iconuum anat. fascic. VIII. p. 65. 66. & in Fascic. VI. Habet & etiam Cl. Kuhnbaum de respir. Ultraj. 1754. p. 11.

p Exp. 43.

q Exp. 42.

r De vi cordis p. 56.

r* De salvatella Linden select. p. 579.

s n. 13. ad 28.

habeat, quam causae polliceantur. Potest autem minor esse causarum retardantium efficacia: potest novus aliquis motus sanguini accessisse, postquam ex corde projectus est: aliam causam erroris dari posse non video.

§. XXXI. *Quae minuant retardationem.*

De ea retardatione dixi, quae non potest non oriri ab aortae arteriae ramis latioribus. Saepe animo meditatus, aliqua demum reperi, quae hanc retardationem minuant, quae tollant non inveni. Cum rami aortae primi, qui de arcu nascuntur, aorta majores sint t , cum eorum ramorum quisque, quemcunque tibi sumferis, & in exemplo carotis, denuo duobus suis ramis minor sit v , externa vero carotis iterum lumen conjuncto ramorum lumine minus habeat x , vides, dudum antequam ad angustissimos canales divisio processerit, habere Te canalem angustiorum, qui aortae truncus est, immissum in canalem latiorum, qui est summa ramorum aortae. Neque eam rationem esse eam quae 3 ad 2 y , sed longe utique majorem, vel ex ramis trium primarum divisionum aortae adparet, quorum ad truncum ratio constanter sesquialtera est, & quod excedit z .

Id

t L. II. p. 153, 157.

v Ib.

x p. 157.

y Sauvages Mem. de Berlin
l. c. p. 45.

z L. II, p. ib.

Id tamen minuit omnium ramorum conjunctam ad truncum rationem, quod in minimis & capillaribus vasis ea ratio multo minor sit. Et omnino ostendimus *a*, truncum penultimum ramis minimis satis memorabili ratione majorem esse. Hic ergo lex priori contraria obtinet, & rami trunco minores sunt.

In retibus enim: si truncus in duos ramos finditur, frequentissime etiam duo rami in unicum truncum venoso more confluunt, qui, per legem venis scriptam perinde & arteriis, minor erit suis ramis, unde nascitur. Ut adeo pars arteriosi systematis a corde remotior potius diminuatur, quam crescat, aut certe, si duo vascula unius globuli in unicum duorum globulorum trunculum confluxerint, post eam divisionem canaliculus arteriosus non minor sit, quam fuit ante divisionem.

Si nunc animo expenderis, vasorum in humano corpore multo maximam partem minutam esse, atque capillaris generis, adparebit, in maxima parte vasculorum animati corporis aliam obtinere legem, quam eam, ex qua retardatio nascitur. Inde sequetur, hanc quidem ob causam, in majoribus truncis arteriosis sanguinem retardari: sed eam retardationem in minimis, contra quam creditum est, iterum minui.

Frictionem non possis penitus refutare, sunt tamen quæ minuant. Plurimum enim per expe-

menta *Petri v. Musschenbroeck b* de frictione demitur, quando per politissimam superficiem fuorum canalium liquor labitur. Nihil autem nostris arteriis levius est.

Etiam globosa figura glebularum sanguinis frictionem minuit, quæ puncta contactus cum parietibus quam paucissima admittat *c*. Porro mitior motus mollisque adpulso sanguinis videtur frictione lenire, si a frigidis animalibus ad calida analogiam transferre licet. Sæpe vidi globulos in canalium fuorum arteriosorum *d* & venosorum *e* parietes, & divisionum calcaria illabi, semper vidi absque vortice, absque impetu in eos parietes ferri.

Quin longitudo de celeritate demat, minime dubitari potest, indeque repetimus, quod pedum & minor calor, & major œdematis metus, & per frigus adurens prima gangræna sit.

Angustiam vasorum minimorum, quam *Jacobus Keil* ad $\frac{1}{20000}$ pollicis æstimavit, nos ad summum eam reperimus, quæ globulum sanguineum facile & absque frictione transmittat. Sæpe vero majorem, & plurium globulorum diametro æqualem *g* experimenta demonstrant in arteria, quæ in venam transit.

Minuitur ita aliquantum vis frictionis, ut tamen mirari possis, non majorem in experimentis reperiri.

b *Instit. physc.* p. 175. 141. *Schreiber Almagest.* p. 236.
Nollet leçons de physique T. I. *d* *Exp.* 69. 70. 82.
 p. 231. *e* *Exp.* 125. 131.
c *Langguth de arteria ab officio cordis æmulo remota* p. 31. *g* p. 446.

Plicarum vim retardatricem probabile est insignem superesse. In vivis tamen animalibus microscopium eam potentiam non confirmat; ut neque coaguli efficaciam. Conica vero figura unice, si ularum, certe majorum arteriarum est, cum minima vascula, aut unius globuli capacia, aut in venas recurva, aut alioquin non ramosa, omnino cylindrica sint *b*: unde incurfus fluenti in vasorum parietes utique magna portione minuitur *i*.

Id autem celeritatis decrementum, quod a viscida natura sanguinis nascitur, non videtur refutari posse: neque adtractio ad canalium parietes nulla videtur.

De diversa celeritate sanguinis in diversis corporis humani partibus alibi locus erit dicendi. Neque tamen interim dissimulo, me in anatomicis injectionibus, expeditum omnino in artubus ab arteriis in venas transitum reperisse.

Cum adeo, omnibus sollicitè pensitatis, & rejectis, quæ minus firma admista fuerunt, causæ tamen celeritatis diminutæ multæ, & potentes supersint, neque tamen pro earum ratione celeritas in minimis decrescere videatur, neque erroris causa vera sit indicata, non videtur hætenus problemati esse satisfactum.

§. XXXII. *Novæ velocitatis causæ non veræ.*

Superest, ut ad causas novæ celeritatis con-

b L. II, p. 112. 113.

i Stæbelin de pulsu p. 4.

fugiamus , quæ præter vim cordis sanguini accessit. Ejusmodi causæ variæ propositæ fuerunt , nos vero ab iis incipiemus , quas oportet , tamquam alienas a vero eliminare. Fuerunt , neque aut incelebres viri *k* , aut parvæ auctoritatis , qui ab ipsa angustia minimorum canaliculorum celeritatis in vasis minimis incrementum sperarunt. Vulgari , ut videtur experimento nituntur , qui hanc hypothesin proposuerunt : infundibuli nempe , conive cavi , cujus amplius labrum aquam recipit , angustior vero tubulus emittit. In ejusmodi canali utique velocius per angustius ostium aqua erumpit , & in univ ersum fere *l* tanto velocius , quo latior fuerit aquæ in castello superficies , quæ in aditum canalıs recipitur , inque exeuntem gurgitem nitetur. Verum sufficiat monuisse , arteriam quidem *m* aliquam unicam ejusmodi tubum esse , si cum aorta comparetur. Summam vero luminum vasorum minorum , de qua quæritur , lumine aortæ ampliorem , adeoque canalem arteriosum inversum infundibulum esse , quod per angustius ostium aquam recipit , & emittit per amplius.

Subtiliter Cl. *Jurin* *n* olim impetum sanguinis in vasis a corde remotioribus adeo non

k Bazzicaluove theor. tumor. Prop. I. Frid. Hofman. physiol. quæ medicinæ systematicæ primus tomus est , p. 112. Olim Gualtherus Charleton triplo celerius in arteriis , quam in corde sanguinem fluere scripserat , quod earum lumen triplo esset

angustius three lectures p. 28.

l Schelhammer de pulsuum axiom. III. Bernoulli hydrodynamic p. 112.

m L. II. p. 112.

n *Jurin* de aquis fluentibus p. 40. 47.

minui docuit, ut augeretur, inque venis denique, quam in arteriis major esset. Simpliciter utique utebatur ratiocinio, sanguinem arteriis contentum habebat pro una columna, cylindro v. c. cujus basis in corde, longitudo a corde esset ad venas. Eam columnam datam velocitatem a corde accipere, majorem adeo impetum nasci, si eo velocitas in majorem massam ducatur. Verum, etsi vere omnino velocitas in lumen ducta, in aquis fluentibus impetum facit, non tamen sequentur, quæ postulat Cl. *Jurinus*, si velocitas sanguini impressa in majori ratione decreverit, quando longius a corde receditur, quam quidem longitudo columnæ sanguineæ increvit o.

§. XXXIII. *Vis ponderis.*

Num pondus sanguinis aliquid in circuitu adjuvando aut accelerando possit, est dispiciendum. Non defuerunt Cl. viri *p*, qui sanguinem per continuum arteriarum venarumque tubum, tanquam per bicurvam canalem fluere posuerunt: inde vero sequetur utique, ut gravitas sanguinis per arterias delapsi, cogat sanguinem adscendere per venam cavam, tanquam crus alterum incurvi sanguinei tubi.

Non alienum est ab experimento, ponderis aliquam in mutanda sanguinis celeritate potesta-

o Dudum contra hanc hypothesin dixit *Thomas Morgan* in *philosophic. principles* 78.79. *p J. Dominicus Guilelminus, J. G. Kruger physiolog. n. 104.*

tem esse. Nemo ignorat, venosum sanguinem, & cum eo vaporem resorbtum, difficilius a pedibus ad cor redire: hinc oedemata, collecti nempe vaporis massam, omnium prima in pedibus reperiri, hinc varices in cruribus stantis haruspiciis subnasci: hinc aquosos tumores decumbentis corporis solo situ dissipari, ut crura ex notissima observatione, per diurni situs effectum, sub noctem tumidissima sint, redeunte vero mane eadem surgenti sint gracilissima. In debili femina *q*, diuturno in morbo, sanguis ad id latus adeo vehementer incubuit, quo pondus ducebat, ut omnino mors inde, suppresso sanguinis reditu, sequeretur. A decubitu in brachium, amisso sensu, gangræna celerrima successit, ut mumixæ simile membrum misera circumferret *r*. Jugularem venam latiore fieri, & cum ipsa foramen ossi occipitis & temporum insculptum, in eodem latere, amplius patere, in quod solitus fuerit homo caput in somno deponere, ab accuratis dissectoribus observatum est *a*. In situ supino sanguis in cerebrum congeritur, per arterias enim facilius subit subtracta ponderis resistentia, per venas tardius redit, demto auxilio gravitatis *b*. Periculose sanguinem in venam cavam inferiorem subito irruere, quando aquarum hydropicarum comprimens pondus per paracentesin ablatum est, dudum est ostensum.

q Storche Krankenwärterin
p. 64.

r Heuermann chir. oper. T. I. mare p. 10.

p. 36.

a In L. X. ostendetur.

b Conf Bond of the night-

Demum eam vim ponderis in vivis animalibus multa per experimenta confirmavi. Vidi sanguinem venosum celeriter ad cor redire, & per totum venarum mesentericarum systema expedito fluente ferri *c*. Inverti mesenterium & vidi, cum nunc intestina loco inferiori essent, sanguinem venosum & in reditu retardari, & neque infrequenter demum, omnino contra naturæ legem a corde in mesenterium relabi, venasque intestinales congestum distendere. Restituto vero favore ponderis, ut intestina certe corde non humiliora essent, continuo venas mesentericas iterum evacuari, suumque cordi sanguinem reddere experiebar.

Eadem tamen experimenta me docuerunt, in arteriosum vivi animalis sanguinem parum omnino, aut nihil quidquam *d*, sanguinis gravitatem posse: neque iter a corde ad extremos vasorum fines aut a consentiente pondere accelerari, aut a contraria vi gravitationis ulla conspicua portione retardari. Simillima horum Cl. *Spalanzanus* vidit, favente pondere velocitatem in pullo auctam fuisse, qui ovo continetur; & vicissim alias celeritatem a ponderis resistantia diminutam. In minimis etiam vasis discrimen vix percipi posse *Idem*.

Sed neque in vivo homine aliqua, in arteriosi sanguinis motum, ponderis potestas esse videtur, de quo solo hic sermo est. In capite

c Exp. 204. 206. 208. 212. 218. 222.

d Exp. 88. 208.

enim , quo sanguis contra proprium pondus adscendit , primus rubor , facilior sudor , & arteriarum pulsatio , & exanthematum & hæmorrhagiarum familiaris sedes est : in pedibus , quo sanguis per aortam suo ex pondere labitur , omnia contraria reperimus , primum frigus , gangrænæ initia , hæmorrhagias vix unquam ullas , neque alia , nisi sanguinis tarde moti testimonia *e*.

Tubi bicipitis comparisonem excludit vasorum minuties , & ramosa natura , quæ arterias cum venis conjungunt , quorum frictio tanta est , ut nunquam aqua , qua arteriam repleveris , ex sola vi ponderis in venas transeat *f*. Nam etiam per aortam arteriam , pondus aquæ per carotidem impulsæ , in tubo crurali , magnæ utique arteriæ , inmisso , non potuit aquam in æquilibrio sustinere *g*.

§. XXXIV. *Vis nervorum.*

An nervorum vis in sano atque tranquillo homine aliquid in promovendo sanguinis itinere possit , inquiri nunc oportet. Suspicionem certe

e Confer , si videtur , quæ contra hanc ponderis in adjuvando sanguine potentiam scripserunt Cl. viri *Pécquet* *dissert. anat. c. 6. Aug. Frid. Walther de sanguinis accelerat. & retard. Josias Weithrecht Comm. Acad. Petropol. T. VII. p. 284. seqq. Franc. Quesnai de la saignée p. XV. XV.*

f Conf. contra hanc theoriam , quæ Cl. *Josias Weithrecht* habet l. c. p. 288. 293.

g Quando nempe columna 4 pedum & 7 pollicum immittebatur , aqua in altero tubo subsistebat ad quatuor pedes , & pollices quatuor *Hales hæmast. p. 142.*

huius potentiae non leuem excitat magna adfectionum animi in mutanda sanguinis velocitate potestas. Ira *b* pulsus frequentiam *i* incitat, in facie manifestum calorem, & ruborem, & hæmorrhagias, & labiorum tumorem producit, in ipsa bile *k* motum celeriore præcipitat, ut per intestina manifesto effundatur. Contra terror *l*, & subitus maximusque mœror pulsum humilem reddit, & ægre conspicuum, & frigus, & pallorem, & animi deliquium, & denique mortem subitam, non raris in exemplis, adeoque perfectam & durabilem sanguinis quietem efficit.

Præter animi motus aliæ etiam nervorum adfectiones pulsum, adeoque sanguinis motum aut incitant aut retardant. Dolor & inflammatio cujuscunque in corpore animato particulæ, pulsum durum reddit celeremque, qualis est in pleuritide. Pulsum a dolore a 86 ad centum *m* in minuto primo auctum, proprius de pulsu auctor observavit. Magis auget pulsum membranifarum *n* partium dolor, quam viscerum, ubicunque nempe sensus acutior fuerit. Olim a *spina* pulsum accelerari *Helmontius* auctor fuit *o*. Circulatio sanguinis velocior sequitur inflammationem, uti pruritum unguium scalptio,

b Schwenke hæmatolog. p. 64.

Stæbelin de pulsu p. 17. &c.

i Ab 80. ad 104. *Floyer* physiciens *pulse-watch* p. 91. Defe-
nescente ira ad priorem nume-
rum redierunt.

k *Pechlin* in obff.

l Conf. *Comment. nostr. in prælect. Boerhaav. T. IV. p. 446* seqq.

m In L. VI. Sect. II.

n *Schwenke* p. 66.

o *Blas human. n. 28.*

apud *Franciscum de Sauvages*. Denique peculi-
liares topicosque in arteriis motus a vi stimuli
nasci Ill. *Johannes a Gorter* proposuit *p*, & glandu-
larum nervos liquorum iter inhibere, etiam
si cordis impulsio manserit, *Carolus Malouin q*.

Cum adeo certa exempla esse crederent, in
quibus nervosum imperium sanguinem regit,
eo proniores fuerunt Cl. aliqui viri in eam
opinionem, qua recipitur, etiam extra animi
emoti turbas, vim nerveam celeritatem san-
guinis aut augere, aut minuere vicissim.

Sed etiam de modo cogitatum est, quo nervi
sanguinem per arterias incitent, tardentve.
Ill. *Archiater s* a liquido nerveo arterias con-
stringi, easque rigescere, & earum elaterem
augeri, docuit, inque ira sanguinis motum
incitari, uti vicissim in paralyti sanguinis motus
debilitatur. Deinde eosdem nervos minima
vascula constricta tenere existimat vir Ill., ne
quidquam sanguinis transeat, exemplo hysterici
frigoris *t*, & ad cor potius, ipsas per arterias,
sanguis refluat. Denique animi adfectus ipsum
cor arctare probabile putat, ut tenue sanguinis
filum inde prodeat *v*. Ita porro a spasmo venosas
obstructiones, deteriores arteriosis, deducit
Franciscus Quesnai x, & in spasmi hysterici
arterias carotides venasque jugulares tumidissimas,
& corpus demum maculosum vidit nuperus
auctor Cl. *Matanus y*.

p Chirurg. repurg. p. 98.

q Des solid. & fluid. p. 63.

s Senac du cœur T. III. p. 170.
208. *Quesnai de la gangrene*
p. 330.

t p. 170. 208.

v p. 534.

x Des fièvres p. 212.

y De aneurysm. p. 110.

In vivo demum animale *Malpighium* legimus vidisse, motum sanguinis interruptum ab enata convulsione restitutum fuisse z, quale quid etiam ipse putavi me vidisse a.

§. XXXV. *Laquei nervei.*

Propius etiam alii clari viri b ad mechanis-
mum interpretandum accesserunt, quo nervi
sanguinis iter regant, neque adeo, ante hos
triginta tres annos c desperavi, aliquanto
magis cominus hic ad naturam accedi posse,
neque illustres viri defuerunt, qui meam expo-
sitionem admitterent. Reperiebam nempe,
manifestius, quam ante me factum erat, &
copiosius: plerosque truncos arteriosos per nervo-
rum discedentium, iterumque unitorum, quasi
laqueos transire: exempla numerosissima inve-
niebam, in aorta, & subclavia dextra, quas
quasi hamo susceptas nervus recurrens com-
plectitur d: tum in utraque subclavia, quam
perfecta ansa e nervi intercostalis in suum gan-
glion thoracicum supremum redeuntis intercipit:
in vertebrali arteria f, quam alii ejusdem trunci
rami ambeunt, in temporali g, meningeae

z *Posthum.* p. 92.

a *Exp.* 227. &c.

b *Willis de cerebro & nervis*
p. 121. ut tamen ipse propriam
hypothesin antiquaverit. J.
Baptista Bianchi histor. hepat.
p. 22.

c *De nervorum in arterias*

imperio Gotting. 1744. & in
T. II. disput. anat.

d *Diff.* cit. n. 18.

e *Ibid.* n. 17. & tab. nostr.
arter. thyreoid. ant. in fasci-
culo II.

f n. 16.

g n. 14.

majori *b* , cervicali profunda *i* , arteria mesenterica superiori *k* , coeliaca , phrenica , renali utraque , arteria humerali *l* , crurali , arteriis hypogastricis *m* , vena portarum. Eas enim omnes arterias , aut ansa nervosa , aut multiplex utique nervorum plexus amplectitur.

Nunc videbatur equidem probabile , non nisi ad magnos usus *creatricem Sapientiam* , has nervosas ansas arteriis circumdedit. Neque penitus rejiciendam putavi hypothesin , quæ horum nerveorum laqueorum vim explicat. Poterat nervus arteriam , tamquam circumjectus funiculus , arctare. Id potest aut vehementer , aut leviter , aut continuata pressione , aut alterna adstrictione fieri. Si alterna , sed ordinata , nervi contractio persisteret , intelligebam , novam circuitus adjuvandi causam accedere , atque eam in sano homine rationem esse , qua vis nervea motum vitalis fluenti promoveat. Si remissus nervus deserit arteriam adstringere , deest altera causa sanguinis motrix , atque adeo ejus fluentum retardatur. Quando denique arteria in medio nervo intercepta , continua ejus nervi constrictione comprimitur , adparebat , tamquam vinculo facto , sanguinem ab ea arteria aversum regurgitare , nullamque porro sanguinis penum ad eum artum venire , cujus arteria constringeretur. Quando alternis quidem adstrictionis & relaxationis vicibus nervea ansa

b n. 13.*i* n. 15.*k* n. 20.*l* n. 21.*m* Ibid.

potentius , & convulsive , suam arteriam comprimit , ut in ira credebam fieri , sanguinis equidem circuitus vehementius incitatur , & nova potestas nata est , quæ ejus humoris iter præcipitat. Inde facile est , obiter rem contemplanti , & lentorum animi adfectuum , & velocium in tardando , supprimendo & incitando sanguinis motu effectus exponere.

§. XXXVI. *Cur hæc non firma sint.*

Verum multum de ista spe , præcocibusque de gaudiis , per experimenta mea decessit , quæ ostenderunt , nervos utique ab omni vi irritabili esse alienissimos *n* , non posse adeo vel breviores reddi , ut mediam arteriam arctent , quam sua ansa comprehendunt , vel vicissim laxari. Eo ipso enim tempusculo , quo vehementissime irritatus nervus artum integrum in convulsionem ciet , manet ipse immotus , nullaque imaginabili suæ longitudinem portione aut brevior fit , aut vicissim longior. Uno ut verbo dicam , nos omnes laqueorum nervosorum vires ornabamus , transferebamus ad nervos vim contractilem , quæ unice musculosa est.

Deinde in concussionibus illis , quæ sanguinem accelerare videbantur , mechanicam o musculorum subsultantium vim subesse non temere

n Second memoir. sur les vement du sang p. 342. Fontana part. irrit. & sensibl. Sect. IX. Epître à M. Tosetti Exper. 55. Exp. 209. ad 59. & 104. ad 174.

o Second memoire sur le mou-

fufpicor , qui arterias agitabant , neque adeo ad nervos etiam hanc fanguinis accelerationem pertinere. Convulfiones enim totius animalis , ab irritata medulla fpinali natæ cordis motum non fufcitant *p* , neque cum maximis doloribus pulfus aut major eft , aut velocior *p*^{*}. Et fi aliquando convulfio a læfa aut resecta medulla fpinali paulum fanguinis motum turbavit , quæ etiam Cl. *Spalanzini* eft adnotatio , brevis tamen hæc fuit confufio , & continuo in ordinem rediit *p*^{**}. Porro in paraplegia ejus artus arteriam , qui omni motu amiffio debilitatus languet , pulfum immutatum *q* video confervare , argumento , abfque nervorum officio , fanguini circumeunti conftantem fui motus caufam fupereffe. Contra , in vehementiffimis opift-hotonis & fpafmis feminarum hyftericarum , totum corpus agitantibus , & in arcum curvantibus , neque pulfus incitari , neque fanguinem accelerari , sæpe vidi. Sed etiam in uterina placenta , abfque fufpicionem nervei auxilii fanguis movetur , & in offeis , ut alibi citavi , arteriis , multis utique fenibus *r* humor vitalis circumfertur , a quibus omnis irritabilitas omnisque compreffio abeft : & in plurimis animalibus expedite humores vitales circumfluunt , quibus

p Sur les part. fens. & irrit. ed. 1757.

Exp. 489.

p^{*} Haarlem verhandel T. IV.

p. 521. 523. Coe biliary concret.

p. 164. Anon. de febr. intermit. p. 66.

p^{**} Sed confer. L. IV. p. 465.

q Des Hais de hemiplegia.

Woodward select. cafes p. 65. 77.

r Vesal Exam. obs. fallop.

p. 36. Fischer de senio p. 46.

Lucas of mineral Waters T. I.

p. 158. &c.

nulla certe cerebri capitisque similis particula est, toti nempe ostrcorum & mytulorum aliorumque bivalvium classi.

Quare crediderim nervos, qui arterias adeunt, utique ad vim earum contractilem pertinere, fibrisque earum carneis id mobile principium impertire, quod a nervis carnes mutuuntur, debiliter utique, cum pauci nervi plurima cellulosa tela tegantur. Neque credo alienum esse a veri specie, eos nervos posse vel magis irritabiles arterias reddere, vel minus, prouti in ipsis istis nervis ineffabilis ea mutatio præcessit, quæ prurientem eorum sensum intendit. Sed inprimis cordis ipsius naturam irritabilem increfcere, aque nervea mutatione celerrimum ejus organi motum, veramque convulsionem produci posse, atque adeo ipsum fontem motus sanguinis novæ scaturigine augeri probabile fit, ut ex palpitatione manifestum est, quæ in ira, gaudio, aut desiderio, & expectatione observatur. Sed ea omnia in ultimis elementis latere video, neque ad experimenti fidem revocari posse. De modo, quo adfectus animus corpus mutat, alibi rectius dicetur.

§. XXXVII. *Causæ veriores. Contractio arteriarum.*

De contractione arteriarum alibi fusius diximus s, nempe contractilem vim in arteria certam inesse; in ea vi aliquas esse partes meri

elateris , qui a vita non pendeat ; aliquas videri fibrarum esse , muscularium , neque nulla proferri experimenta , quæ etiam irritabilem naturam arteriis inesse suadeant , quam efficax stimulus scintillæ electricæ excitat. Inesse denique vis nervosæ tantum , quantum a tenuibus fibris & tenerrimis nervis exspectari potest , quos plurima cellulosa tela velat.

Deinde arteriæ quæcunque sit vis contractilis , primas tamen cordis esse , & ad ejus contractionem sanguinis motum pertinere. Nunc quis sit in promovendo sanguine contractæ arteriæ effectus , oportet disquirere. Dubium equidem nullum est , majorum arteriarum , quæ alterne micant , diametrum tantum per suam contractionem arctari , quantum paulo prius a cordis vi aucta fuit , atque adeo regenerari eam vim , quam cor in dilatanda arteria impendit , frustra utique , si ad sanguinis motum progressivum unice respexeris. Si enim major vis contractionis arteriosæ foret , arteria post singulum pulsum arctior fieret : si minor , post singulum pulsum majori foret diametro. Hinc cum eodem ictu & arteria pertusa fuisset , & vena , atque ex arteria in venam liber commeatus pateret , vena ea in sede mire intumuit ^{s*} , in que varicem abiit , in qua arteriæ pulsatio percipiebatur.

Neque dubium est , hanc vim , qua arteriæ pressioni laterali resistunt , ejusque effectum
conpenfant ,

^{s*} *Observ. of a Societ. at Lond. n. 1. p. 340.*

compensant, utique magni momenti esse. Etsi enim parum aut crassæ fibræ sunt, aut multæ *z*, quæ musculosam partem arteriæ constituunt, etsi lenis contractio videtur, qua arteria se in vivo animale digito subducit *v*, ipsa tamen longitudo inmensa areæ vasculosæ, quæ ad arterias pertinet, earum fibrarum parvitatem compensat.

Grandiores enim arteriæ omnes, ad eas usque, quæ sexta lineæ parte *x* non latiores sunt, utique unicum constituunt continuum, musculosum, tubum, a corde ad ultimos hujus diametri ramos extensum, qui tubus a cordis vi dilatatus eodem, quantum videtur, tempore se arctat, & sanguinem propellit.

Neque ejus contractionis vim video sanguinem retroagere *y*, ut dimidia ejus potestas in eo, frustaneo, conatu consumatur. Nam globuli

z L.II. p. 125. 140. 141.

v *Sur le mouvement du sang* Exp. 44. 50. *Remus* Exp. 2. Nempe adeo lenis is arteriæ dilatatae & subsidentis motus est, ut sæpe nullus adpareat.

x *Sur le mouvement du sang* Exp. 46. Ultra exteriorem intestinorum tunicam pulsus non procedit van den Bos *de viv. corp. hum. solid.* Exp. 9. Non omnino æquus cæterum in me fuit Cl. olim amicus noster, qui contractionem arteriarum a me negari scripsit, iis ad totam arteriam translatis, quæ de minoribus ramulis scripsi. *Almag.* p. 239. n. 144.

y Ita docuit vir Ill. *Petrus*
Tom. IV.

Antonius Michelottus l.c. p. 95. ut nihil omnino arteriarum contractio viribus sanguinem promoventibus adderet. Sed etiam Clarissimus *Schreiber*, qui cæterum de succedente sibi in variis arteriæ partibus sanguinis motu nobiscum sentit, cylindrum tamen sanguinis dimidiam, & in minoribus vasis majorem, ad cor repelli scripsit. *Almagest.* p. 240. Adeo alie-
nam a vero hanc peristalticam successionem motus arteriosi credit Cl. *Shebbeare*, ut tamquam argumento ad absurdum contra vim cordis utatur *Principl. of Practice* p. 204.

certe rubri ranarum ; priusquam morbosus status accessit , solo legitimo motu contra vasa minora propelluntur z , quo iter per venas liberum est , novaque a corde succedens unda procul dubio intercedit , ne ad cor ex vi arteriosæ constrictionis sanguis retroeat. Causa , quare de arteriis sanguis ad cor non redeat , est in arteriosi systematis ad contractionem sollicitatione , quæ non subito in toto eo systemate , unico in tempusculo , sed in multis tempusculis cogitari debet , quæ ex ordine sibi succedunt , ut ea pars prima sollicitetur , quæ cordi est contermina , deinde , ut sequuntur , sensim remotiores a corde arteriæ particulæ. Inde fit , ut prima contrahatur , eademque potentissime , ea pars aortæ , quæ carnibus cordis continetur , aut proxima adsidet , eaque sola utique sanguinem contra cor retroagit a. Inde reliqua tota arteriæ longitudo sanguinem non urget retrorsum , cum ea in parte arteria eo ipso tempusculo quam maxime in contractione versetur , sed antrorsum , adque partem a corde remotiorem , qua sede arteria hætenus neque a novo , quem cor submittit , sanguine irritata est , neque contracta. Hanc successionem requirit necessario sensim retardata velocitas ; quæ sola facit , ut unda

z In omnibus experimentis meis.

a *Weithrecht Comment. Acad. Petrop.* T. VI. p. 302. & operis mei L. IV. p. 414. Ni valvulæ forent , in cor utique sanguis

retroiret , & retroit , cum funesta & perpetua cordis irritatione , quando valvularum officium cessat L. IV. p. 415. ed. 1757. *Comper Philos. Trans.* n. 299.

nova præcedentem superveniat, eamque, ut alias dicetur, & prorsum ad venam urgeat, & in parietes arteriarum. Sed ea celeritas in sanguine posterius in sequente majori ratione decrescit perpetuo, donec in venis nulla sit *b*. Dilatatur autem arteria, ut in pulsus historia ostendetur *c*, quia unda prior lentius fugit, novaque unda ipsi celerior supervenit, ut duæ undæ conjunctæ in eodem spatio arteriam repleant, atque adeo distendant. Ita fit, ut tempusculum, breve equidem, unius diastoles arteriosæ, in plures particulas dividatur, quarum in prima pars aortæ cordi proxima dilatatur: in altera pars paulo ulterior, in qua minus magna est celeritatis undæ insequentis ad celeritatem minorem undæ prioris ratio, atque adeo minus celeriter unda sequens antecedentem attingit. Et ita porro semper paulo serius unda prior a posteriori attingetur, & serius adeo accedet dilatationis arteriosæ tempusculum. Si dilatationes in aliqua temporis successione fiunt, de contractionibus dubium nullum est, quin perinde ex ordine serius in vasis fiant a corde remotioribus. Prima arteria aorta pectoralis, deinde abdominalis, tunc arteria iliaca, postea femoralis, tunc tibialis postica, denique plantaris externa arctabitur. In vivorum insectorum arteria evidentissimum exemplum est *d*. Atque eo modo, tota vis

b Hoc libro Sect. V. n. 3.

c Sect. II. n. 3.

d L. IV, p. 505. 506. ed. 1757.
Conf. Clar. vir. *Crescentium de*

febris p. 26. *Morgan phil. princip.* p. 150. Conf. ista L. IV. p. 447. ed. 1757.

arteriæ, minima particula excepta, in sanguine promovendo utiliter impendetur.

Non ideo non eodem tempore cor micabit *e*, & ultima pedis arteria. Cum enim sanguis ea celeritate feratur, ut ex corde, perque magnas arterias, pulsus fere 150 pedes *f* aut pollices 1800 in minuto primo horæ percurrat, & cum adeo dilatatio totius trunci unius pedis, quam in vivo animale possis oculis adnotare, fiat in minuti secundi parte pene tertia, plerique mortales successionem adeo brevem oculo non percipiunt *g*, neque distinguunt, etsi sunt, qui se distinguere crediderunt *h*.

Mensura contractionis arteriosæ eadem est, quæ dilatationis, cui perfecte æqualis est. Quare vi cordis minor est, & æquat sanguinis velocitatem totam a corde generatam, diminutam toto motu progressivo. Quare dum arteria contrahitur, pergit equidem sanguis de vulnerata aorta salire, sed diminuto impetu, & tanto minus altum saltum edit *i*, quo minor est vis ab arteriis generata, ea vi, quæ a corde nascitur. Ex arteria coronaria sanguis a cordis

e Uti clari viri dudum viderunt, *Harvei de gener. animal.* p. 157. *Spigelius in anat. corp. hum.* p. 172, experimento in erinaceo facto, *Hofman. med. consult.* T. VI. dec. III. cas. 3. in vivo & vulnerato homine, *Verheyen anat.* L. II. p. 276. *Schwenke hæmatol.* p. 12. *Sauvages de pulsu* p. 20. Conf.

L. IV. p. 447.

f L. IV. p. 506. &c.

g p. 83. not. d.

h *Josias Weitbrecht l.c.* p. 317.

In carotide v. *Geuns* p. 16.

Schelhammerus olim, interval- lum esse, ut tamen percipi non posset, scripsit in *L. de pulsu* p. 27.

i *Fontana ricerche* p. 103.

vi ad pollicem elevatur, in systole vero arteriæ absque saltu elabitur *k*. Vidit *Stephanus Hales* duobus tribusve pollicibus sanguinem altius salire, quo tempore cor contrahēbatur *k**, ut omnino saltus a contracto corde natus, tunc quando altius sanguis exsilit, modo decima sexta, modo decima octava parte saltum superet, qui fit in arteriæ systole, in mediocri vero motu sanguinis a vigesima tertia parte ad octogesimam. Hinc octogesimam tertiam partem retinuit *Franciscus Boissier de Sauvages k***. Quantum autem arteria se deprimat, nondum definiri potest, cum præterea in omni arteria alia mensura contractionis sit. Arteriæ contractæ ad dilatatum lumen facit, uti 9 ad 4, *Cl. de Sauvages l*, atque adeo diametrum uti 3 ad 2, quæ mihi aut contractio, aut dilatatio, potius nimia videtur. Nam oculus sæpe nullam in vivo animale percipit, semper exiguam, lenemque. Sed dilatationem alibi æstimare conabimur.

Ab hac contractione explicatur, quare per minutas etiam arterias laesas multum sanguinis effluat *m*;

k *Exp. sur les part. sens. & irrit. exp.* 502. 536. 542. 543. 544. *Conf. Strake de reliquis instrumentis quibus sang. in circulum movetur.* n. 22.

*k** *Hæmast.* p. 10.

*k*** *De pulsu* p. 18. *Elem. physiol.* p. 87.

l *De pulsu* p. 3. Verum ex theoria & ex comparata contractione fibrarum longitudinem sequentium (quæ nullæ

sunt) dissectæ arteriæ hanc mensuram derivat auctor *Cl.* Sed alia omnino ratio est arteriæ, quæ dissecta se contrahit, a loco minime firmo ad unice firmum. In mortuo animale quam in vivente, quadruplo angustior est *F. Lamure de secret.* Verum in hoc casu lenta contractio, cum exsiccatione vires suas conjungit.

m *Keil quantity of blood* p. 96.

& quare non subito de vasis in animalis magno vulnere læsis sanguis omnis exeat, sed altero demum die, novo vulnere facto *n*, carnes penitus exalbescant. In utroque phænomeno contractio vasorum lentior equidem, & cum tempore, sanguinem abundantius expellit.

§. XXXVIII. *Unde ea vis absit.*

Supereſt, ut contemplemur, in quanta parte arteriæ hujus contractionis ſedes ſit, & a qua cauſa contractio cœatur. Vulgo quidem arterias omnes dilatari, omnes contrahi docetur, ut vis contractilis ad definitionem & communem arteriarum naturam referatur *o*. Mihi quidem hæc non adeo liquida videntur. In frigidis certe animalibus ſola arteria aorta ſuperior & pulmonalis pulſat *p*, & truncus meſentericus; ab aorta abdominali aque ramis meſentericis *q*, uti omnis dilatatio, ita contractio omnis abeſt. Neque enim unquam aut oculo nudo, aut armato, arteriæ ullam dilationem videre potui, aut viciffim contractionem aliquam, neque venulæ arteriis impoſitæ elewantur *r*, neque minutiffimæ rimæ ab arteriæ vi contractili dilatantur *s*. Sed neque acerrima venena *t*, quæ arterias ſolent ad contractionem

n Liſter journ. to Paris
Kalm americ. Reſa T. II.
p. 8. Ut nempe vitulinam penitus albam habeant Angli, prima die multum emittunt ſanguinis, altera reliquum cruorem hauriunt.

o Arterias minimas retinæ pulſare Sauvages nov. act. Acad.

nat. cur Vol. I. obſ. 36.
p Exp. 85. 102. *Fränkische anmerkungen* T. I. p. 20.

q Exp. 66. 67. 69. 70. 79. 81. 84. 86. 198. vanden Bos *de vivis corp. hum. ſolid.* exp. II.
r Exp. 71.

s Exp. 180. 200.

t Exp. 75. 76.

cogere , in hæc vasa quidquam possunt t*. Denique , cum globulos sanguinis facillime viderem , nihil quidquam fibris muscularibus simile in iis , non adeo exiguis , plurimorumque globulorum diametrum habentibus arteriis vidi : sed alba undique & cellulosa similis est indoles. Sed neque Cl. *Spalanzanus* in minoribus animalium vasibus ullam contractionem vidit aut dilatationem.

Si a frigidorum animalium arteriis plerisque manifesta contractio abest , in calidis etiam animalibus infinita vis vasorum minorum nullo certo experimento demonstratur pulsu agitari. Arterias majores maxime dilatari certum est , cum & minus resistent , & cordis vim propiorem & integriorem patiantur v. Verum in lumine vasorum minorum neque oculus mutationem percipit , neque microscopium , neque tot in experimentis , quando calidorum animalium sanguinem circumeuntem speculabantur clari viri x , unquam dilatationis meminerunt , aut arctatae vicissim diametri : aut fibrarum muscularum , quas parvas esse oportet , si globulo rubro minores sunt , quem globulum , iisdem in periculis , clari viri potissimum contemplabantur , & facillime conspiciebant. Sed etiam in pullo , qui in ovo est , aorta ipsa , & reliquæ , præter umbilicales , arteriæ absque pulsu

t* L. II. p. 138.
v Jackson de venæ sectione p. 5. &c. Schreiber Almagest. p. 223.
x Sauvages de inflammat. p. 250. Guilielmus Cowper Phil. Transact. n. 280. 285. Antonius v. Leeuwenhoeck experim. & contempl. p. 200. in vespertione.

sunt, quem oculi certe etiam armati percipiunt *y*. Demum, cum cognita, per numerosa experimenta, arteriarum firmitudo sit ejusmodi *z*, ut in universum eundo crescat, & arteriæ artuum manifesto, quam trunci cordi propiores, robustiores sint, non est improbabile, minima & capillarium de arteriarum tribu vascula eadem in calidis bestiis esse firmitate, quæ est in vasculis, etiam majoribus, frigidorum animalium. Si firmitas eadem est, sequetur ut a diminuto per tot causas cordis impetu nequaquam eleventur: atque adeo vicissim non contrahantur. Denique jam olim monuit *Franciscus Boissier a*, differentiam velocitatis undæ prioris sanguinis, undæque posterioris, perpetuo minui, quo longius a corde receditur, atque adeo principem causam diaholes arteriosae in arteriis minimis debilissimam superesse, ut etiam ob hanc rationem dilatatio durioris & magis resistentis minoris arteriae minus expectari debeat. Id dederim, in vasis, quae sano homini non micant, per morbos pulsus nasci *b*, si nempe per inflammationem citatior cordis impetus in ea vasa sanguinem egerit. Idem enim tunc fit, quod fieret, si cordi propiora reddidisses *c*.

Si pulsu destituitur totum arteriarum fere systema, quod minus est sexta parte lineae,

y Du poulet T. II. p. 100.

z L. II. p. 144.

a l. c.

b Arteriæ minimæ non pulsant, nisi in febre *Harwei Exerc.* III. p. 268. A suspirio pulsus

ad extremos ungues *Hensham aërochatin.* p. 179.

c De arteriis minorum generum adfirmat *Cl. Nicolai voss pulsschlage* p. 27.

magna certe pars ejus novae celeritatis deletur, quae a contractione arteriosa speratur. Maxima enim pars vasculosi systematis, ad hanc immobilem arteriarum classem pertinet, & musculosa pars arteriosi tubi multo nunc minima superest.

Sed delentur etiam omnia, quae a vi irritabili & oscillatione vasorum minimorum Clavi viri expectarunt *d*. Si enim arteriae minores non contrahuntur, sequitur neque irritabiles esse, neque sanguinis iter promovere. Sed repetere non necesse est, quae alibi ad hanc hypothesin monuimus *e*.

§. XXXIX. *Hujus contractionis causa.*

Contractionis arteriarum causam aliqui scriptores simplicissimam fecerunt, ut ab elatere membranarum *f* unice pendeat, quibus arteria constat. Eas enim membranas habent pro chordis alioquin tensis, quae a vi dilatante cordis, & a sanguinis nixu in majorem convexitatem actae, atque adeo nunc longiores, quam sunt sibi relictæ, in statu versantur violento, ex quo ad naturalem brevitatem dimissæ se restituant. Experimenta adducunt, arterias etiam a morte aiunt contrahi, & vulneratas plicas agere, vulnusque claudere: quae quidem vulnerum obturatio a fibris *g* longitudinem

d Whytt physiol. ess. p. 53, 57. Schelhammer de pulsu Schreiber
& olim Malouin traité des solides & fluides n. 12. almagest. med. p. 238. Procope
e L. IV. p. 443. ed. 1757. analyse de la trituration. p. 64. 79.
f Pechlin de purgantib. p. 478. *g* Morand Mem. de l'Acad. des Sciences 1736.

sequentibus, nunc tumentibus derivatur. Elaterem autem, ut alibi monuimus *h*, arteriæ non modicum inesse pergunt, ut distracta duplo se ipsa angustior fiat, antequam se patiatur rumpi, & triplo, & quintuplo longius dissecta se retrahat, quam quidem nervus *i*, & quæ alia suo loco diximus *k*.

Plerique recentiorum accedere putarunt vim musculosam vitalemque *l*, de genere irritabili. Citant fibras carneas, in majoribus arteriis apprimè conspicuas, eas ex naturâ carnibus communi in brevitatem niti rectè docent. Quare alii ipsa quidem per venena irritabilem vim demonstrari putant, qua tacta arteria contrahatur *m*, aut resecta ad vermis modum repat *n*; alii certe ab electrica scintilla in aortæ trunco excitatam contractionem produxerunt *o*. Sed & nervos addunt arterias adire *p*, posse adeo in iis tubis & nimiam vim sensus, sive erethismum locum habere, & verum demum spasmus *q*. A spasmo arteriæ pulsus durior

h L. II. p. 137.

i Sauvages theor. tumor. p. 8.

k L. II. p. 137. seqq.

l G. Cheyne philos. princip. of relig. Job. de Gorter de motu vitali n. 48. 49. Quesnai de la saignée nov. edit. p. 60. 61. E. Anton. Nicolai vom pulsschlage, Bikker de natur. hum. p. 45. vanden Bos de vivis corp. hum. solid.

m Zimmermann de irritabilit. p. 24. adde Antonii de Heyde obs. 85. Lorry Journ. de med. 1757. Jan. Ab oleo vitrioli

vanden Bos exp. 9.

n Des part. irrit. & sensibl. Exp. 565. 566. 567.

o Vanden Bos diss. cit. Exp. 10.

p Nicolai l. c. p. 5. Senac T. II. p. 170. Nervis in arteriæ diastole compressis, in arteria evacuata se contrahentibus, systolen tribuit Georgius Cheyne l. c. p. 137.

q Nicolai bemühung in theoret und practischen theilen der med. III. stücke. n. 4. &c.

fit *Quesnai* *r.* A contractione carotidis spasmodica apoplexia *s.* A convulsione fibrarum longarum aortæ palpitatio *t.* Demum ab irritatione aucta, hinc accelerata arteriarum actione febrem derivant, & id præcipuum *Boerhaavii* inventum esse, grati prædicant *v.* Inde vim irritationis porro & inflammationis deducunt, quæ facit, ut sanguis in aliena & serosa vasa dolentis in exemplo oculi transeat *x*, absque cordis ope.

Hæc ita decet proponi, ut ne supra verum aliquid addamus. Musculosas arteriarum majorum fibras distentas se restituere non est dubium: neque carnes naturam suam contractilem hic deponere æquum est suspicatu. Quod ab externis venenis, aut a cultri racione, non contrahuntur arteriæ *y*, partim a plurima superjecta cellulosa tela explico, quæ carneas fibras protegit, partim a fibrarum carnearum parvitate. Vim magnam expectare vetat ipsa earum fibrarum exilitas *z*, tum sensus, qui in arteriis per experimenta minimus est *a*, neque a minutissimis nervis major potest expectari. Convulsiones adeo in arteriis locum habere, ut oculis conspici pos-

r *Des fievres* p. 235.

s *Mihles* in *meas primæ physiologiæ lineas* p. 222.

t *Lancis* p. 129. 130. edit. 1728.

v *Quesnai traité des fievres* p. 77 79.

x *Whytt physiolog. essays* p. 46.

y In nostris experimentis *traité de la nature sens. & irrit.* p. 27. *Remus* p. 37. 48. *vanden Bos exp.* 10. 11. *Caldan* in *epistola* I. p. 333.

z *L. II.* p. 125.

a *L. II.* p. 135. *Fontana*

Exp. 43. 45.

sint, nullo experimento nititur. Augeri irritabilem naturam non repugnauero, ut tamen eam mutationem mentis potius subtilitate aestimare liceat, quam sensuum testimonio confirmare. Ut irritabilis natura ad inflammatas *b* partes sanguinem congreget, nondum credo explicatum fuisse, & facilius forte a venarum vehementium constrictione aliqua explicari crediderim, etiam penis exemplo, quam ab arteriolarum minimarum quacunque vi contractili.

Denique liceat ex pathologicis addidisse, in hominis perfectiori fabrica hanc arteriosi systematis resistantiam ad cordis dilatantes vires ita temperatam esse, ut cordi cedat, sed eadem proprio robore se restituat. Si cordis vires superauerint, aneurysmatis fundamentum jactum *c* est. Per totum vasorum systema eam debilitatem posse dominari *d* dictum est. Ex eadem denique causa arteriæ rumpuntur, aut pulmonalis truncus *e*, aut frequentius quidem rami aortæ. Huc evidenter pertinent eorum hæmorrhagiæ, qui artus amiserunt *g*. Cordis enim vires eadem sunt, arteriarum resistantium systema minus. Quando cordis vires non sufficiunt, ipsi quidem amplius redditur, ut vulgo in senibus amplius est *g*^{*}, & aneurysmaticum *g*^{**}, denique

b L. II. p. 436. 444. ed. 1757.
Whytt physiol. essays p. 46. 67.
 &c.

c l. c. c. VII. p. 132. ed.
 prior. *Phil. Transf.* n. 345.
Boerhaave T. II. p. 127.

d *Mekel Mem. de Berlin*
T. XII. p. 63.

e *Idem* p. 122. effusæque sanguinis libræ sedecim,

g *Lister de cochleis* p. 60.

g^{*} *Tabor* p. 95. *Helvetius*
éclairciss. p. 40. *Mekel Mem.*
de Berlin T. XII. p. 55. 63.

g^{**} *Lancis.* p. 134. recte addit
 in dextro ventriculo, frequen-
 tius malum esse. Habet etiam
 exemplum *Tabarranus in obs.*
anat. ed. II. p. 28. aliud *Ma-*
tanus de aneurysm. p. 17. &c.

etiam ex hereditaria dispositione *b*, neque absque exemplo est, omnino medium diruptum fuisse *b**.

§. XL. *Vis derivationis.*

Etsi adeo vim arteriæ contractilem nimis ornatam fuisse persuadeor, ad occultæ tamen contractionis speciem, vim non illubens referrem, quam dixi, *derivationis*, & quæ & in vivente animale, & in nuper mortuo, sanguinis motum sola gubernet. Nempe de incisa arteria, & perinde quidem de secta vena, sanguis maxima velocitate effluit *i*, eo modo, ut de vicinis truncis ramisque, & secundum circuitus sanguinei leges, & contra easdem *k*, in vulnus ruat, ut etiam contra ponderis vim *l*, & directionem naturalem, in rimam se præcipitet. Ita etiam in stagnante sanguine *m* nova nascitur velocitas, & evulso demum corde *n*, aut revinctis magnis aortæ ramis, atque recisa adeo ab arteriis cordis potentia, tamen sanguis novam velocitatem acquirit, quæ neque a corde est, neque a pondere, neque ab ulla potentia nobis cognita, nisi occultam, atque subtilissimam vasorum minimorum contractionem admittas,

<p><i>b</i> Lancis. p. 132. ed. prioris. Adgnosci ex pulsatione dextri lateris, & ad trinepotes propagari credit.</p> <p><i>b</i>* Comm. Bonon. T. IV. p. 33. 34. Fränk ann. T. II. &c. <i>i</i> Exp. 198. 200. 219. 220. 221. 222. 225. 228. 230. 151. 153. 155. 166. 172. 175. 176. 180. 187.</p>	<p><i>k</i> Exp. 198. 200. 220. 221. 222. 225. 228. 230. 151. 153. 154. 155. 173. 175. 176. 180. 187.</p> <p><i>l</i> Exp. 219. 223. 226. (de vena).</p> <p><i>m</i> Exp. 219. 234. 151. 181.</p> <p><i>n</i> Exp. 198. 219. 220. 221. 222. 225. 228. 230.</p>
---	--

quæ sanguinem contentum undique urgeat, pari vi, & quæ motum nullum generet, dum omnia vasa integra sunt, tunc autem se exferat, & sanguinem in novum motum restituat, & denique per vulnus exprimat, quando locus aliquis natus est, a quo eandem pressionem demferis. Haec phaenomena omnia perinde ut ego, ita Cl. vir *Laz. Spalanzanus* vidit, causam perinde mecum ignorat.

Non ideo velim me videri contraria dicere priorum, quando contractilem vim ab arteriis eorum animalium minoribus abesse scripsi *o*. Phaenomena eo loco narravi, negavi conspicuam in minimis arteriis contractionem reperiri, & nunc sincerus aliud phaenomenon propono, quod non videtur absque aliqua contractione intelligi posse: ea vero contractio a vita non pendet, neque musculosæ est indolis, quæ a morte supersit, & ad nativum potius elaterem tensæ fibrae cellulosæ spectat; ea enim alio etiam in exemplo, sed lente, & multis continuis diebus *p*, arterias calidorum animalium resectas exinanit, diametrumque minuit, & lumen delet. Motum sanguinis hactenus haec latens contractio adjuvat, quod distentam a corde, fibrarum carnearum auxiliaris focia, arteriam arctet. Tunc autem demum conspicua se exferit, quando conditio nata est, nunquam in vivente sanoque animali nascitura, membranarum nempe violatio, ex quibus arteriae componuntur. Nullum

vero manifestum motum videtur producere, quod per arteriosum systema ita sit distributa, ut minimi arteriarum fines omnem pressionem majorum vasorum, sua reactione aequilibrent, neque sinant eam truncorum contractionem ullum conspicuum effectum edere, quod quidem cum anatome apprime consentit. Tunc vero utique in effectum eadem pressio erumpit, quando aliqua a parte arteriae aequa parietum repressio ablata est. Ita putaverim phaenomenon exponi posse, quod absque interpretatione *q* in priori commentario narraui, ne hypothesin rebus gestis miscerem. Nunc in pleno opere existimavi, non fore indecorum, si aliquanto propius ad veri speciem accederem.

Inde vero fit, ut non vulnere quidem inflicto, sed debilitata aliquarum arteriarum resistantia, eo sanguis congeratur. Inde a pediluvio menses *r*: inde capitis ab eadem causa levamen, subtracto quo onerabatur sanguine *s*.

§. XLI. *Motus musculorum.*

Sequitur earum causarum, quae praeter cor sanguinem movent, utique potentissima, musculorum motus, quo omnino statio, ejusque mutatio, gressus, saltus, pronuntiatio, respiratio citatior, deglutitio, denique severior animi ad difficile opus intentio pertinet. Et in uni-

q Second Memoire p. 338. *s* Storch von den Krankh. der
r Klockhof morb. anim. p. 109. Schwangern p. 230. &c.
 &c.

versum , quicumque muscoli celerius , & constantius ab animae volentis imperio in motum fuerint exciti , nova inde semper , eaque maxima , in sanguine velocitas excitatur. In frigidis nostris animalibus concussio ab irritata medulla spinali nata , solebat sanguini languenti aliquam velocitatem reddere.

Vasa rupta a vehementi nixu passim reperias apud *Smetium*. Sudor inde sanguineus. *Carolus XI* cum amico ab urso periclitanti subvenire properaret , venam sibi rupit *s**. Sed etiam in homine , aut animale , quod exanime languere videtur , integrum caeterum , & expers putredinis , aut coaguli , motus intestinorum , vomitus , sternutatio *t* , aut quicumque vehementior musculorum motus latentem vitam explicat , & sanguinem a quiete ad circuitum efficaciter revocat. Inde a cursu summus rubor , calor , sudor , urina flammea , putredo humorum *v* , debilitas , omnia eadem , quae sunt in acutissima febre *x* , & demum febris ipsa , intra paucas horas funesta sequitur *y*. Inflammationem universi corporis , quae fit a solo nimis incitato cursu , leporum exemplo solebat *Præceptor*. confirmare , aque tetano corpus omne nigrescere , & *Ill.* medici observarunt , & vulgo quidem notum est.

Perinde

*s** *Robinson* ib.

x *Boerhaave prælect.* ad *Inst.*

t *L. IV.* p. 496. *L. VIII.* *T. III.* p. 500. 501.

Sect. IV.

y *L. III.* p. 147.

v *Lister de humor.* p. 54.

Perinde vero , ut a contrariis etiam argu-
menta nostra petamus , certum est , motu mus-
culari neglecto , sanguinem ubique , sed in
abdomine maxime , retardari , calorem corporis
universi minui , perspirationis ubertatem decre-
cere , urinam augeri , adipem in cellulas sub-
cutaneas , in omentum , in hepar congeri ,
reducem a pedibus vaporem stagnare , colligi ,
in conspicuam aquam converti , uno verbo
eadem symptomata nasci , quæ a diminuta
cordis potestate exspectari possunt.

Qua ratione corporis exercitatio & muscu-
lorum motus sanguini novam velocitatem
addant , alibi utique fusius dicemus *a* : breviter
hic tamen enarrare visum est , cum incerta vitæ
superstitis spes , & forte prius dudum com-
muni naturæ legi mihi parendum sit , quam
quidem id volumen absolvi possit. Ergo Clari
quidem viri docuerunt , musculum , dum con-
trahitur , expallescere *b* , nempe sanguinem
suum expellere , ut adeo vis musculi secundi
cordis vice fungatur , & sanguinem per sua
vasa cogat fugere.

Verum innumerabilia certe experimenta me
convincunt , nihil quidquam agentis musculi
rubori decedere *c* , & in vivo animale , vitro

a Fusius de his omnibus dixi
in *Comment. ad Prælect. Boerb.*
T. III. n. 415. & dicam Libro
VIII. & XI.

b Boerhaave *Instit. rei Med.*
n. 406. & *prælect. acad.* T. III.

c *Premier Memoire sur le*
mouvement du sang pl. 142. *Se-*
cond Memoire sur les parties
sensibles & irritables Seç. IX.
Exp. 226. 234. 238. 240. 241.
242.

convexo ad arteriam adhibito , quæ per musculi superficiem decurrit , omnino sanguineos globulos , eorumque continuatum motum percipi , quando quam maxime caro in contractione versatur , pauloque post brevissimum actionis musculosæ tempusculum , ea vasa utique sanguine perinde plena esse , ut quidem ante eam contractionem plena fuerunt.

Alio ergo modo oportet , a carnium actione sanguinem promoveri. Nempe inter majores musculos ubique trunci arteriosi , venosique ambulant , & venosi potissimum. Verum musculi , dum agunt , tument , quod notissimum phænomenon interim recipimus. Quoties ergo vasorum fasciculus medios inter musculos incedit , toties utique per totam eorum vasorum longitudinem compressio undique adplicatur , quæ parietes ad axin urget , & ejusdem est effectus , ac si ipsis vasorum parietibus nova vis contractilis quasi infunderetur.

In arteriarum sanguinem minus potest musculorum pressio : nam minores arteriæ durioribus membranis continetur , & sæpe omnino extra musculorum potestatem profundiori loco secundum ossa meant : neque perinde utiliter utique premerentur , quæ valvularum præsidio destitutæ sint , ut omnino non magis ab ea communi carnium pressione sanguinis arteriosi motus adjuvetur , quam quidem , represso ad cor fluento , ab eadem causa retardaretur. Si usquam , iis locis aliqua musculorum in arterias pressio admitti posset , quibus os inter & potentem musculus arteria ponitur , ut tota ejus carnis

vis comprimens ab arteria excipiat, quæ cedere nequeat. Potest etiam musculosum cingulum aliquam in corpore animato caveam ambire & arctare, quale in abdomine exemplum est, cujus quidem cinguli, & conjunctæ diaphragmatis efficaciam, vis in bile, & venæ portarum sanguine promovendis alias ostendetur: sed vena ad portas, si ad valvulas respexeris, arteria est. In ejus certe venæ ramis stagnatio oculis manifestissima se offert, quam primum incisoris manus musculos abdominis destruxit *d*.

Sed etiam in arteriis celeritatem sanguinis a motu musculorum aucto incitari interim recipimus, & alibi ostendemus *d**. Cordis nempe ab ea causa vires sollicitantur & crescunt, dum frequentius & validius a sanguine venoso irritatur, & sanguis in arterias velocius exit.

§. XLII. *Tonus.*

Hanc causam motus possis addere ex *Stablii* potissimum theoria. Humores nempe *Cl.* vir putabat non a solo corde regi: sed a constrictione spastica liberum commercium impediens fieri, ut humores in partem ab anima destinatam colligantur. Eum enim motum non posse viribus arterioso sanguini communicari tribui *d***.

Comparari posset effectus balnei frigidi, in quo ejusmodi convulsio universæ cutis, forte

d Second Mémoire sur le mouvement du sang Exp. 103. 45.

*d** L. XI. *d*** Morb. spasmod. 17. &c.

& musculorum locum habet. Ab eo enim balneo sanguinem in caput & cerebrum congeri, & apoplexiam non rarissime fieri notissimum est. Hæmoptoe inde & universalis fugillatio d***.

In hypothesi *Stahl*i veri quid superesse non recuso; si nempe pars cellulosæ telæ aliqua durior, & ad elaterem & contractionem aptior, alia laxior, ad distentionem pronior fuerit, nihil repugnat, quin lente quidem, sed tamen perpetuo, pars illa prior se sanguine venoso depleat, arterioso a corde advenienti resistat, ut demum ex lege derivationis, humorum pondus in eam corporis partem ingruat, in qua major partium solidarum laxitas est.

§. XLIII. *Phænomena motus progressivi turbati & languentis.*

Supereſt, ut turbati & languentis, & denique ſubpreſſi motus progressivi phænomena exponam, meis fere experimentis uſus, quæ ex frigidorum equidem plerumque animalium contemplatione ſumta, de calidis tamen perinde vera ſunt, cum & paria in calidis beſtiis phænomena viderimus, & cauſam non reperiamus, cur his in phænomenis a frigidis diſſideant. Oportet autem diligenter, neque abſque aliqua patientia, in animale vivo phænomena ſpeculari, quæ vividam inter vitæ vim, plenamque mortem intercedunt, & quibus, tamquam gradubus, a legitimo ſanguinis motu in plenam quietem tranſitur. Cum plurima mecum veriſſime *Lazarus Spallanzanus* viderit, valde miror, virum clariffimum

d*** *Limbours bain d'eau ſimple.*

hæc mortis atria rejicere , quæ ego adeo manifesto , adeo frequenter vidissem *d†*.

Mirabar merito ; ipsum enim Cl. virum omnia , quam ego pariter , vidisse manifesta sunt testimonia *d††*.

Quare nihil in situ vitii fuerit , in quo animal speculatus sum ; cur enim aliis in phænomenis , quæ L. Spalanzanus suo adfensu confirmat , similia eorum vidissem , quæ vir Ill. vidit ?

Animali vivo primum in motu sanguinis vitium est , lentius moveri *e* , eademque debilitatis & mensura est , & effectus. Nam & cordis pulsationes rariores fiunt , & sanguinis per arteriam motus lentescit.

Inde turbatio fere sequitur. Æquabilis in sano animale impetus est , quo sanguis per arterias fluit , veloci , sed una tranquillo rivo similis , in quo neque celerius unquam unda fugit , neque vicissim suspenditur. Contra in animale languente inæquale fluentum est , & modo tardum serpit , modo nova velocitate restituta ruit *f*. Cordis nempe vis est , quæ subinde novo conatu sanguinem , quem a venis accipit , in arterias impellit , ut velocior unda residem illam priorem acceleret.

Aliud & nuperius aliquando vitium solet esse ,

d† Negat autem *fenom.* p. 309. 312.

d†† Lentius moveri vidit *fenom.* p. 104. *Motus sanguinis* p. 37. Oscillare p. 27. 53. 76. 225. 302. *Mot. sang.* 25. 33. quiescere & in motum redire *fenom.* p. 27. 163. 221. *Mot. sang.* p. 22.

e Ibid. Exp. 65. 66. 68. 72. 81. 82. 85. 91. 188. 189.

f Exp. 67. 69. 71. 73. 81. 82. 85. 91. 175. 189. A. v. Lceuwenhœeck *exper. & contempl.* p. 159. 165. 179. Adams p. 45. de Heyde *exp.* 9. *Phil. Trans.* n. 460.

ut sanguis , qui lentius per arterias advenit , nunc omnino contra cor retrocedat *g*. Ita fieri in vivis animalibus experimento constat , ita in hominibus se habere jam ostensum est *h*. Vidit in canibus Cl. *Boissier* *h**. Causa hujus vitii fere in derivatione est , ut sanguis arteriosus ad sedem vulneris retrorsum ruat ; aut in coagulo sanguinis , aut , & plerumque proculdubio , in minori cordis robore , quod resistantiam vasorum minimorum nequit superare. Morienti pullo sanguis ex umbilicali membrana in fetum redit *i*. A retrocessione fit , ut in moribundis exteriora frigeant , & absque pulsu sint , dum prope cor calor superest , & pulsatio aliqua.

Retrocessionem sanguinis , nisi mors excipit , sequitur oscillatio *k* , frequentissimum in vivis animalibus phænomenon. Qui nempe sanguis ad cor redibat refluus , eum vis cordis superstes incitata in nativum ordinem restituit , cogitque porro ad extremos ramulos ferri. Sed causa , quæ motum sanguinis invertit , eadem porro se cordi obponit : ergo paulo post sanguis ex ramis in truncum regreditur , novoque a cordis impulsu in legitimum ordinem reducitur , donec vel plena cordis victoria sit , vel , quod nunc

g Exp. 61. 65. 66. 67. 68. 69. 72. 82. 87. 93. 95. *wenhoeck* l. c. p. 164. 165. 186. 188. T. III. p. 111. 112. *Boerhaave de usu rat. mechan.* p. 34. *h* L. III. p. 379. *Horch miscell. Berol.* T. VI. p. 115. *Mihles Phil. Trans.* n. 460. p. 728. *Fränkische Anmerk.* T. I. p. 20. *Malpigh. Ep.* *h** Nosol. IV. *i* *Beguelin Hamburg. Magaz.* T. XIX. p. 145. *k* Exp. 61. 65. 66. 67. 68. 69. 72. 73. 82. 87. 93. 95. *Leeu-* II. *de pulm.* p. 142.

ponimus, motus sanguinis omnino subprimatur. Nulla autem linea est, secundum quam sanguis non eat redeatque, non ex ramis in truncum proprium unice, sed ex ramo per canalem medium in alium truncum, aut per ipsum divisionis punctum angulique verticem, ex ramo in alterum ejus trunci ramum, aut mille demum aliis modis. Diu oscillatio superest, multis sæpe horis *l*, maxime in ramo, qui duos truncos unit. Oscillatio sanguinis motum sæpe restituit *m*.

In deteriori animalis statu, quem nunc contemplamur, post oscillationem quies succedit *n*. Ea a partibus extremis plerumque incipit, ut a corde quidem ad aortæ brevem particulam sanguis o expellatur; ad reliquam arteriæ longitudinem & ramos, in exemplo, mesenterii, nihil de eo sanguine veniat quidquam, sed inmotus sanguis in iis ramis stet *p*, aut sensim potius, quod continuo dicetur, de ea tota corporis parte fugiat. Ea vero quies in aliquibus ramis prævalet, dum in aliis sanguis moveri pergit, sensim vero major pars arteriarum immota redditur. Utiliter Cl. *Fouquet* in moribundo vidit, primum pulsum defecisse, in poplitis arteria, deinde etiam in radio, dum formicatio in corde supererat: & ea ipsa denique pulsatio morientem

l Exp. 69. 73. 225.

o Exp. 65. 85.

m l. c. p. 62. Exp. 66. 93. 95.

p Ibid. Nonnunquam tamen

Leeuwenhoeck T. II. p. 164. 165. T. III. p. 112.

in truncis stagnat, dum in ramis porro movetur, Exp. 62.

n Exp. 60. 61. 65. 93. 73. 82. 68.

163. 191. 193. 212. 226.

deferuit *p**. Ita in homine sæpe, diu etiam ante mortem, uno alteroque die, pulsus & calorem a manu abfuisse vidi *p***, cum interim caput vigeret, mentisque imperia lingua libere exprimeret. Neque quies in ramis arteriosis absque spe, neque rarum est, a novo cordis vigore sanguinem, qui motum amiserat, iter suum iterasse *q*: estque incisæ arteriæ, venæve, hic pene certus effectus *r*.

Inanitio arteriarum plerumque cum languore incipit *s*, & in quiete perficitur. Decrescit sensim ordinum numerus, quos globuli in eodem trunco effecerant, ut pauciores *t* sensim fiant, & denique tota arteria inanis est: sive nunc occulta illa, jam a nobis citata lentaque arteriarum contractio in causa fuerit, sive cordis debilis impetus remotiores globulos sensim a se, suoque principio, eas in sedes removeat, ad quas nulla porro a corde efficacia pervenire possit. Altero die *v* in animalibus frigidis sanguinis plerumque arteriæ inanes reperiuntur. Vasa ex febribus hecticis, ex ciborum defectu, ex diabete aliisque causis inanita passim legas; & arteriam cuniculi exsanguem, cum ossæ facta esset. Arteria in crure, quod amputabatur, inanis, sanguinem nullum dedit *x*. Sed ea dicta sunt *x**.

*p** Du pouls p. 242. 243.

*p*** Fulus dicitur in Sect. II.

q Exp. 65. 185. & alias, *Leenwenhoeck* l. c.

r Exp. 154. 163. 164. 166.

178. 179. 180. 181. 186. 187. 189.

191. 193. 226. 229. 233. Non

separavi arteriotomen.

s Exp. 71. 73. 92. 172. 182.

184. 187. 191. 195. 217. 218.

224. 226. 233.

t Exp. 73. 154. 183. 185. 186.

189. 200. 225. 228. 231. Non

separavi casus, in quibus san-

guis inciso vase effluerat.

v Exp. 73. &c.

x *Tschep de amput. non cruent.*

*x** p. 112.

Si post quietem motus sanguini redierit, etiam sanguis in vasa redit, inanesque porro tubulos frequentat, aucto sensim filo, ut in plenum flumen perficiatur *y*.

§. XLIV. *Causæ motus a morte superstitis.*

Supereſt, ut dicamus, quis ab ipsa morte in sanguine motus superesse possit; mortem vero hic obiter vocamus, cordis constantem quietem, cum plena sensus, & voluntarii motus suppressione conjunctam. Eo in statu nondum omnis a sanguine motus abest *z*, cujus causas paucis exponemus, ut motus progressivi historiam finiamus. Primum, etiam absque corde, aut interrupto certe sanguinis in arterias comæatu, derivationis efficacia aliquamdiu supereſt: incisa nempe aut arteria *a*, aut vena *b*, sanguis ad eam sedem rapide concurrit, in qua vulnus est. Vidi ad viginti septem, ad triginta, a corde avulsa minuta prima sanguinem perinde ad vulnus concurrere, ut in perfectiori vita solebat. Vidi etiam in minimis vasis unius globuli sanguinem decem a resecta aorta minutis motum suum continuasse *c*.

y Exp. 88. 91. 92. 182. 183.
184. 185. 189. 191. 219. 233.

z Exp. 194. 195. 196. 204.
217. 221. 222. 224. 225. 226. 227.
229. 233. 234. 235.

a Exp. 198. 212. 220. 221.
222. 225. 228.

b Exp. 204. 205. 206. 208.
210. 216. 218. 223. 225. 226. 229.
230. 231. 232. 234.

c Exp. 233.

Superest etiam a morte vis ponderis *d*, eaque, quando aliæ causæ cessant, sola humores regit. In canibus, vario in situ dispositis, reperit Vir Cl. *Andreas Paster*, ad eam semper corporis partem sanguinem se recipere, quæ imum locum tenuerit, & quam ex vi gravitatis occupat. Similia in cadaveribus humanis promptum est videre, quorum fere dorsum sanguis replet, vasaque minora distendit, totique cuti in ea sede intensum ruborem conciliat. Sed etiam reliquæ corporis animalis partes pondere suo in vasa nituntur, & sanguinem ad majores truncos compellunt.

Paria fere frigus efficit, quod extimum corporis animalis ambitum constringit, ut cutis artuum nasique tota exalbescat, & sanguis ad interiora, quæ vim gelu minus percipiunt, undique confugiat *f*. Stringit enim frigus animale fibram *g*, atque breviorē reddit, ut ipsam cutem, non alium stimulum sensuram, ipsamque cellulosa telam scroti in motum cieat, musculosi motus non undique dissimilem. A frigore fit, ut sanguis in strangulatis hominibus congestus, a morte sponte evanescat *h*, & venæ in ligato brachio turgentes sponte laxentur, si in gelidam merferis *i*.

Hanc principem causam esse crediderim, quæ facit, ut sanguis etiam post mortem ad majora

d Exp. 206. 216. 218. 222.
224.

e l. c.

f Vasa sanguinea cerebri
cruore plenissima in homine
frigore enecto *Rosen anat.* p. 142.

Quelmatz de frigor. effic.

g *Birch hist. of the Roy. Soc.*
T. IV. p. 254.

h *Harvei exer.* III. p. 251.

i *Idem* p. 275.

vasa confluat , & in rubro systemate *k* , & in lymphatico *l*.

Vis adtractionis , quæ sanguinem ad parietes membranofos *n* , adque alios jam natos *o* sanguinis acervos adjicit , perinde , dum fluit vitalis liquor , eum pergit regere. Eam enim vim recepi , quod motum aliquem absque corde superesse viderem , qui neque a pondere esset , neque a derivatione *p* , neque in vasis unice , sed etiam extra vasa conspiceretur *q*. Debilis cæterum est parumque velox : duratione fere motum a derivatione natum æquat *r*. Vidit & *Spalanzanus*.

Maxima tamen a morte potestas est evoluti aeris *s*. Eum putrefacti humores animales undique generant , aut ex fixo statu , in elasticam vim & conspicuam bullarum speciem restitunt *t* , id enim generare vocamus. Eum aerem in vasis *v* maximis cerebri frequentissime , in corde ipso , intritum cum sanguine spumofumque sæpe vidi. Idem a calore adjutus & expansus vasa dilatat , quibus continetur , neque infrequenter rumpit , ut , qua via patet , per pulmones in asperam arteriam agatur , atque per os ipsum cadaveris exundet. Ita in

k *Pechlin de purgant.* p. 484.

l *Verheyen L.* II. p. 101.

n Exp. 197. 199. 210. 211. 213. 215. 216. 218. 224. 225.

o Exp. 228. 233.

p p. 339. *ibid.*

q Exp. 208. 214. 215. 216. 218. 222. 224. 225. 233. 234.

r *L.* IV. p. 439. ed. 1757.

s *Lancif.* l. c. Fermentationem cum vasorum collapsu conjungit.

t *L.* V. p. 158. 159.

v *Littre Mem. de l'Acad. des Scienc.* 1714. p. 428. *Hist. de l'Acad.* 1704. obs. 17.

puerperis vidi, & apoplecticis, & miliari morbo defunctis corporibus, neque rarum spectaculum est. Ex cadaveris epidemica febre enecti ore naribusque plurimum sanguinem prodiisse Clar. J. Antonius Pujati x auctor est. Sanguis ex apoplectici cadavere cum spuma & sonitu erupit y. In suffocato homine, decima sexta a morte hora sanguis per os exiit z. Mictus a morte cruentus a. Per uterum a morte cruor menstruus manavit b, & tertio de naribus die c. Sanguis ex pulmone post mortem per os regurgitavit, in ichorem dissolutus d. Die a morte tertio de vena incisa sanguis fluxit d*.

In febre remittente hæmorrhagiæ spontaneæ non criticæ, ut etiam a morte sanguis efflueret d**.

Sudoris a morte erumpentis, lymphæ de vulnere vesicatorii manantis exempla legas. Alias historias, minime infrequentes, lubens prætereo.

Neque alia natura est vampyrorum, cadaverum nempe, quibus in Græcia e, Hungaria f, Illyrico g, os fluido sanguine plenum reperitur,

x De morbo Naroniensi p. 149.

y Schurig sialograph. p. 405.

z Hildan centur. III. obs. 12.

In historia inedia exemplum habet de hernioso.

a Bresl. samlung. 1724. M. Jan. p. 112.

b Bauer de nervis p. 26. Schurig parthenolog. p. 220. Eph. Nat. Cur. Dec. III. ann. IV. obs. 31. die omnino a morte quarto.

e Morton natural hist. of Northamptonshire p. 414.

d Journ. de Med. Jul. 1757.

d* E. N. C. Dec. I. ann. I. obs. 50.

d** Millar disease p. 72.

e Thevenot voyage au Levant T. I. P. I. c. 63. Tournefort voyage au Levant T. I. L. 3. p. 159. Vocant Zorcolacas.

f Celebris circa annum 1730 historia, aut fabula, multis libellis concelebrata fuit.

g Anton. Galateus de sita Japygiæ conf. Raschynski histor. natur. Polon. T. I. p. 367. Vocat Upjevovs.

postquam epidemico fere morbo extincta fuerunt. Simplex phænomenon, neque alienum a nostris observationibus, olimque ab *Antonio Galateo* g descriptum, immensum deformavit superstitio, & partim aliena a vero ornamenta historiæ addidit, partim dæmonum machinas inmiscuit. Id facile dederim, alios morbos aliis potentius sanguinem resolvere, aerisque ex solutioni favere. Neque alia causa fuerit celebris illius cruentationis cadaveris, quam avi nostri ad contactum homicidæ supervenire, & reum hominem accusare persuasi fuerunt.

Idem aer potest etiam in cellulosis g* telis, quæ vasis circumponuntur expandi, inque magnis caveis, & viscera atque vasa urgere. Hinc tumor cadaverum a morte, & natura natatilis. Inde forte ab aere abdomen distendente, laxatis nunc fibris uteri, infans post mortem de matre expulsus fuerit g**. De vita minima, sive motu sanguinis tardissimo & dubio, quem homines aquis suffocati g***, mediis in undis hirundines b, in alpinis antris mures montani i, suis in stagnorum recessibus ranæ, & in universum hiemalibus mensibus

g* Conf. *Journ. Med.* 1765.
Juin.

g** L. IV. p. 467. ed. 1757.

g*** *Journal de Med.* 1758.
M. Nov. *Fothergill philos. trans.*
n. 475. art. XI. &c.

b *Nebring in palingènes* p. 71.
Boyle on frost p. 232. *Blancaard*
chir. p. 336. *Birch l. c.* p. 137.
Linnaeus æconom. nat. p. 39.
i *Citellus abstin. consolent.*
Journal-Æcon. 1758. M. Mart.

infecta conservant , alio loco opportunius dicemus. Pulsus videtur minimus *k*, & sanguinis motus adeo lentus esse , ut calorem non generet *l*.

S E C T I O I I.

P R E S S I O L A T E R A L I S.

P U L S U S.

§. I. *Unde ea pressio sit.*

SI in arterias inanes sanguis de corde se diffunderet , neque celerius per anteriorem finem sanguis aufugeret , quam quidem per finem cordi propiorem subit , tunc quidem arteriæ a sanguine non dilatarentur : neque alia pressio lateralis locum haberet , quam communis illa , omnibusque propria liquoribus , in quemcunque canalem effusis , quibus peculiare , aque solidorum corporum natura diversum , est pressiois genus *m* , quo undique in omnem ambitum sui vasis nituntur , neque toto pondere in partem infimam gravitant , ut quidem solida corpora solent.

k Esse aliquem *Histoire des animaux* T. III. p. 313.

l Neque calorem , neque

motum reperit *Harvei* apud *Birch* T. IV. p. 537.

m *Musschenbroeck instit. n.* 784. &c.

§. II. *Arteriæ semper plenæ.*

Sed alia in arteriis corporis animalis pressio reperitur, quæ multis modis ab illa communi pressione distat. Et primo quidem arteriæ animalis vivi suo vitali humore perpetuo plenæ sunt. Non repeto, quæ alias protuli, ut ostenderem, multum in vivi animalis arteriis sanguinem esse *n*, multum etiam in ipsis cadaveris o arteriis reperiri; superest nunc ut ostendam, neque vacuum spatium in arteriis relinqui, quod a sanguine non repleatur, neque quidquam in arteria inane superesse, sive ea in systole sua arctetur, sive vicissim a nova unda expandatur *p*.

Occurrit continuo facile experimentum. Si enim arteriam percusseris, sive eam in systole minimave diametro, etiam minimo, neque ultra parietes penetrante, vulnere læseris, sive in maxima, perinde sanguinem effundet: argumento, etiam in contracta arteria sanguinem præsto fuisse, qui per rimam exsiliret. Porro, quoties sanguis de arteriæ vulnere paulo diutius effluit, toties utique continuo *q* saltu prorumpit, etiam in arteriæ statu angustissimo, sive in systole, quæ est ante novæ undæ in arteriam receptio-

n L. III. p. 366.*o* p. 369. seqq.*p* Monuit jam Charleton three lectures p. 26.*q* Harvei præm. ad Exercit.

de sanguinis circulatione p. 4.

Exerc. I. p. 33. Exerc. III.

p. 216. 270. Hales hæmæstatiks

p. 4. 11. 16. &c. Tralles consider.

vit. p. 38.

nem: etsi enim in arteriæ systole humilior saltus est *r*, est tamen perpetuus, neque sanguis fluere desinit, quando cor vicissim sua in diastole quiescit. Experimentum in arteriis coronariis, intercostalibus, cruralibus, carotidibus, & ipsa denique aorta feci, neque quemquam dari crediderim, qui facillimo periculo refragetur.

Verum in animalibus frigidi sanguinis propius utique ad naturam contemplandam progressus sum, cum per membranas pelluentem vitalis humoris motum contemplerer: sæpissime enim vidi, arterias animalis vegeti sanguine, dum is quidem movebatur, perpetim plenas esse, tum quando sanguis a cordis contractione novo impetu projectus primam undam accelerabat, tum paulo post, quando vicissim ea acceleratio evanuit, & cor laxatum quiescit. Id autem potissimum oportebat ostendisse, prius arteriam sanguine plenam esse, quam novam undam a corde impulsam accipit. Auctorum, cum facile possem, consensum non repeto.

Video contra hoc experimentum nonnulla, neque absque veri specie posse objici: & in meis ipsis incisorum animalium historiis minime rarum esse, in ranis aliquot diebus malignius passis *t*, arterias aut omnino inanes reperiri *v*, aut certe paucas intus globulorum lineas *x* superesse,

r L. IV. p. 209.

t Second Mémoire sur le mouvement du sang Exp. 74. 84.

218. 233.

v Exp. 73. 75. 84. 86. 102.

218. 225. 226. 233.

x Exp. 73. 75. 81. 85.

superesse ; dum interim reliqua cavea inanis videtur ; & omni liquore vacua est , quem oculi detegere possint. Idem phænomenon frequens est , quando per repetitas venarum incisiones *y* sanguinem exhausimus ; aut sponte etiam cruenti globuli de arteria furtim se subdixerunt *z*. Omitto ; aliam quæ interpretationem patitur , inanitatem vasorum in cadaveribus non raram , potissimum post longos morbos.

Neque tamen vellem quemquam his meis abuti experimentis. Potest in arteria semiplena inane spatium poni , ita adversarii : potest aer inesse ; potest denique , quæcunque in arteria pars a sanguine non occupatur , ea pellucente repleri liquore. Inane spatium nemo admiserit , qui meminerit , in idipsum spatium continuo sanguinem omnem se diffusurum , ut in eam sedem veniat , a quâ omnis abest resistentia. Aerem inesse nemo dixerit , qui nobiscum viderit , quam diversa facie *a* aer , in maximas bullas unitus , in arteriis visui se offerat. Superest ut id omne , quod in arteriis inane videbatur , pellucido , & inconspicuo liquore plenum sit ; quæ etiam *Lazari Spalanzani* est sententia. Eum humorem multa præterea confirmant : sanguinis per id , quod in arteria inane videbatur , aut adstrictæ , aut partitæ viæ *b* , quæ non possent arctari aut dividi , si nihil in

y Exp. 75. 172. 225. 226.

z Exp. 71. 73.

a L. V. p. 107.

b Exp. 88. & 180. etsi hic albus liquor magis conspicuus fuit.

arteria esset, quod constringeret, aut divideret : motus , quem globuli rubri unice a corde habent , & qui utique in eo semi inani statu arteriarum , inque interrupta globulorum serie superest ; neque a primo globulo , cordique proximo , ad ultimum continuari posset , nisi aliquis medius interesset humor , qui a primo globulo *c* , ad longe remotum alterum , motum a corde impressum transferret. Quare eas voces , quibus inanes , aut certe semivacuas arterias passim insignivi , ita omnino intelligi velim , ut oculorum expriment testimonium , neque ideo resistent iis , quæ ex rationis usu , atque idoneis experimentis aliunde repetitis fluunt.

Subtilius argumentum est , quod fere ex theoria olim sumfit Ill. *Præceptor* , mea vero experimenta confirmant. Nempe arteria , secundum *Boerhaavium d* , uti sanguinis facit jacturam , ita perinde lumine minuitur , ut in minima diametro omnino perinde plena sit , ac quidem est in maxima. Solebat autem *Vir Ill.* hominum cadaveribus se tueri , qui ex phthisi interiissent , quorum utique in vasis & vivis & mortuis paucissima sanguinis copia superest. Eam rem ego quidem in vivis animalibus de frigida classe , vidi manifestius. Sæpe nempe in ranis ; sub principium experimenti , arteriarum pene nullum est lumen , ut crassissimas inter membranas exiguus canalis decurrat , cujus diametrum

c *Phil. Trans.* n. 460. & in *d* *Prælect. in propr. institut.*
second Mémoire p. 188. 189. ubi *T. II.* p. 247.
 vide citata loca scriptorum.

paucissimi unici ordinis globuli metiantur *f*. Eadem inde arterias redeuns cordis vigor, maxime si venam incideris, ita sanguine replet, ut lumen duplo & triplo latius nunc fiat, membranarum vero crassities pro eadem portione minuatur *g*. Hoc experimentum meditatus reperiet utique, arterias, & cum magno lumine plenas esse, & cum parvo, atque adeo pro ea portione sanguinis, quam amittunt, laxatis parietibus angustiores reddi, lumenque ita decrescere, ne quidquam inane in earum tubis sit. Si in hominum cadaveribus post iteratas venarum incisiones, & arterias & venas vacuas repererunt, ut modicum crassi sanguinis in dextra aure superesset *h*: Si passim inanium arteriarum recurrit memoria *i*, potuit utique in cadavere laxata arteriarum natura speciem inanitatis referre, quæ in vivo homine, dum firmior se arteria sustinuit, nulla fuit.

§. III. Sanguinis impulsio ab unda insequente.

Si arteria aorta plena est, novusque tamen sanguis in plenam arteriam projicitur, superest ut is sanguis, qui nunc in arteria est, cedat ad venæ, atque ab eo impellatur. Non oportet dissimu-

f Exp. 70. 77. 91. 92. 183.

g Exp. 91. 92. 95. 183.

h Senac l. c. T. II. p. 155.

Simile exemplum cordis ventriculorum & aurium inanium, post magnas sanguinis jacturas

habent *Fränk Anmerk.* T. III. p. 417.

i Parum sanguinis, aut nihil quidquam, in arteriis a morte reperiebat *Harveius* apud *Birch* *history of the Royal Society* T. IV. p. 535.

lassere eum quidem, qui nunc aortam replet; sanguinem non quietum esse, sed motu in prioribus pulsibus a corde accepto incitatum fugere. Si velocius fugeret, quam nova a corde unda insequitur, utique non percelleretur ab ea nova unda, & superesset eam inter prioremque sanguinis columnam inane spatium, in quod nova ea unda absque obstaculo se diffunderet. Verum ostendimus *k*, velocius priorem undam non fugere, cum ea, quæ nova sequitur, totam eam velocitatem conservet, quæ in sanguine cogitari potest, aliqua vero portione ea velocitas eo magis minuatur, quo magis a corde receditur. Sed neque eadem velocitas est prioris undæ, quæ novæ: quod si æque velociter fugeret prior, nec quidem altera sequitur, neque illa impulsum pateretur, neque ista obstaculum experiretur ullum. Minus autem velociter cum prior unda fugiat, quam nova insequitur, necesse est, superveniri a novissima unda penultimam undam, atque adeo hanc ab illa percuti *l*. Quo major erit velocitatis in utraque unda differentia, eo magis evidens erit prioris undæ impulsio, & eo manifestiori ictu a nova unda vetustior illa percutietur. Ita in animalibus vivis *m* impulsio, quam prior unda patitur, tunc demum ab oculo distinguitur, quando cordis vis elanguit, atque adeo sanguinis velocitas insigniter decrevit.

p. 29. &c.

l Franciscus Boissier de Sauvages in *Halesii hæmastat.* p. 246. 247. 248. *theoria pulsus*

p. 19.

m *Second Memoire sur le mouvement du sang.* Exp. 67. 81. 84. 85. 91. 126. 163. 173. 189.

Oculus enim rationem celeritatum facile distinguit, quæ sunt uti 3 ad 2, difficulter alteram, quæ sunt uti 19 ad 20. Quando id discrimen, de quo dicimus, exiguum est, tunc quidem percussio undæ posterioris in priorem nulla videtur *n*, etsi certo est aliqua, cum certo priores undæ posterioribus lentius progrediantur *o*. Quæ omnia in suis salamandris *Lazarus Spallanzani*, perinde ut ego in ranis vidit. Hæc est impulsio, qua unda, ventriculi sinistri cordis areæ æqualis, & paucos utique pollices longa, quæ nuper in novissimo pulsu de corde exiit, sanguinem ultra eos pollices positum accelerat, vimque novam sanguinis ad extremos usque artus impertit.

Qui eam impulsione negaverit, nullam rationem dare poterit, qua vi sanguis in circum progrediatur. Corde evulso, ut notissimum est, sanguis continuo quiescit, & pulsus cessat *p*, nempe sanguis a prioribus cordis contractionibus propulsus motum suum continuo amittit. Si amisit, neque a nova unda insequente cordis novam accipit, superest, ut etiam in vivo animale sanguis continuo stagnet *q*.

n Hinc in minimis non observata *Antonio van Leeuwenhoeck Exper. & contemplat. T. II. p. 167. exque theoria Bryano Robinson Essays on æcon. anim. Prop. XI. Conf. L. IV. p. 427. ed. 1757.*

o In aliis observationibus ipse eam in minimis vasculis vidit *Antonius v. Leeuwenhoeck*

l. c. T. II. p. 175. T. III. p. 114. deinde Antonius de Heyde de venæsect. p. 6. Henricus Baker microsc. made easy p. 136. Georg. Adams microsc. p. 45. Stephanus Hales hæmastat. p. 23. Conf. L. IV. p. 427.

p *L. IV. p. 429.*

q *J. Fanton anatom. p. 309,*

Idem est, siue cor destruxeris, siue negaveris, novam cordis vim ad priorem undam pervenire. Si omnino sanguis quieverit, ut in aqua merfis & suffocatis fit, totus omnium arteriarum sanguis ab hac una unda primum emovetur, adque motum revocatur.

Rationes istas celeritatis, qua sanguis ex corde nuper exeuns incitatus, & qua fugit anterior, definire suscepit Cel. Vir. *Franciscus Boissier*. Omnium optimum effectum sequi, siue antecedentem undam plurimum a nupera & novissima promoveri, ex hydraulicis recipit, quando velocitas motoris, quod cor est, ad velocitatem fluidi movendi, siue undæ prioris, est uti 4 ad 3 r. Verum ex corde sanguinem tanta velocitate prodire, ut ex ipso thalamo cum celeritate profiliat, quæ sit ad velocitatem ultra valvulas superstitem, uti 3 ad 1 s. Deinde in arteriis universum sanguinem nuper a cordis systole expulsum celeritate ferri, quæ sit ad sanguinis in fine systoles arteriarum moti celeritatem, uti 3 ad 2 t. Ita ex theoria vir Clar. sed etiam olim *Jacobus Keil* sanguinis in unda priori celeritatem æstimavit ut 15 : sanguinis vero per venas redeuntis celeritatem, quam habuit pro velocitate undæ nuperæ ab unda priori retardatæ, fecit ut 6 v, quæ cum prioribus utcun-

* *Mém. de l'Acad. de Berlin* 1755. p. 38. Typographi errorem esse crediderim, quando numeri isti ponuntur 3 ad 4. Nunquam enim vis nova, cujus celeritas esset ut 3 adtingeret

celeritatem priorem, quæ esset ut 4.

s p. 39. ob aortæ latefscens lumen.

t p. 40.

v *De vi cordis* p. 54.

que consentiunt. Nobis enim & saltus sanguinis vivorum animalium , & motus per arterias mesentericas , paulo alia dederunt corollaria , & in istis quidem arteriis , cum impulsione oculus non distinguat , non videtur ea ratione undæ nuperæ celeritatis anterioris velocitatem superare , quæ sit uti 3 ad 2. Tantam enim diversitatem non videtur oculi accurati sensum effugere posse. Neque tamen prætermitto , ab arteriis , quas solas oculo armato contemplatus sum , systolen & diastolen abesse.

§. IV. *Pressio in latera.*

Arteria in longitudinem exporrigitur.

Hanc nunc impulsione dimittimus , quæ ad motum progressivum pertinet. Sed alii sunt effectus sanguinis ex corde in arterias injecti , eorumque simplicissimus est , arteriæ productio in majorem longitudinem. Eam in omni pulsu , sive ligata fuerit arteria x , sive resecta y , sive flexa z , oculus in vivis animalibus & hominibus confirmat. In singula nempe cordis contractione arteria longior fit , atque , si flexa fuerit , pars prima ultra secundam producitur : si resecta ligatave , certe in longitudinem effertur. Eadem

x *Second Memoire sur le mouvement du sang, Exp. 47.* vidit Gerardus v. Swieten *Comment. in Boerb. T. II. p. 76.*
 $48. 57.$ z *Second Menu. Exp. 46. 56.*
 y In singulo pulsu arteriam *Josias Weitbrecht Comm. Pe-*
 resectam de vulnere eminare *trop, T. VII. p. 317.*

omnino fiunt , quando in arteriam cadaveris liquor aliquis impellitur. Hæc arteriæ in longitudinem productio , etiam in injectione , quam vocant , anatomica evidens est. In vivis animalibus adeo conspicua est , ut nuper Cl. viri eam dilatatione manifestiorem fecerint Cl. *Jadelot* , *Arthaud* & *Lamure* , tamen ut eorum primus mecum fateatur , evidentiorum esse in arteriis curvis , in rectis obscuriorem , & destructa curvatura elevationem carotidis destruxerit.

Quare arteria a sanguine de corde impulsu longior fiat , non est obscurum intellectu. A decrefcentibus quidem diametris arteriæ , quam pro unica habes , facile intelligitur sequi , ut columnarum sanguinearum per arteriam fluentium tanta portio in parietes arteriæ inpingat , quanta continetur in anulo imaginario , qui æqualis est differentiæ luminis majoris minorisque. Sed eæ columnæ utique arteriæ parietes secundum suam directionem impellunt , nempe a corde removent , quod vocant extendere. Sic etiam in flexa arteria columnæ sanguinis , quæ sunt in superiori parte canalıs , totum effectum suum in ipsum parietem secundæ partis arteriæ consumunt , eumque a corde removent.

Verum etiam cylindrica arteria longior fit , & recta : nam arterias cylindrorum seriei similes esse , post Cl. virum , nostrumque singularem amicū *J. Fridericum Schreiber* alias ostendi. Subtilior aliquanto hujus extensionis ratio est , & a celeritate diminuta sanguinis pendet. Continuo oportebit altius repeti , si arteriosum canalem habueris pro unico tubo , atque in eo

tubo celeritatem posueris majorem in principio, inque fine minorem, tunc eum finem haberi posse pro angustiori parte *b* canalis, sive pro canali, cujus pars clausa sit. Eodem enim tempore & in hac hypothefi, & in priori, minor sanguinis portio de extremo canale effluit. Nunc si ea ultima pars arteriofi tubi clausa est, sanguinis a corde appellentis vis obstaculum ea in sede reperit, & in canalis arteriofi parietes nititur, eosque, secundum directionem, quam a corde accipit, exporrigere conatur. Si canalis penitus clausus fuerit, tunc etiam magis extendetur, uti fit in corporibus cavernosis penis, sive ea sanguis libidinantis animalis distendit, sive siphon anatomicus ceram in ea corpora impellit. Ita fit in uretere clauso, qui frequentissime ad intestini similitudinem dilatatur. Si tubus idem non totus clausus est, sed ex parte aliqua, tunc minus quidem, sed pro ea ratione extendetur, qua major tubi pars cæcum finem habebit.

Alibi equidem de hac quæstione egimus. Repetere tamen oportet, utique arteriam ligatam non tumescere, & ab ea sanguinem fugere, quoties in vicinia rami sunt, per quos sanguis effugium inveniat. Quoties vero arteria absque ramis est sub vinculo editis, toties utique, & vehementissime, arteria ligata tumet, ut adparet, si in quocunque animale

b Nihil exit per ostium, ut posueris libero motui, statim credit *Vir. Cl.* canalisi liberi, aqua exsilit *Stæbelii de pulsu cylindrici.* Si obstaculum op- p. 9.

aortam supra cor ligaveris. Nunc in nostro exemplo, cum in omnes, eodem tempore, arterias, nova unda sanguinis incumbat, nusquam locus erit inanis, quo se impulsa ea unda recipiat, & necesse erit, eam spatium sibi parare in aucta arteriæ cavea, quam & in longitudinem producit, & in latitudinem. Sed etiam arteria tibialis vivi hominis ligata in aneurysma intumuit *c.*

§. V. *Pressio in latera arteriarum perpendicularis.*

Etiam majoris momenti est, quem nunc proponimus, sanguinis in arteriarum parietes effectus. Et primo quidem dudum ostendit *Jacobus Hermann*, & *Petrus Antonius Michelotti d*, sanguinis globulum, aut liquoris columnam, oblique per arteriam projectam, premere parietes suæ arteriæ secundum lineas, quæ in ejus ambitum ad perpendicularum incidant. Facilis est demonstratio, cum obliquus iste ductus in duas rectas lineas resolvatur, quarum altera ad axin & ad parietem arteriæ parallela est, altera ad utrumque verticalis. Sed arteriæ nullo in animale in rectitudinem exporriguntur, quæ ex corde prodeunt, earumque ipsum principium arcus est. Quare in aortæ potissimum ea prima sede, ejusque parte, in quam axis ostii cordis ducit, aneu-

c Med. Mus. I. n. 4.

d De separat. fluidor. p. 55. 56. 57.

rysmata frequentissima reperiuntur *e*, ita vero græci vitiosam arteriæ dilatationem vocarunt : quæ manifesto nascitur a nixu sanguinis arteriam undique distendentis, singulisque ab ictibus cordis incitati. Sed etiam in eadem sede frequentissime ossa præter naturam generantur *f*, in senibus tamen magis *g*; ex squamæ musculosam inter & intimam aortæ membranam *h* concreescunt, molles in principio & lutosæ *i*,

- e* In sinu maximo *Valsalva* p. 131. eaque tota sede, qua aorta dextrorsum primo, inde sinistrorsum flectitur *J. Bapt. Morgagn. Advers. Anat. II. p. 81. Schreiber Elem. p. 325. Michelotti Comment. Acad. Bonon. T. I. Lancisius de corde & aneurysm. p. 76. 110. edit. 1728. P. Senac tr. du cœur. T. II. p. 319. Henkel medic. chir. samlungen II. p. 39. Warner ad eas 12. Habent etiam exempla Saporta de tumor. p. 179. Heister annal. Jul. 1726. Augustinus Frid. Walther de aneurysm. Fischer de modo quo se ossa accommodant p. 32. Timm obsf. 18. H. F. le Dran obsf. 40. Vir eruditiss. Dan. Guil. Triller de oris ventriculi callos. angust. n. 27. C. G. Stenzel de aort. steatom. Phil. Transf. n. 1706. Comm. Lit. Nor. 1731. p. 30. Schacher progr. de mat. ossif. Molinetti, Riva Eph. Nat. Cur. Dec. I. ann. I. obsf. 18. Targioni raccolta II. p. 122. Heuermann physiol. T. IV. p. 26. Meckel Berlin T. XII, p. 44. 49. Jenty course T. III. p. 451. Hunter obsf. Soc. Lond. T. I. p. 348. Adjuvat autem, quod*
- ea pars aortæ, pro ramorum portione tenuior est, secundum *Clifton Wintringham*. Vide L. II. p. 144.
- f* *Cheselden Anat. of hum. bod. L. III. c. 6. Jenty l. c. Beck de palp. a corde. Deidier tumeurs obsf. 3. Schacher de mat. ossif. Heuermann l. c. Plevier ossif. præternat p. 11.*
- g* *Opuscul. pathol. obsf. 18. 19. 47. 51. Cheselden ibid. Rhod. Cent. III. obsf. 63. Vesal Exam. obsf. fallop. p. 36. Lucas of Waters T. I. p. 158. Bass Dec. III. obsf. 4. Buchwald obsf. 3. Bidloo Exerc. II. n. X. Hunter l. c. p. 36.*
- h* *Opusc. pathol. obsf. 18. 19. 47. 51. Crell l. c. Schacher l. c. Boebmer præfat. Morgagn. sed caus. morb. III. 83. Fibras musculosas anulares ossescere scriptum est Mem. de l'Acad. des Scienc. 1736. p. 326. Id quidem nunquam vidi factum esse: conf. Cl. Kulmus tend. Achill, rupt. n. 9. In abdominali aorta Morgagni l. c. Genga anat. chir. p. 92.*
- i* *J. Frid. Crell. de art. coron. indur. Opusc. pathol. obsf. 47.*

inde calli similes, demumque cartilagineæ & osseæ. Eas inter squamas quodcunque molle superest, id a vehemente cordis impetu, quem potentior nunc sustinet, deteritur, dissolvitur *k*, in ulcera abit, & denique ita eroditur, ut arteria omnino funesto eventu disrumpi possit *l*. Exemplum hujus maximi & frequentis vitii & ipse vidi, & alii viri clarissimi descripserunt *m*. Sæpe autem, quantum ego quidem novi, ossea natura cum arteriæ dilatatione *n* conjungitur, ut a cordis impetu, & sanguinis in membranas arteriæ nixu, utrumque vitium communem causam habere confirmetur. Ad idem denique majus aneurysmatis periculum Natura respexit, quando nascentis aortæ arcum in convexitate densiorem *n*^{*} fecit & crassiorē *o*. Altera sedes aneurysmatis in ea parte aortæ fuit, ad quam sanguis ab arcu percussus adludit *p*.

k Opuscul. patholog. obs. 18. 19. 47. Morg sed caus. I. p. 276. Crell l. c. III. Plancus de monstris in siphilicis ulcera & pustulas frequentes reperit. Inde rupta demum arteria homo periit Mekel T. XII. Mem. de Berlin p. 62. 63.

l Opusc. pathol. obs. 51.

m Chifflet obs. 15. Duverney traité des maladies des os T. II. p. 137. Lancis. de corde & aneur. p. 218. 232. 251. ed. nov. Meili medic. esamin. p. 173. Histoire de l'Acad. 1701. p. 28. Mekel l. c. p. 44. Vater l. c. Mem. de l'Acad. Roy. des Sciences 1712. p. 79. seqq. 1733. Valcarengbi in histor. II. Guisard traité des playes T. II. p. 455. Scardona aphor. de cognoscend. & curand.

morb. T. II. p. 83. in thoracis hydrop. Henkel l. c. p. 10. Fischer l. c. p. 32. Sharpe operat. p. 205. Comment. nov. Acad. Petrop. T. III. p. 401. 402. Daubenton histor. naturell. T. III. p. 162.

n Aneurysmata arteriæ ossea Phil. Trans. n. 269. Morg. Advers. II. p. 82. Lancis. post. I. de mort. subit. obs. 6. Mekel l. c. p. 46. 47.

n^{*} Wintringham Exp. 12. 13. Ad concavæ partis densitatem convexæ densitas se habet ut 82. ad 81. ut 50. ad 49 &c.

o Crassities convexæ partis se habet ad concavæ crassitiem, uti 8 ad 7 &c. ibid.

p Mekel l. c. p. 44.

§. VI. Porro confirmatur.

Sed aliæ etiam causæ sunt, animato corpori magis propriæ, quæ pressionem sanguinis in arteriarum latera determinant. Eas modo tetigi. Nempe unda prior, ex prioribus nimis nunc sæpe repetitis, tardius fugit, quam sequitur posterior, estque adeo huic undæ pro obstaculo, cum ea progredi nequeat, nisi priorem impulerit, sibi que viam coegerit aperire, sive quod eodem redit, non exit de ultima arteria tantum sanguinis, quantum prima cordique proxima arteriæ origo recepit. Quare denuo, nascitur eadem rerum conditio, quam modo proposui, & potest tota arteriarum universitas pro unico tubo haberi, cujus pars ultima angustior, atque adeo, cujus ultimi finis pars cæca est. Et hic iterum, si perfecte cæca foret arteria, eaque esset unica, totus cordis impetus confunderetur, partim in inpellendo eo cæco fine, partim in dilatando reliquo tubo arterioso, ut spatium sanguini pararetur, quem cor continuis undis submittit. Id autem spatium utique paratur per lateralem pressionem, quæ potest haberi pro pressione sanguinis ab axi ad perpendiculum in latera nitentis. Nunc quidem finis arteriæ cæcus non est, & sanguis in venas pergat transire, neque adeo cordis vis tota in parietes canalıs impenditur. Cum vero lentius in venas sanguis transeat, quam quidem a corde advenit, tanta pars pressionis a corde adhibitæ in dilatandam arteriam impenditur, quanta est diffe-

rentia velocitatis in primo arteriæ principio , inque fine ultimo : eritque pressio lateralis , si reliqua paria sumseris , tanto major q , quo lentius per minima sanguis movebitur , donec infinita sit, nempe quoad sola motum cordis consumat, quando nullus per minima arteriarum sanguis viam sibi aperit. Pressio enim lateralis est æqualis quadrato orificii arteriæ liberæ , diminuto quadrato orificii arteriæ obstructæ , atque adeo tota pressio in lateralem abit , quando arteriæ liberæ area nulla est. In cochlea , cum hieme lentissime sanguis moveretur , aorta decies corde amplior facta est q^* . In spina ventosa arteriæ dilatantur q^{**} , & vulgo in tumoribus cysticis. Sollicite in hac pressione demonstranda versatus est Vir Cl. *Franciscus Boissier r* & quidem plurimum ea ad interpretandum muscularem motum usus est *Richardus Jones* , neque eam pressionem *Jacobus Jurin s* ignoravit. Conica figura , cum ostium arteriæ ulterius minuat , adjuvat pressionem lateralem , non facit. Nam etiam cylindricæ arteriæ pulsu agitantur , ut carotides *t*.

§. VII. Ejus pressionis mensura.

Hanc pressionem multa sunt , etiam in vivis animalibus , quæ confirmant , ea nempe phænomena omnia , quæ ostendunt , ambitum arteriæ

q Jones de musc. motu , Sauvages loco modo cit. p. 131. curios. vol. I. obs. 36. p. 132. seqq.

q^* Lister Exerc. Anat. II. p. 29. s Diff. VIII. p. 71. 72.

q^{**} Falcke vener. p. 250. t Moneo , ob Cl. Stæbelini

r Nov. Act. Acad. natur. locum nuper citatum.

in vivo animale crescere , vicinasque partes corporis repellere , pulsus equidem , de quo uberius dicetur , digitique percussio ; arteriarum inflammatarum tumor ; fulci , quos arteriæ ossibus inscribunt , in osse sincipitis , frontis , occipitis , multiformi aliisque ; aneurysmata ; arteriæ ossæ obstructæ *v* , compressæ *x* ; ligatæ *y* ; foveæ , quas sibi aneurysmata in vertebrais aliisque ossibus parant , eorumve ossium caries *z* ; arteriæ a cordis impetu ruptæ *a*.

Difficilius est adsignare, quanta pars motus a corde sanguini impressi in dilatanda arteria consumatur, & quanta progressum per venas eodem urgeat tempore. Magnam istam portionem , & priori majorem esse , ostendi potest , & satis ad mensuram veriore accedi. Nempe uti dilatatio arteriæ est , ita vicissim ejus , quæ proximo

v Lobb of fevers p. 247. In mamma amputata arteriola radialis æqualis Palucci p. 302. &c. Mire dilatata arteria recurrens post revinctum in cubito truncum *Mollinelli de aneurysm.* T. I. f. 2. T. II. f. 3.

x *Garengot op&er. de chir.* T. III. p. 220.

y *Warner cas.* 13. Aneurysma super vinculum.

z *Valcarenghi hist.* II. *Saporta de tumor.* p. 172. *Heister annal.* Jul. *Guisard* l. c. p. 145. *Daubenton* T. III. p. 172. *Rumler obs.* 81. *Duverney* l. c. p. 237. 452. *Marcot Mem. de l'Acad.* 1727. *Duvernoi Comment. Acad.* *Petrop.* T. V. p. 316. *Chislet* l. c. *Nortwyck* in præf. ad *Nibelium*, *Lancisius* l. c. p. 218. 232. Co-

stæ fractura *Boerb. Prax.* I. p. 394. Claviculæ ab aneurysmate erosæ *Matani aneur.* p. 143. 144. ruptæ *Le Dran obs.* 40. Vertebrae deletæ *Hunter* l. c. *Moag sed& caus.* II. p. 148.

a *Conf. L.* II. p. 45. *L.* IV. p. 458. ed. 1757. & de arteriis aneurysmaticis *Melli* l. c. p. 173. *Michelotti Comm.* Bonon. l. c. *Maloet* l. c. *Sharpe* l. c. *Valcarenghi hist.* II. *Guisard* l. c. *Daubenton* l. c. *Moinichen obs.* 14. *Severin de noviss. abscess.* c. 7. *Dodonæus post vitis hist.* c. 35. *Harder apiar.* obs. 86. *Duverney* l. c. *Opusc. pathol. obs.* 82. hist. 2. *Matani de aneurysm.* p. 119. 120. 122. *Lancis.* p. 110. ed. prior. Aneurysma ruptum *Med. obs. and enquir* III.

tempusculo sequitur ; constrictio. Sed ejus constrictionis effectus est sanguinis saltus , qui fit de incisa arteria , dum cor remissum languet. Motus vero progressivus æstimatur ex saltu , qui de arteria , quæ tota refecatur , eo tempusculo fit , quo cor contrahitur , solusque , absque arteriæ auxilio , sanguinem promovet. Sed iste quidem saltus , qui cordi debetur , manifesto eum superat , qui fit ab arteriæ vi contractili , adeoque superat etiam pressionem lateralem , quæ huic contractioni æqualis est *a**. Alio etiam modo ostenditur minorem esse ; quod nempe procul dubio systoles cordis tempusculum longius est tempusculo diastoles. Verum in systole arteriarum rejicitur a contractione parietum , in tubum medium , inque venas ; ea portio sanguinis , quæ easdem arterias in earum diastole dilataverat. Si arteriæ plus sanguinis in venas mitterent , earum lumen continuo minueretur. Ea ergo copia sanguinis est mensura pressionis lateralis , quæ arteriam dilatavit. Nunc si tempus , quo cor languet , arteriave contrahitur , duplum foret temporis , quo cor contrahitur & arteria laxatur , & tamen in systoles suæ duplo tempore arteriæ non plus sanguinis in venas rejicerent , quam in subduplo tempore diastoles , dimidio ergo minor effet vis cordis in parietes arteriarum nitens , ea vi , qua sanguinem cogit in venas transire *b*. Accuratior mensura

*a** L. II. p. 427. edit. 1757.

b Sauvages l. c.

menfura pendet a certiori menfura temporis in fyftole cordis impenfi , qua ipfa caremus , & quæ omnino inventu difficilis eft *c.* Sanguinis portionem , quæ arteriam distendat , ad $\frac{2}{3}$ totius sanguinis de corde expulsi æftimat *Schreiberus d.* & olim *Stephanus Hales e.*

Cæterum eo minor erit preffio lateralis , eadem pofita cordis vi , quo expeditior sanguinis circuitus , & eo major , quo majora offendit impedimenta , major adeo , fi arteriam ligaveris , obstruxeris , comprefleris , alio modo impediveris *f.* per priora. Ostium aortæ pro vario cordis impulsu inde a 36 ad 40 & 50 partes dilatari *g* æftimat *Vir Cel.* Inde deducit *Idem* Clariffimus Iatromathematicus , in febre multo majorem partem motus a corde impulsu in arterias dilatandas confumi , neque adeo perinde aut antecedentis undæ , aut sanguinis circumeuntis celeritatem augeri , tritum vero in fanguine maximum oriri , inter undam insequentem , & priorem illam , quæ ipsi est pro obstaculo *h.* Eam quidem adnotationem ita interpretor , ut fim memor , si magis dilatantur arteriæ , etiam magis contrahi , atque adeo , nisi velis arterias in febribus in aneurysmata abire , utique celeritatem sanguinis intendi , cum & cor fortius

c L. IV. p. 454. ed. 1757. Certe quadragesimæpartitotius minuti fecundi æquale fecit *Schreiberus* *almag.* & *Stæbelinus de pulsu* p. 17.

d *Almag.* p. 231. Venis coronariis drachmas duas adsignat.

Tom. IV.

e *Hæmæstat.* p. 24.

f l. c. p. 131. Aneurysmata oriuntur a sanguine crasso , arteriisque extremis contractis.

g *Mem. de l'Acad. Roy. de Berlin* 1755. p. 37.

h *Ibid.* p. 39.

eum humorem projiciat, & arteriæ vehementius contractæ eum potentius promoveant.

Cæterum, quæcunque hujus dilatationis mensura fuerit, certum est, nisi ea continuo a contractione legitima compenfetur, magis & magis arteriam dilatari, cum singulus pulsus aliquid diametro addat. Neque obstat, quod arteria tensa magis resistat *i*, aut chordarum flexiones sint in ratione ponderum flectentium subduplicata, atque adeo aucta vi distendente ut 4, flexio arteriæ augeatur solum ut 2 *k*, & quod in dilatata arteria sanguis retardetur *l*. Nam sub aneurysmate contracta arteria adfectiones habet vasis pene clausi, & columna sanguinis arteriæ dilatatæ major est.

§. VIII. *Et effectus.*

Membranarum arteriæ densatio.

Ab eo effectu initium sermonis facimus, qui in omni animalium genere, inque omnibus arteriis locum habet. Nempe, dum secundum perpendiculum sanguis in arteriæ parietes nititur, primam pressionem impertit intimæ membranæ, eamque ab axi ad ambitum expellit, dum exterior illa, laxiorque cellulosa tela, ab ictu sanguinis remotior, minus pressa, non pari passu ab axi removetur: ita fit, ut arteriæ interna membrana

i Senac T. II. p. 208.

l Morgan mechan. pract. p. 47.

k Sauvages de inflammat. conf. Wintringham l. c. p. 132, p. 254.

ad extimam propius accedat, & anulus, quem arteriæ parietes constituunt, minorem in quolibet sectione latitudinem aut crassitiem retineat, dum una in minus spatium compactæ membranæ densantur. Id phænomenon equidem in solis arteriis frigidorum animalium vidi, in quibus dilatatio ab expulso de corde sanguine nulla sequitur: quin vero in calidis bestiis locum habeat, inque ipso homine, non videtur dubitari posse.

In frigidis certe bestiis manifestò vidi, & frequenter, dum cordis vis languet, & sanguinis copia in arteriis exigua est, lumen arteriæ parvum, sed insignem parietum esse crassitiem *m*. Eadem autem arteriæ conditio in systole arteriæ calidi animalis utique adest. Deinde, quando redux cordis vigor justam sanguinis penum in arteriam impellit, augetur in ranis arteriarum lumen *n*, & pari ratione membranarum crassities diminuitur. Sed is status diastoles arteriosæ simillimus est. Vidi autem lumen arteriæ inanis non majus, quam membranarum erat crassities *p*, vidi minus *q*, vidi duplo minus *r*, vidi denique in majori diastole triplo majus fuisse *s*, ut omnino sextuplo arteriæ paries & minus latus, & una densior reddatur. Ita ex ipso suo elatere arteriarum membranæ paulo post priorem statum, nativamque laxitatem recuperant, quæ systoles

m Second Mem. sur le mouvement du sang. Exp. 91. 92. 183.

n Exp. 91. 92. 95, 183.

p Exp. 69. 71.

q Exp. 77.

r Exp. 77. 92.

s Exp. 92.

arteriosæ species est, a musculosa diversa, ipsisque arteriis communis, quæ fibris carneis destituuntur. Non prætervidit penitus hanc densationem *Jacobus Keil* *t*: exiguam vero fecit, & facilis dederim, in homine, quam in frigidi sanguinis bestia, minorem esse, cum in his quidem extima membrana interiori, a corde impulsæ, inmota resistat; in homine vero etiam exterior illa cedat.

In eadem membranarum arteriæ densatione locum habet illa, *Præceptor* *v* nostro celebrata, arteriolarum compressio, quæ inter majoris arteriæ membranas ponuntur, cui certe compressioni magnam theoriæ senii, decrementi & mortisque naturalis partem Ill. olim *Senex* superstruxit. De senio alias requiretur, sufficiat interim monuisse, majorum arteriarum vascula *y* per extimam cellulosam telam distribui, omnium ergo minimam a sanguine per magnum tubum impulso pressionem pati: neque in vivis animalibus, ut certo vidi, ea vascula aut inaniri, aut expallescere: minima vero utique vascula, parumque nota, musculosam inter & intimam tunicam posita, conprimi posse. Neque tamen hanc causam esse, quare adeo frequenter *z*, & in senio frequentius, arteriæ ossescant. Nam eam causam in succo esse effuso, alias

t De sang. velocit. p. 28.

v *Prælect. in Inst. rei Med.*
CCXIII. T. II. p. 254. *Schreiber Elem.* p. 297.

x *Inst. rei Med.* n. 477.

y L. II. p. 131.

z *Buchwald obs.* 3. *Vesal* l. c.
Baas l. c. *Fischer de senio* p. 46.
Conf. Adolph. Bernh. Winkler
de lithiasi vasorum corp. hum.

Seç. II. ARTERIA DENSATUR, DILATATUR. 133

ostendi *a* , neque ignoravit vir Cl. *J. Fridericus Crell b*.

Cæterum hæc ipsa hypothesis fecit , ut & Ill. olim *Præceptor c* , & sequaces ejus viri discipuli *d* , sanguinem alio tempore in tubum magnum arteriæ recipi persuasi fuerint , alio in vascula , quae parietes arteriae percurrunt. Verum non est ea arteriae dilatatae pressio , quae vascula in exteriori cellulosa tela circumposita elidat.

§. IX. Dilatatio arteriae.

Caute oportet hoc critico seculo progredi , quo vix quidquam ita evictum est , quin ab hominum ingenio non sollicitatum fuerit. Nos quidem calidorum animalium arterias dilatari, atque earum diametrum utcunque augeri in diastole, sanguinisque impulsu persuademur. Sunt tamen, qui in universum in vivis animalibus arteriae dilationem videre non potuerint *e* , sunt qui vicissim contractionem ab arteriis abesse docuerint *f* : sunt qui in pulsu arteriam transferri , aliamque in sedem migrare , aliamque a priori lineam curvam describere posuerint *g* , potius quam quidem dilatatione sua digitum ferire ; persuasi , non esse in duabus uncii sanguinis voluminis

a *Opusc. patholog. obsl. 47.*

b *De art. coron. instar ossis indurat.*

c *Boerhaave Prælect. T. II. p. 251.*

d *Schreiber Elem. p. 297. & in Almagest. p. 220.*

e *Apud Stæbelinum de pulsib.*

p. 3.

f *G. A. Langguth , quem alias citavimus , de aorta ab officio cordis æmulo remota.*

g *Jos. Weitbrecht l. c. p. 316.*

fatis, quod sufficiat *b*, ut aliquod inde sensibus obvium in diametris arteriae incrementum nascatur. Sunt denique, qui hactenus arteriam dilatari dant, ut tamen altera diameter decreascet, dum augetur altera, atque adeo arteria in diastole ex transversa ellipsi in ellipsin abeat *i*, cujus major nunc diameter ad priorem perpendicularis digitum ferit. Has clarorum virorum cogitationes primum considerare necesse est, ut pulsus inde phaenomena continuo sermone liceat persequi.

Mihi quidem de phaenomeno ipso dubium nullum superest. Etsi enim utique non rarum est, in vivo animale inciso pulsum nullum adparere *k*, neque videri arterias dilatari, tamen frequentes satis observationes sunt, utique dilatationem & oculis *l*, & tangenti digito fuisse manifestam, ut arteriae arcum majorem describant, dum dilatantur *m*. Olim ita Cl. viris visum est, & nuper in multis experimentis Cl. Jadelot, Arthaud, Lamure, in nonnullis etiam Cl. Portal.

Verum & ego vidi, in ovium potissimuma mesentericis vasis, & vidit Cl. Spalanzanus, utique arterias verissime dilatari, evidentius in animale robusto, in vase magno, & in aorta,

b L. II. p. 410. ed. 1757.

i Jacobus Primirose de struct. fundam. Plempii p. 87. Dudum contra eum virum scripsit Blasius in Munim. fundam. Plempii p. 135.

k Ad Exp. 44. Second Mem.

sur le mouvement du sang. Exp. 50.

l Ibid. Exp. 44. 46. 55. 56.

m Caldani Ep. p. I. 333.

obscurius in debili , e in parvo vase. Merito monuit *Cl. Colomb* in *Antonii Portal* experimentis , tunc evidentius arteriam loco moveri , quando dilatatio obscurior est. Facile enim adparet, novae undae sanguinis spatium esse parandum , id si in longitudine aucta paratum fuerit , eo minus latitudinem iri mutatum.

Menfuram equidem hujus dilatationis aegre video sumi posse , cum unico ictu oculi ea dilatatio absolvatur , neque pulsilegium a *Sanctorio* promissum satis intelligo , neque ceram aut argillam , cui profundiores foveam arteria dilatata imprimat , naturae progressum indicare crediderim , quae dilatationi arteriae resistat. *Stephanus Hales* o , ut nuper vidimus , duas tertias partes sanguinis ex corde expulsi in dilatanda arteria consumi posuit , cum tempus , quo arteria est in systole , duplum faciat temporis diastoles. *J. Alphonsus Borellus* p arteriae dilatatae ad contractam arteriam eam rationem tribuit , ut sint inter se uti 63 ad 60 , calculis quidem usus non optime positus. In aorta , ex calculis positus tamen potius quam ex sensuum , *Cl. Boissier* distentionem aequalem fecit testimonio uni quartae parti lineae q. Ad lineam integram

n Promittit ejusmodi , ut motum & quietem arteriae metiri , & differentias motuum 133 percipere , & demum , qua die & hora ægri a statu naturali recedant , quave hora augmen-

tum febris desinat , definire possis *methodus vitand. error.* p. 289.
o p. 24. l. c.
p *De mot. anim.* L. II. prop. 71.
q *De pulsu* p. 29.

auxit Cl. olim *Weitbrecht* ^r, cujus e re erat esse quam maximam. Sed ego quidam haec omnia nondum liquere video, & in aliis & aliis arteriis aliter se habere. Utique tamen arteria poplitea impositum alterum femur memorabili aliquo intervallo elevat, & in pulsu aqua intumescit, in qua federis ^s. Nuper Cl. *Spalanzanus* anulo circumjecto arterias in flexionibus ad tertiam usque partem dilatari vidit, arteriam pulmonalem salamandrae etiam ad dimidiam; plus equidem in principio, in progressu minus.

Porro, cum Cl. *Weitbrecht* a dilatatione arteriae pulsum fieri ideo negaverit ^t, quod omnino nova unda sanguinis, ex corda effusa, non videatur tam vastum arteriarum systema ita dilatare posse, ut discrimen oculo manuve distingui possit, accuratius paulum oportet hanc difficultatem repetere. Si nempe aortam pro unico tubo habueris, qui contineat sanguinis libras decem, unciasve 160, tunc equidem duae eae novae unciae tubum arteriosum non majori ratione dilatabunt, quam octogesima: quae quidem mensura, si aortam posueris unciae habere diametrum, in ipsa aorta erit lineae pars pene octava, in arteria vero radiali, cujus diameter est trium, in exemplo, linearum, non excedet lineae partem 26. Si vero, in hoc

^r p. 315.

^s *Birch history* T. II. p. 426.

^t p. 314. Numeros mutavi, res eadem est. Similia fere Cl. *Winterl* de inflamm. arteriam

magis nempe dilatari, quam exigit copia sanguinis in nova unda in arteriam impulsu p. 98. 117.

phænomeno , dilatationem arteriæ vere observatam in diastole posueris æqualem quartæ lineæ parti , aut toti lineæ , facile adparet , imparem esse tantæ dilationi producendæ modicam illam sanguinis copiam , quæ nunc maxime de corde profiliit.

Hactenus huic difficultati conatus est subvenire Cl. *Josephus Brun* v , ut arteriæ sectionem in sua systole explanatam , in diastole in circumulum abire persuadeatur : & ita ut unice radius anterior & posterior arteriæ crescat , aut solus denique radius anterior : in eo a *Primirosio* diversus x , quod non perinde disertis verbis transversam diametrum dixerit minui. Sed arterias vivi animalis minime explanatas , & utique cylindricas y esse conicasve , dum sanguine replentur , certum est , sive in systole nunc constituentur , sive in diastole. In demonstratione etiam , quam non dudum dedimus z , nihil est , quare lateralis pressio , in aliqua puncta arteriæ , gravior incumbat.

Neque *Josia Weitbrecht* nimis angustam interpretationem adopto. Nam etiam rectæ arteriæ , & nusquam flexæ , pulsu agitantur alterno , & parem habent diastolen. Addit Cl. *Schreiber* , in arteriis minoribus hanc translationem magis locum habere a.

v l. c.

x Obscuriores Cl. viri voces fecerunt , ut eandem utriusque auctoris opinionem esse putaverim *Memoire sur le mouvement du sang* p. 35. Nunc ex litteris rectius mentem Cl. *Brunii* edoc-

tus , lubens moneo , minus a nobis Cl. virum recedere , quam recedebat *Primirosius*.

y L. II. p. 113.

z L. VI. p. 112.

a *Almagest.* p. 257.

Duobus modis autem ea , quam proposuit Vir Cl. solvitur objectio : sive minorem facias dilatationem , sive eam omnino non soli undæ tribuas , quæ nunc de corde prodiit. Manifestum , mihi quidem , videtur , eam undam partim dilatare suam aortæ portionem cordi proximam : partim impellere undas priores : ab iis undis , suam a prioribus pulsibus velocitatem retinentibus , & a novo impulsu incitatis , urgeri alias undas , quæ a prioribus pulsibus a corde projectæ sunt , & alias aortæ regiones expandunt. In quot enim lubuerit , columnas diviso arteriarum systemate , quælibet columna anterior lentius progrediens , a nova , quæ insequitur , urgetur. Ab eo vero impulsu undæ nuperæ in priorem , pulsus potissimum nascitur. Neque ideo pulsus minus eodem ictu oculi per omnes arterias fiet : id autem unice inde sequetur , quod omnino sequitur , pulsus eundo debilitari , sive minus atque minus arterias in sua diastole dilatari , quo longius a corde sunt remotæ *b*.

Quæ nunc posui , ea ex vivorum animalium contemplatione manifesta redduntur. Nam quamprimum languet in mortem inclinatum animal , utique manifesto serius atque serius pulsus in arteriis a corde remotioribus percipitur , qualis fere peristalticus per intestina motus proserpit *c*. Quando etiam isto languore

b n. 12.

c Du Borden *recherch. sur le pouls* p. 324.

debilius cor nunc falit, omnino solum principium magnæ arteriæ micat *d*, neque ultra pulsus percipitur, ut sæpe me in hominibus moribundis, alias etiam in vivis bestiis me vidisse, jam ulibi exposui *d**. Cum polypi in utroque ventriculo essent, pulsus in carpo nullus, in pectore tamen aliquis *d*** fuit. In abdomine nullus *d****. In vivo animale hæc tempuscula, distincta utique, ab ipsa sua velocitate confunduntur *e*. Quam exiguum discrimen sit, satis facile intelligitur. Sint in arteria tres sanguinis columnæ, neque enim numerus rem mutat; tempusculum ictus, quo secunda unda tertiam ferit, differt a tempusculo ictus, quo percutitur a prima, unico discrimine velocitatis, quo secunda unda fertur, & quo prima. Tota velocitas est ejusmodi, ut pes percurratur ab unda sanguinis in parte minuti primi forte centesima quinquagesima sive tertiis 24 *f*. Decrementum velocitatis maximum, a corde ad ultimam arteriolam, sit, ex clari viri calculis ejusmodi, ut 4 ad 3 *g*, ut in ea sede sanguis percurrat $112\frac{1}{2}$ pedes in primo minuto, unumque pedem in ejus minuti parte $\frac{1}{112}\frac{1}{2}$. Sit a corde ad arteriam radialem decrementum celeritatis dimidium ejus, quod nascetur ad arteriam usque capillarem ultimam. Sit decrementum in columna secunda natum, tertia pars

d Second memoir exp. 85.

*d** p. 103.

*d*** *Pissinius* p. 125.

*d**** *Valisner* III. p. 198.

Licutaud sepulchrat. II. p. 49.

e p. 119. &c.

f Conf. L. IV. p. 450. 451.

g L. VI. p. 118.

decrementi totius. Liberales calculos poro. Nam diminutionem in minimis vasis minorem esse, in majoribus majorem omnia consentiunt, & experimenta ipsa, alias producta *b*. Ipse Cl. *Spalanzanus* vidit arteriam in principio ad dimidias dilatari, in progressu minus. Percurrit ergo sanguinis ex corde exeuntis columna prima suum pedem in 24 tertiis, feritque secundam absoluto hoc tempusculo. Secunda idem spatium intra $\frac{1}{137} \frac{1}{2}$ ejus minuti primi, sive tertias $22\frac{1}{2}$ percurrent, & feriet tertiam. Et tertia, aliquando lentius mota, feriet quartam, in radii sulco positam, post tertias 21. Totum ergo discrimen temporum, quo columnæ primæ, & secundæ, & tertiæ parietem arteriæ feriunt, est trium tertiarum, sive partis vigesimæ secundi minuti, & positis in minuto primo pulsibus 80, discrimen æquale erit vigesimæ quintæ parti unius pulsus, quod quidem discrimen anima non percipit *i*: aut certe raro, nam & *Josias Weitbrecht* & alio & alio tempore carotidem, alio carpi arteriam salire observat, & ego, obscuriorem aliquam successionem in corde & carpo nonnunquam percipisse mihi visus sum. Vulgo nulla temporis successio observatur, omnesque simul in toto corpore arterie pulsare videntur *l*;

b Quæ saltum in ramis exiguis arteriarum, non tamen capillaribus, ingentem, neque multo minorem faciunt, quamque in trunco est. l. c. exp. 42.

43.

i L. IV. p. 506. ed. 1757.

& Idem de poplitea & bra-

chiali observavit *J. B. Senac*.

l *Galenus Admin. anat.* L. VII. c. 15. *Harveii Exerc.* I. c. 3. & in *Proæn.* *Valæus* in *Epist.* I. apud *Bartholinum* p. 405. deque auris arteria *Duverney de l'ouie* p. 202.

Alii , subtilius rem rimati nobiscum sentiunt *m.*

§. X. *Quæ pulsus est.*

Hæc alterna arteriarum *micatio* est , quam medici *pulsus* vocarunt , quo nomine dilatatio quidem arteriae potissimum intelligitur , ut tamen,etiam imaginarium tempusculum utrumque systolen inter & diastolen interpositum , eo nomine comprehendatur , imaginarium inquam, perpetuo enim vel increscit arteriae diameter , & diastole a minima latitudine ad summam pervenit : vel vicissim diameter a maxima ad minimam diminuitur , quod totum stadium est systoles. Vix nostro aevo necesse fuerit *pulsificam facultatem* refutasse , quae nescio quomodo secundum membranas repat , & de corde sanguinem advocet. Cum tamen ad experimentum *Galenus* provocet *n* , etiam nostri seculi audientiam meretur. Calamum in arteriam misit , qui progressum virtutis *pulsificae* interrumperet ; vidit , si fides est Cl. viro , sub eo calamo *pulsus* cessare. Neque nuperiores clari viri *o* , qui parum caeterum *Galenus* auctoritate movebantur , penitus nihil in hoc experimento veri repere-
runt.

m Schreiber *Almagest*. p.258. *veius Exerc.* III. p. 214. ne
n *An sanguis natura in arteriis contineatur* c. 7. *Administr.* aut *Walæus* l. c. p. 404.
Anat. L. VII. c. ult. *Vieussenius* dissentit *neurograph.*
o Obscuriorem certe sub calamo *pulsus* fieri fatetur *Har-*
p. 25. aut *P. Senac* T. II.
p. 224.

Dudum tamen *Vesalius* *p* experimentum repetiit, & utique sub calamo arteriam micasse vidit, idemque periculum & *Thomas Cornelius Consentinus* *q* iteravit, & *Plempii* defensor *r*, & *Raymundus Vieussens* *s*, & nuper Cl. *Jadelot*. Deinde & a corde pulsum fieri idem *Vesalius* *t* recte, & ante *Harveium* *v* monuit. Porro pulsum cum cordis systole conjungi, *Realdus Columbus* reliquit *x*, & *Harveius* *y*. Sed nimis facile est undae iter videre, quae ex corde advenit, arteriamque elevat, exque arteria incisa profilit: nimis etiam manifestum est, sanguinis de corde exitu impedito, a polypis inter valvulas intricatis *y** aut a valvulis aorticis ossis *y*** pulsum pene destrui, arteria ligata *z*, aut obstructa *a*, pulsum cessare, quando sanguinis a corde in arterias fluxus avertitur, & perinde destructo corde, & una ligatis umbilici arteriis, placentae arterias non pulsare, ipsius *Galenii* experimento *b*, & incisa arteria, ut de ejus vulnere sanguis erumpat, ultra sedem vulneris pulsum tolli *c*. Sed etiam inter duo vincula arteria

p De fabric. corp. hum. p. 819. 820.

q Progymnasin. p. 274.

r Munit. fund. *Plemp.* p. 105.

s l. c. p. 23.

t l. c.

v l. c. p. 35. 271. &c.

x De re anatom. p. 57.

y *Harvei* diff. III. p. 216. 271.

Walaeus l. c. p. 393. Second

Memoire sur les parties sensibles

& irritables. Exp. 514. 546.

548. 549. 550. 554. &c.

*y** *Valisner* III. p. 198.

*y*** *Lieutaud* sepulchret. II. p. 75.

z *Fallop.* de partib. similar.

p. 170. *Plemp.* fundam. med.

p. 117. Ent apolog. pro circ.

sang. p. 35.

a *Vieussens* p. 24. Corde

a polypo obstructo asphyxia

Malpigh. posthum. p. 45. *Valis-*

neri oper. T. III. p. 191. *Welsch*

episag. obs. 34. *Riolan* ad C.

Baubini p. 764. *Pissinius* de dia-

bete p. 125.

b De util. part. L. VI. c. ult.

Conf. L. IV. p. 506.

c *Attil.* *Bulgetius* de cordis

affect. p. 17.

plerumque pulsu destituitur *c** ; si aliquando faliisse visa est, id omnino tribuas arteria communicanti, quae inter duo vincula in truncum revinctum inserta fuerit, cuiusmodi arteriae necessitatem faciunt duplicis post aneurysmatis curationem injiciendi vinculi. Simplex enim si vinculum foret, arteria communicans a superiori & aperta parte trunci arteria, sanguinem in arteriae partem, a qua sanguinem avertere oportet, ducere pergeret.

Omitto aliquos recentiores medicos, qui ab elatere sanguinis pulsum derivant *d*, aut a tono; neque video cur dubitem, omnem omnino pulsum, ut omnem sanguinis motum, cordi acceptum referre. Video objectionem, esse ubi cor aliquoties pulset, neque ideo arteriae dilatentur *d**. Id in moribundis fit animalibus, in quibus cor contrahitur quidem, sed vix quidquam sanguinis ejicit, ut arteriae dilatatio conspicua non sequatur.

Video denique esse, qui velint, ante a propria vi arteriam periri, quam sanguinis unda advenit *d***. Verum hic Cl. viris experimenta obsistunt *d****.

§. XI. *Ad antiquitates pulsus.*

Nimis manifesta oculis est & digitis arteriarum micatio, & in vivi hominis non uno membro,

*c** Lamure *Mem. de l'Acad.*
1765. p. 655.

d Deidier *anat. raisonn.*
p. 200.

*d** Colomb ap. Portal p. 38.

*d*** Winterl. *inflamm.* p. 165.

*d**** L. IV. p. 429. &c.

& in animalibus spirantibus: neque potuit hominum memoriam diu effugere. Dignitatem vero nacta est, postquam medici & in China *e*, antiquissimis jam temporibus, & in Graecia signum morbi & naturae vires definiturum a pulsu repetere ceperunt. *Hippocrates* arteriarum pulsum non ignoravit, ad numeros tamen, adque subtiliora discrimina, non est progressus. Praecipua loca, quae de arteriarum subsultu habet, paucis repeto. Quibus vehementer in cubito vena pulsatur, ii ad insaniam proni sunt *f*. In velocissimis morborum pulsus creberrimi & maximi *g*. In lethargo pulsus sepultus *h*. Alia loca lector requirit *i*. *Herophilus* *k*, subtiliter in hac observatione versatus, pulsum rhythmum ad numeros mensuramque revocavit, sed ejus quidem viri opera interierunt. *Galenus* *l* eo majorem in hoc signo laborem posuit, quod ab *Hippocrate* pene desertum videret. Divisiones vero & classes adeo subtiliter composuit, ut ad lectum aegri pulsum species difficiliter agnoscas, quas separavit. Inter nuperiores
medicos

e Exstat pulsum theoria in medici *Lipe* opere *Nuy-King*, & ipse citatur auctor *Hoangti*, tertius imperii princeps *Cleyer Med. Sinens.* p. 16.

f *Epidem* II. Sect. V.

g *Epidem* IV.

h *Prænot. Coac.* L. I. n. 145.

i *Coac. prænot.* L. I. n. 130. 131. 134, & de alimento.

k Apud *Galenum* de pulsum different, L. II.

l In quatuor modo citati operis libris, & in IV. l. de dignotione pulsum, aliisque quatuor de causis pulsum, iterumque aliis perinde quatuor de præcognitione ex pulsibus. Mirifica vero propriae peritiæ in præsagiis ex pulsibus sumtis exempla producit.

medicos justo libro de pulsu *Struthius* egit *m*: ad numeros potissimum revocavit *Johannes Floyer*; ad notas musicas reduxit *F. N. Marquet n*; novas species, earumque specierum significationes detexit *Franciscus Solano de Luques n**, & longe ultra *Solanum* progressus nuperus auctor *o*, & ejus sequaces *o**. Meretur res a medicis aliquot paginarum patientiam.

§. XII. *Pulsus arteriosi sedes.*

Diximus in calidis animalibus majorem partem arteriarum manifesto micare, minores vero arteriolas in sano homine conspicuo pulsu non agitari *p*. Aliæ tamen in corpore humano regiones sunt, in quibus pulsus & manifestior est, & a medicis frequentius interrogatur: sive quod arteria paucis musculis protegatur, sive demum, quod os subjectum habeat, atque adeo firmiter fulta digito tangenti melius resistat. Vulgo tangitur pulsus in arteria radiali, dum radii leniter excavato sine sustinetur, prius paulo, quam conflexa circa radii finem ad dorsum manus se recipit *q*. Chinenfes etiam in eo

m *Sphygmica ars super* 1200 annos perdita Basil. 1555. 8.

n In libello *Nanceyi* edito a 1747. *nouvelle méthode pour apprendre à connoître le poulx de l'homme par les notes de musique.*

*n** In lapide lydio *Apollinis*, cujus compendium edidit *Jacobus Nibell* cum titulo *New and extraordinary observations con-*

Tom. IV.

cerning the pulse London 1741. 8. Incidium in primis pulsum primus definivit.

o *Bourdeu recherches sur le poulx par rapport aux crises.* Paris 1756.

*o** *Fouquet, Menuret, Michel sur le poulx.*

p L. IV. p. 427.

q *Tab. tot. corp. ant. in fasc. VIII. c.*

loco tres regiones arteriæ distinguunt, quibus proprias suas significationes distribuunt. Proxima temporalis esset arteria, qua parte supra jugum cutem inter *r*, & cellulofum durumque temporalis musculi involucrum adscendit. Sic labialis arteria, dum cutem inter *s* & marginem maxillæ inferioris flexuosa ad faciem tendit: & arteria poplitea medios inter femoris condylos intercepta *t*, & ophthalmicæ arteriæ ramus *v*, qui de orbita ad faciem erepit, & septi narium arteriæ *x*, & digitorum *y* non obscure micant; manifestissime vero arteriæ frontalis rami, qui in ipso fonte pulsatili puerorum cum aliis ab occipitali trunco furculis *z* conveniunt. Sed etiam tibialis anterior arteriæ pulsus inter hallucem, proximumque pedis digitum, facile percipitur *a*. Deinde de altero genere, ossibus non fulto, carotidum pulsus plerumque in collo tangitur *b*, nisi adeps truncum sepeliverit, & in labii coronaria utraque *c* micatio manifesta est.

Non ideo non aliis in corporis humani partibus micantes arteriæ percipiuntur. Aliquando alia a vulgari naturæ fabrica est, uti vidi in dorso manus magis, quam in ultimo radio, evidentem pulsus fuisse, procul dubio, quod

r Ibid. p.

s Ibid. Z. d.

t Ibid. tab. post. ad N.

v Fascic. VII. T. VII. f. 1. fasc. VIII. *psi* tab. anter.

x Fasc. IV. T. 2. 12.

y Schelhammer de cord. & pulm. offic. n. 63. de pulsu p. 31.

z Fasc. VIII. p. 59. T. post C. V.

a Pulsus eo loco tangi posse Amatus Cent. I. hist. 96.

b In febribus acutis vehementer salit Sylva de la saignée p. 349. Bartholin cent. I. hist. 18.

c Fasc. VIII, kappa & zeta & fasc. 4. T. 2. y. k. k.

arteria radialis majori trunco ad dorsum manus tetenderit cuti vicinior, & similia apud alios Cl. viros exempla reperio *d*. Huc forte referas pulsum in una manu maximum, qui in altera non percipiatur. Alias in morbo causa est. Ita in abdomine aorta duplo amplior pulsum effecisse videtur *e*: Est ubi sola macies fecit, ut ejus arteriæ pulsus per abdominis tegumenta perciperetur *f*. Est ubi gastroepiploica arteria *g*, aut cœliaca, saliens tacta est *h*, quo lienis pulsum refero, a *Nicolao Tulpio* descriptum *i*, adeo non infrequens malum, ut pro symptomate specifico colicæ pictonum a *Francisco Citois* *k* habeatur; & a *Zacchia* inter hypochondriacorum symptomata referatur *l*. Obstructio quæcunque, aut sanguinis major congestio, insolitæ pulsationis causa fuisse videtur. Aortæ forte pulsus fuit, quem inter scapulas hypochondriacorum

d Tulp. L. III. obs. 45. *Bruhier de l'incert. des signes de la mort*. *Eschenbach contin. obs. rar.* p. 68. *Alberti Med. Legal.* T. VI. obs. 24. *E. N. C. Dec.* II. ann. 10. obs. 74.

e *Blancaard Chirurg.* p. 431. *Bontius observ.* 8. L. III. med. Ind.

f *Winslowium & Sylvam de la saignée* p. 349.

g *Mauchart de pulsu crepitante* n. XI. *Berigt van cen Slaapziekte te Stolwyck* p. 23. *Columbus de re anat.* p. 268. Sed etiam *Pechlini historia* existat L. II. obs. 6. & *Salmuthi cent.* I. obs. 46. & *Severini med. effiac.* angiolog. p. 41. de abscess.

nov. obs. c. X. p. 206. Eo retulit Ill. *Senac* pulsum, quem gastroepiploicæ arteriæ alii tribuerunt T. II. p. 207. 441. Palpitatio ventriculi cum motu cordis synchrona *Woodward cases* p. 255.

h *Riolan Enchir. Anat. Pathol.* p. 218. *Memoire de l'Academie des Sciences* 1750. p. 354. cum a colicâ intestina gangrænam concepissent. In octogenaria a pastu pulsabat *Panarol Iatrom.* I. Pent. V.

i L. II. obs. 28.

k In proprio de eò morbo libello p. 219.

l *De hypochondria* p. 35. 165.

& hyſtericarum mulierum *Raulinus* ſæpe expertus eſt *m*. In ſede inflammata pulſus multo vehementior percipitur, ut etiam exiguarum arteriarum pulſationem percipias, quæ in ſano nullæ tangantur. Credas etiam arteriam coarctatam, & arteriam ſquamis oſſeis variam aliter ſalire, quam ſanam. Sed etiam cordis pulſus non eodem ſemper loco percipitur. Surſum dextrorſum ad ſecundæ & tertiæ coſtæ intervallum migraverat *n* in ægro, cui aorta in magno arcu vitioſe dilatata fuerat. Sed etiam ego nuper in juvene totum pectus pulſare & vidi, & audivi, & tetigi, cum a morte pulmones denſi & viſcida pleni materie, cor autem inſolitæ molis eſſet. Sub cartilagine mucronatâ cor pulſavit *n**. Denique exempla reperiſ, in quibus cauſa phænomeni difficulter reperiatur: ejuſmodi homo eſt dictus *Cl. de Haen*, cui in altero carpo 95, in altero 115 pulſus fuerunt. In manu dextra pulſus intermittens, in ſiniſtra bonus apud *Bader*; ſic *n*† in febre maligna pulſus in carotide vehemens, in carpo tardus & naturali ſimilis fuiſſe legitur. Carotidis quidem vehementiorem, quam in aliis arteriis, pulſum ſæpe expertus ſum *n****.

Contra non abſque exemplo eſt, in carpo nullum omnino pulſum percipi potuiſſe, aut in altero 0, aut in utroque *p*. His hominibus,

m *Des vapeurs* p. 19.

n *J. Philippus Burggraf* vir clar. in *Eph. Nat. Cur.* vol. X. obſ. 39.

*n** *Saccus conſ.* ult. p. 68.

n† *Kirby de febre malig.* p. 174.

*n**** *Sw. Acad. handl.* 1773.

p. 3. Plura vide p. 160. 161.

o Bartholin hiſt. 42. *Centur.*

IV. *Spindler obſ.* 10. *Rhodius*

obſ. 44. *Cent.* II. *Eph. Nat. Cur.*

Dec. I. ann. IX. X. *obſ.* 61.

Dec. II. ann. 2. *obſ.* 48.

p *Spindler obſ.* 29.

si integræ valetudinis fuerint *q*, potest arteria radialis minima fuisse, uti passim arteriæ diametro, perinde ut itinere, ludunt, & radialis arteria omnino nonnunquam exigua fuit, cum ejus locum vel interossea arteria teneret *r*, vel ulnaris, præter solitum amplior *s*. Potest etiam valde profundo loco posita *t* arteria micationes efficere obscuriores: potest per vulnus tota ea arteria periisse *v*, uti certe duobus in juvenibus vinculo ipse arteriam medicam intercipi jussi, cum chirurgi non alia ratione contumacem hæmorrhagiam superare possent: potest contractior fuisse truncus, ut cordi angustia sua resisteret *x*, aut denique omnino densato sanguine repleta arteria motum amisisse, quale ego vitium in aorta & carotide reperi *y*, Bontius in vena cava vidit *z*. Aliquid ejusmodi fuisse videtur in ægro, cujus sinistra manus absque pulsu calore & sensu fuit, & demum in gangrænam transiit *z**. De vitiis, deque causis, quæ pulsum in universum intercipiunt, alias rectius dicetur.

q Apud Baldwinum Ronseum
Epist. XI. Rhod. L. II, obs. 42.
r Fascic. VI. icon. anatomi-
car. p. 33.

s In eo forte exemplo, in
quo pulsus in carpo nullus, in
cubito fortis fuit *Recherches*
sur le pouls p. 323.

t Hac conjectura olim *Stru-*
thius præfagium funestum de-
clinavit, quod a pulsu defectu
medici sumserant l. c. p. 85.

n *Struthius* p. 86. Inde repa-
rato per anastomoses sanguinis
in arteriam incisam confluxu,

pulsus aliquot a vulnere diebus
restituitur *Chirurg. anweisung*
T. II. p. 800 &c.

x A contusione arteria com-
pressa coaluit, ut pulsus nullus
perciperetur *Memoir. de l'Acad.*
1736. p. 327.

y Progr. ad disp. Cel. Zinnii
inque opuscul. patholog. obs. 19.
20.

z l. c. non quidem inde mu-
tato carpi pulsu.

*z** De *Haen* rat. med. T. III.
p. 146. 147.

§. XIII. *Pulsuum discrimina.**Pulsus frequens & celer.*

Pulsus in universum mensura est virium, quas cor in promovendo sanguine impendit; rariores enim exceptiones hic omittimus, quæ faciunt, ut absque cordis vitio pulsus mutetur. Frequens adeo pulsus erit, quoties cor in dato tempore pluries contrahitur. Celer erit, quando cordis systole in quam minimo tempusculo absolvitur.

De celere pulsu & frequenti dubitatum est, num separari possint. Utique diversos esse, & antiqui auctores sunt *a*, & recentiores *b*, interque eos princeps *Georgius Ernestus Stahl c*. Sed etiam mihi manifesto differre videntur. Possunt perinde in minuto primo sexaginta pulsus esse, & tamen cordis systole in breviori tempusculo absolvi, quam prius solebat, ut diastole longior sit. Id ita se habere posse ex animalium frigidorum, exque incubati pulli contemplatione liquet. Nam frigidorum *d* animalium pauci in minuto primo pulsus sunt, quod intervalla duorum pulsuum maxima sint, non quod adeo

a Galen. de different. puls. L. I. methodo docendi medicinam c. 7. Philaretus &c. p. 18.

b Thomas Morgan philos. princip. of medecine p. 400. *c* In progr. de different. puls. celer. & frequentis in nostrar. G. C. Schelhammer de pulsu diff. T. II. recusio.

p. 417. Barthol. de Moor de *d* Tarditas nempe in anguilla conf. Stæbelin. de pulsu p. 16.

lente cor contrahatur. Ita etiam in pullo *e*, qui ovo continetur, certus vidi, infrequentissimum equidem pulsum fuisse, ut in minuto horæ quatuor, duo, & denique unica cordis esset systole: & tamen singuli pulsus magna celeritate abolvebantur.

Id contra dederim Cl. viris, & contrariæ sententiæ auctoribus, *Friderico Hofmann f*, & *Archibaldo Pitcarne g*, in homine sano, aut non insolitis ægritudinibus occupato, pulsum celerem difficulter a frequente distingui *b*. Cum enim in unico primo horæ minuto arteria octogesies micet, & tempus, quo salit, vix sit temporis unci pulsus tertia, erit tempus systoles cordis $\frac{1}{140}$ minuti primi, sive tertiarum quindecim. Si his tertiis una aut altera tertia accesserit, aut si vicissim decesserit, non facile satis in tactu subtilitatis, inque anima velocitatis erit, ut exile incrementum percipiat vel decrementum. Si tamen rarissimus in homine pulsus obtinuerit, non negaverim, facilius discrimen percipi, & distinxit certe *Stæhlius*, ut longissimum inter omnes faceret febris quartanæ pulsum *i*.

Iterum rationi consentire videtur, plerumque celeritatem pulsus cum frequentia in homine conjungi, quamdiu vires certe sufficiunt, ut idem pulsus una & celer sit, & frequens.

e *Memoire sur la formation du cœur* T. II. p. III.

f *Med. system.* T. I. p. 113.

g *Elem. med. mathem.* p. 49.

b *Stæhelin* l. c. p. 17.

i In morbis distingui posse *Bellinus de urin. & puls.* p. 72.

A stimulo enim fortiori, & abundantiori, cor & celerius contrahitur, & una frequentius *k*.

§. XVI. *Ejus pulsus cause.*

Et frequentius cor contrahi & celerius intelligo, si stimuletur acrius, aut stimuli sit impatientius. Ergo pulsus frequentem facit, unaque proculdubio celerem, magis irritabilis cordis indoles, ex qua fit, ut ab unda sanguinis minori recepta, cor tamen efficaciter, ob innatam quasi pruriginosam teneritudinem, ad contractionem sollicitetur. Hinc celerior ipsius fetus equi immaturi, & nuper nati hominis *l*, infantum *m*, & juniorum animalium, & in universum animalium minoris molis *n*, quibus uti tota corporis fabrica tenuior, & tenuiora nervorum involucra, ita sensus etiam acrior, & cordis muscoli magis irritabiles sunt. Columbæ pulsus sunt supra centum, cani 78 & ultra *o*. Arieti 65 *p* Bovi 36 & 38 *q* & 40 *q**. Equo 34 *r* ad 48. elephanto paucissimi, cum ei animali

k Hæc reciproca facit *T. Morgan* l. c. sed non persuadet.

l *Robinson Essay* p. 136.

m *Struthius* p. 193. *Robinson* p. 134. *Lister de humorib.* p. 33. *Rivini de palpit. cord. Fr. Boyssier embryolog.* p. 13. *classēs morb.* p. 34.

n *L. IV.* p. 131. & *L. VI.* Sect. 3. n. 16.

o *Browne Langrish Exper. cum*

aqua lauro-cerasi fact. V. *Omnino* 97. *Hales* p. 38.

p *Hales hæmast.* p. 27.

q *Sauvages de la maladie des bœufs* p. 10. *Memoire de l'Acad. Roy. des Sciences* 1748. p. 138.

*q** *Du Fort malad. epizoot.* p. 34.

r *Hales hæmastat.* p. 2. & 32. *B. Langrish Exp.* IV.

Sect. II. PULSUS FREQUENS ET CELER. 153

longissimum respirationis stadium sit *s.* Sed etiam cochleæ adultæ *t*, quam recens natæ, pauciores pulsationes sunt, plurimæ vero puncto salienti *v.* Senibus pulsus rarissimi *x.* Hæc denique præcipua ratio fuerit, quare feminis, etiam inter animalia *x**, & vegeti ingenii hominibus pulsuum, etiam in recta valetudine, major sit frequentia. Ob eandem rationem opium pulsus minuere dicitur *y*, sive intus sumtum fuerit *z*, sive unice exterius cordi circumfusum *a.* De eo eventu alias quæretur.

Altera causa, quæ facit, ut cor frequentius contrahatur, abundantia est stimuli, cujus denuo varii fontes sunt. Simplicissimus est, qui a magno corde nascitur, magnum voco, quod pro reliqui corporis portione magnum est. Majus autem cor est non junioribus solum, & minoribus animalibus, sed imprimis

s Gillius de elephanto p. 503.

t Bradley philosoph. account of the Works of nature p. 129.

v Floyer pulsewatch. p. 350.

Pulsus numerat 134. Primis diebus pulli cordis pulsus non potui numerare.

x Ad 30. 40. Sauvages respir. diff. p. 5.

*x** Bovi 40. vaccæ 45. du Fot l. c.

y Ad 20. intra minutum pulsus demit Floyer p. 118.

z In cane pulsus redierunt ad 76 & 85. Whytt Edimb. Ess. nov. T. II. p. 299. 300. cum in caveam abdominis opium injectum esset. Non recte vero cani

pulsus tribuit 150. Denique, sed debilitato & jam morienti animali pulsus fuerunt 7. cum in ventriculum opium injectum fuisset p. 282. Hæc hoc loco non refello, qui norim, usum modicum opii pulsuum frequentiam augere. Utique minuere dederim, quando cordis vires vehementius fregit *Memoire sur les parties sensibles* T. IV. Réponse à M. Whytt. Sibi a tribus granis laudani intra minutum primum sex pulsus defecisse *Pey* p. 489.

a In rana pulsus inde 9 & 6 & Whytt p. 290. in alia 15. 9. & 2. p. 286. & in alia 17. p. 281.

in animalibus calidi sanguinis, quibus octuplo *b*, quam frigidi cruoris piscibus, majorem rationem ad universum corpus habet. Pauci adeo animalibus frigidi sanguinis in eodem tempore pulsus sunt. In rana *c* ad 26, anguillæ ad 24 & 30 cochleæ unicus in octo secundis minutis *b** in vipera in min. ad 28 *g*, in testudine terrestri tredecim *b*, aut non multo plures. Exsanguibus cor rarius pulsat *i*. Contra calidis bestiis minoris molis cor majus, & in eadem magnitudine multo numerosiores pulsus sunt *k*, hominique raro non ultra sexaginta. Nempe cor, pro vasorum, & reliqui corporis portione grandius, plus sanguinis dato tempore ejicit, & plus ex eadem portione recipit, non editurum, nisi recuperaret. Verum ut sanguinis cor subeuntis copia, cæteris æqualibus positis, ita stimulus in corde, & uti stimulus, ita contractio.

Sed etiam aliæ causæ, quæcunque sanguinis cordi remissam copiam augent, eæ omnes pulsus faciunt frequentiores. Has inter motus musculorum est *l*, & nixus & vomitus & potentissimus partus. Deinde calor aeris, qui

b Conf. L. IV. p. 431.

*b** *Hanovv.*

c Conf. *Whytt* l. c. p. 281. qui numerus mihi ingens videtur. Quater quam homini pauciores *Caldan.*

g *B. Langrish of muscular motion* ad fin. nam *Johannes Woodward* non supra 17. numeraverat, donec aqua calida ad-

funderetur, ita numerus auctus est ad 32 *Supplement* p. 82.

b Aut paulo plures *Caldesti* p. 66. 240. In aquatica paulo frequentiores recensuit *Idem.*

i *Harvei* p. 45.

k Ut. muri, columbæ, aviculis aliis, quarum pulsus ægre numeraveris.

l n. 17.

Seçt. II. PULSUUM IN NUMERO DIVERSITAS. 155

sanguinem etiam in experimentis movet *m*, expandit, cordique ex valvularum natura suppetat. Hoc experimentum nuper in Anglia auctum est, & constitit, augeri pulsum, minori vero pro caloris externi portione. Ita reperio fuisse pulsus 126 cum calore 130 graduum, & pulsus 139 cum calore aeris 130 graduum *m**. Iterum in calore multo majori 240 & 260 graduum pulsus non supra 144 fuerunt *m***. In alio experimento cum calore 202 graduum, calor humanus fuit 99 $\frac{1}{2}$ pulsus 120. In aere 210 gr. calor humanus 111 $\frac{1}{2}$ pulsus 114. In alio cum aere 227 gr. calente pulsus ab 80 ad 145 adscenderunt, calor substitit ad 102 *m****.

Sic pediluvium *n*, & balneum o pulsum accelerat, cujus in calore incrementa inque pulsu, & ne opus sit releperet, paucis dicemus. Aquam calentem paulatim pulsum duobus 6. 12. 15. & 25. & 40 pulsibus & uno intra minutum primum augere, & vicissim frigus deprimere. In nuperis legas experimentis in calore 124 gr. pulsus fuerunt centum o*, & in calore 114 pulsus a 73 ad 114 aucti o** & a 65 ad 110 o***, & in calore 110 gr. pulsus 98 ad 120 o†. Thermæ ali-

m Second Memoire sur le mouvement du sang Exp. 6. 7. *m** Phil. Trans. L.XV. P. I. *m*** Vol. LXV. p. 2. p. 487. *m**** Dobson ib. Plura vide p. 160. 161.

n Stevenson-Essays of a Societ, at Edimb. T. V. P. II. p. 871. Nempe a 66 pulsibus ad 98.

o Henkel bethesda portuosa p. 126. 127. Memoire de l'Acad. 1752. p. 637. in calore equidem nimio.

o* Haygarth apud Falconer Bathwaters II. p. 182.

o** Id. cod. loc.

o*** Id.

o† Id. p. 182.

quanto magis stimulant, & pulsum auxerunt ad 120 o††.

In hypocaustis illis rufficis 167. gradib. fahr. calentibus pulsus in sene ad 120, in viro ad 130, in puero ad 150 acceleratur. In languentibus animalibus calor externus pulsus facit frequentiorem *p*, quod quidem phænomenon in puncto saliente, & incubato in pullo *q* frequentissime vidi, alique ante me clari viri viderunt. Denique major respiratio, & ipsum suspirium, pulsum intendit *q**.

Quare, uti febris calorem in humano corpore excitat, ita vicissim calor febrem auget. Inde funestissimæ febres a calidis hypocaustis, a velamentorum lectorumque calido operimento. Pulsus in somno frequentiores ad calorem recte refert *Browne Langrish r*, & ego olim retuli *s*.

Cibus sumtus chylum cordi submittit, pulsumque, non minima ratione, reddit frequentiorem *t*.

Iterum omnia obstacula, quæ sanguinis per arterias liberum iter sufflaminant, cordis motum vehementer augent, quamdiu ejus organi vires valent. Vinculum aortæ injectum miram in

o†† Id eod. 1.

p L. IV. p.467. *Whytt* p.350.
B. Langrish musc. mot. ad fin.
Woodward supplem. p. 82.

q *Memoire sur la formation du poulet* T. II. p. 110.

*q** *Conf. Henshaw aerochalin.*
p. 79.

r *Modern practice* p. 273. a
pulsibus 70 ad 80, ab 80 ad 96.

s *Comment. in prælect. Boerh.*
T. IV. p. 506.

t *Floyer* p. 83. 84. *Robinson*
p. 149. *G. v. Swieten* T.I. p.680.
Etiam lac a phthificis epotum
pulsum accelerat.

Seç. II. PULSUUM IN NUMERO DIVERSITAS. 157

corde conatum vehementiam excitat v , quia sanguinem a venis accipit, neque potest edere, neque se liberare stimulo. Quod vinculum id polypus facit x . Eadem ratio est eorum obſtaculorum y , quæ, in febre, inque inflammatione subtiliora, sanguinis per minima iter morantur. Quoties nempe omnia plena ſunt, & per arterias humoris vitalis circuitus abſque mora expeditur, toties cor facile ſtimulo ſe liberat, & integre, ut perfecte vacuum longiori demum tempore denuo eam ſanguinis copiam recipiat, quæ ad pulſum excitandum ſufficit. Quoties vero per arteriam ſanguis ceſſat exire, neque vires hætenus deficiunt, toties cor ſtimulum venoſi cruoris diutius retinet, quem malignius expedit, atque adeo celerius pulſat & violentius. Hæc eſt cauſa pulſus vehementis febrium inflammatoriarum, in quibus lymphæ ad corii modum lenteſcit, neque per minima vaſorum ſanguis libere circumit y^* .

Sunt qui hos cordis contra reſiſtentiam obſectam inſurgentes conatus animæ tribunnt, quæ vires pro reſiſtentia ratione intendat. Eos viros vellem in rana, capite deſtructo & ſpinali medulla diſſecta, aortam vinculo intercipere y^{**} , aut cor ipſum, cum vaſis ligatum de corpore

v L. IV. p. 490. ed. 1757.

x Inde palpitatio Beck de pulſ. cord.

y Sauvages de inflammat. p. 278.

y^* Ita crediderim celeritatem y^{**} L. IV. p. 490. ed. 1757.

ſanguinis febrilem explicari poſſe, non a diminuto vaſorum liberorum numero, atque adeo ſanguinis per pauciora libera neceſſario celeriori itinere.

animalis evellere, atque ejus cordis, vi nervea destituti, animæque subtracti imperio, motum speculari. Videbunt certe, ut ego vidi, perinde cor contra obstaculum niti, etiamsi animæ consilium nullum nunc superest.

Eadem fere debilitatis *z* est ratio, quæ obstaculi. Quando enim vires corporis universi fractæ motui vitali perficiendo nunc impares succumbunt, utique cor nunc languidum minus perfecte se venoso sanguine liberat, hinc pluries ad eundem sanguinem ejiciendum contrahit, eum vero, ut debile est, parum promovet. Hinc equæ nunc debilis pulsuum numerus a 40 ad 100 in minuto primo adscendit *a*. Hinc moribundis animalibus pulsus cum parvitate celer *b*, & fere eundem numerum attingit, qui in saliente puncto est, & quem intenta anima medici ægerrime numerat, circa 140 *c*, in primo minuto. Ad debilitatem etiam pulsus illos celerrimos refero, quos a læsa medulla spinali Cl. *Caverhill* *c*^{*} adnotavit, ut ad 122. 118. 140. 160. 162. 183. pulsus adscenderent, quæ quidem frequentia fidem meam superat.

Alia denique causa cordis celerius & frequentius contracti latet in stimulo, sive nunc nervi a quacunque causa vehementer sollicitentur, sive sanguinis vis increverit, qua cor in motum ciet. Ergo ab adfectibus animi *d*, ira, terrore

z *Robinson Essays on animal æcon.* T. II. p. 381. 383. Pulsus a debilitantibus medicamentis acceleratur *Schwenke* p. 77. *Quésnai de la saignée* ed. nov. p. 68. 69. olim *Galenus*.

a *Hales* l. c. p. 12.

b *Formicans Floyer* T. I. p. 311.

c *Floyer* ibid.

c^{*} *On heat*.

d *Floyer* p. 91.

& pudore , variisque passionibus pulsus acceleratur , ut sola etiam medici præsentia in tenerioribus feminis arterias frequentius micare cogat *e*. Sic vehemens animi in difficiliore labore studium pulsus accelerat , caloremque & sudorem denique movet.

Demum nullus fere major dolor *f* esse dicitur absque velociori pulsu , quæ ea spina est , non ignorata *Helmontio g*. A dolore equæ pulsus a 36 ad 60 & demum ad 100 adscenderunt *h* , cum incideretur. Et alteri equo¹ , libero pulsus in eodem semper primo minuto fuerunt 40 , continuo vero 65 , cum acrius torqueretur *i*.

Ad stimulum calorem refero , qui a frictione oritur. Sed etiam electrici ignis excitatus torrens , pulsus non infrequenter acceleravit *k* , ad decem *l* , & duodecim *m* , & sedecim & triginta demum in minuto primo vices. Alias tamen nihil mutavit *n*.

Constantior in excitando celeriori pulsu vis est sanguinis , occulta certe , sed aliqua tamen ratione ita mutata , ut cor vehementius , quam sani hominis sanguis , sollicitet. Ejusmodi

e *Recherches sur le pouls par rapport aux crises* p. 65.

f A dolore pulsus ad 86. & 100. in minuto primo intenditur *Floyer T. I. p. 224.*

g *Blas humanum n. 28.*

h *Hales l. c. p. 2.*

i *Ibid. p. 12.*

k Septima , sexta , etiam quinta parte des *Hais de hemiplegia*. Etiam in paralytico

Shebbeare princip. of practice T. II. p. 352.

l Ab 80 ad 90 *Jallabert p. 75. Bina von electrischen Wirkungen.*

m A 72 ad 84. des *Hais de hemiplegia p. 36. A 72 ad 84 Stæbelin de pulsu p. 13.*

n *Memoire de l'Academ. des Sciences 1749. p. 39.*

pulsus est , qui a pure sanguini commisto nascitur , in febre nempe hectica , quæ non a pulmonis solius vitio , sed perinde incitatur , sive hepar , sive ren , sive artus aliquis ulcere consumatur , uti quidem sæpe , etiam in ossium remotorum artuum vitiis vidi.

Aliud exemplum est gangrænosæ febris , quæ per tristia exempla notissima , a cortice peruviano , ut aliæ febres , sæpe feliciter superatur. Quoties nempe putridum liquamen , in cellulofam telam effusum , venis hauritur uberius , utique pulsus cum debilitate citissimus , cumque tendinum tremore & desipientia levi conjunctus supervenit , a quo ad mortem brevissima via est.

Ejusdem generis eæ febres *n** sunt , quæ fiunt a contagio manifesto acri pestis , variolarum *o* , dysenterix , accumbentis hominis phthisici *p* , carceris vaporibus fætidis pleni , stagni *q* sordibus *q** infecti , aperti sepulchri *q***. Denique morsus animalium iratorum , in quo venenum est , fere pulsuum numerum auget , exiguæ etiam bestiolæ , aranæ. In eximiis *Antonii Martini r Rolandi* f. experimentis in variolis confluentibus ante eruptionem pulsus temporum

*n** Nimius fuerit *Cl. Whytt* , qui pulsus in febre facit 180. *Nerv. disorders* aut *Id.* 200. pestilente aere nosocomiorum *Belloste Chirurg. de l'hospital.* p. 67.

o *Floyer* p. 83. Semel 140 *Martin* die tertio. Nam alias tantum 107. 103. 91. fuerunt.

p *Cerdan discurs. phisicomedic.*

q *Pringle of jail-fevers & in Phil. Transf. vol. 48. De simili*

*q** *Anonym. de febr. intermitt.* p. 18. (*Senac*)

*q*** *Labat voyage d'Italie* T. IV. p. 93.

r *Sw. Acad. Handl. 1773. Trim. 3.*

Sect. II. PULSUS FREQUENS. TARDUS. 161

97 manus 118 cum calor foret 37 gr. & die tertio pulsus temporum 92, carpi 109, cum calore 34. ut tamen pulsus carpi ad 132 adscenderent. In alia febre pulsus 140. *Donald Monrous* reperit, qui vix numerari possint, easque ad 160 & 183 augeri posse persuadetur *r**.

Ejusdem denuo naturæ pulsus est citatior, qui a fermentatis liquoribus, alcohole gravibus *r***, & a calidis medicamentis nascitur. In cane, aqua laurocerasi pulsus a 78 ad 135, in equo a 34 auxit ad 103 s. Sed etiam ab argenti vivi actione, dum saliva fluit, pulsus ad 120 & 130 incitatur *t*.

Denique pulsus magnus una & celer v veram in sanguinis circuitu celeritatem demonstrat, nam multus sanguis quoque pulsu de corde expellitur, & frequentiores undæ sunt. Cum parvitate conjuncta frequentia pulsus unice cordis auctum laborem demonstrat.

§. XV. *Pulsus rari & tardi causæ.*

Facile intelligitur, hujus pulsus causas contrarias esse causis pulsus velocis: nempe cor minus irritabile, aut diminutum stimulum, a quo irritatur. Rarus pulsus est, quando quam minima in universa sanguinis via resistantia cordi obstitit. Nam perfectius cor depletur, adeoque

*r** *Prælect. p. 103.*

*r*** *Floyer p. 83.*

s *B. Langrish experiment. IV. & V.*

Tom. IV.

t *Grainger de ptyalismo.*

v *Sauvages de inflam. p. 227.*

Frequentem & plenum nominat. Conf. Robinson prop. 134

intra brevius tempus tantundem expellit sanguinis α : ut omnino præter omne experimentum a vasorum obstructione & a nata inde resistentia, & viscido sanguine; pulsus retardari *Bellinus* scripserit γ . Minus enim sæpe embolum agitare oportet, quo magis expedite aqua de siphone prodit: pluresque non dubie ictus requiruntur, quam primum oportet obstructos, & valide elasticos tubos dilatare. Hinc sanissimo homini pulsus rarus, neque fere vitium in nimia raritate esse potest z . Summum signum febris fideliter declinantis, pulsus est nunc rarior. Memini, qui tot febres continuas exanthematicas, aliasque, passus sim; quot vix quisquam alius, etiam in vehementissima miliari, & in erysipelacea febre, cum in summo periculo vita mea versata fuisset, omnem me metum abjecisse, cum ad pulsus 180 in duobus minutis illa enormis pulsuum frequentia rediisset; neque unquam spem me fefellisse, quoties ad eam fere mensuram malum deferbuerat.

Rarus porro in universum est pulsus senis a , aut animalis vetuli, rarus animalis magni b , rarus hominum, quos phlegmaticos vocamus, quibus cor minus irritabile, totaque nervorum universitas surda magis sit ad stimulos c , rarior ab

α *Sauvages de inflam.* p. 203.

γ *Stæbelin l. c.* p. 13.

z *De pulsu & urin.* p. 72.

Schelhammer de pulsu p. 46.

a Rivin de palpit. cord. *Floyer*

p. 44. 185. *Sauvages class. morbor.*

p. 34. *de respir. difficili* p. 5.

Recherches sur le pouls p. 5. 15.

Marquet p. 28. ad 30 & 24.

quod fere incredibile.

b p. 152.

c *Floyer passim.*

usu papaveris omniumque medicamentorum, quæ nervorum tumultum sedeant. Rarior in melancholico homine *c**.

Deinde, per eadem, rarum pulsum esse adparet, quando minor copia sanguinis cordi remittitur. Rarus ergo pulsus est animalibus frigidis *d*, quibus cor parvum; rarus homini quiescenti, cujus neque mens curis agitur acribus, neque corpus musculorum motu exercetur.

Sed etiam frigus, quod motum in tota natura supprimit, de pulsum frequentia demit, ad decem & quindecim in minuto primo vices *e*. Pauciores ergo pulsus hieme *f*, animali hibernanti *g*, homini frigidiorum Europam incolenti *h*. Rariores sunt etiam, quando a sanguine omnis vitiosa acrimonia abest, quæ forte inter causas est, quare infantes & sæpe & blandissime dormiant; senes somnum tristes & frustra sæpe expectent avidi.

Neque ego unquam aut in febrium intermittentium principio *i*, aut in lentis *k*, aut in acutis *l* febribus pulsum ad 90 descendisse vidi, cum etiam in intermissionibus tertianæ aliquantò frequentior sit, etsi utique debiles & humiles pulsus fuisse viderim. Certe mecum in paroxys-

*c** Whytt disord. p. 303.

d p. 154.

e Floyer T. I. L. I. p. 78. &c.

f Rye p. 270. 304. Rarus pulsus hiemalis cochleæ Lister Exerc. Anat. II, p. 29.

g Lyonnet l. c. Hanow l. c.

h Linguet l. c. Schwenke.

i Helmont blas human. n. 28.

B. Langrish modern practice p. 226.

k In febrè lenta adeo rarus pulsus, ut duodecim primos numeros inter duos pulsus pronunciantes Rumler obs. 46.

l *B. Langrish* p. 48. ad 70. & 90, *D. Monroo* l. c.

mis febrium intermittantium frigore celerem & parvum pulsum reperit Cl. olim *Bryan Robinson m*, & nuper Ill. de *Haen m**, inque ipso paroxysmo pulsus 100 ad 120 *Floyerus n*. Quare pulsum febrium *n** malignarum *o*, aliaque ejus generis experimenta facta esse aut absque horologio, aut debilitatem summam *o**, aut peculiare aliquod pulmonis vitium cum febre conjunctum pulsum retardasse oportet. Sed neque alias epidemicas, & deterioris ingenii febres vidi, in quibus pulsus neque robore suo a naturæ modo dissenserit, neque celeritate *p*.

Quoties nempe pulmo quacunque de causa, a polypo *p**, glandulis scirrhis, spasmus forte nerveo impeditur, neque sanguis expedite a dextro ventriculo in sinistrum venit, neque interim magnus & febrilis conatus sanguinem per pulmones urget, tunc utique pulsus cum vitio rarus erit. Neque enim arteria sanguinem accipiet, neque medici digitus ejus dilatationem in carpo sentiet, quando ad aortam sanguinis parcius copia venit: non veniet autem, nisi per pulmonem ad sinistras corporis caveas via patebit. Ergo anhelosis pulsus rarus *q* ut in amplissimo

m *Essay on animal æcon.* T. II. p. 387.
*m** Celer & parvus l. c. T. II. p. 164. Non recte tardum fecerat *Berger laus febr. merito suspect.* n. 29.
n p. 43.
*n** *Werlhof variol & anthr.*
o *Recherches sur le pouls* p. 309.
 Pulsum rariorem fuisse, quam in homine sano solet.

*o** p. 166.
p *P. Alpinus de febribus pestilentibus Alexandria grassantibus de medic. ægypt.* L. I. c. 14. *Rye* l. c. p. 6. *Russel de febribus Alepicis natural. hist. of Aleppo* p. 209. 230. *Massa de febr. pestilent.*
*p** Tantum 15 apud *Targioni* *racolt.* II. p. 122.
q *Zecchi consil. medic.* p. 181.

fene, vehementis in asthmatis paroxysmo, non dudum vidi. Homini, cui sanguis crassissimus continuo cogeatur, quamprimum ex vena fluxerat, & in cujus cadavere auriculæ sinistræ aucta erat cavitas, pulsus, dum vixit, fuerunt a 23 ad 35 *r*, quo numero nunquam minorem aut vidi, aut fere legi. Suspendis pulsus nullus est, & redit a venæ sectione, quæ facit, ut spatio nato cor se deplere queat; a vapore etiam carbonis, cum vires una deficerent, pulsus rarus fuit.

Major & vitiosa una raritas in pulsu est, quæ intermissio dicitur, & cujus par omnino causa est, sanguinis nempe etiam parcius in aorta penus, quam in raro pulsu fuit. Ergo in asthmaticis, & in peripneumonicis *s* & in anhelosis quidem hætenus cum minori periculo pulsus intermittit, ut medelam a vena incisa id malum accipiat *t*, quod maximum terrorem incutiebat. Ita ab osseo diaphragmatis centro pulsus intermittens ortum duxit *v*: & a polypo, qui magnam arteriam obturaverat *x*, & a valvulis aortæ ostio præpositis *y*, quæ osseam naturam induerant, ut & in aortam parcius sanguis veniret, & in cor ipsum cogeretur redire, & a gibbo pulmonis libertatem minuente *y**. In senio, ab

r Henkel IV. *Samlung*. p. 46.
s Sæpe, & nimis frequenter vidi. In pleuritide *Eph. Nat. Cur. Dec. I. ann. 2. obs. 237.*
t Conf. *Bartholin hist. 42. Cent. IV.*
v *Journal des Savans* 1751. M. Sept.

x *Klaunig Nosocom. obs. 4.* Frequenter hanc pulsus intermittentis causam esse *Mauchart de pulsu crepit. n. 21.*
y *Cowper philos. transf. n. 299.*
Ludwig patholog. p. 135.
*y** *Ludwig ibid.*

aorta forte dilatata & cartilaginea, pulsus intermittens z. Mihi aliquot per annos obscura de causa pulsus vehementer intermisit, ut integris diebus tertius quisque deficeret. Eum statum ægre ferebam, ut frigori & animi deliquio proximus essem, potissimum cum alter quisque pulsus me destitueret. Id tamen tantum malum sponte evanuit, neque nunc aliquot per annos quidquam sensi in pulsu alienum. Cum intermittente pulsu collecti sanguinis sensum cum aliquo dolore percipiebam.

Deterior causa est, quæ a corde debilitato provenit, quod parvum stimulum non percipit. Ita in pessimis febribus, vitalem vim penitus frangentibus, pulsus sæpe, & idoneos apud auctores, tardus fuit, teste olim *Palfino*, nuper Cl. *Sarconio* & *le Roi*, ut & 45. ad 40, demum in exemplis Cl. *Josephi Lieutaud* ad 20 pulsuum numero decreverit.

Ex eadem causa alias pulsus ita penitus intermittit, ut pene nullus supersit, qualia in febre a, inque peste b exempla existant, in iis hominibus, quos natura morti destinaverat. Ita certe periculosus is pulsus est, ut etiam, quando unus inter quadraginta pulsus deficit, hominem non ultra totidem menses vitalem superesse, *Chinenses* c

z *Phil. Trans.* n. 406. in homine 130 annorum.

a *Frank de alleluiah* p. 251. Ad quartam horæ partem addit intervallum fuisse. De febre maligna Aleppica *Russel* p. 209.

b *Struthius* p. 302. 303. *Massé de febr. pestilent.*

c Apud du Halde in *Chinae descriptione*. Pulsus cum debilitate & inanitate intermittens periculo plenus, *Bordeu recherches sur le peñs* p. 354.

inter firma præfagia receperint; proximam vero mortem instare moneant, quando ex septem pulsibus unus desideratur. Denique mors in animalibus plerumque post pulsum intermittentem, longisque intervallis redeuntem *d*, fere supervenit, ut paulatim auctis intervallis, denique integro in primo minuto unicus pulsus percipiat. A diabete pulsus rarissimus, tunc asphyxia *d**. Eo in rerum statu animalis tanta est debilitas, ut cor nonnisi ad majorem stimulum contractionem suam perficere valeat, cum præterea sanguis ad auriculam dextram redire cesset, neque adeo cordis vires eo gradu sollicitentur, qui ad contractionem efficiendam requiritur. Quare tarde, & post multum tempus, tantum demum sanguinis ad cordis dextra atria venit, quantum pro legitimo stimulo & efficaci sufficit.

Ad debilitatem pertinet eventus *Solano* dictus, qui a pulsu intermittente instantem diarrhœam præfagit *e*.

Denique, etiam ante mortem pulsus omnino nullus percipitur, quando vires cordis sanguini ad remotiores aortæ ramos propellendo non sufficiunt, solamque partem magnæ arteriæ replent, quæ cordi proxima continuatur *f*. Inde ille notissimus pallor, qui paulo ante mortem supervenit, funestumque frigus. Sæpe in animale vidi quamque arteriam, ut a corde remotior erat, ita priorem ab officio cessasse; demum

d De pullo incubato *Memoire sur la formation du poulet* T.II. p. 110, 111. De aliis animalibus L. IV. p. 424.

*d** *Med. obss. and enq.* T.III. p. 26.

e Ex edit *Nibel* conf. p. 56.

f Conf. p. 138. 139.

solas arterias magnas & cordi propiores micasse. Vidit Cl. *Fouquet* pulsum in moribundo primum in poplitea arteria defecisse, deinde in radiali, ut in sede cordis formicatio quædam superesset. Aderat (a contracta proculdubio auricula dextra) pulsatio venæ jugularis, sed & ea ante mortem evanuit. Ita in animalibus factum vidi, ita fit in paralyticis *g*, hemiplegicis *h* debilibusque *i* a vapore venenato carbonum percussis *i**, aut fermentantis musti *i***, demum a vehemente terrore *i**** ictis mortalibus, aque eo statu mors proxime distat. Aliqua debilitas pulsum celerem & debilem reddit, maxima omnino suspendit & intercipit. Hæc causa est mortis falso creditæ, ex qua homines subinde excitantur, quæ laus *Asclepiadi*, & nuper Cl. *Boyer k*, & eruditissimo gallorum *Camillo Falconet l* contigit, deinde Cl. *Fothergill l**, & *Josepho Raulin l***. Mortui enim videbantur, quibus arteria falire desierat. Est tamen ut absque tanta debilitate, tantum ab occupato aortæ ostio, aut impervio corde, aut a pulmone impedito, pulsus in carpo nullus percipiatur. Ita ab angusto corde frigus perpetuum, pulsusque omnino nullus fuit *m*. A phthisi cum thoracis hydrope conjuncta, qua-

g *Rhod. obs.* 43. Cent. II.

h *Eph. Nat. Cur.* Vol. VII. obs. 18.

i *Marquet* p. 34. per 24 horas.

*i** *Sagar system.* II. p. 541.

*i*** p. 358.

*i**** *Zimmermann, exper.* p. 371. qui tamen convaleuit.

k *Brubier T.* II. p. 87.

l *Idem* p. 72. T. II. ed. nov. *Falconeto traité des fièvres* p. 59.

*l** *Phil. Transf.* n. 475. n. XI.

*l*** *Maladies vaporeuses* p. 9. *Conf. Journal de Med.* 1758. nov. in *Histoire de l'Academie Roy. des Sciences* 1748. p. 61.

Seç. II. PULS. INTERMITTENS. NULLUS. 169

tuor integris ante mortem mensibus asphyxia *n*, & ab hydrope solo, in alio exemplo *o*. Quadagesimo ante mortem die pulsus infanti defuit, cui pulmo vomiciis plenus erat *p*. Ab aneurysmate aortæ maximo, carneque pleno pene tendinea, pulsus lateris alterius pene nullus *q*. In icterico, cui pulsus fere defecerat, polypus in corde coactusque sanguis erat *r*. Cum ventriculi cordis adipe quasi replerentur, asphyxia aliquot dierum ante mortem præcessit *r**. Quoties vero in altero latere pulsus intermittit *s*, superstes in altero, arteriam ejus loci solam laborare necesse est. Quibus absque morbo utrinque pulsus deficit *t*, vitium in arteriis aliquod ossæamque naturam esse crediderim, quæ diu absque conspicuis functionum naturalium vitiis toleratur. Verum id quidem apprimè memorabile videtur, quod & *Morgagnus* vidit, vir summus, & ego vidi, ad stuporem vidi, & alii certi testes viderunt, pulsus in sano homine alioquin, sed a dysenteria labefactato, nullum adparuisse ne in corde quidem, qui tamen orthostadius surgeret, ederet, loqueretur, officiis vitæ humanæ fungeretur, nullius sibi periculi conscius.

n Bartholin Cent. II. hist. 7.
Simile exemplum est in *Histoire de l'Academie* 1753. p. 130.

o Cl. vir Donald Monroo Alexandri f. on dropsy p. 99.

p Spindler obs. 29.

q Marcot Memoir. de l'Acad. des Sciences 1724.

r Valisner oper. omn. T. III. p. 198.

*r** Welsch Episagm. obs. 34.
Riolan animadvers. ad *C. Baubin*. p. 704.

s Recherches sur le pouls p. 318. 319.

t *Alfauchart* l. c. n. 19.

§. XVI. *Pulsuum numerus pro diversa ætate.*

Cum in omni rerum naturalium historia utile sit mensuras definire & numeros, hic in signo adeo gravi, adeo perpetui usus, & primario omnis prognoseos fundamento, utilissimum fuerit accuratius, perque numeros, determinasse, quis sit sano homini pulsus, quis febrienti, ut distantia a valetudine integra, adque eam reditus ad certiore rationem definiatur. Facile intelligo, latitudinem aliquam his in numeris esse, neque omnium ejusdem ætatis hominum, neque in eodem morbo diversarum personarum eisdem pulsuum esse numeros. Sed propius tamen ad mensuram veri accedit, quicumque numeros exprimit, & terminum certe figit, quem ultra citraque natura modice discurrat, nunquam tamen longissime evagetur.

Primus, ni fallor, vir ad inveniendum verum natus, *Keplerus* v pulsuum in dato tempore numerum definire suscepit: nam cardinalis *Cusani* pulsuum ad clepsydræ enumeratio, nunquam ad ipsum opus perducta fuit. Inde proprio libro *Johannes Floyer* y uberius pro hominum morborumque varietate pulsuum numeros & rationes descripsit, deinde Vir Cl. *Thomas Schwencke* z, *Bryan Robinson* a, & Cl. *Rye* b.

v *Astronom. L. III. p. III.*y *The physicians pulsewatch.*z *In hæmatologia.*a *Essays on animal. æconomy.*b *In medicina statica britannica, post Rogers historiam morborum epidemicorum hiberniæ, edita Dublini 1734.*

Sed etiam ego in proprio corpore, & in familiarium meorum carpo, ad horologium secunda minuta indicaturum, numerosissima in numerandis pulsibus experimenta feci *c*. Nuper Cl. *Franciscus de Sauvages* pendulum cum pulsu carpi isochro-num pro pulsilogio proposuit *d*.

Ut a prima origine animal repetam, puncti salientis pulsus adeo numerosos inveni, ut vocum pronunciatione nequiverim adsequi: quandiu nempe suum animalculo robur, & nativus calor inest. Qui in minuto primo numeravit 134 *e* pulsus Cl. *Floyer*, mihi potius intra verum substituisse videtur, cum etiam octavo a partu die majorem in homine numerum alius Cl. *Britannus* recenseat. In fetu sexto mense edito pulsus 120 *e**.

Noviter nascenti homini parem 134 pulsuum numerum idem tribuit Cl. *Floyer f*, *Bryanus* vero, eo, quem citavi loco, post octo a partu dies, omnino 150 *g*: quem quidem numerum ego nunquam inire, neque ultra 140 progredi potui. Centum triginta ad centum quadraginta *Heberden g**.

Uti pulli ovo erepti pulsus continuo vehementer decrescit *h*, ita hominis in lucem editi: Trimestri puero, in eodem semper minuto

c Aliqua tetigi in *Memoires Götting. T. III.*
sur le mouvement du sang p. 36. *f* T. II. p. 350.
seqq. *g* *Essay* p. 136.

d *Theor. pulsus* p. 31.

e T. II. p. 350.

*e** *Wrisberg Nov. Comment.* modo cit.

*g** *Med. Transf. II.*

h Ad 60 pulsus *Floyer* loc.

primo, pulsus fuerunt 120 *i* & perinde apud Cl. *Heberden*. Quinto anno sextoque pulsus numeravit 105 & 106 idem, quem sæpe laudo, *Johannes Floyer k*.

Septimo anno pulsus 90, decimo quarto 80 fecit *Franciscus Boissier l*. Anno undecimo, in puero vigilante inter 90 & 100 pulsus numerat Cl. olim *Hambergerus m*, & 92 in puella 15 annorum *Johannes Floyer n*. Nempe in univ-
ersum intra pubertatem numerus pulsuum major est.

Adulto homini pauciores, quam puero, & infanti, pulsus sunt, varietatem facit sexus, anni tempus, regio, temperamentum. Eam varietatem inter 60 & 80 crediderim contineri, neque infra sexaginta pulsus facile admitterem, neque, in sano homine, & quiescente, multos ad 80 adderem. Qui scriptores 60 o & pauciores, quam 60 pulsus numerarunt, in phlegmaticum hominem incidisse videntur, aut in rariorem aliquam corporis humani fabricam. Eo refero Ill. virum *Thomam Schwencke*, qui viro 45 annorum pro matutini pulsus numero adsignat 55 ad 60 *p*: & *Bryanum Robinson*, qui pulsus matutinos 54 numerat *q*, & magis etiam Cl. *Rye r*, qui non excedit, etiam matutino tempore, pulsus 45. & Cl. *Whytt* qui 38. 40 *r**. Sed

i *Sauvages Embryolog.* p. 13.
k l. c.

l In *Stephani Hales hæmasticis* p. 3.

m *Physiolog. med.* p. 686.

n *Pulse-watch*.

o Eo numero, ut faciliori,

& secundis minutis æquali solebat *Boerhaavius* uti.

p l. c. p. 40.

q *Of food and discharges* p. 6.

r l. c.

*r** *Nerv. disord.* p. 119.

neque naturæ ubertati respondet *F. N. Marquet*, qui 80 infanti pulsus, 60 adulto adsignat *s*, aut *Guidotus t*, qui pro summa mensura intra horam 3300 pulsus, in primo adeo minuto 65 ponit, aut *Waleus v*, qui 3200 facit; neque *Guilielmi Cokburne x* pulsus in febre 37. 40 & 50 recte numerati esse videntur, facile enim, nisi penduli secunda minuta vibrantis oscillationes sequaris, vulgare ad horologium in numerando erratur. Dudum numerum 60 pulsuum rarum esse *Keplerus* monuit *y*, deinde *Floyerus z*, qui vix unquam minorem vidit.

Propius ad verum ipse *Keplerus* accessit, qui pulsuum in minuto primo numerum ad 70 *a* æstimavit. Eundem in adulto homine numerum recipit *Franciscus Boissier b* & in trigenario alibi, ut sub vergentem ætatem senique principia minuatur. Eundem pro Anglia numerum *Floyerus* adoptat *c*, & pro æstivis mensibus *Cl. Rye d*. Pulsus suos facit 72 *Antonius v. Leewenhoech e*. Pulsus 74 fuerunt *Rolfinkio f*, & a 74 ad 90 æstivo sub sole *Floyero g*. Olim *Thomas Morgan h* a 70 ad 80 recensuit, *Stephanus Hales* in calido juvene 75 *i*. *Jacobus*

s p. 21.

t In prolegomenis ad *Theophilum de urinis* p. 38.

v Apud *Drakium de circula. sang. thes.* I.

x On sea diseases p. 53. 161.

182.

y l. c.

z p. 74. 316. T. I. L. I.

a l. c.

b In hæmostatiks p. 11. & class. morbor. p. 34.

c *Pulsewatch* p. 44. medicin. gerocom. p. 10.

d l. c. p. 270.

e T. II. oper. p. 195.

f *De corde* p. 85.

g *Gerocom.* p. 111.

h *Philos. princip.* p. 399.

i *Hæmostatiks* p. 139.

Keil k, *Guil. Cheselden l*, & *J. Tabor m*, octoginta numerant, *Hambergerus n* 84, *Vopiscus Fortunatus Plemp* in proprio carpo omnino 86 o.

Ego quidem in me ipso ab anno ætatis 45 ad 69, raro infra 78 numeravi, frequenter supra 80, nunquam infra 70.

Senibus pulsus rariores esse, quam adultis, jam monuimus *p*, & rariores eorum, quos natura ad longævitatē *q* præparavit. Etiam hic tamen multum temperamentum potest. Pulsus 44. 47. *Thaddæus Bischoff*, triginta & 40 *Cl. Boissier* habet *q**. In sene, sed phlegmatico, pulsus 50 reperit *Guernerus Rolfink r*. Ad 55 in universum in ea ætate æstimat *Johannes Floyerus s*, ad 60 *Franciscus Boissier t*. Sed anno ætatis 72 non pauciores 65 pulsibus habuit *Bryan Robinson v*. In centum annorum sene pulsus 30 & 40 fuerunt *x*, & 30, atque 24, si alteri auctori fides habetur *y*. Mihi nunc, dum hæc scribo, septuagenario pulsus ut pridem sunt fere 80, neque infra 70 descendunt.

Temperamenti magna ad pulsum mutandum potestas est, & rectius quidem diceremus, cor aliter & aliter magnum, robustum, irritabile,

k *Anatom. abridgment* p. 138.
139.

l *Anat. of human body* Ed. VI.
p. 206.

m *In Exercit. Med.*

n *Physiol. med.*

o *Fundament. med.* p. 115.

p *Recherches sur le pouls.*

q *Floyer l. c.* p. 185.

*q** *Nosol. I.* p. 382.

r *Ad 3000 in hora l. c.*

s *Puls watch.* p. 44. Alibi ad 75 admittit *Gerocon.* p. 112.

t Ab anno retro quinquagesimo, in *hæmastat.* p. 3. *class. morbor.* p. 34.

v *Essay on animal æconomy*
p. 134.

x *Sauvages de respir. difficil.*
p. 5.

y *Marquet* p. 28. addit soporosos interiisse.

& temperamenta diversa facere., & alios pulsum numeros. In amico meæ ætatis , sed phlegmaticæ magis temperiei , pulsus reperi 66 ad 68. Infra 70 in ea hominum classe subsistere *Floyerus* z auctor est. Atrabilariis , sed rari generis hominibus , a 55 ad 60 pulsum numerum deprimi , *Idem* reperit a. Contra cholerici octoginta pulsus olim *Keplerus* tribuit b & circa eum numerum *Floyerus* c : ab 80 vero ad 90 in cholerico , etiam sene , recensuit *Idem* Cl. *Rye* d. Eadem ex ratione carnivoris animalibus pulsus numerosi. Cani sunt ad 97. arietem non supra 65 e.

Sexui feminino natura irritabilis pulsum facit frequentiore , quem ad 80 sagax dudum *Keplerus* æstimavit. *Floyerus* nimis paucos facit. Fœminæ pulsus 120 , numerosorum utique pulsum patronus Cl. *Whytt* e*.

Proceris hominibus Ill. Archiatrorum comes f pulsum rariorem adsignat , tabulamque addit , in qua homini duobus pedibus non longiori pulsus 90 , homini quatuor pedes alto pulsus 80 , homini quinque pedum pulsus 70 , homini sex pedum pulsus 60 tribuit , rarumque procerorum mortalium pulsum exemplo centum custodum regii corporis confirmat , quos vulgo helvetios vocant. Ego quidem , sepedalis homo , pulsus aliquanto plures numero , inque aliis , & fre-

z p. 44. 316. &c.

a Ibid.

b l. c.

c l. c.

d l. c.

e *Hales hæmæstat.* p. 27. 38.

e* *Nerv. disord.* p. 119.

f *Traité du cœur.* T. II. p. 214.

quentibus amicis proceri habitus, pulsus numerosiores reperi. Helvetia enim gens est ex procerissimis, & inter Helvetios Bernenses patritii statura fere eminent. Multa vero sunt, præter staturam, quæ pulsus frequentiam definiunt: etsi in universum majora animalia consentiunt.

§. XVII. *A somno, a vigilia, a pastu, a motu.*

Porro idem homo, uti aut vigilat, aut dormit, aut otatur, aut corpus exercet, variisque vitæ humanæ muneribus fungitur, aut obedit necessitatibus, ita alium & alium pulsuum medico offert. Ergo matutino tempore, quando a salubri somno expergiscimus, & primus ille ab operimentis natus, nimiusque calor dissipatus est, pulsus in dato tempore omnium paucissimi solent esse. Consentiant hic Cl. Rye *g*, & Thomæ Schwenke *h* viri Ill. & mea experimenta.

Sed etiam Bryanus Robinson de pulsuum ad gustationem usque raritate consentit *i*, in aliis a nobis diversus, & Senacius *k*.

Paulatim vigilantibus pulsuum numerus crescit, ut sub noctis initium numerosiores sint *l*, & octo vel decem in minuto primo pulsus ad censum pulsuum diurnorum addantur. Nam
vigilanti

g l. c.

h l. c. p. 41. Non adeo numerum pulsuum adeo exiguum reperi, ac quidem vir Cl. qui expergiscenti 55 & 60 pulsus numerat.

i l. c. p. 149. Sed valde raros mane facit Idem *of food and discharges* p. 6.

k T. II. p. 215.

l Schwenke p. 96.

vigilanti homini cibus , & muscutorum motus , & animi studium aut adfectus pulsus augent , quæ omnia a dormiente homine absunt , cui unice a corde totus sanguinis in circulum motus pendet.

Ex hac vespertini pulsus frequentia *l** intelligitur , quare in omnibus febribus continuis , lentis perinde & acutis , sub noctem gravior redeat exacerbatio , ut omnino vix unquam in Europa , etiam per biduum , febris aliqua vere continuum typum ita fervet , ut nullis matutinis remissionibus , & incalescentia vespertina interpoletur. Nempe pulsus centum febrem faciunt mediocrem , & tolerabilem : si vero ad eum numerum decem vel 14 alii accesserint , qui etiam sano in homine per vigiliam adduntur , erunt nunc 110 pulsus , & intensior febris. Si vero ad gravem 120 pulsuum febrem decem alios addideris , gravissimum certe morbum facies , nam cum 130 pulsibus febris acutissima erit , & ni remittat , ægre tolerari poterit.

Uti vigiliæ pulsuum numerum augent , ita somnus minuit , dum calorem , & pulsuum adeo aliquam accelerationem a somni efficacia separaveris , quæ certe non somni , sed vestium & plumarum super diurna velamenta injectarum effectus est : cum iisdem enim vestibus dormiens , quæ vigilanti sufficiebant , certo frigebit : aut demum profundioris & morbose somni pulsus excluderis , qui cum calore , sed

*l** Octo pulsus hora 10 & 11 noctis noviter accedere *Schwenke.*

morboſo; cōjungitur *l***. Ergo dormitanti pulſus tardior *l†*. Homini ſano decem pulſus in ſomno decedere *Hambergerus m* auctor eſt, & in morboſo, diuturnoque ſomno pulſus ad ſexaginta redierunt, demumque in montano mure, aliisque ſe in hibernacula abdentibus animalibus, pulſus fere evaneſcit *n*.

Cibus pulſuum numerum auget, etiam guſtatio, ſed prandium magis, etiam ad tres quatuorve horas *o*. Augmentum 4. 5. pulſuum reperit *Johannes Floyer p*, & denique 13 in primo horæ minuto *q*. *Cl. Schwenke* idem incrementum ad 8 & 14 æſtimat *r*. Mihi ſano non adeo grandis, ſed convaleſcenti, & debili, decem aut 12 pulſuum acceſſio fuit. Hæc eſt febris a prandio *Gerardi v. Swieten s*. Sed etiam nuperus ſcriptor, non frequentem ſolum a paſtu pulſum fieri auctor fuit, verum duriorẽ etiam & anguſtiorẽ *t*.

Facile intelligitur, majus incrementum fore, ſi cibi copia major adſumta fuerit *v*. Deinde a potu fermentato, inter prandium admiſſo, pulſum 16 & 20 acceſſionem *Floyerus* vidit *x*.

Jejunium, per eadem, pulſum minuit *y*. Hinc continuo ante prandium pulſus tardior,

*l** Tralles de opio p. 250.*

l† Idem ibid.

m Physiolog. p. 686.

n In berigt van de ſtolwicksche ſlaapziekte.

o Floyer p. 84. Senac T. II.

p. 115. Robinson Eſſay p. 149.

p Pulſewatch. p. 83.

q Ibid. p. 156.

r p. 40.

s Comment. T. I. p. 680.

t Recherches ſur le pouls p. 453.

v Robinson T. II. p. 419.

x p. 83.

y Pulſus ad 62 reducit Floyer ibid.

& debilior, & frigoris faciliior sensus z: a pastu incallescimus.

Quando ciborum digestio absoluta est, quarta fere a prandio hora, pulsuum frequentia evanuit, & prior rediit tarditas a.

Repetenda erunt aliqua, quæ de motus muscularis in pulsu augendo efficacia adtulimus, ut accuratius paulo numeros augmenti definiamus. A sola extensione crurum & manuum viginti omnino pulsus, in minuto primo, ad priorem numerum accesserunt, in *Bryani Robinson* experimento b. A corporis exercitatione 17 pulsuum incrementum *Floyer* vidit, & ab ambulatione pulsus a 70 ad 90 & 112 increvisse c, in puella vero a 75 ad 110 d. Hinc ambulando incallescimus, & aeris frigus facile superamus. A cursu, saltu, & vehementiori quocunque corporis motu, uti eadem debilitatio, & calor, rubor, sudor, acrimonia humorum non minor nascitur, quam in vehemente febre, ita pulsuum eadem obtinetur frequentia, ad 130 & 140 e demum in primo minuto pulsus. Contra, equitatio, in qua muscoli parum laborant, pulsum parum auget, neque corpus calefacit f. Facile vero intelligitur, pulsum a motu musculorum eo potentius augeri, quo corporis moles gravior, motus celerior, & denique magis insolens fuerit.

z *Robinson Essay* p. 149.
Schwenke p. 41. *Dionis des morts*
subites p. 113.

a *Floyer* p. 83.

b *Essay* p. 150.

c p. 86. 87.

d p. 87.

e *Schwenke* p. 32. 51. Ad 150.
 si fides *Bryano Robinson* p. 150.

f *Floyer* p. 87.

Iram dixi , quæ motum corporis facere. Ab ea pulsus 108 g. Sed absque pabulo ignis , reddita animo quiete , etiam absque veltigio defervet.

§. XVIII. *A cæli varietate , morbo.*

Æstate *b* , & circa æquatorem , pulsus frequentiores sunt , ad 120 usque. In calida parte orientis pulsus in minuto primo vulgo sunt 100 *i*. In Jamaicæ insulæ incolis perpetuus sudor regnat , neque nitidissima virgo tangi potest , quin lento glutine manus inviscetur.

Cum cæli calore pulsuum frequentia minuitur , ut pulsus calidioris Hiberniæ , qui æstate & ad septembrem usque mensem fuerunt fere 70 , nunc octobri mense ad 65 *k* , novembri & decembri ad 60 redeant *l*.

In morbis omnibus , qui febrem conjunctam habent , pulsus acceleratur , tum a nonnullis doloribus. Nam in colico morbo , etiam absque febre , pulsus fuerunt 100 *m* , & in doloribus parturientium pulsus continuo & plenitudine crescit , & celeritate. In catarrho levissima nempe febre , centum pulsus numerat *Johannes Floyer n* ,

g Floyer p. 91.

b Floyer T. I. P. I. Rye l. c. p. 270. 304. De insectis Cl. Lyonnet theol. des insectes p. 134.

i Linguet in diff. Ergo animalium motus est ab aere Paris 1731. Auctorem experimenti citat Cl. Bernier.

k Rye p. 270.

l Idem ibid.

m p. 224.

n p. 224. Centum in principio febris biliosæ Clar. Tissot in egregio libro de febre biliosa Lausannensi p. 9. Centum in febre eruptoria variolarum inoculatarum Journ. de Med. 1757. Sept. Nimis paucos facit pro febris principio *F. N. Marquet* p. 26. qui primo gradui febris 75, secundo demum 100 tribuit.

eumque numerum & in febre intermittente confirmavit o, & in univcrsum pro febris termino habet. In paroxyfmo febris intermittētis, in angina, & hectica febre *Idem* pulfus numerat 120 p. Totidem in febre *Becketus* q & *Muraltus* r. Ego diebus liberis febris tertianæ, & in proprio corpore, inque aliis, minus irritabilis indolis, reperi pulfus fere 94. Centum pulfus pro lenioris febris initio habeo. In catarrho febricula ad 108 & 113 adfcendit: in febre quotidiana ad 114, in febre continua gravi, quo tempore remittit, ad 124. in vehementiori exacerbatione, & tamen nondum fumma, ad 134. tantumdem in paroxyfmo febris tertianæ, & ad 140 in fumma exacerbatione febris eryfipelacæ, quæ tamen non funefta fuit. Centum & quinquaginta in febre, fatis gravi, variolarum eruptione, in quadrienni puella numeratos fuiſſe video s. Eum numerum nunquam reperi, minus etiam pulfus 160. 180. 183. s* 200 aut demum 300 t, quos febri lethiferæ video adſignari v. Summus numerus in æſtuoſiſſimo aere apud Britannos philoſophos fuit 140. Vir utiliſſimus, & meliori forte digniſſimus, *Antonius Martin* pulfus in variolis ad 132 adfcendiſſe vidit v*.

Quare obſervationes meæ, ſæpe & accurate

o p. 37. 42.

p p. 43. 115. 224.

q *Obſſ.* p. 183.

r *Vademec. anat.* p. 139.

s *Journ. de Med.* l. c. 1757.

Sept.

s* *Monro* l. c.

t *Whytt* l. c.

v *Marquet* p. 27.

v* 1733. Trim. 3.

iteratæ , magis cum numeris *Bryan Robinson x* , quam cum *Joremiæ Wainewright y* , aut *Johannis Floyer* tabulis conveniunt : quorum iste *z* quidem negat se supra 120 pulsus unquam adnotasse , & alibi 130 pulsus pro termino ultimo celeritatis habet : pulsusque demum 140 in moribundis numerat *a*. Sic *Cl. Alexander* pulsus supra 137 negat numerari posse. Verum ego in tertiana validi juvenis facillime sanabili 134 pulsus numeravi , & aliquot ultra , ut tangens medicus numerum inire nequiret , in me ipso memini fuisse , in gravissima quidem febre , quæ tamen haud ultra duodecim inde horis subito ad 90 pulsus relapsa est.

Eum numerum fidæ remissionis terminum esse reperi *a***. Inde ad 80 & ad nativum numerum pulsus redit *b*. In eruptoria febre jam citata , uti pulsus a 110 ad 120. 130. 150 increverunt , ita ad 120. 110. 70. 60. redierunt , cum deferbuiſſet *c*.

Etiam animalium pulsus in febre increbescunt , ut in vaccarum lue a 36 ad 50 *d* , & ad 66 , & a 38 ad 50 *e* numerus in primo minuto adscenderit.

Nōn impossibile videtur , in ejusdem hominis duobus artubus non easdem pulsus esse adfectiones *f* , ut in parte inflammata , inque artu

x l. c. p. 107.

y *Of fevers*.

z p. 72.

a Hic quidem rectius p. 311.

*a*** p. 162.

b *Journ. de Med.* l. c.

c *Marquet* p. 27. in febre quidem funesta.

d *Courtivron Mem. de l'Acad. des Scienc.* 1748. p. 138.

e *Sauvages de la maladie des bœufs* p. 10. *Viedazyr exposé*.

f *Recherches sur le pouls* p. 315. 316. 320. 321. 322. *Pechlin obs.* 2. L. 5. *Hofman med. system.* p. 115. *Albertini Comm. Acad. Bonon.* T. I. p. 387. In pleuritide du Borden p. 320. p. 327. add. *Second Memoire Exp.* 90. &c.

podagrico aliter quam in carpo pulsus se habeat, & in humorum ad caput confluxu arteriæ pedum coarctatæ alium, quam dilatatæ carotides, pulsuum exhibeant. In vivis enim animalibus frequentissime vidi, sanguinem in aliqua corporis regione aut lente fluxisse, aut omnino quievisse, dum alibi alacriter in circulum pergebat ire. Ita *Antonius Martin* in variolis frequenter alium pulsuum numerum in temporibus reperit & in carpo, ut etiam insignius discrimen esset, 91 & 109; 64 & 95; porro 97 & 118; 91 & 109, ut fere in carpo frequentissimus videretur *g*. Longius progressi Galli pulsuum in utroque latere feminæ gravidæ dissimilem esse sui, & debiliorem, qua parte puellam utero gerebat *h*.

Pulsuum numerum ad respirationum numerum subtiliter Chinenſes medici comparant, fere ut 5. 4. ad 1, de qua ratione alibi fusius dicam; facile daturus interim *Celsi* i auctoritati, pulsuum tot a causis variabilem, non solum pro prognostico sufficere, neque unicum tactum rarumve sufficere, ut veras inde cordis vires definiamus, & denique decem *k* in minuto primo pulsuum incrementum absque magno aliquo malo supervenire posse. Et in universum in febribus, quoties pectus non laborat, pulsus multo frequentior

g *Svov. Wetensf. Acad. Handl.* 1773. Trim. 3.

h *Borden recherches* T. III. ann. 1772. & alii bene multi.

i L. III. c. 6.

k *Floyer p. 157. Senac T. II.*

p. 209. 210. 211. Addit Vir III. a nervorum actione pulsus magnos fieri, inque colica picto-num eo modo se habere, ut in apoplexia solent.

est cum respirationes a numero sani hominis parum recedant.

§. XIX. *Alia pulsuum discrimina.*

Reliqua pulsus discrimina non perinde accuratam mensuram admittunt. Poterat forte ex *Struthii* consilio *t*, robur pulsus pondere imposito definiri, quod utique a valido cordis impetu majus, quam a minori, elevaretur; non novi tamen, quemquam experimentum fecisse. Ergo, ut paucis summa rerum momenta adtingamus, magnus pulsus erit, in quo arteriæ diameter quam maxima redditur. Ejusmodi pulsus potest & a magna unda cordis fieri, & a minori *v*; a magna equidem, quando in arteriam non valde plenam & dilatabilem, a vi robusti cordis, quam plurimus sanguis impellitur: a parva, quando arteria valde plena, qualis in plethorico homine est *x*, super eam plenitudinem, novam, etiam non maximam undam sanguinis accipit, in quo quidem pulsu diversitas diametri non magna erit, si systolen cum diastole comparaveris. Plenus pulsus a magno vere non differt *y*,

t p. 101.

v Ejusmodi pulsum negat magnum esse III. *Schreiberus*, quia diameter systoles in diastole non valde augetur. *Elem. medic.* p. 373. Sed magnus cum sit, credam nomen tolerari posse.

x *Stæhelin* de pulsu p. 9.

Parvum equidem vocat *Guilielmus Cockburne of sea sicknesses* p. 16. quod diameter parum augetur: cui objectioni eadem responsio convenit.

y Neque peculiarem faciebat pulsum *Galenus de diff. puls.* L. III. c. 6. neque *G. C. Schellhammer* p. 51.

nisi pulsum posteriori loco dictum plenum malis quam parvum vocare. Magnus fere fortis est, cumque arteriam valde elevet, digiti adeo pulpam majori discrimine cedere cogit.

Magnus adeo pulsus erit, quoties multus in corde sanguis abundat, & cor eum sanguinem valide promovet. Cum tarditate magnus erit, quando libertas arteriæ summa, stimuli adest quam minimum, & tamen vires cordis sufficiunt. Ejusmodi pulsus est in homine athletico *z*. Cum celeritate magnus est, quando multus sanguis & cordis vehementior nixus, cum obstaculo, stimulo, aliave celeritatis causa conjungitur, ut in apoplexia fit *a*.

Contrariæ causæ pulsum parvum faciunt, quem nuperiores aliqui inanem vocant. Parvus autem est, quando arteriæ diameter non increfcit, parvaque etiam in systole cordis manet: sive sanguinis penus per hæmorrhagias *b*, & iteratas venæ sectiones valde diminuta fuerit, sive ex corde in arterias sanguini iter malignius patuerit, ut a polypis *c* aortam replentibus, ab ejus arteriæ offeis valvulis, ab aneuryfmate super carpum sito *d*, a visco pulmones impediēte fit, sive demum præter solitum exigua ejus arteriæ diameter, aut tota plurimo adipe merfa fuerit. Plerumque tamen pulsus ideo parvus est, quia vires cordis exiguæ sunt, ut omnino arteria

z Schvvenke p. 48.

c Nov. Act. Acad. Nat. Cür.

a Bagliv. prax. L. I. p. III. vol. I. obs. 2.

b Schelhammer p. 44. Stæbe-

d p. 139.

lin p. 10.

parum dilatetur. Quare parvus a debili parum e differt, nisi quod parvitas ad arteriæ inanitatem magis & exilitatem, debilitas ad vires cordis exiguas magis spectet. Parvum una & tardum pulsum esse rarum est, exemplum tamen exstat in feminis hysteriis f. Cum celeritate vero parvus frequenter in periculosis febribus reperitur, quando stimulus magnus, aut validum obstaculum, & tamen, etiam cum his causis cor vehementius sollicitantibus, tanta hujus organi est debilitas, ut undam exiguam ejiciat, quæ arteriæ dilatandæ non sufficiat g. Quare in febribus nunquam periculo caret.

Duritatem in pulsu esse aiunt h, quoties arteria non fluidi adeo corporis sensum, sed solidi potius bacilli ictum pulpæ tangentis digiti inprimit, impetusve arteriæ percutiens distentione major videtur. Ejusmodi pulsus fit, quando arteria rigida, & tensa, & sanguis viscidus, & concretioni proximus est, & a corde vehementer urgetur. Duri senum i pulsus. In arteria cubitali cartilaginea k pulsus asper fuit, quem durum interpreto. Durus est in pleuritide, ob sanguinem vehementer coagulabilem. Pleurumque cum magnitudine duritiæ conjungitur.

e Idem discrimen ponit G. C. Schelhammer p. 44. 45.

f Quibus præterea æqualis est Whytt on vit. mot. p. 227.

g Schwenke p. 47.

h Hunc pulsum difficilis olim censor Schelhammerus rejecit p. 50.

i Recherches sur le pouls p. 5. 15. Nicolai vom pulschlage p. 51.

k Petri Barrere observ. anat. p. 63. Latera aortæ fere cartilaginea, pulsus instar chordæ valens Vieussens du cœur p. 107. 108.

Cum parvitate tamen durus esse potest *l*, quando arteria valde solida, vehementer contracta, digitum duriter percutit, & tamen cordi potenter resistit, ut parum dilatetur: ejusmodi pulsus foret, quem arteria ossea repræsentaret, nisi arteriæ dum ossescunt, una fere dilatarentur. Mollis pulsus a parvo differt, quod arteria plena sit, a duro, quod sanguis a corde debiliter inpellatur, arteriamque parum dilatet. In peripneumonia pulsus mollis est, quod plethora febrilis dominetur, & tamen unda a sanguinis a corde sinistro expulsi, ob pulmonem impeditum exigua sit. Mollem & debilem fibra laxa facit, qualem pulsum æstus in Carolina meridionali ex pleno & forti deprimit *l**.

Reliqua pulsuum genera non ab uniùs pulsus proprietate definiuntur, sed ex aliquot se insequentium pulsuum comparatione. Ita pulsus æqualis ab inæquali diffidet, quod in illo multi ex ordine pulsus æquis se sequantur intervallis, & perinde magni, fortes, durique sint, aut certe aliorum generum characterem servant eundem. Ita intermittens pulsus differt a continuo, quod hujus intervalla naturalibus propiora, illius nimia sint, sive nunc cum inæqualitate pulsus intermiserit, sive paria, nimis tamen longa, habuerit intervalla. Hos pulsus, qui ad inæquales pertinent, paucos & celebriores, unico verbulo licuerit tetigisse. Pulsus *dicrotus m* dicitur, in quo duæ arteriæ diastolæ

l Senac T. II. p. 222. *l** Chalmers diseases p. 14. *m* Marquet p. 32.

minimum post intervallum se insequuntur, deinde longius ad proximum pulsum intervallum intercedit. Ejusmodi pulsum ab aneurysmate vidit *Lancius n*, & vulgo credunt, ab obstaculo fieri, contra quod cor repetito ictu insurgat *o*, ut omnino *Cl. Marquet* syncopen & mortem putaverit portendere *p*. Ejusdem pulsus significationem esse credit *Franciscus Solano q*, hæmorrhagiam narium, quæ proxima instet, & hic auctoris sui præsagia ejus interpretes non penitus deserit *r*, quorum veritatem *Ill. Fontana* testis confirmat. Si alienior videtur ab hac prognosi nuperus de pulsibus auctor *s*, non tamen longe recedit, & mensium pulsum dicrotum facit *t*, & disertis verbis, nasalem pulsum *v*, qui per eam sedem evacuationem præsignit, ad dicroti signa delineat. *Coturnisans* pulsus *x* a dicroto differt, quando ter in uno intervallo pulsus celerrime se consequuntur. *Inciduus* pulsus est, quando supra primum pulsum secundus robustior insurgit, supra secundum tertius, ut in mari quidem unda violentior priorem supervenire solet. Eum pulsum *Franciscus Solano* definivit *y*, & cum

n p. 132. edit. 1728.

o Esse emboli bis prementis, ut unica arteriæ dilatatio a duabus cordis contractionibus obtineatur *Recherches sur le pouls* p. 24. Bis vel ter cor in palpitatione salire, donec arteria semel micet jam *Riolani* est observatio.

p p. 1. &c.

q p. 32. de eo *Cl. Strak Journ. de Med.* T. XXVI.

r Esse inclinationis ad hæmorrhagiam narium signum p. 64. 65.

s *Recherches* &c. p. 47.

t p. 356.

v p. 46.

x *Berner obs.* 4. post. I. de aeris efficacia.

y p. 7.

mollitie sudorem *z*, cum duritie icterum *a* credidit portendere.

Denique nuperrimus auctor *b* multo plenius novas pulsuum classes, novaque a pulsibus præfagia excogitavit. Criticum ergo primum a *non critico* sive irritationis pulsu separavit, quod ille obstaculum quidem, sed evacuatione critica & a natura superabile, & continuo superandum, iste frustra futuros naturæ conatus, nervorumque steriles tumultus designet. Criticus ergo in universum pulsus *dilatatus*, mollis, & expansus erit *c*, oportet enim auctoris voces ex proximo sequi: qui criticus non est, is *concentratus d*, arctus, frequens est & durior. Deinde pulsus criticus per alia sua signa, variarum corporis humani partium obstructions designat, & imminentes ex iis partibus criticas evacuationes præfagit. Si in capite morbus fuerit, & a superioribus corporis partibus evacuatio speretur, pulsus *superior e* erit, nempe dicrotus, qui præcipitem reduplicationem, sive unicam diastolen in duas divisam habet. Si in pectore vitium fuerit, & inde evacuatio speretur, pulsus una mollis erit, & undosus, & æqualis *f*: si a gutture, aliquanto celerior, & durior, & cephalico propior est *g*. Si a capite crisis instet,

z p. 6.

a p. 8.

b Borden recherches sur le pouls par rapport aux crises Paris 1756. 12. placita confirmant Cl. Michel Observ. sur

le pouls. Paris 1758. Menuret, Fouquet &c.

c p. 18.

d p. 199.

e p. 23. 24.

f p. 28.

g p. 39.

durior erit una , validior , celerior , vere dicrotus *b*. Pulsus *inferior* inæqualia habet intervalla , neque raro intermittenti proximus est *i* , & cum subsultu conjungitur *k*. Iterum vomitum indicabit , si una durus , & parum inæqualis fuerit *l* : evacuationem vero per intestina , si magis inæqualis , sæpe pene intermittens , & subsultibus mistus fuerit *m*. Pulsus hæmorrhoides præfagiens una dicrotus , durus , frequens , minus inæqualis est *n*. Demum nuper *Idem* pulsus duos novos prioribus addidit , *pulsum nephriticum* & *pulsum stomachicum* *n**. Verum plura repetere omitto ; id autem structuræ genus experientorum iteratione oportet aut stare , aut everti , quorum utrumque otium , & opportunitates , & liberum inprimis a præjudicata opinione animum poscit. Sed etiam in præsentibus ægris experimentum facere mea ætas negat.

Qui nuper Cl. *Bordeu* vestigiis institit *Fouquetus* , hos pulsus & alios etiam , subtilius figuris expressit. In gutturali pulsu longam & grandem eminentiam in anteriori arteriæ sede reperit ; in intestinali pulsum antrorsum conice diminutum cum sensu grani duri , duorumve etiam granorum. In nasali eminentiam reperit , deinde grana aliquot antrorsum fugientia. In uterino similia grana , rectius vero progredientia & absque tumore. In hæmorrhoidali tumorem , deinde grana

b p. 46. 47.*i* p. 68.*k* Ibid.*l* p. 72.*m* p. 81.*n* p. 182.*n** *Rech. sur le pouls* T. III. ed. 1772.


anterius exigua, quæ in dyfenteria se diffundant. Sic Cl. *Strack* pulsum irritatum descripsit, & intestinalem, & menstrualement *n***, porroque convulsorium. Idem pectoralem addit manifestissime esse distinctum, difficillimum hepaticum *n****.

Contra eos pulsus video Cl. viros insurgere. Nihil ferii in iis reperiēbat *III. Werlhofius*, cujus auctoritas merito est maxima: nihil *III. Haenius*, ut etiam fidem in nonnullis novorum pulsum patronis desideret. Ego quidem dicrotum respondere reperi, tum intermittentem aliquando, ut tamen sæpissime omnia alia idem portendat.

SECTION III.

MOTUS SANGUINIS PER ARTERIAS EFFECTUS.

§. I. *Friccio.*

 UÆ sequuntur non solum obscura sunt, sed id præterea habent ingratus, quod omnino ad verum cominus accedi nequeat. Quare quæ pauca, hiulca, vere tamen cognita habeo, ea brevis propono: hypotheses etiam brevius ex aliis narraturus.

*n** Journ. Med. T. XXVI.*

*n*** Ib. T. XXXVII.*

Primum utique ea omitti non possunt, quæ vel a Cl. viris sunt proposita, vel ex facili speculatione sequi videntur, etsi non nituntur experimento. Dum sanguis per magna vasa celeriter incedit, primum est, ut frictio aliqua nascatur. Erit autem ea multiplex. Nam ad parietes quidem arteriarum globuli impellentur, sive arteriæ flexæ fuerint, sive in coni modum ad minorem diametrum contrahantur; utraque enim causa facit, ut non possit non globulorum pars magna in parietes illidere: in priori quidem exemplo ii inprimis, quos fluentum e directo ad flexionis convexam partem ducit: in altero ex omnes imaginabiles globulorum series in anulo contentæ, qui differentia luminum æqualis est. Demum ipsæ globulorum lineæ, quæ axin tenent, necessario in calcaria inpingunt, quæ inter duorum ramorum divisionem angulum tenent. Ea illisio quidem absque impetu in nostris o experimentis fit, neque aut globulorum lineæ in parietes aliqua cum vi illidere videntur, neque se circa plicas convolvere: & eadem mecum Cl. *Spalanzanus* vidit. In calidis animalibus, & in arteriis majoribus, hæc illisio non est absque omni violentia, cum in flexa sede arteriæ fere dilatentur p. Si vero parietes arteriæ mutantur; æquum est, etiam globulos sanguinis, & quidquid præter eos vitalem humorem componit, inter

o Conf. *Memoire sur le mouvement du sang* exp. 69, 70. 82. p L. II. p. 114. 115. L. VI. p. 119. seqq.

inter vim urgentem cordis , & arteriarum vim resistentem & repellentem premi q , ab arteriæ reactione in se ipsos comprimi , etiam magis , quam elastica corpora , quæ in illisionis sede ex notissimis experimentis fovea excavantur. Quare , si ab arteriæ quidem pariete globulum repelli posueris , ab aliis vero , qui sequuntur , globulorum ordinibus insequentes contrariam in sedem urgeri , poterit globulus in minus volumen conprimi , quod *densari* vocant. Ita enim & superficies undique ad centrum urgetur , & quicumque tenuior humor , vacua , inter veros globuli atomos , intervalla replet , is exprimitur , ex quo fit , ut quæ supersunt atomi , in eodem volumine plus habeant materie. Deinde obtinetur , ut quæ mixtæ in unam moleculam concreverant diversi ingenii particulæ , eæ soluto nexu discedant. Minor est firmitas concreti glutinis , major terrei elementi ; quare fibra his duobus elementis composita q^* minus suæ dissolutioni resistit : cum molliores particulæ minus quam duræ fluentum sanguinis continent. Ita crediderim , in exemplo , oleum cum aqua subactum , quod chylum vocant , post aliquot horas evanescere , cum oleum nativam pelluciditatem recuperet , postquam ab aqua , quasi expressum , secessit. Arteriosi vero parietes a particulis , si quas sanguis alterius a globosa figuræ habet , irritabuntur r , effodientur , aut

q G. v. Suvieten T. I. p. 175. r Musschenbroeck Elem. phys.
 q^* L. I. S. I. p. 136, seqq. p. 327.

ea, quacunque ratione mutabuntur, quæ indoli earum particularum conveniet. Sed etiam extensio, quæ cum omni arteriæ diastole conjungitur *s*, & flexio in arcum convexiorem *t* arteriæ particulas minimas quassat & dissolvit. Hæc omnia maxima erunt in aortæ prioribus ramis *v*, per quos majori celeritate sanguis urgetur, dum major unda anterior potentius resistit. Maxima ergo ea sede in arteria quidem detritio, & ab elementis de sua sede depulsis crebriores foveolæ, & ad dilatationem major erit impulsus. Ea omnia in convexitate flexionum iterum majora erunt, quo sanguis vi projectionis suæ, & centrifuga potestate acrius nititur *x*. Ita certe ex theoria probabiliter docetur, & solidas quidem animalis partes destrui per experimenta docebitur *x**. In minores vero moleculas globulos illisos dissolvi *y*, nondum equidem vidi *z*.

Aliud frictionis genus est, quod inter ipsas moleculas exercetur, quæ sanguinem constituunt. Etsi enim eæ in frigido animale sibi parallelæ rectas lineas sequuntur *a*, æquum tamen est creditu, non ab experimento quidem, sed ex sanæ rationis dictamine, moleculas sanguinis

s L. VI. p. 119, seqq.

t Ibid.

v Conf. p. 168. &c. *Sauvages de pulsu* p. 13.

x *Martine de anim. simil.* p. 58.

*x** L. XXX.

y *Neifeld primit. polon.* p. 3. *de secret.* n. 141. Si nempe ad

angulos ramorum & calcaria adlii fuerint.

z Nec Cl. *Mihles Phil. Trans.* n. 460.

a *Second Memoire sur le mouvement du sang exp.* 63. 64.

&c. & p. 235. Cl. *Remi disp.*

p. 37. 43.

varie conturbari, inter se collidi, seque de suo deturbare itinere. Nam eæ massulæ, quæ ab arteriæ parietibus reperiuntur *b*, molliter, sed mutata tamen ea, quam sequuntur linea, ad axin quocunque sub angulo redeunt, eæ non possunt non lineas axi parallelas secare, inque eas moleculas illidere, quæ has lineas tenent. Sed etiam contractio arteriæ, quæ globulos ad axin repellit, non potest non secundum lineas, quæ axin ad perpendicularum secant, globulos parietibus primo proximos, denique qui eos interiores contingunt, in eos globulos repellere, qui axin tenent. Contra, qui axin tenent lineasve axi viciniores, pressione ea, qua reliquos ordines dimovent, eos utique ad parietes secundum perpendicularum, cogunt illidi. Ita dum iis occurrunt ordinibus, qui a parietibus reperiuntur redeunt, non potest non globulorum ad contrarias moleculas collisorum confictio fieri. Iterum, cum aliquanto celerius nova unda insequatur, prior aliquanto lentius fugiat *c*, & cum unda prior sequentem inpellat, poterit quævis unda haberi pro corpore inter potentiam urgentem, & resistantiam compresso. Ita nascetur illa in motu globulorum conturbatio, quam nos alibi repetemus.

Oppositorum vero in sanguine torrentium *d* pugnam & collisionem experimenta manifesto

b Bazzicaluve theor tumor staurat. med. p. 168.
f. 8. ad 13.

d Hales p. 108. Premier me-

c Bartholom. de Moer de in- moire p. 58.

demonstrant, ut omnino duo contraria sanguinis fluentia contra se nitantur, mutataque a mutua resistantia directio in lineam abeat, quæ ad perpendicularum in axin nititur. Rotationem globulorum circa axin a viris minime contemnendæ auctoritatis partim ex theoria, & ad experimenta *e* demum propositam, ego quidem nunquam vidi.

Uti vero sanguis per laxatam, perque contractam, arteriam fertur, ita aliæ ejus aliæque sunt adfectiones. In diastole sanguinis elementa, in ampliorem circulum diffusa, a se secedunt mutuo, & a globulis globuli longius distant, & contactus molecularum, adeoque adtractio minuitur, quæ directam rationem contingentium se superficierum, inversam verò & multiplicatam distantiarum tenet.

In contractione arteriæ horum contraria fiunt. Cum enim arteria secundum lineas ad axin perpendiculares undique angustior fiat, globuli sanguinei undique ad axin, inque angustiore circulum comprimuntur, & ad alios globulos propius accedunt. Ita frictio, quam modo dixi, augetur, & nunc id maxime fit, quod ex theoria Cl. viri fieri *f* docuerunt, quæ particulæ in sanguine sphericæ non sunt, ut sphericæ fiant. Potest enim quævis ejus generis particula haberi pro numerosa vectium compage, qui in centro magnitudinis conveniunt, ad universum vero

e. *Vienssens traité des liqueurs* Boerhaave *Instit. rei. Med.* n. p. 16. *Hales hæmastat* p. 96. 220 &c.
f Conf. *Bazzicaluræ* prop. II.

arteriæ ambitum eriguntur undique. Eorum alii longiores sunt, breviores alii: si enim æquales feceris, facies ut radii sphæræ sint. Quicunque adeo longiores sunt, eorum extimus finis a centro magnitudinis longius distat, eaque sede adeo a minori potentia flectitur, & debilior est. Dum adeo ea sedes ab aliis sphærulis percutitur, poterit flexus is finis, & debilior, abrumpi, & deteri, donec æqua undique resistentia æqualium vectium supersit, in quibus nulla ratio superest, quare alius alio facilius deteratur: sed ea sphæra est. Ita theoria permittit, nam oculus utique in sanguine nihil videt, quod sphæricum non sit. Eo modo particulæ quidem grandiores in sphærulas abeunt, minora vero ramenta detrita per easdem causas, perinde figuram undique æque resistentem adquirunt. Ita, dum ex majoribus moleculis fiunt minores, sanguis utique adtenuatur.

Utique vero hæc omnia majora erunt, si cordis impetus major, sanguinis moleculæ solidiores, arteriæ, ad quas confricantur, duriores fuerint.

§. II. *In ramis ut se habeat.*

In ramis majoribus omnia fere eodem modo se habent. Celeritas equidem sanguinis minuitur g atque adeo hætenus frictio minor est. Sunt tamen aliæ causæ, quæ non sinunt multum

minui. Luminum enim in ramis summa major est, quam lumen trunci, cumque ad eum circumlum, qui lumen metitur, ejusque similes totius tubi sectiones, frictio sanguinis fiat, eam frictionem augeri necesse est, aucta superficie, quæ confricatur *b*.

Sed etiam perpetuo plures particulæ ad internam arteriarum superficiem confricabuntur, cum lumina ramorum perpetim decrescant, atque adeo linearum, in quas lumen maximum nascentis rami diviseris, major utique numerus in parietes arteriæ incurrat. Quare etiam in arteriarum ramis ea omnia manebunt, quæ de trunco diximus: pressio nempe lateralis *i*, & globulorum ad concavam & tuborum arteriosorum faciem adtritibus, eorundem cum sui similibus confrictio, compressio, densatio. Ne vero facile arteriarum rami his a causis, rumpantur, cavit *Creator*, dum fortiores fecit *k*, densiores, aque majori demum impetu violabiles, quam quidem trunci sunt. Non ideo aut vigesies sexies *l* impetu innitentis sanguinis fortiores esse crediderim, aut a nullo cordis conatu superabiles. Nam in apoplectico homine *m*, & in alio, qui vomitum medicamento sibi moverat *n*, arteria coronaria rupta fuit, & in ophthalmica arteria *o*, aneurysma ex risu natum idoneus omnino testis

b p. 37.

i Jones de mot. musc.

k Enquiry p. 92, 206, &c.

l Hales p. 156. de arteria.

Nam venam fere 400 & majorem pressionem absque ruptione

pati docet, quam in recta valitudine patitur p. 159.

m Eph. Nat. Cur. vol. V. obs. 141.

n Viridet du bon chyle p. 100.

o Comper ad Bidloo T. V. f. 1.

vidit, & de arteriis cerebri res vulgo nota est, deque variis vasis, quæ a nixu rumpuntur o*.

§. III. *Vis anastomofium.*

Deinde anastomoses contemplabimur, quarum aliæ majores sunt, minimæ aliæ. Majorum commune officium est, expedire sanguinis motum, & obstructionis pericula minuere, nam omnino tolli, neque in sanguineis vasis obstructionem locum habere, id quidem nimium est *p*, neque cum phænomenis inflammati oculi, & grandescientium manifesto arteriarum conciliatur. Obstrui vasa vocamus, quoties quodcunque in vase sanguineo obstaculum sanguinis liberum per sedem obstructam iter moratur. Inde sequitur, ut super sedem obstructam sanguis a corde jugiter submissus congregetur: sive quod idem est, ut arteriæ obstructæ sedes cordi propior dilatetur. Ita in vincta arteria animalis calidi manifestum est *q*, neque ea diversitas in diametro arteriæ obstructæ sensus fugit *r*, etsi plerumque alias ob causas arteria parum dilatatur *r**. Eam vim sanguinis cor contra sedem interceptam urget, arteriæque utramque diametrum auget.

o* Conf. L. II. p. 145.
p Shebbeare *practice* P. II. p. 41.
q *Second Memoire* Exp. 47. 48. 51. 52. 53. 57. De
Lobb of fevers p. 247.
r Cum ratio arteriæ obstructæ

fit ad arteriam liberam uti 283
 ad 284. *Sauvages de inflammat.*
 p. 264. Arterias super sedem inflammationis intumescere &
 ampliores fieri *Idem* admittit
 p. 281.
*r** *p*.

Sed is ipse conatus in arteriam conicam *s*, ad ramos decrefcentem, profundius urget, quidquid intus est obstaculi: cum enim id ipsum in caveam emineat, lineas transeuntis sanguinis excipit utique, & cum iis ad minima pellitur *s**, neque expeditur, siquidem continuo angustior vasculi diameter, obstruenti massae se praebet difficiliorem. Ita sequi videtur, ut vas obstructum rumpatur: sed duae causae faciunt, ut rarissime quidem hoc infortunium accidat. Nam primum, cum nulla arteria longe sine ramo producat, sanguis, quem per truncum cor impellit, in ramum supra obstructionem nascentem copiosius determinatur, neque ea mala in obstructo vase sinunt nasci, quae nascitura videntur. Revinctae ergo arteriae rami, supra sedem vinculi nati, tument sanguine, eumque reddunt uberiores, si incideris *t*. Inde a vinculo aortae injecto oculi rubore suffusi *v*, anxietates, a collecto in pulmonem sanguine, & pulsus arteriarum superiorum evidentior *x*, aliaque collecti in vasa elatiora cruoris signa. Inde a femoribus ligatis, & adstricta adeo cruris arteria, continuo pulsus auctus, & doloris & plenitudinis in utero signa, & mensium retentorum effluxus *y*. A cruris amputatione salacitas *y**.

s Bellin Prop. XXVI. In partem obstructam vasorum ranæ liquores magna vi impingere Hofman p. 9. 10. Sed nihil simile vidi.

*s** Boerhaave de virib. medic. p. 78.

t Salmon de utero p. 27. ex Cl. Ferrein experimento,

Schwenke p. 16. Cheselden anat. of human body Ed. VI. p. 203.

v G. v. Swieten Comment. T. I. p. 185. Senac T. II. p. 274.

x Second Memoire Exp. 52.

y Essays of Societ. at Edimb. nov. T. II. p. 404. 405.

*y** Boerhaave Prax. Med. T. II. p. 105. Sed conf. p.

Plurimum tamen hic adjuvat vis anastomofium. Sanguis in obstructam arteriam impactus neque potest, per priora, a submissis de trunco undis expediri, cum conica vasis natura impediatur, neque vere expeditur, cum sanguis desertis vasis obstructis & ad libera vascula transeat. Verum pone nunc in obstructa arteria grumum sanguinis cohærere, qualia ex congestis globulis coagula sæpe omnino vidi *a*: pone eam arteriam continuato ductu in aliam arteriam continuari, quod vocant anastomofin. Nitetur ergo per liberam arteriam sanguis, veniet ad sedem obstructam, & coagulo facile viam expedit, quod in latiore & inanem canalem absque resistantia cedat, & ut aliquid itineris peregerit, singulo quasi passu in latiore *b*, & faciliorem arteriæ sedem redeat, quæ non invita impactum grumulum recipit. Repulsus autem ex obstructione grumulos & *Antonius* v. *Leeuwenhoeck* *c* vidit, & *Boerhaavius* *d*, & ipse demum vidi, ut alias ab aucta cordis vi coagulum dissiparetur *e*, alias omnino oscillatio, mistum nempe cum vero sanguinis contrarium iter, verum sanguini motum restitueret *f*.

Alia anastomofium utilitas est, destructas aut immeabiles arterias compensare. Arteriæ corporis

a Conf. L. II. p. 221. seqq. *Second Memoire* exp. 93.

a *Second Memoire* Exp. 6. 7. 60. 93. 151. 155.

b Speculationem habet *Albinus* adnotat. L. II. c. 10.

c T. II, oper. p. 207.

d *Praxeos Med.* T. I. p. 298.

e *Exper.* 93. *Leeuwenhoeck* T. III. p. 111. 117. *Senac traité du cœur* T. I. p. 486.

f *Second Memoire* p. 236, n. 1. Exp. 65. 93. p. 229.

humani vicinæ ubique , nisi paries medius inter-
 cesserit , mediocribus ramulis inter se commu-
 nicant , ut propago superiori loco ex trunco
 emissa , in redeuntem e contrario ramum
 arteriæ aut ejusdem , aut vicinæ alterius , se
 continuata inmittat *g*. Pone nunc arteriam
 principem sub ramo emisso conprimi , destrui ,
 aut alioquin inutilem reddi , avertetur certe
 a toto reliquo artu arteriosi sanguinis influxus ,
 & periret sideratum , quidquid ultra sedem vio-
 latam est , nisi benefica vis anastomosium inter-
 cederet. Nempe cum rami arteriosi , super
 vinculum ex arteria nati , plus sanguinis nunc acci-
 piant , & dilatentur *b* , fit sensim , ut aucti
 diametro hi rami , quasi pro trunco sint , &
 vitalis humoris commeatum ad ulteriorem artum
 continuent , periculumque sphaceli avertant. In
 brachialibus arteriis exemplum notissimum est.
 In trunco nempe humerario , qua parte venæ
 medianæ subjacet , in venæ sectione , vulgatissi-
 ma certe , & tamen difficili , administratione
 frequentia aneurysmata fiunt , ut chirurgus inci-
 sam arteriam vincire , & demum utrinque lino
 interceptam excidere cogatur. Ita , cum ulnaris
 arteria , & radialis , & interossea , sanguinis
 commeatu priventur , pulsus in carpo evanescit ,
 & digiti frigent , & periculum gangrænæ præ-
 sentissimum inminet. Plerumque tamen , dum
 fotu interim aromatico putredo arcetur , post

g L. II. p. 167. seqq. In T. I. f. 2. T. II. f. 3. ;
 exemplo *Molinelli de aneurysm.* *b* L. I. p. 373. 374.

triduum pulſus in carpum & una calor *i*, & vita redit. Nempe per ramulos arteriæ profundæ ab humeraria *k*, & ejus quam anastomoticam *l* dixi, poſt vinculum injectum, dilatatos ſanguinis nunc tantum ad artus partem adque manum vinculo ſubjectam redit, quantum ad pulſum, vitamque ſufficit. Perinde vidi evenire, cum arteriam radialem ligari præcepiſſem, neque enim alia ſupererat via, qua ſanguinis de arteria pollicis ſubinde renaſcentes jacturas compeſcerem. Per arcum nempe volarem utrumque *m* ſanguis, ex ulnari trunco in radialem, poſt brevem moram rediit. Sed etiam, cum brachium pene integre præciſum fuiſſet, tertio die pulſus rediit, inque manu calor *n*. In canibus carotidem ſæpe aut alteram, aut utramque vinculo intercepti *o*, neque quidquam inde mali evenit. Cum tumore carotidem (& externam una jugularem) chirurgus abſque detrimento ſanitatis extirpavit *p*.

Obiter iſta, nam anastomoſium aliæ, & quæ magis hujus loci ſint, adfectiones ſunt. Cum nempe duæ arteriæ ramos habeant, contrario ductu mutuo in ſe inmiſſos, poteſt directio facilius mutari, qua ſanguis per minora vaſcula

i Vide *faſcicul. icon. anat.* VI. p. 22.23. *Schwenke* p.18.19. *Heiſter de arter. crural. vuln. curato* n. 40. *Colleg. Hanover* T. II. p. 800. *Conf. Eſſays of a Societ. at Edimb.* T. II. p. 284.

k *Faſcic.* VI. p. 19.

l *Ibid* p. 24.

m *Ibid.* p. 28. & 41.

n *Chirurg. anweiſung.* T. II. l. c.

o *Tum Cl. viri Rob. Emett in tentaminibus*, tum ejus laborum ſocius *Cl. Pariſot Jour.* 1756. januar.

p *Schwenke* p. 20.

fertur. Si in arteria superiori, in exemplo, celeritas major fuerit, sanguis deorsum per alteram arteriam agetur, quæ nunc pro vena erit. Si inferioris superius momentum fuerit, sanguis sursum repelletur. Hæc non ex theoria sola quasi conjectura aliqua hauriuntur, sed experimentis utique, & inprimis nostris *q* confirmantur. Dudum etiam monui *r*, facillime, ut situs jubeat ratio, per arterias perforantes, sanguinem a dorso manus in volam commeare, aut vicissim ex vola in dorsum tendere. Multa inde vitæ humanæ commoda accedunt: ut sanguis, qui incitato torrente in arteriam aliquam fertur, effugium inveniat, neque ea tota vi eam in arteriam nitatur, quam a corde accepit. Sed etiam ab obstructa sede, utero in exemplo, sanguis spermaticarum arteriarum in hypogastricas avertitur, ne in uterum gravis nitatur, & quæ alia sunt ejusmodi. Si subtilius rem placeret urgere, ratio hic inveniretur, qua celeritas sanguinis in maximis morbis, & inflammationibus ipsis, frangitur.

Iterum ex anastomosibus conflictus sanguinis memorabilis sequitur, ut contrarii sibi torrentes s

q Exp. 66. 154. 173. Etsi enim non in anastomosi sanguis contrarium iter secutus est, sufficit in eodem canale columnam validiorem eam superasse, quæ debiliori motu ferebatur. In anastomosi venosa hoc phænomenon vidi exp. 132.

r *Premier Memoire* p. 58.

s *Second Memoire* Exp. 153.

154. 154* 155. 157. 171. 173. 175. 176. 178. 180. 182. 187. 190. Etsi enim hi torrentes iterum in eodem canale, non in anastomosi duorum canalium visi sunt, nihil tamen intercedit, quin par ramorum posterioris generis ratio sit. In anastomosi venosa vidi Exp. 132.

obnitantur , atque globuli in globulos impingant. Ita quidem solet fieri , ut in ramum aliquem , aut in quodcunque ostium in sede conflictus *t* patulum , sanguis utriusque columnæ irruat. Non tamen potest fieri , quin & de velocitate sua sanguis amittat , quem effectum dudum tetigi *v* , & præterea frictio inter globulos rubros ea nascatur , quæ est maxima , siquidem non obliquo ductu , sed directo , in globulum globulus incidit.

Hypothesin omitto nuper natam , quæ pulsum contrario anastomosium torrenti tribuit. In flexu enim arteriarum , non adeo in anastomosi , pulsus evidentior est.

§. IV. *Et retium.*

Huc *retia* redeunt , quæ *Bellinus* *x* ubique in corpore humano , *Natura* certe plurimis locis fabricavit , nos alias descripsimus *y*. Nihil enim *retia* sunt , nisi repetitæ ramorum cujuslibet trunci arteriosi cum vicinorum truncorum ramulis anastomoses. In iis retibus celeritatem minui *z* , adfrictumque globulorum , eaque omnia , quæ ex confricatione nascuntur , augeri certum est. Solvi sanguinem volebat *Bellinus* *a* , quod hætenus admitti potest , ut omnino a tritu

t Exp. 154^t. 155. 171. 178. 190.

v L. VI. p. 51. 51.

x *De ferment. & gland. Prop.*

38.

y L. II. p. 52.

z L. VI. p. 51. 52.

a l. modo cit. *Morgan princip.* p. 187. *Sauvages Memoire de Berlin* l. c. p. 55.

minores , & eminentes molecularum sanguinearum quasi ramos deteri , certum sit , atque adeo & majores molecule minores fiant , & multae novae ex priorum ramentis fingantur. Haec ratio suadet , experimentum nullum confirmat. Misceri praeterea , siquidem humores duarum arteriarum diversi fuerunt , utriusque liquoris particulas , tertiumque componi , qui utriusque generis particulas habeat , eadem ratio ostendit. In canalibus se decussantibus tamen liquores paulum misceri *Musschenbroeckius* auctor est.

§. V. *In vasculis minimis globulorum mensura nascitur.*

Ab arteriolis unius globuli capacibus conica equidem natura abest , cum utique cylindricae sint *b* , & haecenus pressio lateralis minuitur *c*. Verum aliae sunt horum vasculorum adfectiones , quae frictionem inmensum augment. Unicum enim globulum utique transmittunt , cum etiam venulae minimae unius globuli diametrum admittant *d* , arteriolas vero venis majores fingere , neque ratio admittat , neque clarorum vivorum consentientia experimenta *e*. Ergo cum arteriolae

b L. II. p. 113.

c Ut ex vase cylindrico inciso aqua non exeat *Stæbelin de pulsu* p. 4.

d *Second Memoire exp.* 120. 124. 125. 126. 128. 132. 138. 143.

e *Bellin Propos.* XXVI. *Cow-*

per ad Biddloo append. tab. 3. Phil. Transf. n. 285. Hales hæmastatiks p. 58. Baker microcospe made easy p. 36. Muys de fabrica fibr. musc. p. 303. Mibles Phil. Transf. n. 460. &c. Neque mea experimenta dissentiunt.

minimae aut *f* paulo globulo rubro majores sint *g*, aut aequales, & denique minores *h* ab aliis Cl. viris habeantur, cum praeterea solidiores sint, & duriores, pro diametri portione non potest non quilibet globulus suae ad arteriolae parietes toto suo circulo maximo confricari, & frequenter ubique, & in flexionibus maxime, quae in his vasculis uberrimae iterantur. In flexione enim etiam aliquanto minor globulus ad parietes undique adteritur. Ita fit, ut flexilis globulorum natura, omnino ambitum suum in circuli figuram torquet, cujus diameter arteriolae diametro paulo minor est, aut aequalis. Hic adeo modulus *i* est, qui globuli rubri magnitudinem definit. Sed ad reliqua de sphaerula eminentia tubercula deterenda, is idem, per angusti canalis parcam diametrum malignior transitus, utique potenter confert *k*. Hæc ex theoria, cum nullo experimento fulciantur.

§. VI. *Et retardationis effectus.*

Porro per vasa minima sanguinis minor celeritas superest, cui tot a causis continuo portio aliqua decesserit *l*. Diminuto nunc motu, quo sanguis secundum axin fertur, augebitur vis ponderis & adtractionis, quas quidem vires celeritas pro-

f Exp. 63. 64. 68. nisi & ista vasa venosa fuerint.

g Duplo Schreiber *Almagest*, p. 226.

h L. II. p. 168.

i Schreiber l. c. p. 246. Conf. Leeuwenhoeck *Exper.* & con-

templat. T. II. p. 15. 161.

k Coctionem vocat J. de Gorter particularum sanguinis non inquilinarum formationem in globulos de *perspirat.* p. 42.

l L. VI. p. 67.

gressivi motus non dabat sanguinem regere *m*. Sed globuli sanguinei fracta vi cordis amant confluere *n*, in unguenti tardam speciem, atque adeo summa hic ad concretionem aptitudo nascitur, si praeterea memor fueris, lymphæ vim magnam de arterioso sanguine decessisse, quæ in majores demum venas per lymphatica vasa reddatur. Ea enim aquula remota, pene solus in minimis vasculis cruor superest, qui omnium humorum humanorum ad coagulum pronissime vergit, & cujus coagula omnium prima nascuntur, quo tempore nulla reliquorum humorum particula concrevit *o*. Haec sanguinis in minimis arteriis tarditas, & ad coagulationem aptitudo, conjunctæ causæ sunt, cur plerumque, & in morbis acutis *p* etiam magis, sanguis in arterias colligatur, neque in venas transire possit. Inde in hydrophobo *q* sanguis in arterias omnis repertus est, ut venæ inanes essent. Summum ergo hac in sede stagnationis & obstructionum periculum est *r*, in vasis nempe minimis.

§. VII.

m De pondere *Second Mem.* Exp. 212. 222. De adtractione constat, coagula sanguinis a debilitata demum vi cordis nasci *ibid.* Exp. 6. 7. 155. &c.

n Loc. modo cit. In fungulos abire *Simson* p. 114.

o In iisdem, quæ nunc citavi, experimentis nullum lymphæ coagulum fuit, quod fere unice a vulnere vasis sanguinei nascitur, quando pellucida lymphæ aut extra sua vasa effusa est Exp. 88. 153. 154. 155. 157. 163. 167. 170. 171. 176. 183.

189. aut demum fracta per incisa vasa vi cordis suis in vasis restagnat Exp. 180. 183.

p *Boerhaave Prax. Med. T. I.* p. 98. *Beels de febre ex solo pulsu dignoscenda* Leid. 1747. In senes decrepito *Phil. Trans.* ann. 1706.

q *Histoire de l'Academie des Sciences* 1699.

r *Bellin Propos. XXVI. Boerhaave Prælect. Acad. T. II.* n. 262. Primum ibi sanguis stagnat *Swammerdam de respir. coroll.*

§. VII. *Quomodo ab his causis sanguis mutetur.*

Fluiditas nascitur.

Exposuimus, quae mechanice a motu sanguinis per arterias majores, & minores, sequantur, transeundum est ad mutationes, & effectus, qui ab eodem motu in sanguine obtinentur, & ad dotes, quas sanguini, & universis humoribus, idem motus impertit. Optabile quidem foret, ut eos effectus perpetua serie, cum mechanicis motus phaenomenis conjungere liceret. Verum de nonnullis sanguinis dotibus nimia ea spes foret, suffeceritque interim, aliquam partem veri perspexisse. Existimavi, & aliis locis idem sequar consilium, optime me acturum, si geometrarum rationes secutus, problema pro soluto, & æquationem pro constructa haberem. Id fiet, si dotes sanguinis, vivi hominis vasa legitime perfluentis, cum sanguinis in integerrimo cadavere residui, & sanguinis ex vasis emissi, & sanguinis demum in suis vasis, aut quiescentis, aut debiliter moti, indole compararem. Eæ enim dotes omnes, quæ sunt in vivo motoque sanguine, & quæ in sanguine lente moto minuuntur, a sanguine vero quiescente absunt, eæ omnes a motu proculdubio sequuntur, qui solus in his exemplis sanguini aut integer ereptus est, aut pars certe subtracta. Si quis alienam ab hac causa respirationis considerationem admiscere volet, adque respirationem ea phaenomena referre, quibus motus sanguis a quiescente differt, eum

quidem monebimus, præter solum calorem, omnia reliqua phænomena in animalium nullo pulmone instructorum sanguine perinde reperiri, neque adeo a respiratione pendere. Quæ vero pars causæ caloris ad pulmonem a claris viris relata est, eam utique oportebit tunc demum expendere, quando respirationis historiam dabimus.

Primum, quod sanguis lentius motus, aut quiescens, aut effusus, amittit, id quidem est *fluida* natura, qua per vasa ferebatur. Stat enim, uti alias ostensum est, gelatinæ modo, globulique in acervos colliguntur, & in cadavere *s*, & in vasculo, in quod de vena missus est *t*, & dum aerem de nare sani hominis percurrit, & in tubulo de animale *v* in animal sanguinem transmittente, & in aneurysmatico *x* sacco, & in ligatis arteriis *y*, & alioquin in animalis debilitati vasis *z*. Deinde in cadavere, etiam quando sanguis in thrombos non coit, fluit tamen lutulentus, globulique in sero pigri labuntur *a*. Ut omnino ex sanguinis hirundinum conservata fluiditate merito concludamus, non absque motu sanguinem fuisse *b*, etiam quando eæ aves in hibernaculis stupent. Contra reddito

s L. V. p. 29.

t ib.

v ib.

x p. 38. 39. Sedecim sanguinis grumosi libræ in aneurysmatico sacco arteriæ popliteæ *Matani de aneurysm.* p. 139. In aneurysmate membrana subdura nata *Ess. phys. and litt.* p. 222. 223. In recessibus arteriæ, quæ sanguis

non movetur, semper coactus reperitur. Laminæ in aneurysmate cruentæ *Observ. of a Society at Lond.* vol. I. p. 346. *Riva E.N. C. Dec. I. ann. I. obs.* 18.

y Lancet. p. 124. ed. 1728.

z p. 37.

a Malpighius de polypis p. 130.

b Lister apud Linnæum in icon, natur. p. 39.

motu coagula globulorum dissipantur, ut singulae denuo moleculae solitariae fluant *b**. Ita flocculos in syncope natos credit a suborta palpitatione solvi Ill. *Archiater b***, & obstructions vasorum conjunctivae tunicae ex vinculo ortas palpebrarum nictitatio dissipat *b†*.

Quomodo fluidam liquiditatem sanguinis vita conservet, haecenus facile intelligitur. Primum enim non dubium videtur, quin coagula ex adtractione fiant, eam adtractionem vero is motus impediat, quo sanguis a corde ad extrema vasa progreditur. Is enim motus globulos a mutuo contactu continuo dimovet, neque vi adtractili tempus dat, quo elementa adunire possit.

Deinde elementa sanguinis vivi hominis certa temperie commista servantur, in qua sola fluiditatem conservant. Si adipem enim ab aqua separaveris, etiam quando utriusque eadem portio manet, non dubium est, quin ille quidem stet coactus. Si vaporem ab utroque abegeris, multum videtur de sanguinis liquida meabilitate decredere, cum serum abacto vapore *c* in gelatinam vertatur, serumque pars magna & fluidior sanguinis sit. Nunc in quiete sanguinis, in cadavere, vapor quidem levis avolat: reliqua elementa secundum pondera sua separantur,

*b** *Mémoire sur le mouvement du sang. Exp. 151. 155. &c. & in vesperatione saepe a Boerhaavio citato Leenwenhoekius.*

*b*** *Smieten in Boerb. T. I. p. 684.*

b† *Camerar. de ophthalmis Venerea.*

c *Conf. L. V. p. 227.*

serum innatat *d*, globuli ima petunt, seque incumbentes & deprimunt & adtrahunt. Contra, quamdiu vita viget, communis rapidusque sanguinis torrens vaporem, aquam, globulos, adipem, albumen mista, servat omnia, neque finit in propiores contactus particulas pingues aut gelatinosas, aut mucosas, venire, sed interposita aqua, & tenui halitu, adtractilium particularum vicinitatem impedit. Violentum flumen cum aquis & arenas & avulsas volvit de montibus ornos: idem, quando in planitie impetus subsedit, proximis in arenis ponderosa quæque deferit, quam primum velocitas aquarum remisit.

Calor etiam ad fluiditatem facit. Sanguis in calore, quem a digestionem vocant, per mensem *e* fluidus mansit, parque fluidæ naturæ tenacitas in sugillatione visa est, cum effusum cruorem vitalis calor foveret *f*. Nempe calor intestinum motum sanguini imprimit, cor progressivum, a neutro finitur quiescere. In principio exacerbatae febris intermittens sanguis lentus est, sub finem fluidior *g*. Certum est, febres intermittentes, potissimum tertianas, sanguinem dissolvere, qui in me ipso meninerim, post tertianam vernam anno 1729. plurimum mihi de naribus sanguinem stillasse, & eum sanguinem pulli sanguine non fuisse densiorem. Post tertianam

d L. V. Sect. II. p. 70. seqq.
e Birch T. III. p. 236.

f Cyprian-epist. ad Millingtonum p. 55.
g Tabor p. 274.

febrem hæmorrhagia narium g^* . Electricitas, quæ motum sanguinis incitat, eadem sanguinis fluiditatem auget g^{**} & conservat.

An molecularum aucta moles ad fluiditatem faciat, quæri potest. Non ignoro adtractiones esse ut superficies, has autem in majoribus moleculis diminui, cum globulus ex sex aliis coalitus non dubie minorem superficiem habeat h , quam summa est superficierum in singulis. Verum non ideo fluidiora sunt, quæ majoribus fiunt elementis i , nisi elementa ignis omnium maxima, deinde ætheris elementa majora facere volueris, quam aquæ moleculas terræve.

Num. motus intestinus inter particulas sanguinis locum habeat, numque ad fluiditatem omnino necessarius requiratur, hoc loco disputari potest. Plerique recentiorum scriptorum vortices, & turbines, & confusam agitationem in fluidis animalibus recipiunt, eumque motum a sanguinis ad curvæ arteriæ parietes collisionibus repetunt k , aut a communi demum omnibus liquidis intestino particularum motu, quem iterum plerique rei naturalis scriptores ita adoptant, ut ab aqua glacies potissimum hoc motu sublato l differat. Alii ab aere repetunt m . Nos intima rerum

g^* E. N. C. Dec. II. ann. 10. *instaur. med.* T. II. f. 1. Boerhaave *Inst. rei Med.* n. 220. obs. 147.

g^{**} Gerhard *Memoire de l'Academie de Berlin* 1772. l Bernoulli *hydrodyn.* præf. &c.

h Conf. L. V. p. 265. L. VI. p. 17.

i In tenaciori fluido moleculas, quam in limpidiori majores esse *Franciscus Lamure de secret.* p. 28. m Et de sanguine peculiariter *Jacobus Keil tentam.* IV. Cl. *Bazzicaluve Prop.* IV. *Vereyen L.* II. p. 172. *C. Gottl. Ludwig de terris mus. Reg.*

k *Bartholomæus de Moor de* p. 294.

non perspicimus, videmus autem viros universæ naturæ peritissimos ostendisse, particulas fluidorum non *actu m**, ut vocant, vereve moveri, etsi minimo motu dimoveri *n* se patiuntur. Deinde in sanguine motum intestinum a Cl. viris non admitti *o*, etiam ratione addita, quod & progressivo motui obsistat *p*, & fermentatio, aut putredo, adeoque intestinus motus, a perpetuo fluxu etiam impediatur. Experimenta mea nullum ejusmodi interturbatum motum aut in frigidis animalibus, aut in calidis admittunt *q*, cum rubri certe globuli eas lineas in motu suo teneant, quæ a corde ad vasorum fines rectissimæ ducunt, & omnino globos ligneos imitentur, qui longo ordine in aqua natant; neque apud *Leeuwenhoeckium*, aut quemquam scriptorum microscopiorum, certum aliquod interni motus documentum reperio: ut omnino, si in calidi sanguinis animalibus a calore motus intestinus excitatur, ejusmodi sit motus, quem oculi adsequi non possint. Excitari vero admittas, cum in motu calor consistat, caloris vero certa, aut axi arteriæ parallela directio nulla cogitari possit.

*m** Bertier *physique des corps animés*.

n *Mistichelli de apoplexia*, Verheyen L. II. *Walther* p. 26. *Berger de natur hum.* p. 49. *Fanton anat.* p. 344. *Musschenbroeck essais de physique* n. 702. *Inst. phys.* n. 763. exemplo sphaeræ aqua plenæ, quantum ejus fieri

potest, aliisque gravibus argumentis.

o *Tralles exam. med. terreor.* p. 324. *Schreiber Almagest.* p. 273.

p *Shebbeare* p. 57.

q *Second Memoire sur le mouvement du sang.* p. 235. exp. 63. 64. &c.

§. VIII. *Et calor.*

Non est ab igne innato, fervore, putredine.

Æque fere celeriter, uti liquida mobilitas sanguini de vasis effuso, in vasis stagnanti decedit, ita *calor*. Friget cadaver, friget in patellam effusus sanguis, friget etiam tardius motus in deliquiis animi, in submersis, in animalibus hieme latentibus. Sed gravior est quæstio, num a sanguinis motu calor nascatur, num alia cum motu progressivo utcunque conjuncta causa subsit.

Phænomeni historiam non repeto. Fuscæ exposui, in animalibus pleno pulmonis usu gaudentibus, caloris supra atmosphæræ aquam congelantis hibernæ frigus gradus 58 in sano sanguine generari *s*: deinde pisces non valde memorabilem calorem *t*, sed tamen ejusmodi producere, ut in gelidis aquis, ultraque frigoris congelantis gradum rigentibus, vivere, sanguinemque fluidum conservare, & denique aliquantum super id frigus tepere possint. Hujus caloris fons quæritur & causa.

Et primum ostendere oportet, eum calorem in sanguine sedem suam habere, aque sanguine reliquas corporis animati partes incalescere. Facile id fit, cum artus frigeat, cujus arteria revincta fuit *v*, exemplo brachii, cujus principem arteriam ob aneurysmatis curationem chirurgus

s Posito calore summo 112 gr. comparato acris = 54 cum calore medio.

t L. V. p. 50.

v Senac T. II. p. 241.

lino intercipit: id enim brachium tamdiu friget, usque dum restituto sanguinis commeatu pulsus in carpo redux percipiatur. Cum eo pulsu calor ipse redit. Vinculo arteriæ injecto, artus friget, idemque legitimum calorem remoto vinculo recuperat, *Morgagni* experimento. Ita pariter in aneurysmate, arteria intercepta, subjecta manus friget, at restituto sanguinis commeatu per arterias communicantes, calor redit. In tibia, cujus arteriæ lumen contractum fuit γ , inque artubus, quorum arteriæ osseæ z factæ sunt, perpetuum frigus regnat. Pulsus in manu sinistra nullus, hinc frigus perpetuum z^* . Respiratio frigida, sensus frigoris quasi glacialis, cum pulsu nullo z^{**} . Nihil vulgatius quam feminarum hystericarum frigus, quas pulsus cum deseruerit, ipse una calor restinguitur. Cum asphyxia frigus z^{***} conjungi vulgo notum est, & ipsi Cl. adversario *Haenio* non ignotum. Saepe in me ipso, cum febrirem, nimis accurate percepi, ut ignei torrentis modo sanguis per brachiorum arterias ad manus meas sub initium calidæ exacerbationis progredere. Post magnas sanguinis jacturas, cum sanguis reparatus esset, aeger quasi uestionis sensum percepit a . Cum aucto rubore calor, cum pallore frigus, perpetuo fere foedere conjungitur. Et corporis humani

γ *Phil. Trans.* n. 280.

z *Ibid.*

z^* *Ant. de Haen rat. medend.*

T. III. p. 146. 147.

z^{**} *Journal de Medec.* 1758.

M. Nov. *Woodward cases* p. 321.

z^{***} *Zimmerman erfahrung*

p. 370.

a *Viridet du bon chyle* p. 26.

partes majorem calorem possident, quæcunque plus habent sanguinis, æque frigent, quæ paucissimum nactæ sunt. Oculus cum testibus, carnes cum partibus albis comparatæ, sunt pro exemplo. Ultimum in cadavere dorsum tepet, eo enim sanguis, suo a pondere, in moriente congeritur.

Sequitur ut inquiramus, unde calorem suum sanguis concipiat. Breviter veteres, *innatum calorem*, cujusunque demum is naturæ esset, in ipsum cor posuerunt, ex cujus efficacia sanguis incallescere. Inter scripta *Hippocratica* libelli sunt *b*, qui hanc hypothesein continent. Fervorem in corde statuit *Aristoteles*, tantum, ut sanguis de corde ebulliendo prodeat. Sed etiam *Aretæus* *c* cor arteriæ calorem tradere scripsit, neque *Galenus* dissentit, aut de schola medica quisquam. Id tenue utique discrimen in hac opinione superfuit, ut *Aristoteles* *d* dextrum cordis ventriculum calidiorem faceret, auctor vero libelli *de corde*, & *Galenus* *e*, eam laudem sinistro ventriculo tribuerent, cujus carnes hunc innatum calorem præstare & ipse *Claudius* *f*, & alii *g* nuperiores addiderunt. Adeo vero in vivo animale cor calere; ut æstus ægre a manu ferri possit, *Columbus* *h* auctor existat. Unde demum is in corde calor nasceretur, veteres unice securi, quærere superfederunt.

b L. I. de *diæta* & in T. de corde.

c *Curat. acut.* L. II. c. 7.

d De *part. anim.* L. III. c. 4. *histor. anim.* L. I. c. 7. argumento dextri lateris in homine calidioris.

e De *usu part.* L. VII. c. 9.

21. de *temperament.* L. II. c. 3.

f *Galenus* *ibid.*

g *Carpensis* ad *Mundinum* p. CCCLI. *b.*

h De *re anatom.* L. XV. p. 259.

Celeriter errores invalescunt, lente imperium deponunt, etiam hactenus morborum epidemiorum similes. Priori seculo, quo plurimum in vivis animalibus incidendis laboratum est, hæsit tamen, in tanta opportunitate videndi veri, mentibus fatalis arundo. In septo cordis calorem habitare *Conringius i* auctor fuit, luculamque vitalem *Entius* admisit *k*. *Cartesius l*, cum scholarum hypothesibus minime parceret, tamen *insitum*, & potentissimum calorem retinuit, quem virum tota secta *m*, & qui pene nuper ex vita decessit, *Guntherus Christophorus Schelhammer n* secuti sunt.

Cum tamen ea ipsa *Cartesii* schola causas rerum curiosius indagaretur, reppererunt clari viri varia phænomena chemica, in quibus conflictus contrariorum salium calorem generat: iis subsidiis studiose usi sunt. Primus, nuperæ theoriæ antiquior auctor, *J. B. Helmontius o* calorem a sulfure & volatili sanguinis sale in corde confricatis deduxit. Elegantius aliquanto *Franciscus Sylvius p*, cum sua secta *q*, etiam illustribus incisforibus *r* assentientibus, san-

i De calid. innat. c. 13.

k Apolog. pro circulat. sang. p. 204.

l De format. fetu p. 197. de homine p. 5.

m *Henr. Regius* physiolog. p. 22.

Theodorus Craanen, Plemp. p. 155

n Diff. VII. In sanguine occultum ignem latere *Idem* physiolog. nuper editæ n. CXCIV.

o In sole tabernaculum p. 621.

622.

p Diff. VIII, n. 63. diff. IX. n. 54. &c.

q *Cornel. Bontekoe* dierige huysbouding p. 297. ex acidis particulis cum sale volatili oleoso confligentibus.

r *Swammerdam* de respir. p. 8. *Regnerus de Graaf* de succo pancreatico p. 100. 101. edit. III. uterque de *Sylvii* schola.

guinem corporis indigenam urinofæ naturæ propiorem ; cum novo , acidoque chylo , & acida lymphâ , feto cruore efferverescere , ita calorem nasci , multo cum plausu docuit. Paulo aliter , in eundem tamen sensum , Cl. *Henshaw* s fermentationem sanguinis vitalem ex chylo & sanguine deduxit. Ex acidis spiritibus , & sedimento sanguinis alcalino , cordis fervorem derivavit *Johannes Pascal* t ; ex novo sanguine in recessibus cordis calefacto & rarefcente *V. T. Plempe* v ; ex prioris cruoris reliquiis *Joachimus Targirus* x ; ex acida salina lienis tinctura *J. M. Tiling* y ; ex acida materie , quæ in fibrarum cordis loculos deflueret *Petrus Chirac* z ; ex bile & lymphâ *Saviolus* a ; ex acido spiritu & lymphâ alcalina simul & sulfurea *Antonius Deidier* ; paulum aliter *Pompeius Sacchus* c , ab alcalina natura alimenti , & acido spiritu vitali ; ex acidis denique & volatilibus in chylo particulis *Guilielmus Coward* d. Denique neque magna illa mens *Newtoni* ita ab hypothesium amore pura fuit , quin ex fermentatione humorum spiritus in ipso corde generari conjecerit , quibus id organum in motum cieretur e.

Diu vero etiam magnorum virorum animis fervor intestinalis sanguis hæsit , quem neque

s *Aerochalinos* p. 97.

t *Traité des ferments*. p. 322.

v *Fundam. med.* p. 155.

x p. 159.

y *De vase brevi* p. 554.

z Apud III. ejus successorem
P. *Senac traité du cœur* p. 442.

a *Lucubrat* p. 5. 6.

b *De tumorib.*

c *De febr. contin. in Tride febrili* p. 16.

d *De fermento volatili* p. 82.

e *Birch T. III.* p. 254.

Willisius f deferuit, neque *Malpighius g*, neque *Pechlinus h*, neque *Lancisius i*, neque *Helvetius k*, neque nuper admodum *Thomas Knigth l* & *Cl. Stevenson m*. Sed etiam *Stahlius n* præter motum vitalem principium etiam internum luminosum retinuit, quod calorem ad sanguinis motum diffundat, & *Targirus o* sanguinem in se ipso fermentationem concipere, exque ea calorem nasci, quem, & vitam una, & spiritum, singulis corporis animati partibus distribuatur, eamque fermentationem a primis retro vitæ primordiis perpetim vigere, sub initium seculi scripsit, in quo vivimus.

Cum præterea ad oculorum testimonium contra sanguinis effervescentiam provocaretur, regessit *Hombergius p*, dari veram effervescentiam, perennemque, quæ oculis conspici nequeat, & ipse ejusmodi fervorem spiritum interitri & cantharides experimento confirmavit, non manifestum nisi aer accesserit. Acida vero & urinosa sanguinis elementa inter se mista

f Idem animam in sanguine habitare scribit *de anim. brutor.* p. 9. de *accens. sanguinis* p. 78.

g *De polyp. sang.* p. 130.

h *De corde* n. 30.

i l. c. p. 28. puncti salientis exemplo excitato.

k *Eclaircissement* p. 44. æcon. p. 13.

l *On heat* p. 83.

m Motum cordis a motu sanguinis intestini suscitari *Essays of a Society at Edinburg* T. V. P. II. p. 806. Inter causas calo-

ris habet *J. E. Hebenstreit* de calore ut causa morb. & nov. valet. p. 45.

n *De mechanismo motus progressivi sanguinis.* Idem sibi inventam tribuit caloris a motu intestino sanguinis, ejusque motus a progressivo nati, detectam originem *differ. puls. celer. & freq.* c. 4.

o p. 53. 73. 82.

p *Memoires de l'Academie des Sciences* 1709. p. 468.

confligere, atque in ipso adeo cruore efferves-
cere *Vieussenius* auctor fuit *q*.

Porro, ut probabilem aliquam rationem ejus
intestini fervoris inveniret, Cl. *Stevenson* calo-
rem ab alteratione deduxit *r*, quam alimenta
& humores perpetuam experiuntur, humoresque
animales in confinio putredinis perpetuo poni,
plerique nuper Angli urserunt *r**. *Cromwel Morti-*
mer s a fermentatione aerem in sanguine liberari
posuit, qui ignem in motum cieat. Cl. *Bazzicaluve* t
eundem in sanguine fervorem ab igneis parti-
culis derivavit, quæ ex ruptis globulis sangui-
neis exhalant. Proximus *Georgius Erhardus*
Hamberger, sive priorem hypothefin ornavit, sive
propria cogitata secutus est, quando calorem san-
guinis a resolutione sulfurearum sanguinis parti-
cularum repetiit, quas particulæ urinofæ aut
lixiviosæ adgrediantur, & experimentum etiam
adduxit *v*, quo avium congesta cadavera inca-
luerint, uti ex fimi columbini x acervis, exque
foeno *y*, ex ipsis demum congestis pannis,
pilisque apud *Thevenotium* animalium, inque
linteis chartæ conficiendæ destinatis, nata

q *Traité des liqueurs* p. 63.
123.

r l. c. p. 835. *Ess. of a Society*
at *Edimb.* L. V, n. 77.

*r** *Jos. Ant. de Plenciz de ca-*
lore animali *Wien.* 1773. 8.

s *Phil. Trans.* n. 476. n. 20.

t *Theor. tumor. Prop.* III. IV.

v *Physiolog. med.* p. 24.

x *Galen, de temperament.* L.

III. c. 2. *Casatus* p. 48. *Masculus*
de Vesuv. incend. p. 169. *Phil.*

Transact. n. 296. Japonenses

non amant columbas, quod ea-

rum fimus ignem sponte concipiat

Histoire des Japonois p. 186.

y Fœnum si permaduerit, in

tabulato putrescit, & sæpe,

cum concaluit, ignem concipit

Columella l. 11, c. 19.

incendia nonnulli scriptores, aliis quidem refragantibus *z*, orta fuisse reliquerunt. Pulvis etiam coriariorum sponte calorem concipit, qui 45 gr. *Reaumurii* æquat, omni humano calore majorem. Eum virum alii secuti sunt *a*, neque valde longe recessit adversarius viri Cl. *Perliz*, qui calorem a motu intestino materiæ caloris in sanguine habitantis communicato derivat *b*, ejusque mensuram fecit magnitudinem motus ætherei intra poros excitati *c*. Brevius nuperi, virtutem vitalem calorem generare docent, ad veterum pene simplicitatem reduces *d*. Nuperi angli passim calorem a progressu sanguinis ad putredinem derivant, uti modo retuli.

§. IX. *Quæ contra has opiniones dici possint.*

Cordis primo insitum calorem nullum esse, nulla nunc dubitatio superest. Primus utiliter monuit *Jacobus Backe*, cor in vivo animale reliquis visceribus nihilo potentius calere. Experimento *Backii* adnotationem confirmavit *Johannes Alphonsius Borellus f*, deinde *Guilielmus Cokburne g*, qui thermometro adhibito viscera abdominis non debilius tepere reppererunt, quam cor quidem tepet. Sed etiam ego in tenera fele memini,

z *Leopold* in libro œconomico germ. edito p. 297.

a *Nicolai von den fiebern* p. 52.

b *Theor. caloris mathemat.* p. 3.

c p. 4.

d *Bikker de natur hum.*

e *De corde* p. 185.

f *Mot. animal.* L. II. c. 7. *propof.* 96.

g *Æconom. anim.* p. 29.

me eundem caloris gradum fahrenheitiano thermometro metitum esse, qui 88 gradum non superaret. Unico gradu superat in monedula *g**.

Quæ de sanguinis fervore narrantur, perinde quidem experimento repugnant. Chylum sub oculis meis in aurem dextram illabi, & placidissime cum sanguine misceri ipse vidi, viditque *Carolus Drelincourt*, cum præterea chyloferum ductum, & venam axillarem ligasset *h*. Sed etiam lymphæ nullum manifestum acorem habet *i*, neque in sanguine cordis ipsius alius a muratico sapor *k* reperitur, ne Cartesianis quidem profectoribus *l* diffitentibus: neque sanguis aut cum lymphæ, aut cum chylo, aut cum acido latice *m* quocunque confligit, & si cum meracissimis acidis liquoribus fervet, qui etiam in aqua incallescunt *n*, & cum oleo stillatitio conflagrant: neque phænomena microscopica ejusmodi conturbatum liquorem ostendunt *o*, qualem in effervescentia necesse est supponi, neque bullæ in sano cruore erumpunt.

Si vero certum putredinis gradum, aut agentes in oleosas particulas urinosos sales pro caloris causa citaveris, etiam hic plurima obstant, ne in hanc opinionem dilabamur. Gratis utique urinosæ in sanguine moleculæ admittuntur, quæ demum ab igne nascuntur *p* aut certo ita

*g** *Whytt physiol.* p. 16.

h *In canicid.*

i *L. V.* p. 213.

k *L. V.* p. 126.

l *Blancard de circulat. sang.*

per fibras p. 19.

m *L. V.* p. 143.

n *Uti vitrioli oleum.*

o *L. VI.* p. 194.

p *L. V.* p. 171, 172.

evolvuntur , ut pro sua urinosa natura nunc effica-
caces esse possint. Sed pone dari, non ideo in
homine sano oleosas massulas solvent. Globuli
enim sanguinei utique inflammabiles summa
cum constantia figuram suam in omnibus anima-
libus conservant *p*^{*}, dum vita superest motusque
sanguinis circumfluus , neque adeo aut erodun-
tur , aut solvuntur unquam , dum calet vigetve
animal , & ipsi globuli in circulum feruntur.

Porro si omnino alcali præsto foret , & oleum
sanguinis solveret , nullo argumento constat ,
alcali , dum oleum diluit , calorem excitare.
Deinde adgnosceimus equidem , magnas mas-
sas vegetabilium corporum congestas *q* ,
pressasque , loco inprimis clauso , dum putref-
cunt , calorem vehementem generare. Verum
non ideo hæc mutatio ad alienissimam animalium
naturam traducenda est. Caro assa cum farina
avenacea & saliva calorem equidem trium gra-
duum excitat *r* : sed ea fermentatio est , & in
acidum tendit. Fermentatio vero & ab urinosa
natura aliena est , & demum , quando maxima ,
calorem 75 graduum generat , multo nostro
minorem *s*. Contra , corpus humanum inte-
grum , artusve gangrænosus , quando putrescit ,
tunc quidem calere desinit , frigusque adtigit
circumjecti aeris : quamdiu vero calet idem ,
nunquam una computrescit.

Iterum ,

p^{*} L. V. p. 105.
q L. VI. p. 221.

r Pringle p. 400.
s Boerhaave l. c. p. 293.

Iterum , adeo nulla urinofa falis in calore animali producendo potestas est , ut ea animalia frigida sint sanguine , quibus natura manifestissime urinosa est *z* , ut ranæ , quarum albi acervi ad utrumque spinæ dorsi latus positi cum acore effervescent : cantharides *v* , quæ totæ cum spiritu nitri fervent. His frigidis animalibus , potius , quam nobis , urinofa falis copia est , qui oleosos globulos sanguinis adgrediatur , calorem & generet. Non ob parvitatem molis frigent , multæ enim aviculæ , rana , bufone , lacerta , crocodilo , minori sunt corpusculo. Contra ea animalia calēt , quorum humores longius ab urinosa natura distant *x*. Neque exemplum noverim humoris , qui , dum perpetuo & celeri motu circumfertur , una putredinem concipiat. Aquæ motæ dulcedinem servant , per quietem putrescunt. Humor de vase unice aliud in vas transfusus , vitium non concipit *y*. Sed etiam nostri humores , quamdiu moventur , nunquam putrescunt , etiam in acerrimo animalium genere : iidem , quamprimum quieverunt , utique contabescunt. Non cum putredine ergo , sed cum calore sanguinis , motus indiviso nexu conjungitur. Continuo enim ostendetur , calorem nostrum aucta in circuitu sanguinis celeritate augeri , minui diminuta , auferri sublata , reddita restitui. Valde vero absolum videtur , ejusmodi causam calori assignare , quæ nunquam in corpore

z L. V. p. 163.

v p. 164. 167.

x p. 167.

Tom. IV.

y. Homob. Pisoni ult. antiq.
p. 61.

humano nascatur, quin una calor destruat, & quæ tunc demum se exferat, quando calor sublatuſ est. Levioſem in vivi animalis ſanguine putredinem eſſe, debile excuſationis genus eſt, minorem nempe, ſi minor eſt, effectum edit, & ſi ne provecta quidem putredo calorem excitat, quid incerta illa, & nullo ex ſigno adgnoſcenda poterit.

§. X. *Num a motu progreſſivo calor ſit?*

Argumenta quibus adfirmatur.

Vergente priori ſeculo magis ad potentiam ſolidarum partium corporis reſpectum eſt, & chemicarum cauſarum auctoritas aliquantum obſolevit. Primum quidem per experimentorum collectorum numerum adparuit, pene omnem, & forte penitus omnem, in rerum naturâ calorem a tritu naſci z. Hic totius fere naturæ conſenſus a clariffimis viris ad ſanguinem translatus eſt. Ergo expenderunt animo Cl. viri a, ſanguinem a corde perenni & veloci motu in aortam projici: confricari ad cordis

z Boyle of the great efficacy of languid and unheeded local motion, *Muſſchenbroeck Eſſays* p. 480. 481. Boerhaave *Elem. Chem.* T. I. p. 176. In ipſo ab aere evacuato ſpatio frictio calorem generat Boyle *phyſico-mechanical exper. touching the ſpecies of air &c.* p. 44. Etiam in aere glandes plumbeæ ex ſolo celerrimo motu concaleſcunt. Calido liquefactæ pondere glandes *Lucanus.*
 a Boerhaave *Inſtit. rei Med.* n. 220. Georg. Martine de animal. ſimilib. Prop. II. p. 146. Thomas Schwenke c. 4. Browne *Langriſh medical practice* p. 60.

parietes *b* , tum ad arteriarum membranas , aque istis repelli , globulorum oriri vortices , eos & inter se conteri *c* & contra suos tubulos , eo potentius , quo vasa minora permeant , donec toto omnino circulo maximo totum lumen arteriolæ radant. Sed etiam vasorum parietes rapido & alterno motu a maxima latitudine ad minimam redire *d* , aque minima in maximam expandi. Eum , de quo sermo est , sanguinem ex natura sua inflammabilem *e* esse , hinc calori concipiendo , quam aqua *f* , aptiorem *g* , etiam ob globosam molecularum figuram *h* , hinc animalium calores fere esse ut copia crassamenti *i* est ; hinc aves , canem , bovem calida esse animalia , hominem frigidiorum , cujus sanguis tenuior sit *k*. Nam etiam alii humores animales , de oleorum classe , tritu satis vehementer incalescunt *l* : cremoris

b Ab aere quidem admisto partem caloris venire , aliam a frictione , cum sanguis a cordis basi ad apicem descendat , & alterno motu ab apice ad basin redeat , ita ad cordis parietes fricetur *Physique des corps animés* p. 46.

c Boerhaave n. 220.

d Ab hac causa , aque solidis partibus corporis animati calorem derivat *Johannes de Gorter de perspirat.* c. 8. Fere eadem est sententia *Cl. Lorry* l. c. T. II. p. 250.

e Vires mutux inter corpora & ignem sunt , uti copia particularum oleosarum *Martine* p. 234. Calor ut sulfuris copia *Perliz theor. calor.* p. 4.

f *Willis* de accensione sang. p. 20. *J. de Gorter* l. c. p. 67. *Mortimer* l. c. *Schelhammer* de

febre p. 91. *Stevenson* p. 821. Hanc objectionem nemo patrum fermentationis omisit : ipsa tamen aqua paulum a tritu intepescit *Martine* l. c. p. 153. *Senac* l. c.

g A globulis rubris calor nascitur *Schwenke* p. 52. *Hales* p. 91. *Hoadley of respirat.* p. 63. *Lobb of fevers* p. 10. II.

h *Schreiber Almagest.* p. 275. *Shebbeare* T. I. p. 243. T. II. p. 10.

i *Shebbeare* l. c. p. 248.

k *Ibid.* p. 299.

l Cremor lactis *Martine* l. c. *Christ. Bernh. Albinus* de igne p. 13. *Senac* T. II. p. 241. Farina trita calet *Nollet cours de philos. exper.* T. IV. p. 245. & lac agitatum *G.v. Swieten Comment.* T. II. p. 291.

exemplo, qui in butyrum agitando coit, non coiturus ob calorem, nisi eum æstivis temporibus ipsa alioquin aqua nivata pastores coercerent^{l*}. Alii ponderosi liquores a multa agitatione tepent *m*. Ova in funda rotata coqui lego *m**. Addunt aliqui, globulos sanguineos elatere pollere *n* & alternis vicibus & mutare figuram sphæricam, & recuperare *o*.

Constat, pergunt Cl. viri, animalia a motu suo calorem habere, quod neque in ipso sanguine, neque in corde sibi relicto, calor ullus supersit, & omnia vel a morte *p*, vel in animi deliquio profundiori, atque pulsus cessatione, in eum caloris gradum relabantur, qui in atmosphæra obtinet; & qui plerumque triginta fere gradibus fahrenheitiani thermometri infra teporem humano sanguini familiarem est.

Contra animalia in universum, etiam frigida, calorem generant, dum perpetim se agitant, apud exemplo, quæ hiemali tempore sopitæ quidem frigent, collectæ vero, ut ostendimus, per hiberna frigore, in gradu 32 ejusdem thermometri, sæpe a nobis citati, calorem nihilo minorem producant *q*, quam æstivi soles qui-

*l** Young de lacte.

m Argentum vivum Schwenke
p. 141.

*m** Cardan de variet. rerum
p. 282.

n Schreiber l. c.

o G. v. Swieten T. II. p. 291.
Douglas of heat p. 136.

p Cadaver integerrimum friget Schreiber Almagest. p. 273.
Exempla sunt equidem, in qui-

bus in cadavere etiam 24 a morte horis calor aliquis superfuit Eph. Nat. Cur. Dec. II. ann. IV. obs. 22. cujus phænomeni causam ad imperfectam mortem, vitæque superstitis reliquias, vel ad aliquem causam referimus, quem adnotationis auctores præterviderunt.

q p. 29. Reaumur T. V. p. 671. 672.

dem producant, confertæ equidem, rari enim crabrones & vespæ in hibernaculis nullum calorem generant.

Sic pisces, ut continuo dicemus, præ frigore glaciali rigentes, qui multos adeo gradus caloris amiserunt, & eos gradus omnes, qui sunt infra 0 Fahrenh. reviviscunt tamen, & calorem regenerant q^* , qui ipsis a natura datus est q^{**} . Itidem homo, qui ab aeris externi rigore deprehensus, aut aquis submersus, aut pulsu manifesto destitutus, idemque animal per hiemalem soporem frigans calorem suum 94 & 96 graduum recuperat, novosque adeo 62 gradus generat, si cordis motum, atque adeo sanguinis circuitum, absque novo calore, simplici aliqua irritatione restitueris.

Majorem etiam motus, quo vitalis humor per sua vasa progreditur, potestatem aliis ex argumentis demonstrari pergunt. Primum plurimorum animalium ova, & plantarum semina, glaciale frigus incorrupta tolerant q^{***} . Etsi objicias, nullum in his ovis & feminibus vitalis humoris motum esse, addam, multa omnino nostratia infecta frigus glaciale tolerare q^\dagger , etiam aquæ $q^{\dagger\dagger}$. Demum in universum frigida animalia in frigore vitalia supersunt, & pisces adeo rigidi,

q^* Sulzer *Insect.* p. 139.

q^{**} L. V. p. 50.

q^{***} Spalanzan. in nuperis
opusc. Aphidum ova in glacie
vitalia supersunt *Verhandel der*

Maatschapp. te Haerlem. T.
VIII. p. 72.

q^\dagger Ibid. p. 23.

$q^{\dagger\dagger}$ p. 29.

ut rigeant & frangantur flexi, tamen reviviscunt *q†††*. Sub rigidissimo enim cælo glacies perpetua, nullo æstivo calore superabilis, terræ interiora obsidet, & liquor thermometri non ad 28 *r*, & 33 *s* quæ maxima frigora & esse reputabantur, sed Kirengæ ad 124 Torneæ ad 113 *t* Jenisæ ad 130 *v* gradus sub *Fahr.* congelabili frigore descendit, demumque teste idoneo *P. S. Pallas* frigus hydrargyrum in oppido Sarapul coagulavit, cum hydrargyrus ad 213. 226 & 235 gradus *Guilielmi Delisle* descendisset *v**. In eo frigore hydrargyrus consistit & flecti potest. Et tamen in eo ipso frigore integræ civitates vitales supersunt, & animalia vita fruuntur, inque majori denique, aer autem tanto glaciali gelu magis friget, quanto super humanum calorem æstus ebullientis aquæ adscendit. In eo frigore animalia quidem quæta continuo in statuam congelantur, & sanguis *x*, & meracissimus de vino destillans latex in glaciem vertitur *y*, & ipsi per aerem oberrantes vapores in spicula consistunt, ut frigus non sentias, sed videas. In ea tamen incredibili vi frigoris homines, & animalia vivunt & calent, &

q††† Sulzer *insect.* p. 139.

r Petropoli *Maty Journal Brit.* 1750. Avril. *Martine* p. 285. 286.

s Kirengæ *Gmelin flor. sibir præf.* p. 72.

t Torneæ *Martine Essays* l. c. p. 286.

v Jenisæ *Gmelin* l. c.

*v** *Reisen durch Rusland* III.

p. 418.

x In glaciem sanguis vertitur gradu 25. aqua gradu 32. *Martine* p. 351.

y In *Monks haven la Peyrere* relat. p. 177. In *budsons bay Phil. Transf.* n. 465. Torneæ *Reaumur Memoire de l'Academie des Sciences* 1734. p. 255.

suos 92. 94. 96. gradus caloris fahrenheitianos conservant : neque enim aut sanguis, aut urina unquam non calet, neque frigus ad interiora pectoris aut abdominis penetrat, dum vita superest; nempe animalia 184 ejusmodi gradus caloris in suo sanguine solo motu generant z, qualibus 212 ebulliens aqua a congelascente distat. Etiam hoc frigore majus Belgæ in regione multo magis septentrionibus vicina tolerarunt, qui in Spizberga hiemarunt a, inque libero aere venando, convehendis lignis, aliisque laboribus sani & alacres vitam sustentarunt, nonoque mense vegeti in patriam reversi sunt : quæ eadem felicitas Anglis nantis contigit a*. Ipsi demum bis septem Belgæ, qui desides neque sustinentes per brumalem aerem venari, scorbuto extincti sunt, plusculos prius menses vixerant, passimque per nives & perpetuam noctem prandium quæsiverant. Sex integris annis nuperi nautæ Russici duce *Himkofio* in insula Spizbergæ vicina vixerunt, & in patriam redierunt. Denique in aquis polaribus, in quibus per summos æstivos calores, tamen inmensæ glaciei insulæ circumnatant, pisces cetacei, ipsis sub glacialibus campis, sanguinem & fluidum liberumque a coagulo, & humano etiam cruore calidiorem, conservant; phocæ enim sanguis non paucissimis

z Gradus 120 $\frac{3}{4}$ donec ad frigus congelabile redeatur; inde gradus 62 aut 64, donec sanguis 94 & 96 suos gradus recuperaverit.

a In *Linschotii* aliisque belgarum itineribus, qui Spizber-

gæ hiemarunt & in collectione *Borrough.* Iidem soli ex scorbuto perierunt, qui desides, tene-rique, suo in tugurio sedentariam vitam egerunt.

a* In *Churhill collect.*

gradubus humano calidior est *b*: & hæc quidem animalia fere tanto felicius vivunt, quanto frigidioribus in aquis habitant, sibi que inter glaciales insulas, & sub ipsis glaciei campis, desiderata asyla feligunt. Adeo vero certum est, a motu & a corporis exercitatione hæc frigora superari, ut ipsi barbari, qui in eo gelido aere facile vitales supersunt, dum venantur, quando per viarum errores se vident perituros, quiete sola mortem inevitabilem accelerare norint *b**.

Addunt Ill. viri, eo magis suam sententiam probari, quo penitius in ejus firmitatem inquiratur. Ostendisse se, motu sanguinis constituto calorem constitui, nunc ostensuros, aucto motu eum calorem augeri, diminuto diminui, sublato tolli. Ergo, cum calor humanus 94 & 96 fere graduum fahrenheitiani thermometri sit, augeri eum calorem, quando pulsuum numerus & plenitudo, atque adeo celeritas sanguinis c. augetur. Sive enim ab ira, cupiditate, gaudio, pudore, pulsus increbescat, sive a corporis exercitatione, sive a pastu, sive ab aromatibus, aut a spiritu vini epoto, sive a febre, a quacunque demum causa, quæ pulsuum numerum auxerit, & robur, ab ea etiam calorem causa in sanguine augeri, donec summum gradum attingat, qui in hominem cadit, & qui non valde multis

b Phocæ in cute calor est 102 graduum, in abdomine gr. 103. *Martine Essays* p. 337. Conf. *L. V. p. 62.*

*b** Ostiacci *Isbrand Ides itin.* p. 45.

c *L. VI. p. 161.* Calor maximus est cum pulsu constanter pleno *Schwenke* p. 61.

gradubus centesimum superat *d*. Neque, vicissim, unquam calorem intendi, quin una pulsus increbuerit *e*.

Sed etiam frictionem, irritationis genus, calorem manifesto augere, & inflammationem, in qua rubor & pulsatio sanguinis auctum motum evidenter demonstrat. Una enim ruborem, sanguinisque ad constrictam partem corporis confluxum increfcere. Porro eo majorem nasci calorem, quo humores vitales densiores fuerint, adeoque ab eodem motu per eadem vasa major frictio nascitur. Uti globulorum numerus crescit, & crassamentum est uberius *f*, eo major caloris gradus obtinet, neque absque rubore calor est, sive sanguinis conciti abundantia. Sed etiam ferri elementum, quod in globulis sanguineis latet, ad calorem producendum aliquid conferre potest, cum nullum corpus a tritu ferro vehementius incalascet *g*. Uti pariter densiora vasa *h*, ita calor major est, argumento bestiarum, quibus manifesto duriora ossa, membranæ firmiores, vasa solidiora, quam homini sunt, iisdemque calor intensior *i*. Viri feminis calidiores *i*^{*}, duriori nempe sunt fabrica. Contra pueri minus aliquanto calent *k*, quam adulti homines, ut

d L. V. p. 63.

e Calor a pulsus frequentia
Martine de anim. similib. p. 213.

f L. V. p. 262.

g L. VI. p. 240.

h *Hales hæmæstat.* p. 107. *Per-
liz theor. calor.* p. 4.

i L. V. p. 62.

i^{*} *Martine animal. similib.*

p. 271.

k *Schwenke* p. 62. Error est in prælectionibus *Boerhaavianis* Leidæ editis, quando duorum graduum caloris prærogativa puerorum sanguini tribuitur p. 37.

modo natus puer vix calorem conservet, nisi sollicite & copiose vestibus texeris: in pueris autem & abundantiam sanguinis esse, & pulsum magnum numerum constat, sed vasa molliora, sanguinemque magis aquosum.

Porro adeo manifesto a cordis majori motu calorem augeri ajunt, ut eadem semper animalia magis caleant, quibus cor pro reliqui corporis portione majus est, aves adeo, in minima etiam mole *l*. Iisdem enim animalibus sæpius in dato tempore arteriæ micant *n*, & momentum impulsu in arterias sanguinis majus est, siquidem a validiori organo impellitur. Hinc animalia, hominesque, macilentioris corporis, calent magis: hinc magnæ bestię exiguis non sunt calidiores, cum grandioribus cor pro portione minus sit *o*, pulsusque infrequentior *p*.

Si cum motu sanguinis incitato calor increfcit, idem cum diminuto motu minuitur. Multæ causæ sunt, quæ pulsum, parvum, aut demum rarum reddunt, nulla, que non una frigus faciat. Rarefcit a senio, & idem frigus facit, ut etiam levis in numero diminutio *q*, jam calorem frangat. Sed pulsum plurima debilitant. Animi adfectus non videtur quidquam in humoribus mutare posse, adeo & subito nascuntur, & subito, absque vestigio relicto, evanescunt,

l L. IV. p. 431.

n L. VI. p. 152. 153.

o L. IV. 431.

p L. VI. 153. 154.

q Frigent, quibus pulsus ad 90 adve 92 redit *Schwenke* p. 62.

Si in thermometro manu comprehenso ad 90 & 92 gradus liquor subfidet, pulsus aut tardus est, aut rarus *Schreiber Almag.* p. 272.

adeo etiam manifesto materie carent, quam humoribus adfundant. Et tamen animi adfectus & metus inprimis, frigus faciunt *r*, dum pulsum debilitant. A morte pronunciata frigus *s*: sed hyftericarum feminarum algor *t* notiffimus est. Europæi, qui in insulis antillis aliquamdiu vixerunt, solent fere debilitari; iis in tanto cæli æstu tribus quatuorve gradibus minor calor est, quam Europæis nuper, cum suo robustiori temperamento, advenis *v*. Eodem redeunt, quæ absque humorum vitio fiunt, pulsum debilitates, quas vocant asphyxias. Eæ constanter frigus inducunt. Asphyxia & perfectum frigus, septem dierum, *Valisnerio* *x* dictum est. Asphyxia frigus; illa sublata, calor rediit *x**. A lapsu pulsus nullus, frigus univerforum artuum *x***. Eo etiam falsæ illæ mortes hominum pertinent, qui pro exanimi cadavere ideo habiti sunt, quod una frigerent, neque pulsus arteriæ perciperetur. Amplam segetem collegit *Cl. Bruhier* *y*, nos pauca de multis decerpemus. Vetula frigida, atque rigens, cum absque pulsu & respiratione esse videretur, tamen fuscita. Homo submersus, frigidus, rigens, hætenus sibi reddi potuit, ut altero demum die perierit *z*. Submersa femina

r Schwenke p. 68. *x** E. N. C. Dec. III. ann. 4.
s Alberti Med. Legal. T. V. obs. 73.
c. 16. *x*** Guarinoni consil. 193.
t Boyle of cold p. 312. 313. Aliud exemplum Woodward
v Titling geneskonst p. 381. cases p. 321.
x Off. var. in operum T. III. *y* Sur l'incertitude des signes
p. 278. Confer de syncopis de la mort Paris 1749.
Helmontium in Blas human. n. 19 *z* Id. p. 204.

ad glaciei similitudinem frigebat, quæ decem post horas cum vita reconciliata est *a*. A vapore fodinæ carbonariæ pene extinctus homo, jam frigidus, ad vitam revocatus est *a**. Qui absque pulsu & calore erat, inflando suscitatus fuit *a***. Virgo aquis merfa, quam spiritus, pulsus & sensus deseruerat, restituta est fomento cinerum *b*.

Rara hæc videntur, vulgatissimum vero est, in hibernacula aves *c*, & alia animalia se recipere *d*, ea omnia sopito motu cordis, pulsu fere evanescente, cum minima vita, absque sensu & calore *e*, brumam superare, eademque, reddito quacunque de causa cordis motu, redi-viva incallescere. Mures montani hieme immoti, & ut marmor frigidi degunt *e**, frigent erinacei.

Eo denique pertinent, quæ aut dicta sunt, aut certe de causa frigoris calorisve piscium, dici potuerunt. Quibus piscibus pulmones dati sunt, iis cor ingens *f*, sanguis plurimus *g*, teste *F. Martens*, calor etiam humano major *h*. Qui pulmones non habent, iis cor parvum, multo quam avibus *i* minus est. Nuper reperi,

a p. 211.

*a** *Fothergill Phil. Trans.* n. 475.

*a*** *Journal de Medec.* 1758. M. Nov.

b p. 245. Confer alia exempla p. 160. 275. 314. T. II. p. 86. 317. 373. 500. 502. 524.

c *Klein in Act. Societ. Gedan.* *Ambosius in Nebringii palingenesia* p. 75, *Robert Boyle of cold*

p. 232. *Cites opuscul.* p. 152.

Linn Econom. Natur. p. 39.

Brubier l. c. T. II. p. 126. 127.

d *Cites* p. 75. &c.

e *Harvei &c.* vide p. 223.

*e** *Journ. Econom.* 1758. Mars.

f L. IV. p. 431.

g De phocis *Martens Spei-*

berg. Reise. *Byron v. p. 29.*

h L. VI. p. 62.

i L. IV. p. 431.

cor cyprini 9 granorum , cum pondus animalis esset 4920 , adeoque cor fuit $\equiv \frac{1}{546}$ totius corporis : cum in homine pondus sit decem fere unciarum , pondus totius corporis librarum 150 , sive unciarum 2400 , adeoque pondus cordis ad pondus totius corporis uti 1 ad 240. Sed etiam piscibus pulsus multo pauciores , sanguinis copia exigua est , & arteriæ aortæ diameter , in eodem pisce cyprino , longo pedem , non major 7 centesimis uncix , quæ ratio , si omnia reliqua eadem posueris , facit sanguinis portionem ad totum corpus in ejusmodi pisce , ad sanguinis in homine portionem uti 72 ad 171 , cubos vero uti 373248 ad 5000211 , sive uti 1 ad 13. Neque objici potest , cordis majorem in cetaceis piscibus molem , certe mediâ ex parte ad pulmonem pertinere , cui alter ventriculus unice destinatus sit. Nam in pisce procul dubio æqua sanguinis portio ad branchias fertur , qualis in calido quadrupede ad pulmonem , uti adparebit , si arterias branchias subeuntes mensuraveris. Sed etiam si cor quadrupedi non supra quadruplum posueris , habebis in quadrupede causam motus quadruplo majorem , cum sanguinis copia pariter 13^{es} uberiori , æque rationes in se ductæ invicem dabunt calorem in quadrupede 52^{es} majorem , quam duo gradus sunt , quos interim in piscibus frigidis , ranisve , aut viperis 1 , ponimus generari , medio inter iniquos numeros usi. Ita adparebit , ut calor in homine possit 104 graduum esse , dum in pisce graduum

est duorum.. Nam etiam in humano genere, frigus perpetuum fuit, cum cor iusto esset angustius *m*. Et pedes, exque corporis partes, quæ a corde longius remotæ minores accipiunt arterias, primæ frigent minusque concalescunt. Si quid his calculis deest *n*, sanguis piscium utique aliquanto aquosior *o* minusque ferri momentum, sufficient, ut intelligatur, cur minor in piscibus calor generetur *p*.

Uti a cordis sanguinisque motu diminuto, calor frangitur, ita a sanguinis ipsius diminuta copia, aut densitate, globulorumve portione *q*, calor pariter debilitatur, sive a venæ incisione *r*, sive ab hæmoptoe *s*; sive ab inedia *t* hæc inminuantur. Sed etiam lente diminuta globulorum ubertas frigus inducit, exemplo leucophlegmatix & chloroseos *v*, in quibus cum pallore frigus dominatur.

Ex his similibusque argumentis deducunt Cl. viri, omnia consentire, ut legem statuere liceat; esseque adeo calorem animalium in ratione directa celeritatum sanguinis circumducti, aut

m Hist. de l'Acad. 1748. p. 61. Pulsus non percipiebatur.

n Sanguis nempe viperæ non rges sed in minori aliqua ratione parcior est quam quadrupedi L. V. p. 6.

o Boyle Chem. Scept. P. II. de piscibus & viperis.

p L. V. p. 209. compar. cum p. 245.

q A globulorum paucitate frigus Hales p. 113.

r Spoliationem vocat F. Ques-

nai, quod sanguis ruber ex vulnere exundet, inque minoribus vasis tenuiores humores resideant, qui in magna vasa reduces sanguinem tenuiorem & aquosum efficiunt.

s Senac T. II. p. 255.

t Ab inedia sanguis intra biduum quatuor gradibus refrigeratur Martine anim. simil. p. 224.

v Schwenke p. 60.

(in Leibniziana hypothefi) in quadrata celeritatum x ; & in ratione inverfa diametrorum vaſorum y . Nam proculdubio frictio cum anguſtia vaſis augetur, & ea altera eſt ratio, cur minora animalia eodem, quo grandia, gradu calere queant, globuli enim æque magni, in minoribus earum beſtiolarum vaſis, vehementius confri- cantur. Eadem videtur cauſa facere, ut pene eadem in diverſis corporis humani partibus caloris fit temperies: in majoribus enim vaſis celeritas major cum minori frictione, in mino- ribus frictio major cum celeritate minori con- jungitur. Artus tamen aliquanto frigidioreſ ſunt y^* & cutis.

§. XI. *Que contra hanc hypothefin adducantur.*

Eſſi in hac ſchola enutritus, etiam non con- ſcius forte, ad placita *Præceptoris* optimi furtim nonnunquam relabor, non tamen diſſimulabo utique præcipua, quæ contra hanc caloris theo- riam aut dicta ſunt z , aut mihi dici poſſe viden- tur. Continuo obijciunt contrariarum ſchola- rum patroni, male calorem a nimis lento z^* ,

x *Sauvages de l'inflammat. inflamm. p. 27. 28. Shebbeare p. 239. princ. of practice p. 59. 60. 61.*

y In ratione celeritatis & diametri calores æſtimat Cl. *Martine de anim. ſimil. p. 161. 164.* Sed nimis manifeſtum eſt, frictionem in minoribus majorem eſſe p. 276.

y^* *Robinson p. 207.*

z *Conf. Hambergerum theor.*

inflamm. p. 27. 28. Shebbeare princ. of practice p. 59. 60. 61. &c.

z^* *Contra Boerhaavium etiam Musgrave diſeaſes of the nerves; J. Hunter Phil. Tranſ. T. LXV. P. 2. l. a. d. Plenciz l. c. qui tamen clanculum quaſi putredinem revocat.*

nimisque debili motu repeti, quo sanguis circumagatur, quem nullo modo oporteat cum enormibus illis frictionibus confundere, in quibus vel de ligno per foramen rotato *a*, aut de ferro malleis tuso *b*, aut de silice a chalybe *c* percusso ignis ipse erumpit. Has enim frictiones esse durissimorum corporum ad alia solida corpora adtritiorum: hic de humore quæri, qui per levissima vasa labatur; aquam vero adeo non incallescere frictam, ut etiam in duris corporibus æstum a frictione oriturum contemperet *d*. Nullo vero, etiam multo celeriori motu, aquam concalescere, aut liquores homogeneos *d**. Sanguinem in minuto primo 150, in secundo *e* adeo duos pedes cum dimidio percurrere. Sed torrentis meminit Cl. *Ulloa f*, qui intra 29 $\frac{1}{2}$ minuta secunda 35 hexapedas cursu absolvat, plus adeo septem pedibus in minuto secundo. Violentius etiam isto fluvio ruere magnum illud Amazonum flumen, quando per claustra montium

a Nodfyr Saxonum fiebat ex duorum duriorum lignorum confrictione *Leibnitz miscell. Berolin. T. I. p. 98.* De Americanis res notissima est *Ellis voy. to the hudsonsbay p. 234.* ignem sibi confricto ligno procurare. Utuntur Coilotrapali ligno *Browne natur. hist. of Jamaica p. III.*

b Ferrum malleatum incalescit, ut sulfur incendat *Boyle de origin. form. & qualit. p. 72.* *Nollet T. IV. p. 237.* & perinde ex lima, debiliori cum motu, exæstuat *Boyle p. 74.*

c *Nollet T. IV. p. 220.* In conflictu chalybis cum silice nascuntur trium generum scintillæ, fragmenta filicis, chalybis micæ, & chalybs in globulos fusus *Reaumur Memoire 1736.* *Nollet cours de physique experim. T. IV. p. 215.* s' *Gravexande n. 2578.* Globulos Cl. *Ledermuller* depictos dedit *microscop. cergöz. II. p. 62.*

d *Shebbeare p. 59.*

*d** *Bikker de calore.*

e *L. VI. p. 13.*

f *p. 369. edit. Germ.*

Seçt. III. SANGUINEM NON CALERE A MOTU. 241

montium Pongo 12 pedes in secundo minuto percurrit *g*, aliumque fluvium in eo tempusculo quatuor omnino ejusdem mensuræ orgyas superare *h*, & alias in alpibus etiam hoc navigabili flumine multo rapidiores cataractas superesse. Cl. etiam vir *J. Theophilus Desaguliers* i aquam ex 16 pedum altitudine lapsam intra minutum secundum supra 32 pedes percurrere expertus est. Nullius autem momenti cataractæ sunt, quæ 16 pedibus non sunt altiores. Quæ prope templum *Lauterbrunn* pulcherrima se præcipitat, 900 minimum pedum est, & tamen, cum hac enormi rapiditate, aquæ nivales primum suum de alpibus adlatum frigus conservant, multoque vulgaribus aquis vehementius rigent. Sed etiam aquam, quam profector in vasa animalis impulit, minime tepescere *k* constat.

Ut ad animalia cominus accedatur, eorumque humores *l*, poterant adversarii objecisse. Frigidorum piscium humores non adeo lente moveri & debiliter, cum sint in ea classe animalia, quæ celeritate sua etiam velocissimos equos prævertant, constantia immensum superent. Certe legisse me memini, canem piscem, quem focii navales ex accepto vulnere facile adgnoscebant, septem diebus totidemque noctibus navem

g Voyage du fleuve des amazones.

h Introduction p. 64.

i Course of experim. philos. T. II. p. 422.

k Gorter de perspir. c. 8.

Tom. IV.

l Ne pro priori sententia, cum Cl. Bartsch reponatur, aliam ab aqua humorum animalium naturam esse de calor. anim. p. 21.

secutum esse, quæ *Ovingtonium* *n* vehebat : cum ea navis quovis nycthemero supra viginti gradus secundo vento relegeret. Ejus adeo animalis corpus hexapedas fere 112400 intra viginti quatuor horas, inque hora pene 5000, in minuto secundo vero supra octo pedes percurrerebat, triplo & ultra adeo celerius movebatur, quam sanguis per arteriam aortam hominis movetur. Et tamen his animalibus sanguis eodem fere gradu, quo ipsa aqua friget. Dudum præterea observatum est, etiam ad hunc eundem finem, testudinis cor valide pulsare, & robustissimum animal tamen frigere *o*. Et tamen in piscibus omnia eadem esse, perinde robustas arterias, similes sanguinis adlisiones, & a parietibus repercussiones, & vortices, qui globulorum in calidis admittuntur, nulla ratione a frigidis animalibus excludi. Neque arteriarum salientium contractiones & dilationes calorem videre generare, quæ mollissimæ sint *p*, & absque impetu fiant : neque membranas perpetuo madentes ab ejusmodi motu incalescere.

Sed frustra adduci, piscium sanguinem aut pauciores habere globulos, aut tenerius crassamentum *q*. Nam manifesto in frigidi sanguinis bestiolis globulorum numerum tantum esse, quantus cogitari potest *r*, & sanguinem similia

n Legi, sed locus excidit.
o *Philos. Transf.* n. 27.

p p. 192.
q *Lister de humorib.* p. 245.
r *L. V.* p. 102.

Seç. III. SANGUINI CALOR NON A MOTU. 243

in coagula abire *s*, & multo densiorem, rubicundiorēque, quam phthificæ puellæ sanguinem esse, qui cum sua aquosa indole tamen caleat, etsi minus certe globulorum continet, & plus aquæ.

Denique caloris gradus omnino non esse in ratione celeritatis sanguinis *t*. Sano homini pulsus esse 70 *v* calorem 96 graduum: eundem hominem febricitantem pulsus habere 130, atque adeo non multum infra duplum numerum, plenos etiam magnosque in morbis inflammatoriis, caloris tamen non facile supra 108 gradus *v** (aut certe 112) in eo homine esse, qui a 96 duodecima parte differunt. Exempla producant caloris aucti, cum pulsus minueretur *v***. In *Francisci Home* tabulis non eodem ordine calorem augeri & pulsuum numerum. Celeritas ergo sanguinis sextuplo fere majori ratione aucta est, quam quidem calor.

Iterum, pone calorem balnei esse 100 graduum *x*, eum calorem communicabit etiam cadaveri aut homini, quem animus linquit, cum pulsu adeo nullo, frictione sanguinis nulla, neque ulla earum causarum, quæ calorem generare dicuntur. Sed in hypothese, contra quam

s p. 31.

t Fatetur Ill. *Schreiberius*, hanc potissimum ob rationem, velocitatem sanguinis non unicam esse caloris causam *Almag.* p. 277.

v p. 172.

*v** Ad 109 in febre continua de *Haen* T. II. p. 158. Ad 39

Reaumurianos gradus in febribus intermittentibus *Anonym.* de iis febribus p. 36. ad quadraginta *Sauvages de inflammat.* p. 238. nempe 112 gradus *Fahrenh.*

*v*** *Lieutaud* p. 218.

x Potest major esse L. V. p. 55.

hoc loco dicetur, ea frictio, motusque sanguinis in circulum acti, producit caloris gradus 64 γ . Pone ergo syncopticum illum hominem in balneo reviviscere, deberet in ejus sanguine calor nasci 164 graduum, nam & priores ab aqua 100 gradus habet, & novam causam, quæ gradus 64 dicitur producere. Nihil autem fit ejusmodi, & calor hominis manebit circa centesimum 2, etsi causas ipsi assignavimus, quas æquum esset producere gradus 160. Idem fit, si loco balnei ardorem cæli ponas α etiam majorem quam balnei, graduum 109. aut 120, quales æstus in aere fuisse alibi retulimus. Is idem eo tempore calor esset in hypothesi cadaveris, piscisve: sed in homine causa est, quæ etiam sola gradus producit 64, atque adeo calor sanguinis nunc deberet esse 184 graduum. Verum, contra theoriam, homo eo in æstu calore suo ne atmosphæræ suæ quidem calorem attingit, infraque eum, 11 & 28 gradibus manet.

Neque cum pulsu calorem humanum perpetuo aut augeri aut minui. In experimentis ea videas, quæ recensuimus, inque aliis Cl. *Home* & *Hanii*, Demum in aliis nuperis celebribus experimentis

γ Plures poni possunt, si cogites in febrili gelu, sanguinem solo suo motu caloris gradus producere 214. p. 295. Cl. *Douglas* trigies majorem calorem in pulmone generari debere objicit, quod in eo viscere trigies celerior sit circulatio, quam in manu quidem p. 28. Sed ea quidem celeritas rejici potest.

α A 96 ad 112. L. V. p. 40. seqq. Imo eo cum caloris gradu 34 graduum *Reaumurii* sudavit equidem *Le Monnier*, cæterum pulsus ipsi non incitatus fuit, ut omnino non videatur vehementer exæstualle *Memoire de l'Academie des Sciences* 1747.

α *Douglas on heat* p. 28.

Seçt. III. SANGUINEM NON A MOTU CALERE. 245

Cl. *Bankefiii*, *Fordyce*, & *Ant. Martine* in calore enormi atmosphærico factis, ad 136, 139, & 145 pulsus adscendisse, graduum calorum numerum non superasse *a**. Cum in balneo calor esset 48 ad 102 pulsus mansisse 68 ad 100 *a***. In Cl. *Caverhill* experimentis cum in cuniculo perforasset medullam spinalem, & calor, qui naturali in statu foret 103, descendisset ad 83 $\frac{1}{2}$; pulsus tamen fuerunt 140. In calore 79. cum pulsibus 118, & 78 cum pulsibus 122 *a****. In *Antonii Martini Rolandi* f. experimentis calorem fuisse a 37 ad 44 cum pulsu in variis corporis partibus a 118 ad 57 numerato, & paulo post tertio variolarum die calorem a 34 ad 28 multo minorem cum pulsibus 109 ad 91, quæ ratio minor est; & paulo post cum pulsibus 132 nempe minorem calorem cum majori pulsuum numero *a†*. In sævo illo æstu, quem ad 220, 224, 260 gradus fahr. Academici Angli tulerunt pulsus non fuerunt supra 136, 144, qui numerus magnus quidem est, non tamen cum eo comparabilis, quem aer creat, quem respirabant *a††*. Verum etiam aliis in exemplis summos æstus in homine nasci, quando pulsus pauciores sunt, eosque remittere, cum numero pulsuum majori. In peste cum pulsu vix celeriori æstum infensissimum fuisse *Russel*. Ipse expertus sum, cum 100 pulsibus molestissimum mihi ardorem fuisse,

*a** *Phil. Trans.* L. XV. P. I.

*a*** *Haygarth* apud *Falconer* *bathwaters* II. p. 182.

*a**** *On heat,*

a† *Sw. Acad. Handl.* 1733.

Trim. 3.

a†† *Phil. Trans.* L. XV. P. 2, *Bragden.*

cum IIO vero omnino me commodius habuisse. In frigore intermittentium febrium pulsuum numerus potius major est *b* : inque febribus etiam inflammatoriis *b** malignis *c*, & hecticis, ægrisque *d* paucissimum sanguinem habentibus, æstus pene intolerabilis, pene manifesto ab acrimonia potius urinosi sanguinis, quam a vitali illa sanguinis frictione pendet. Exemplum extare, in quo nullo cum pulsu in hectico homine, frigus quidem exterius pene marmoreum, sed una calor ad thermometerum 97 graduum fuerit *e*. In cadavere denique potissimum post morbos malignos febremque flavam, calorem vitali similem aut paulo minorem diutuscule superfuisse, ejus adeo causa non possit in sanguinis motu quæri.

Addidit hisce nuper Ill. clinicus, omnino ab aliis causis & calorem oriri & frigus. In manu enim paralytica, bono cum pulsu, frigus fuisse *e**, inque alio, calorem adeo modicum, ut 73 gradus non superaret *e***. Et vicissim frigus nasci a causis pulsum omnino non minuentibus, calculo bilario ductui impacto, cathetere

b L.V.p.62.seqq. Conf.etiam de Haen rat. med. T. II. p. 163. 164. & Anon. de febr. interm. p. 26. Ardor in peste cum pulsu vix celeriori Russel natur. hist. of Aleppo p. 209. 230. cum sanguine resolutio.

*b** Caloris gradus 100. cum summo squalore, & coriacea crusta Ant.deHaen T.III.p.139.

c Huxham sore throat p. 58.

Ant. de Haen T. III. p. 140. cum pulsus tantum 3. 4. vicibus in primo minuto superent.

d Apinus in diss. p. 70. 71. In homine cachectico, spina ventosa laborante, pallido, cum pulsu debili, tamen calor 100 grad. de Haen T.III. p.140.

e De Haen l. c. p. 11.

*e** T. III. p. 144. 142. 141.

*e*** p. 144.

Seçt. III. SANGUINEM NON A MOTU CALERE. 247

vesicam adtingente, intestino strangulato, rupto abscessu visceris, aut alioquin effuso pure *e****, Demum non raro a morte calorem superesse non in solis apoplecticis *e†*, sed post febres malignas, aliasque ignotas causas. Videri adeo aliam præter sanguinem, sanguinisve motum caloris causam superesse.

Non a circuitu calorem esse, cum animalia frigori resistent, quibus nullus circulus sit: effectum esse boni status sanguinis *J. Hunter e††*, non circuitus nempe dicitur calorem facere, sed motum humoris vitalis. His similibusque rationibus moti Cl. viri, non a frictione aut sola, aut potissimum calorem nasci sibi persuaserunt, sed in pulmone alii, piscium exemplo, & in aeris efficacia causam ejus caloris quæsi-verunt, in principio vitali alii, aut in putredinis fervorisque aliquo irritamento.

§. XII. *Hypothesis Roberti Douglass.*

A recepta caloris ex frictione nati hypothesi hætenus recessit Vir Cl. *f* ut calorem, quem animal supra teporem ambeuntis aeris generat, unice ad eam frictionem rubrorum globulorum limitaret, qui per vasa capillaria sua diametro angustiora transeant, & eadem a medio frigidiori tanguntur & ambeuntur. Negat enim Vir Cl.

*e*** Anonymus de febribus intermittentibus p. 21.*

e† Portal apud Rozier 1774. M. Oct.

e†† Phil. Trans. L. XV. P. 2. f Essay concerning the generation of heat in animals p. 47. 48. 136. &c.

calorem ullum a frictione in vasis humani corporis generari, si eadem & sanguinis temperies fuerit, & ambeuntis aut aeris, aut aquæ g. Citat eadem, quæ etiam nos recensuimus experimenta h, ex quibus constat, per calorem aeris, aut aquæ, cui inmergimur, nullum novum calorem generari. Eo autem experimento ita utitur, ut frictionem aiat nullum esse, quamprimum aeris ambeuntis tepor hætenus capillaria vasa dilatavit, ut eorum lumen diametro rubrorum globulorum majus sit i.

Alii, nuperiores scriptores k, electricam materiem accusarunt, quæ ex terra, & ambeuntibus corporibus adliciatur, & a globulis rubris attracta, calorem generet.

Ad susurrum, s. inconspicuam oscillationem fibrarum calorem animale *Cl. Roger* retulit.

Nuper *Cl. Caverhill* calorem ad nervorum actionem reduxit, eo potissimum experimento, quod læsa medulla spinali calor insigniter depressus fuerit. In ejus viri quidem experimentis utique læsa medulla spinali & pulsus reddebatur debilior, & calor minuebatur. In cuniculo, cujus calor erat 103 grad. a stylo in medullam spinalem detrufo utique calor a 103. ad 93, a 100 ad $87\frac{1}{2}$ & 89, a 99 ad 70, a 86 ad 75, 71 descendit.

g p. 15. 19.

h Hujus libri p. 303.

i Idem vir Cl. p. 19. 38.

k *Shebbeare* l. c. p. 50. 51. 91. &c.

§. XIII. *Quid ex nostra sententia hic statui possit.*

Ut ab ultima hypothese initium faciam, est æquidem in sanguine electrica materies, quæ lucida specie & peculiari odore se prodat. Sanguis enim hominis electricam naturam adepti, de vena saliens, in tenebris lucidam pluviam edidit *l*. Verum hæc eadem materies a frigidis animalibus non abest, neque tamen calorem producit. Vipera, quæ electricum torrentem emittere apta facta est, perinde scintillam emittit, ut mus, cujus sanguis calet. Sed etiam cadaver scintillam perinde edit. Non ergo videtur, cum calore electricæ materiæ præsentia aliquo necessario vinculo conjungi.

Deinde in *Roberti Douglassii* hypothese *m*, utique multa desiderantur, quorum unicum citasse sufficiat. In ranis imprimis & piscibus ea experimenta facta sunt, per quæ constat, vasa minima unicum globulum transmittere: tum ea, ex quibus creditum est ostendi, unicum istum globulum suo vasculo minorem esse, figuramque mutare, ut transire possit. Hæc adeo rana *Douglassianas* conditiones accurate explet, quas ad calorem producendum Cl. vir credit requiri. Sed tamen ea rana, ejusque adfines pisciculi frigent. Neque adeo ab angustia minimorum vasorum ejusmodi frictio sequitur, quæ calorem generet. Sed etiam viscera, quæ

l Desbais de hemipleg. per
electricit. curata.

m Nova se neminique dicta
proferre Vir Cl. p. 130.

aerem non contingunt , cute semper aliquanto magis calent *n.* Cl. *Caverhill* unice videtur demonstrasse vires vitales , læsa medulla spinali , debilitari , cumque his viribus calorem. Nam etsi quæ citavi , videntur dissensum inter pulsum numerum & calorem animalis ostendere , non tamen ostendunt. Nam pulsus 140. 122 & 118 qui nobis multi videntur , & cum parvo calore conjungi , vere non sunt multi ; noster enim pulsus huic animali tribuit 183 , 166 , 162 , & 160 ; ut omnino pulsus 140 & 122 multo naturali numero pulsum cedant ; debilem & rarum cum frigore pulsum factum ipse auctor est , & demum exiguo gradu paralyticos artus fieri frigidiores.

Quæ contra *Boerhaavianam* , receptamque , de caloris generatione sententiam proferuntur , ea demonstrant , neque penitus accurate tamen , aquam calorem non generaturam , si loco sanguinis per vasa humana circumflueret. Neque enim ulla cataruta eam , frictionem generaverit , quæ in vasis nostris numerosissimis , & minutissimis locum habet. Deinde non ideo , si aqua ex frictione incallescere non potest , continuo sequitur , sanguinem incallescere non posse , neque potest de alio corpore unquam tuto dici , quod de alio verum est. Piscium a quadrupedibus in cordis arteriarum & sanguinis ad reliquum corpus portione certum discrimen ab objectione oblata non evertitur. Calorem

Sect. III. RESPONDETUR AD OBJECT. 251

animalem non supra 112 gradum a motu sanguinis augeri posse *o*, dum vita superest, per experimenta producta evincitur: non tamen ideo ostenditur, a motu calorem non generari. Etiam aqua nullo ab igne super 214 gradum calet, neque ideo verum est, ab igne aquam non incallescere. Deinde in eodem sole aer, aqua, argentum vivum diversos caloris gradus concipiunt, neque adeo eadem causa diversos liquores ad eundem gradum calefacit *p*. In febribus calor sæpe major videtur, qui non vere major est, sed magis intolerabilis *p*^{*}. Calor febrium putridarum digitum quasi pungit *p*^{**}. Siccus æstus calore cum sudore conjuncto semper acrior est, forte quod eo in statu calidissimus vapor in cute retinetur, papillasque teneras ingrato cum sensu torret: qui idem vapor in sudore exhalat, inque aquam congestus, easdem papillas temperat, quas squalor, utcunque natus, solet moleste adficere. Neque recuso sudorem fieri, quando causa motrix sanguinis remisit. Cl. *Alexander* per sudorem pulsus vere minui vidit, & a 104 ad 80 redire.

Sic fieri potest, ut cum summa debilitate aucta pulsus velocitas jungatur *p*^{***} neque

o Quare dici nequit, cum 192 pulsibus calorem in homine fore aquæ ebullientis *Wainwright* p. 43. 72.

p *Musschenbroeck essays* p. 483. Aer calet ad 94. argentum vivum ad 120. aqua ad 150.

p^{*} Æstus intolerabilis gradu 100 cum crusta coriacea de *Haen* T. III. p. 144.

p^{**} *Fasano febr. epid.* p. 201.

p^{***} L. V. p. 62. Et de oculo inflammato in distans æstus emicavit. *Viridet vapeurs* p. 87.

id phænomenon rarum est. Eo in statu rerum sanguis trepidat potius quam acceleratur, & sub mortis atria demum ad exiguam a corde distantiam per principes arterias promovetur, ut frigus in artubus conjungi æquum sit, ad quos calida sanguinis unda nulla nunc pertingat.

In phtificis equidem febris adest, neque tamen negamus, sanguinem acriorem, particulis fotum urinosus, solutoque adipe divitem, calorem majorem cum eodem motu progressivo concipere posse. In febribus intermittentibus sensus molesti frigoris cum vero ad thermometerum calore conjungitur, uti dudum vidi, & nunc consentientis mecum Ill. *Haenii* testimonium lætus video *q*, inque *Francisci Home* numeris cum frigore febrili calorem 104 & 101 fuisse lego. Exemplum vero, quod *Idem* contrarium offert, videtur ostendere, sanguinis solis in interioribus arteriarum truncis motum superfuisse, qui calorem generaret, cum interim ad exteriores exiguos ramos nullus nunc sanguis perveniret *r*.

Denique non semper frigus esse, quando de frigoris sensu ægri conqueruntur, ex viro Ill. gratus disco, sensumque aliquem nervis ingratum pro frigore haberi, cum quo verus calor consistat: legitimum enim calorem adstantes observabant, bono cum pulsu, cum de perpetuo brachii manusque frigore æger quere-

q In frigore febris intermittens calor 98. 100 & 103 graduum 164. T. II. p. 163.

r p. 220. In axillis calor 96 graduum cum in carpo esset 73. de *Haen* T. III. p. 144.

retur *r**. Cum pulmone purulento frigus per 24 horas marmoreum , cum thermometrici caloris gradubus 97 *r***.

Etsi nonnunquam calor in febre auctus fuerit non aucto pulsu , in universum tamen & in solita lege naturæ , pari proportionem & calor intenditur & pulsus. In meis quidem experimentis, intermissio febris , finis adeo caloris , erat , cum pulsus redirent ad 94. Febrem percipiebam & calorem , cum pulsus 100 adtigissent & superassent , molestum calorem , ut is numerus augeretur , intolerabilem , quando 130 superabat.

Quid pulmo ad generandum calorem conferre possit , alias inquiretur , cum prima fere & multis Cl. viris recepta veri species potius persuadeat , frigidiorē aerem magis refrigerare , deque sanguine calorem tollere , qui alibi generetur. Deinde exempla apum ostendunt , animalia absque pulmone , & absque recentis aeris commeatu , calorem suo motu generare posse. Et solemus in æstuoso aere respirationem frequentius iterare , non certe ut incalescamus , neque facile instinctus fallit. Sed alibi hæc repetentur. Hactenus certe maxime probabile videtur , utique a motu sanguinem incalescere , etsi nondum constat , quare magis quam aqua , & quare non super certum gradum incalescere possit.

§. XIV. *Motus sanguinis putredinem impedit.*

Balsamum sanguinis chemici primo , deinde

*r** De Haen T. III. p. 149. *r*** Idem T. II. p. 11. s p. 228.

passim populariter alii medici , eam causam dixerunt , quæ intercedit , dum vita superest , ne sanguis in putredinem ruat , utque blandam suam potius innoxiamque naturam conservet. Ea causa proculdubio motus est , quo sanguis circumducitur , & hactenus non abs re Ill. *Stablius* præcipuum finem circuitus sanguinis in eo ponit , ut putredinem , & discessionem elementorum sanguinis , terræ , aquæ , & olei impediat. Nam in toto humano corpore , & in singulo artu , continuo humores putrescunt , quando motus suppressus est ; & evidentiori in exemplo , ovum vitali germine animatum blandum manet & inodorum , in eodem tepore , qui omnes humores in detestabilem putrilaginem vertit , quando vel omnino vis mascula ad ovum non accessit *t* , aut fetus ante tempus vitam amisit. Prima in cadavere fere sanguinis putredo est , si a fæcibus alvi recesseris , inque sanguine primum aer vinculis solutus expeditur. Sed etiam vivo in corpore per febres malignas sanguis in vibicibus stagnans nonnunquam putrescit. Idem tamen vitalis humor , qui a quiete corrumpitur , a nimio etiam motu ad eandem putridam indolem vergit *v* , ut omnino quædam in circuitu mediocritas ad sanguinis integritatem conservandam requiratur.

Si accuratius rationem exquisiveris , qua motus putredinem avertat , duplicem inveniemus. Nam progressivus motus intestino resistit *x* ,

t Reaumur de l'art de faire
eclorre les oiseaux domestiques
T. II. p. 44.

v L. V. p. 145. &c.

x Shebbeare p. 57. Etiam
aqua stagnans putrescit , mota
ab eo vitio immunis est.

neque adeo finit fermentationem obtinere *y*, neque putredinem. Deinde vitalis motus sanguinis, organorumque sani hominis, humores putrescibiles continuo expedit & abigit *z*, & quæ ad urinofam acrimoniam accedunt, ea per cutaneam perspirationem, per urinam, cumque alvi fæcibus expurgat & ejicit.

Sed neque miscela nihil ad avertendam corruptionem confert, quæ ad particulas adiposas, urinofæque indolis, perpetuam aquam remiscet, neque finit aut ea elementa se expedire, quæ in sales abire apta sunt, aut ea, quæ oleosæ sunt indolis.

§. XV. Et tamen humores ad urinofam naturam disponuntur.

Priorem hæc contraria videri possunt, cum tamen contraria non sint. Sublato motu progressivo sanguinis subita putredo nascitur *a*, conservato, & aucto lentior, sed certa tamen ad acrimoniam putredinosam dispositio in humoribus nostris nascitur. Ostendetur suo loco *b* si absque cibo & potu essemus, celeriter sanguinem dissolvi, sputum, & mucum oris olidum reddi, acerrimam urinam, fætidum sudorem, vera cæte putredinis initia se efferre. In febre

y Boerhaave *Elem. Chem.* T. II p. 186.

z Pringle l. c. p. 429. Nempe perspiratione suppressa humores animales corrumpuntur.

a Libro demum XIX.

b Lege interim *Comm. Boerhaav.* ad T. I. cap. de ventric. *scçt.*

etiamſi aqua admifcetur , tamen horum ſimilia fiunt , & aliquando etiam graviora *d*. Si cauſam generatæ acrimoniæ putridæ inquifiveris , videtur calor , qualis in humano ſanguine perpetuus habitat *e* , tritusque *f* perpetuus , qui inter ſolidas fluidasque corporis particulas , & inter humorum demum elementa exercetur , in hoc effectû producendo conjungi. Oſtendimus enim per experimenta , & a calore 94 , aut 96 humores noſtros ex propria indole acres reddi , & putrefcere : & tritum in particulis animalibus eandem degenerationem promovere. Quare quo utraque cauſa potentior fuerit , eo vehementiora etiam putredinis incrementa ſunt , ſive calorem nimium æſtumque venti Samiel repetiſſe *g* placuerit , ſive febrium , aut mechanici demum tritus , aut ignis ſubitam *i* efficaciam. Subita enim gangræna a ſola manuum ad rudentes nimis celeri frictione naſcitur , acidaque natura ab ejuſmodi cauſis utique ſubigitur *k*. Si mechanicam rationem curioſior repetieris , qua hæc acrimonia producitur , nihil adferemus *l* niſi communem legem , qua his ex cauſis olea acerrima , particulæ nondum falſæ vehementer urinoſæ redduntur , pigri viſcidique humores

d L. V. p. 144.

e L. V. p. 47. ſeqq.

f L. V. p. 272. ſeqq.

g L. V. p. 54. 51.

i L. V. p. 180. &c.

k Macquer Chem. prat. p. 441. repurg. p. 18.

Neuman. ex edit. Zimmerm.

l In morbis acutis figuram globofam humoribus noſtris familiarem in acutam mutari conjicit Job. de Gorter Chir. repurg. p. 18.

humores tenues, minimumque ad ignem adscen-
furi nunc volatiles, etiam extra corpus animale
fiunt.

§. XVI. *Globulos facit.*

Globuli & ipsi, ferius tamen, per putre-
dinem destruuntur & evanescunt. Quomodo
eos vis circumducti sanguinis figuret *n*, quo-
modo a minorum vasorum luminibus mensuram
suam mutuentur *o*, non dudum exposuimus:
probabilem nempe hypothesin secuti, non ut
demonstrata esse adseveremus, quæ docuimus.
In pulmone *p* nihil omnino privilegii video, cur
magis, quam alia corporis animalis particula ad
globulos parandos aptus sit. Nam & absque
pulmone in piscibus, & cum pulmone exiguo
in serpentum, ranarum & lacertorum genere,
& in pullo aere nondum fruente, neque pulmo-
nem ullius efficacix habente, simillimi globuli
parantur *q*. Neque in celeritate sanguinis pul-
mones permeantis quidquam peculiare esse, suo
loco ostendemus *r*, citato interim experimento
nostro, quo nihil simile constitit *s*.

Multo demum vitæ labore, cordisque & vaso-
rum lenta opera *t*, globulos parari aliqua sua-
dere videntur, plethora menstrua post 27 demum

n p. 197. Eo modo pilæ
marinæ nascuntur *Lancif.* l. c.
p. 25.

o Boerhaave n. 200. num. 3.

p Repete L. VIII.

q L. V. p. 93.

Tom. IV.

r L. VIII. de respiratione.

s *Second Memoire sur le
mouvement du sang* Exp. 102.

t *Quesnai Econ. Anim. T.
III, p. 41.*

dies renata : pallor diuturnus , qui sanguinis magnam jacturam quamcunque sequitur , lente certe superabilis. Et tamen aliis argumentis evincitur , paucorum dierum , & unici , opus esse. In pullo incubato intra 50 horas rubedo adparet v , globulis utique rubris facta , qui in pellucido , & albo fetu adeo nuper nati sunt. In ranis exsanguibus unicus bonus pastus rube-
dinem in arteriis venisque restituit.

§. XVII. *Rubor unde nascatur. Hypotheses variæ.*

In sano homine sanguis lætissime rubet , idem in cadavere , & in venis , & in arteriis , obscuro colore tingitur. A quiete rubor perit , etiam dum animal vitale superest. Sanguis in cellulofam telam effusus nigricat primo , deinde , ut in cadavere , in tenue flavumque liquamen abit. Putredo ruborem destruit , eo potentius , quo longius ipsa progressa est. In globulis rubor certo residet , sed quomodo in eas sphæras introducatur , id quidem oportet ostendere.

A figura globosa rubor non pendet. Nam & in lacte globuli sunt , sed albi , & in adipe pellucidi. Deinde per experimenta Ill. *Elleri* ostenditur , & conservata figura globulorum colorem perire , & contra mutata figura ruborem manere.

○ Intra 24 horas , si fidum tamen cum 50 hora punctoque esset experimentum *Antonii* saliente utique adest *Memoire Maitrejean de la formation du poulet* p. 53. Sed in nostris , etli p. 206.
non ubique rubor dominatur ,

Et primo globuli a sale ammoniaco α longi & plani redduntur, & tamen sanguis in pulchre rubentem gelatinam vertitur. Contra spiritus acidi sanguinem terreo γ ingratisimo colore tingunt, & tamen globulos non destruunt z .

Sed neque a densitate rubor nascitur, etsi cum denso sanguine conjungitur. Solent ita docere a , ut minores massulæ in unam majorem coactæ ruborem induant. Eam opinionem credo ex coagulis b natam esse, quæ omnino a multiplicatis globulorum seriebus rubedinem saturatiorem concipiunt. Nam cæterum, etsi superficies sphaeræ majoris minor est, non ideo aut color mutatur aut densitas: neque aureus globulus majoris voluminis densior est aureo globulo minori, cum utriusque idem sit pondus specificum c : neque globuli sanguinei ex minoribus aliis compinguntur d . Poterunt demum minores globuli densiores esse deletis, qui inter eos erant poris e . Lucis particulæ subtilissimæ sunt, eademque densissimæ.

Iterum, si velis alio modo densitatem sumere, ut ad crassitiem superficiei refringentis pertineat, sitque ruber globulus venosus f , in exemplo, crassus $\frac{8}{1000000}$: arteriosus autem globulus ad $\frac{14}{1000000}$ aut si id malis, fac ruborem fieri a crassitie duobus ex foliolis sanguineis

α *Memoire de l'Academie de Berlin*. T. VII. p. 14.

γ L. V. p. 132. seqq.

z *Eller* ibid. p. 16.

a *Conf. Boerb.* n. 220.

b L. V. p. 117.

c *Pujatis de Morb. Naron.* p. 103.

d L. V. p. 132. seqq.

e *Michelotti* epist. ad *Fontan.* p. 41. 49. *Nollet* T. I. p. 123. &c.

f *Sauvages de l'inflam.* p. 244.

composita, quorum singulum album & $\frac{3}{1000000}$ crassum *g* est, ut omnino rubor densitatis effectus sit, tunc utique ad physica theoremata reditur, ad quæ neque anatome pertinet, neque etiam audacior physiologia. Et in priori quidem hypothesis majus inter arteriosum & venosum sanguinem discrimen fumitur, quam quidem natura admittit *h*. Deinde densissima quidem corpora aurum, mercurius, plumbum non valde raro rubrum calorem induunt *i*, quando in calces rediguntur; non ideo hæc ad globulos nostros possunt traduci, paulum aqua graviores, & quibus plurimi liquores densiores sunt, neque ideo non pellucidi, argumento vitreorum globulorum, olei vitrioli &c. Denique intersperso aere, quem flatu adigimus, rariori adeo redita massa, tamen rubor augetur *k*.

Ne id quidem verum est, a majori propinquitate ruborum globulorum ruborem pendere. In sanguine enim a solutione salis *l*, aut a fixo *m* alcali, ave sale Epsomenfi *n* pulcherrime rubente, globuli vere remoti ab Ill. viro visi sunt, sæpeque & stipatos globulos flavos vidi, & solitarios pulchre rubere *o*.

Denique a densitate omnino, quæ ex cohæsiōne pendet, globuli non rubescunt. Corium enim pleuriticum rubra placenta multo tenacius, & tamen album est *p*.

g Eberhard *physiolog.* p. 70.

h p. 10; II. 12.

i Newton *optiks* p. 206.

k Conf. Michelottum in epist.

ad Fonten.

l Eller l. c. p. 17.

m Ibid.

n Idem p. 15.

o L. V. p. 101.

p Michelotti *epist. ad Fonten.* p. 15.

Sed neque in pulmone rubor satis certo oritur, quæcunque demum ejus proxima causa fuerit *p**. Nam piscibus, ranisque sanguis nihilo minus eleganter rubet, quam homini, pullo incubato *q* etiam lætius, qui mediis in aquis natat *r*. Et insectorum succi dantur omni sanguine pulchrius rubri, & plantarum coccinei liquores.

Si a respiratione rubor non est, non erit ab aereo nitro, quæ præterito inprimis seculo celebris hypotesis fuit *s* & hætenus superest, ut certe ab aere ruborem Cl. viri derivent, etsi nitrum non nominant *t*. Duobus experimentis tota hæc theoria nititur, sanguinis quidem, qui ab admisto nitro fluidum ruborem induit *v*: deinde cruoris in patellam recepti, cujus facies aeri obversa floridius rubet, dum ea, quæ fundum vasis contingit, & ab aere distat, obscurior est, & pene ad atrorem inclinat, eademque paulo post inversa placenta, aeri opposita, ruborem recuperat. Id experimentum in asini sanguine *Aristoteles* *x* fecit, deinde plurimi nuperrorum repetierunt *y*. Etiam lien in cadavere fuscus, in superficie aeri exposita rubescit *z*.

*p** p. 257.

q *Harvei de generat. anim.* p. 49. *Memoire sur la formation du poulet* T. II. p. 37.

r Hæc pertinent ad *Boerhaave Inst. Med.* n. 200. *Abr. Kaauw Boerhaave de perspirat.* n. 464.

s *Lover* l. c. c. 3. *Mayow Tr. II. de respir.* *Malachias Thruston in diatrib. de respir.*

t *A. Kaauw* l. c. n. 465. *Helvetius éclaircissements.*

v L. V. p. 129.

x *Histor. anim.* L. III. c. 19.

y *Lover* p. 183. edit. belg.

R. Boyle de occult. aeris qualitat.

Fracassati apparatus ad hist. sang.

p. 216. 12. *Phil. Transf.* n. 27.

Helvetius l. c. p. 53. *Memoires de l'Academie des Sciences* 1718.

p. 233. *Michelotti Epist.* p. 19.

Schwenke p. 115. 116.

z *Verryst de respir.* p. 51.

Lambrechts observ. anat. p. 29.

Porro addunt, sanguinem qui de vena emissus est, ipso tractu longiori per aerem floridum colorem concipere. Cruoris aeri obversi tot laminas rubore florere vivido, quot deinceps aeri obversæ fuerint. In spatio inani sanguinem atrum reddi. Oleo olivarum superfuso, aere adeo averso, sanguinis superficiem nigram nunc esse, quæ florido colore fuisset, si aeris effectum sentire ei permisisses. Hæc Cl. Cigna 2*.

Addere posset, purpuram marinam viridem adparere, inde in cæruleum, demum in purpureum transire 2**, aere reddito 2***.

Nuper Vir Cl. *Josephus Priestley* novis experimentis pene persuasit, omnino tamen sanguinem ab aere suum ruborem habere: ex quo nitrosi aliquid sanguinem fubeat, uti vicissim phlogisti pars ex pulmone in aerem exhalat 2†. Nam utique sanguinis in vena pulmonali lætiorem, quam in arteria, ruborem esse 2††. Eo meliorem autem ruborem ab aere cum sanguine communicari, quo purior est admisto elemento phlogisto 2†††. A phlogisti abundantia nigrum fieri, ab aere laete rubere *a*; vesicam interpositam non impedire, quin aer vulgaris sanguinem rubore tingat *a**. Qui in spatio inani niger factus est sanguis, is in aere libero ruborem recuperat *a***.

2* *Cigna Misc. Taur. T. I.*

2** *Boyle color, p. 295.*

2*** *Reaumur Mem. de l'Acad.*

2† *Phil. Trans. LXVI. P. I. p. 237. & in T. III. sur les différentes especes d'air.*

2†† *Ibid. p. 238.*

2††† *Ibid. p. 234.*

a *Ib. p. 241.*

*a** *Ib. p. 244.*

*a*** *Ib. p. 245.*

Primum nullum in sanguine, neque in reliqua natura nitrum est, & abutuntur utique Cl. viri acore illo universæ atmosphæræ indigena, qui nondum nitrum *a**** est, & cum terra vitriolica in vitriolum, cum terra inflammabili in nitrum *b*, cum alia ad lixiviosam naturam tendente terra in salem marinum abit. Id acidum purum quidem vix innotuit, & quando meracum habetur, sanguinem potius tetro aliquo colore inficit *c*. Minime vero philosophi est, corpori cuicunque dotes tribuere, quæ sunt alterius. Sed de nitro aeris alias accuratius dicetur.

Deinde, etsi utique globuli solitarii non pallent, in sano certe animale *d*, verum est tamen, congestos rubedine esse intensiori *e*, uti omnes utique aliquo colore tincti liquores suum colorem eo magis saturatum possident, quo plures laminæ coloratæ sibi incumbunt. Ita fit, ut supremi globuli, qui tenuem hæcenus simplicemque laminam efficiunt, cocco nativo splendeant, inferiora autem ejusdem sanguinis strata eo profundiori sint purpura, quo plura sibi incubuerunt *f*. Omnino uti vinum rubrum, cujus singulæ guttulæ pallent, dum idem in scyphos majores congestum nigricat. Nuper Cl. Roumé nigrum qui dicitur, æthiopum sanguinem solam

*a**** *Slare Phil. Transf. n. 104. Henkel fl. saturn. p. 238.*

b *Henkel ibid. Neumann &c.*

c *L. V. p. 135.*

d *p. 101.*

e *Ant. v. Leeuwenhoeck. qui aliam rationem subesse negavit.*

Phil. Transf. n. 106. Add. Boerhaave Instit. rei Med. n. 221. Schwenke, Michelotti epist. p. XIIX. & alii.

f *Bohn p. 171. Papa, Sandris, Michelotti p. 20. Boyle hist. sang. p. 10. 12.*

ob crassitiem laminæ sanguineæ nigrum esse *f**.

Dudum ergo ostensum est, in sanguinea placenta nigram faciem, quæ patellæ fundum contingit, inverso coagulo sanguinis supremam nunc factam læte rubere *g*, atroremque, & tristem colorem ad eam laminam descendere *h*, quæ modo pulchre rubebat. Nunc enim simplex est laxatarum sphæricularum lamina, quæ hactenus plurimis, & sibi incumbentibus globulis componebatur: ultima vero innumerabilium laminarum fit, eaque ab omnibus reliquis tecta, quæ olim suprema fuit.

Ideo fit, ut in lata, & parum profunda pelvi *i* sanguis totus rubeat; in profundo & angusto vase omnino, ut de vino diximus, nigricet. Inde fit etiam, ut sanguis in aquam emissus, laxatis globulis, qui solebant in placenta congeri, pulchriorem purpuram induat *k*. Hinc flatu, tritu, aere inter massulas cruoris interposito, semotis adeo globulis, sanguis coccineus redditur *l*. Inde in ipso moribundo animale, aut mortuo demum, inflato pulmone aut pulmonali vena, diductis vasis, & aere inter venulas intersperso, rubor excitatur floridus *m*, uti vasa rubra per

*f** Ap. Rozier Journ. 1773. Juil.
g Musschenbroeck de aere
 p. 10. A. de Heyde obs. 87. Malpigh. posth. p. 19. 41. Papa de humor. c. 1. 9. Bohn circul. anat. p. 170. Boyle p. 12. Roederer morb. mucos. p. 162.

h Schwenke p. 117. Malpigh. l. c. Bohn l. c. Sandri: p. 102.

i Fr. Bayle problem. V. Helvetius l. c.

k Pujati l. c. p. 90.

l Bennet theatr. tabidor. p. 9. Birch T. II. p. 274. Michelotti & Helvetius hist. de l'Acad. 1718. p. 26. Hales hæmæstatiks p. 105.

m Ferrein in disp. Bohn de influxu aeris p. 438.

cutem pelluentia roseum colorem efficiunt. Inde sanguis venosus nigrior *n* adparet, quod multum de aqua sua & lymp̃ha amiserit. In pulli incubati vasis sanguis, cui nihil ab aere ha&tenus beneficii accessit, iisque minoribus rubor est floridus, in maioribus potius subviolaceus.

Iterum ea, quæ sub crusta pleuritica latet sanguinea placenta, quæ nusquam aerem contingit, tamen superiorem superficiem pulchrius rubentem habet *o*. Is etiam sanguis, qui de vena in clausum tectumque vasculum salit *p*, potius rubicundior eo est, qui aeri exponitur. Denique in ipso spatio inani *q*, per alia experimenta, grumi sanguinis facies superior florido colore est, tristi quæ imum fundum contingit, & vicissim eadem, nunc suprema, absque aeris usu lætum colorem recuperat. Hæc confirmavi facili experimento, ex quo constat, tenues lami-
nas sanguinis, & marginem non crassi grumi, etiam consentiente *D. Priestley*, lætius rubere, quam crassam placentam *q**. Omitto idoneos testes, quibus ostenderem, inversæ placentæ superficiem aeri obtensam, non semper lætam rubedinem recuperare *r*.

Verum omnino mihi videtur, simplici experimen-
to ostendi, non vere coccineum colorem sanguini

n Michelotti epist. p. 28.
Conf. de sanguine hepatis *Senac*
T. II. p. 90.
o Ant. de Haen ratio medend.
p. 110.

p Pujati p. 86. de Haen p. 10.
Addit ruborem tertio die ad me-

dium penetrare.

q C. Aug. a Bergen aimatoskop
p. 6. Rega apud *Schwenke* p. 116.

q Phil. Trans. LXV. P. I. k*
obs. 246.

r De Haen p. 111. Pujati
p. 87.

ab aere impertiri. Id verum est, sanguinem qui de naribus stillat, uti guttula se dispergit, ita læte rubere. Verum indulge huic eidem guttulæ aeris contactum: videbis continuo hunc coloris florem diminui, & in obscurum ingratumque fuscum colorem sanguinis mortui transire. Ex eo argumento certo credas, ruborem illum floridum potius ab ignoto aliquo elemento esse, quod de aere decedens in sanguinem hunc subito quidem floridum reddat, sed idem sanguinis naturam ita non mutet, ut continuo difflatum, deterius tinctum relinquat; vel in globulis ab aeris contactu mutationem aliquam produci, quæ continuo iterum evanescat; ut omnino, quoties de perpetuo & vero sanguinis rubore ejusque causa sermo est, non possit idem ab aere repeti, cujus effectus adeo fugax sit.

Contra ista potest denuo urgeri experimentum *III. Cigna*, qui de lamellis sanguinis taleolas resecauit, ita vidit eam, quæ sequebatur, aeri oblata floridiori fieri colore: oleum demum, quod aerem arcet, sanguinis colorem reddere obscuriorem, non mutato laminarum numero ^{r*}. Ita videtur confici, non ruborem quidem, sed floridum ruborem & cinnabarinum, aeris contactui deberi, eundem contactum autem vim minime perpetuam exercere, laminamque, quæ coccinea fuit, post moram aliquam, obscuritati reddi. Putes exhalans phlogiston hunc eximium fulgorem parare. Certe ut sub oleo, exhala-

^{r*} *Miscell. Taurin* p. 68, 72.

tionem impediēte, nullus nascitur in *Cl. Cignæ* experimento; ita nullus sub aere inflammabili, qui porro nullum de sanguine phlogiston admittit *r***. Non negarem ideo globulos imos a supremis compressos figuram mutare, & cum ea colorem floridiorem deponere, cum experimenta producantur, in quibus pars placentæ cruoris superior solidior, ima mollior esse dicitur *s*. Verum facilitas, qua inversæ placentæ facies superior ruborem recuperat, non videtur admittere, ut globulorum figura mutata fuerit.

Alias de ruboris origine hypotheses chemica & experimenta suppeditarunt. Videbant lac cum lixivioso sale coctum rubere *v*, similemque colorem ex oleo, aut sulphure per lixiviosos sales dissoluto nasci *x*; aut ex vini spiritu, super ejusmodi sales adfuso *y*; aut ex salibus urinosi volatilibus cum sulphureis spiritibus digestis *z*, aut ex inflammabili elemento adtenuato *a*. Videbant pallido & cachectico sanguini suum per spiritum cornu cervi adfusum ruborem restitui *b*.

*r*** *Moscatti nuove esperienze.*
s *Helvetius Memoire de l'Academie des Sciences* 1718. p. 233.
Schwenke. Negat imam partem semper molliorem esse *Michelotti* p. XIIIX.

t *Kessel de chemia ad corpus humanum applicata Kruger physiolog.* n. 92.

v *Rob. Boyle apparat. ad hist. sang.* p. 73. *Loescher Antropolog. experiment.* p. 10. *Boerhaave Elem. chem.* T. II. prop. 91. *Arbuthnot* l. c. p. 77. *Doorschooten*

de lacte p. 19. *Knigh Vindic.* p. 62. *Kessel* l. c. pro simplici eventu experimenti.

x *Hofman Med. systemat.* T. I. p. 95. *Kessel* l. c.

y *Kessel* l. c.

z *Vander Becke de princip.* p. 64. *Tinctura cochinellæ* aut *rocellæ* ab alcalina urina exaltatur *Rutty synopsis.* p. 405.

a *Lorry de aliment.* p. 64.

b *Floyer præternatural state of humours* p. 51.

Ejusmodi ergo aliquam causam ruboris esse, & in alcalini principii cum sulphureo conjunctione latere fere persuadebantur Cl. viri, non memores, diversissimas similis phænomeni causas esse posse, & fere ejus vitii complices, quo ex singularibus phænomenis nimis late patentia corollaria deducuntur. Nam etiam ex acidis principiis rubor nascitur. In vegetabili regno ita plerumque cum rubro calore acor conjungitur, ut perpetuo conjungi Cl. *Linnaeus* pro lege posuerit. Acidis fructibus solum adfulgens solis jubar ruborem impertit. Coccus americanus ab acidissimis spiritibus solutus ruborem suum elegantius impertit, qui ab urinosi salibus in purpuram deprimitur. Serum & lac cum acidis spiritibus evidentius, quam cum sale fixo lixivioso rubet *c*. Non ideo quisquam acido sanguinis elemento ruborem tribuerit. Denique repetimus, neque lixiviosum *d* in sanguine salem esse, neque cruoris oleum ab eo spiritu solvi.

Unico verbo tangimus nuperi scriptoris, ex pictorum officina *e* prodeuntis, hypothesin. In centro globuli rubri album punctum esse auctor est, quod per multum serum translucens rubrum adpareat. Nobis quidem argenteum ejusmodi jubar *f* non semel in solitariis globulis visum est, ut naturam ab eo pictore visam esse non negemus. Verum non eo minus certum est,

c Petit *Epist.* p. II. p. 36.

T. I. P. III. p. 409. 410.

d L.V. p. 143. seqq.

f *Second Memoire sur le mou-*

e *Gautier obsf. de physique vement du sang. Exp. 14.*

medium globulum adeo non album esse , ut in ea majori crassitie rubor intensior habitet g.

§. XVIII. *Aliæ de causa ruboris conjecturæ.*

Cum priora omnia non satis firma videantur, tentandum est, ut aliqua magis probabilia proferantur. Primum ergo memoria repetemus, a vi valida cordis ruborem nasci *h*, eumque in sanguine minui, inque flavorem relabi, quoties in homine aut incubato pullo *i* aut in rana *k*, vis cordis fracta languet. Sed etiam effusum extra vasa cruorem, ex rubore in pristinum flavorem redire. Contra flavam lympham facile aut admoto igne *l*, aut vini spiritu *m*, aut lixivioso aliquo sale, aut ab aliqua non satis nota causa *n* rubescere. Denique sanguinem non dubie ex flavo vitello nasci, primævum sanguinis colorem flavum esse, qui per varios rubiginosi coloris gradus in ruborem confirmetur *o*. Videtur adeo nos propius ad verum accessuros, si flavi coloris causæ detegantur, quæ erutu faciliores sint.

g Ibid. Exp. 19. Viror *Hewson*.

h L. V. p. 101.

i ib.

k ib.

l De lymphæ ductus thoracici *Deusing de function. microcosm.* diff. 7.

m *Duvernoi Comment. Acad. Petrop. T. I. p. 269.*

n Rubra lymphæ frequens est

Peyer obs. 13. Pechlin obs. 60.

L. I. p. 145. *Sylvius de le Boe* diff. VIII. n. 7. *Duvernoi l. c.*

Gelatina in cellulosa telam effusa frequentissime rubet, quo argumento confirmor, non unice a sanguine admisto adnotatum lymphæ ruborem esse.

o L. V. p. 22. 23. 24.

Ergo calcinata sanguinis terra flava *p*, crocoque martis adfinis, eademque ipsi vitro encaustico *q*, flavum colorem impertit, qualem idem & a ferro fossili accipit. Porro ferrum coctis argillis, adfinique cancrorum thoraci, & gemmis *r* denique ruborem dat. Nunc hujus ferri copia in solis fere rubris globulis reperitur *s*, paucior procul dubio in animali debili, cui sanguis flavet, copiosior in robusto, cui intense rubet *t*. Iterum ferri elementum *t** chloroticis flavisque puellis ruborem legitimum, solitamque genis purpuram restituit *v*. Non ergo improbabile videtur, eam terram cum oleosa parte sanguinis tritam, multa vi cordis *x* vividique in circulum motus subactam, mistamque, ruboris causam esse, etsi nondum utique explicare suscepere, quo mechanismo id elementum in lamellas rubrum potissimum colorem reflectentes præparetur.

Hanc conjecturam nuper Cl. viris placuisse vidi, etiam qui ex professo de rubore sanguinis scripserunt, Cl. Stormio *x*, du Rade & Illmo Comiti de Mourox *x*. Addit idem Vir Ill. etiam calcem

p L. V. p. 206. seqq.

q p. 208.

r Hill Mater. Med. p. 7.

s p. 209.

t Siquidem globulorum plus est. p. 100.

*t** Insigne exemplum habet Wepferus in diss. de med. chalyb. pallidæ virginis & aquoso habitu languentis, cui ferrum colorem & vigorem restituit.

v Willis de febre p. 108.

x Hinc puerperæ pallidulæ per corporis exercitium, usumque aromatum & idoneorum remediorum, legitimum ruborem recuperant, aque vi naturæ cinorum medicaminum aliæ cachecticæ feminae parem in colore suo emendationem expertæ sunt. Schmenke p. 94. Mieg de plant. nasturcin. p. 42.

*x** De rubore sang.

*x*** Misc. Taurin V. p. 76.

sanguinis rubram esse, & vitris dare ruborem.

Neque mireris, a metallo animale hunc calorem habere. Nuper ostensum est x^{***} , cantharides, quarum elythræ auri colore refulgent, omnino aurum arte chemica conspicuum reddere.

§. XIX. *Densitas.*

Etiam hæc sanguinis adfectio cum vita, cumque vigore vitæ nascitur, & a morte aliquamdiu perstat. Sed demum & ipsa deletur, cum sanguis in flavam aquam resolutus dispereat y . Primumque omnium a visciditate densitatem separare oportet, cujus diversissimæ causæ sint. Densa fluida sunt, quibus sub eodem volumine multum est massæ, adeoque ponderis: viscida, quorum particulæ ægre a mutuo contactu dimoventur. Cum densitate summa fluiditas perfectissima conjungi potest, in argenti vivi exemplo: cumque raritate visciditas, ut in oleo: interque sanguinis elementa, globuli quidem rubri densissimi sunt, sed iidem ad motum obeundum aptissimi. Deinde non oportet coagulationem cum densitate confundere: illa enim a globulis vitiose unitis & confluentibus fere nascitur, densitas autem ex globulorum rubrorum aucta copia, adque reliqua sanguinis elementa portione. Coagulum quietis partus est, densitas a motu nascitur.

x^{***} Forsten diff. de cantharidib. y L. V. p. 24.

Vera densitas in sanguine vel totius massæ est, vel globulorum, vel utriusque. Quæcunque sit, cum rubore semper coniungitur; quo lætius enim sanguis rubet, eo major globulorum ad serum circumfluum portio est, & pariter eo firmior cujusque globuli compages. Qui vero sanguis absque densabili placenta carniū loturam refert, is una debiliter rubet.

Densitas totius massæ est in globulorum numero, adque serum portione. Cum enim, quam serum, ponderosiores sint, eo major etiam sub eodem volumine sanguinis massa erit, quo major totius sanguinis portio globulis constat. Quo major contra feri est portio, eo minus in eo sanguine est ponderis, ruboris, calorisque 2.

Iterum globulos ipsos valde probabile est, alias solidiores esse, molliores alias, quod jam *Antonii v. Leeuwenhoek* aut inventum fuit *a*, aut experimentum. Inde vero aut tenerius, molliusque coagulum erit, aut densius, robustiusque. In tenera virgine, in hominibus pulmonem debilem nactis, in animale multo usu aquæ laurocerasi quasi venenato *b*, ejusmodi delicatum sanguinis coagulum est, rubrum tamen, & lætissimi coloris, sed minus cohærens, fluidoque humori propius.

Denique poterit utraque sanguinis densitas conjungi, nempe & densi globuli esse possunt,
&

2 *Schwenke* p. 38. 171. 172.

b *B. Langrish physical exper.*

a *Leeuwenhoek philos. tran-* upon brutes.

Sact. n. 17.

& multi: potest etiam utriusque dotis contrarium obtinere. Ita in aucta utraque densitate & major placentæ ad serum erit portio, & placenta ipsa firmior solidiorque, inde & totus sanguis in eodem volumine plus habebit ponderis, & placenta seorsim *c*. Contra in debilitate chlorotica & feri major portio est, & qui supersunt globuli, in mollius, minusque densum coagulum abeunt, quod aliquando præ levitate sero innatavit *d*.

Densitas utraque unde nascatur, est ut inquiramus. In pulmone sanguinem densari, magni viri conjectura fuit *e*, quod sanguinem in eo viscere majorem tritum pati crederet: quod in venam angustiores sanguis de pulmone redux conpingatur: quod a destructo pulmone, aut inutili, sanguinis phthisica tenuitas nascatur *f*: quod piscium minorem, & minus densam placentam esse persuaderetur: quod sanguis pulmonis efficaciam passus in vena hujus visceris magis *g* undique sibi similis, & florido rubore sis; quod per pulmonem celerius sanguis circumbeat, eodemque tempore omnis totius animalis sanguis circulum obeat, quo per totum corporis ambitum circumfertur.

Adfinis hætenus alia theoria est, quæ sanguinem a frigore suscepti per respirationem aeris in pulmone addensari ponit, plurimosque, ab ipso retro *Cartesio h* auctores habet.

c Schwenke p. 38.

d Idem p. 172.

e Boerhaave *Instît. rei med.*
n. 200. 204.

f n. 204. 261. *Prælect. T. II.*

p. 223. 487.

g n. 204.

h *De format. fet.* p. 201.

Contra utramque hypothefin interim adnotamus, in ranis, aliisque animalibus pulmone ipfo deſtitutis, & globulos eſſe, & denſabilem ſanguinem *i*. Deinde omnia ulcera perinde ſanguinem diſſolvere, neque quidquam in pulmonum ulceribus peculiare eſſe. Demum ſanguinem a multo majori frigore minime addenſari *k*, quam quidem vulgo experimur: quæ vero de ſanguinis in venæ pulmonali prærogativa dicuntur, ea experimentis repugnare.

Alio ergo videtur recurrendum. Maſſæ quidem ſanguineæ denſatio obtinetur, quoties plurimi globuli parantur. Oportet adeo eorum materiem, adipem, ferrum, copioſe præſto eſſe: multamque vim circumeuntis ſanguinis eam materiam, uti diximus *l*, in globulos figurare. Oportet eas vires vitæ eſſe, & viſcerum imprimis præparationi chyli præſectorum, ut materies globulis parandis apta omnis elaboretur, neque per diarrhœas crudaque alvi excrementa diſperdatur. Aquæ copia minuitur bona & uberiori perſpiratione, ſudore, expedito per omnia excernicula ſanguinis commeatu, viribus iis, quæ non ſinant crudas manere particulas, ex quibus globuli parari poſſint.

Singulæ ſanguinis maſſulæ ut denſentur; fere diximus. Si recipere licet, lactis globulos albos *m*, grandes, & laxos eſſe, poterunt utique ii globuli præſſi, multaque vi per anguſta minimorum vaſculorum cola acti, aqua, & leviori, aut

i L. V. 93. 31.

k L. VIII. de reſpir. 347. ed. 1761

l L. VI. p. 257. ſeqq.

m Conf. L. V. p. 110. &c.

peregrina materie liberari , ea vero elementa , quæ globulorum propriam naturam constituunt , in propiores contactus urgeri , ut pori minuantur , leviorisque materie portio decrescat , densiorque superfit. Ita lactis , chylive pondus specificum augebitur *n* , ut fero primo , deinde cruori æquale fiat. Neque dubium est , globosam figuram facere , ut ponderosioris materie in dato volumine plus sit , quam ulla in alia figura esse potest.

Etsi nunc naturæ arcanas fabricas utique minime penitus perspicimus , tamen indubitatum est , musculorum diligentem usum , corporisque multam exercitationem in homine , inque ipsis animalibus , adipis & aquæ portionem minuere , globulorum rubrorum vero copiam augere , sanguinemque rubrum reddere densumque : febrem denique *o* , quæ & ipsa auctus cordis labor est , pene subito coaguli duritatem augere , & aquæ portionem minuere , inque vivi hominis aneurysmate sanguinem eodem ordine densari eo magis , quo cordis vires potentiores experitur , ut intima arteriæ mollia coagula teneant , laminæ parietes vestiant sacci , lubricæ intus , extus duriores *o*^{*} , quæ ipsa maximo argumento sunt , veras nos addensationis causas proposuisse. Nihil enim febris ad densandum sanguinem conferre potest , præter motum cordis auctum , & aquæ dimi-

n Lac ad ferum est uti §67 & §68. ad §69. *Tabor exercit.* p. 64.

o L. V. p. 32.

o^{*} *Obs. of a Society at Lond.*

T. I. p. 346. Simplex concussio etiam effusum ex vasis sanguinem addensat.

nutam portionem. Deinde contraria horum, sanguinem laxum, aquosum, tenuem generare, otium nempe, somnum, refrigerantia medicamina, & quæcunque cordis irritationem, pulsumque robur & numerum minuunt. Adparebit utriusque obpositæ causa efficacia, si debilis virginis aqueum sanguinem & decorem, cum robusti agricolæ densabili cruore comparaveris. Cæterum, perinde ut fluiditas, ita densitas, quamdam in motu sanguinis mediocritatem postulat. Quies sanguinem quidem cogit, sed laxæ. Motus mediocris fluiditatem reddit, major addensat, iterum major resolvit.

Seri sanguinis densatio ab iisdem causis pendet, & a febre etiam magis, quam grumi densitas *p*, subito augetur. Incertum est, numeri elementa globulorum aliave figura sint.

§. XX. *Elementorum separatio.*

Et si ornatius hæc humorum tenuiorum a sanguine secessio alibi repetetur, paucis tamen verbis oportet hic monere, de sanguine arterioso decedere plurima, quæ in principio venarum desiderantur, ut omnino, eo certe loco *q*, sanguis venosus arterioso crassior sit. Quæ enim de sanguine decedunt, ea pleraque sanguine tenuiora sunt *r* & fluidiora. Ergo de sanguine decedit

q Fixes de liene p. 122.
r Hinc sanguinem in minimis
 vasculis difuniri & depravari

scripsit B. Hoadley en respiration p. 61.

adeps *s*, lymphæ *t*, vapor exhalabilis varius *v*, hæc ubique, deinde suo quoque loco peculiaris aliquis humor *x*, saliva, urina, vapor perspirans, fudor, sebum, nerveus succus, aut dearticulationum unguentum, & alia id genus. In venulas ergo nascentes cruor quidem omnis transit, nempe globuli rubri: deinde liquor tenuis, in quo ii globuli moventur. Non ideo universus venosus sanguis arterioso crassior erit. Nam paulo post, quam ex arteriis venulæ ortæ sunt, remiscetur in eas adeps *y*, vapor exhalans cellularum *z*, vapor cavearum grandiorum *a*, lymphæ *b* forte de valvulosis vasculis, humor de aere in cutem, in pulmonem resumtus, humor de cibis reforbtus, alii forte minus noti liquores, ut denuo incertum sit, num omnino sanguis majorum venarum arterioso crassior sit, tenuiorve.

§. XXI. *Visciditas.*

Tardioris motus aliquæ procul dubio affectiones sunt, uti celerioris fluenti suæ. Tardio-rem autem aliquanto sanguinis arteriosi motum in minimis esse, æquum est creditu *c*. Quomodo

s L. I. p. 72. 73.

t L. II. p. 206.

v p. 195. seqq.

x p. 189. seqq.

y L. I. p. 80. 82. seqq.

z L. II. p. 151. 280.

a p. 284.

b p. 334. seqq.

c L. VI. p. 65.

inde adtractio particularum sanguinis augeatur *d*, non repetimus, unice tacturi, humores in articularum finibus ad visciditatem disponi, adtractione eorum elementorum, quæ motus progressivus divellebat. Sed eam visciditatem demum plena quiete perfici, & humoris tenuioris resorptione, quo amisso reliqua portio crassior superest. Plerique vero humores humani aliquanto aqua viscidiores sunt, etiam urina *e* & saliva *f*.

d p. 278.

e Sauvages ad Hales hæmæstat.

p. 43. Vis adhærens urinæ ad aquam quadrupla est.

f Octupla ad aquam ibid.



S E C T I O I V.

MOTUS SANGUINIS PER VENAS REDUCIS.

§. I. *Motus sanguinis per venas progressivus.*

SIMILIS fere venosi sanguinis contemplatio erit ejus, qua arteriosi cruoris motum consideravimus, neque natura majoris arterias, quam venas fecit, etsi nuperi medici illarum phænomena fere unice, harum vix obiter exposuerunt, hætenus veterum mori penitus contrarii, qui venarum historiam arteriosæ prætulērunt. Est autem in venis, perinde ut in arteriis, motus, quo sanguis a minimis & nascentibus venulis ad cor revehitur, quem *progressivum* vocant; est sua in venis lateris pressio, sunt utrique sui effectus. Brevioribus tamen verbis licebit hanc partem motus sanguinis describere, quod plurima in venis & arteriis aut similia, aut perfecte opposita sint, neque repetitione indigeant.

§. II. *Motus sanguinis in minimis venulis.*

Uti arteriosi sanguinis motus a corde incipit, ita venosi historiam a radiculis venosis ordimur. Eæ, quam arteriosæ, notiores sunt, & oculo armato facile, tutoque considerari possunt. Quas ego vidi, eæ in mesenterio rete faciebant,

olim jam notum *g*, acutangulum, venularum varie inplexarum, quarum principia ex arteriis continuata, eo quidem loco, nunquam vidi, sed in caudis piscium accuratius & ego conspexi *h*, & clari, quos citavi, viri *i*. Eæ venulæ adeo tenues sunt, ut membranæ evanescant, globulique in corollae precariæ speciem emineant *k*. Has venulas *minimas* merito voco, quibus minores dari repugnet. Unius *l* enim globuli capaces, si paulo angustiores forent, eum globulum, adeoque rubrum sanguinem, penitus excluderent. In iis nunc venis sanguinei globuli celeriter fugiunt, anfractusque vasculorum expedite superant *m*, etsi se non contingunt, inanique spatio separari videntur *n*.

Celeritas plerumque eadem fere adparet, quæ in majoribus venarum truncis *o*, aliquanto minor quam in arteriis *p*, ut tamen hæc minora vasa frequentius prima quiescant *q*, & dissipatis globulis evanescant *r*. Non desunt tamen experimenta, in quibus diuturnior minimorum vasculorum quam grandium, motus fuit *s*, & aliquanto celerior; neque alia magis probabilia,

- | | |
|---|---------------------------------------|
| <i>g</i> A. de Heyde l. c. p. 8. | <i>n</i> Exp. 122. 124. 127. 128. |
| <i>h</i> L. III. p. 446. <i>Second</i> | 132. 143. |
| <i>Memoire sur le mouvement du</i> | <i>o</i> Exp. 119. 121. Aliquanto |
| <i>sang.</i> Exp. 59. 62. 63. 68. | minor Exp. 121. & <i>Prem. Mem.</i> |
| <i>i</i> L. III. p. 441. seqq. | p. 82. Aliquanto major Exp. |
| <i>k</i> Exp. 124. | 138. |
| <i>l</i> <i>Second Memoire</i> l. c. & exp. | <i>p</i> Exp. 115. 117. 118. 121. |
| 119. 120. 122. 125. 126. 127. 128. | 125. 128. 134. 136. <i>Æqua cele-</i> |
| 132. 138. 143. 145. | ritate Exp. 115. 120. 121. 124. |
| <i>m</i> l. c. Exp. 119. 120. 122. | <i>q</i> Exp. 128. 132. |
| 124. 125. 126. 127. 128. 132. | <i>r</i> Exp. 126. |
| 138. 143. 144. | <i>s</i> Exp. 122. 125. 126. |

in quibus in trunco, quam in ramis celeritas major fuit. Sed casui illam contrariam naturæ prærogativam tribuerim: uti certo ad casum ea pertinet, qua nonnunquam venosi sanguinis celeritas arteriosam superat *t*, & quæ bono feni, *Antonio v. Leeuwenhoeck* olim imposuit, ut sanguinem venosum arterioso perinde celerius fluere scripserit *v*, uti nonnunquam constantius fuit *x*.

§. III. *In venis plurium globulorum.*

Aliquæ plurium globulorum venæ ex ipsis arteriis oriuntur *y*, & *Leeuwenhoeckio* *z*, & aliis claris viris *a*. Aliæ nascuntur ex confluxu *b* venularum unius globuli, quæ venam duorum globulorum, inde plurium constituunt. Ex minimis venulis sanguis in istas confluit *c*, & ex istis in venas majores *d*, quarum adeo grande lumen est, ut plures ordines globulorum eas perfluant, quam quidem numerare facile sit. Non memini me vidisse, vidit tamen *Cl. Spalanzanus*, venam unicum globulum vehentem se in magnum truncum, ipsamque venam cavam exonerasse *d**. In his nunc venis globuli, frigidis certe in animalibus, secundum lineas inter se *e* & axi parallelas feruntur, aliquanto,

t Exp. 126.

v *Phil. Transf. n. 319. Velocem viderat in continuat. arcan. natur. p. 131. &c.*

x Exp. 126.

y L. III. p. 446.

z Ibid. p. 441.

a Ibid.

b *Second Memoire* Exp. 134.

c Exp. 143.

d Exp. 127. 137. 139. 145.

*d** *Mot. sang. Leg. I. 53. Fenomen. p. 111. &c.*

e *Conf. premier Memoire p. 86. Malpighi posth. p. 92.*

quam in arteriis *f* lentius : prioresque certe plerumque fluere cessant *g*.

Velocitas globulorum secundum axin fluentium aliquanto major est *h* quam ad parietes sit. In calcaria *i*, & in flexiones venarum *k*, globuli inpingunt, sed molliter : inter se invicem collidi non vidi, neque valde ad parietes confricari *l*. Ita ad truncos venarum majores, & maximos tendunt, quorum nullæ peculiare sunt adfectiones, & quorum phænomena dudum exposui *m*.

§. IV. *Motus venosi acceleratio.*

Uti perpetuo aliquid motui sanguinis arteriosi decedit, ita venosi reditus continuo acceleratur. Ita æqualitas in motu circulatorio obtinetur. Ut enim arteriæ de motu suo amittunt, quod pauciores continuo globuli plures propellere coacti, debiliorem iis motum imprimant, ob latitudinem in minimis ramis auctam, ita venæ celeritatem recuperant, cum plures continuo globuli ramorum in pauciores globulos trunci nitantur. Multæ vero hujus accelerationis causæ sunt, a quibus oportet eas separare, quæ non veræ, ex aliqua hypothese additæ fuerunt. Num cor sanguinem venosum acceleret, primum dispicere oportet.

f Vide n. 2.

g Exp. 116. 119. 122.

h Exp. 134. Sic habet *Malpighius posthum.* p. 92. & *Petrus v. Musschenbroeck Essays de*

phys. p. 392.

i Exp. 131.

k Exp. 126.

l Exp. 125.

m L. III. Sect. I.

Ego quidem *r*, tot in experimentis, nihil unquam vel in minoribus venis, vel in maioribus simile vidi: vidit autem non *Leeuwenhoeckius* solus & *Stephanus Hales*, sed nuper Cl. vir, cui merito plurimum tribuo, *Lazarus Spallanzanus*: in minimis nempe venis sanguinem acceleratum fuisse, ut in systole cordis arteriosi celeritatem superaret, qui in diastole ei cederet. In mediis venis & in cava vena, nunquam eam accelerationem *Idem* viderat.

Sed neque venarum vis contractilis multum potest, etiam si multum ipsi clari viri tribuerunt *t*, qui ligatas etiam venas depleri, neque adeo ab arteriosi motus successione per venas sanguinem moveri, scripserunt. Etsi enim non penitus nulla est venarum vis contractilis, quam in derivatione demonstrabimus hactenus veram, ut venæ utique elatere, fibræ animali etiam non musculosæ innato, suæ distentioni resistent, sanguinisque pressionem coerceant, lentum tamen & a musculosarum fibrarum efficacia multum diversum incrementum velocitatis est, quod ab eo elatere sperari possit. Nam & absque conspicuis musculosis fibris *v* venas esse ostendimus, & absque irritabili natura *x*, inque vivorum animalium

r *Second Memoire* Exp. 122. *v* L. II. p. 236.
 130. 132. tum *Ant. de Heyde* *x* *Second Memoire sur les*
exp. 6. George Adams l. c. p. 45. *parties sensibles & irritantes*
J. Alph. Borellus de motu anim. p. 176. Etsi enim a venenis aci-
 L. II. prop. 31. Cl. *Delius* dis constringuntur, ea tamen
fränk. ann. T. I. p. 21. experimenta ad animati corpo-
t *Malouin du mouvement des* ris phænomena male transfe-
solides & des fluides p. 54. Conf. runtur.
 p. 236. 237.

incisionibus, neque venas contrahi *y* vidimus, neque incisarum venarum vulnera dilatari *z*, quæ tamen dissectarum fibrarum retractio etiam a debili vi contractili exspectari posset.

Non penitus negavero, aliquando fieri posse, ut sanguis per venas eo celerius redeat, quod in spatium inane fere rapiatur *a*, quod ipsum nuper *Cl. Wilson* pro magna invento tradidit. Deinde sanguinem in auriculam dextram, tanquam in vacuum castellum appropere, ne id quidem videtur absque specie veri dici. Quando enim auricula nunc maxime inanita se laxavit, non dubium est, quin facilius in auriculam inanem, quam in plenam, proximæ venæ cavæ suum sanguinem effundant. Sæpe tamen vidi, revinctis venis, atque adeo hac in auriculam depletionem impedita, sanguinem venosum tamen ad cor redire *b*.

§. V. Accelerationis sanguinis in venis causæ veræ.

A venarum figura conica.

Præcipua procul dubio est, quæ eadem in arteriis sanguinem potentissime retardat *c*, venarum nempe sanguinis in vas continuo angustius confluxus. Cum enim venæ perinde *d* ea lege

y *Second Memoire sur le mouvement du sang.* Exp. 120. 132. 136. 225.

z Exp. 180. & possunt huc referri experimenta 156. & 192. et si non disertis verbis addidi, rimam non fuisse auctam;

a *Rudiger de regressu sanguinis per venas mechanico.*

b *Second Memoire* Exp. 110. 111. 112. &c.

c L. VI. p. 55. seqq.

d L. II. p. 233. seqq.

fabricentur , quæ lumina conjuncta ramorum trunci lumine majora fecit, & cum ea lex perinde per minora vasa dominetur , adparet systema venosum pro cono haberi posse , cujus amplissimum labrum in omnium extremarum venarum corporis animalis universitate , angustissimus exitus in venis cavis est. Nunc per eadem hydraulica e principia , cum multi ramorum globuli unicum in trunco globulum urgeant, tanto major in trunco velocitas nascetur , reliquis iisdem manentibus , quanto majus ramorum lumen , majorve in globulis ramorum numerus est , cum lumine , numeroque globulorum trunci comparatus. Ita in hydraulicis notum est , contracto fluminis alveo celeritatem augeri *f* , dum vires moventes sufficiant. Neque in corpore animato experimenta dissentiunt *g* quæ in ordinato naturæ more sanguinem celerius in trunco , quam in ramis , moveri ostendunt , inque trunci parte angusta celerius , quam in latiori *h*. Nuper adhuc *Spalanzanus* sanguinis motum accelerari docuit , ut venæ cordi propiores essent , inque vena cava potissimum. Ejusmodi vero hanc accelerationem esse æquum est creditu , ut in primis venis minimis unius globuli sanguis aliquanto lentius , quam in proxime majori trunculo fluat , in majoribus iterum truncis major

e Bernoulli hydrodynamic. p. 112.

f Gravezande Elem. physico-mathem. p. 485. *J. de Gorter* de perspir. c. 8.

g Second Memoire Exp. 126. Conf. Morgan mechan. principl. p. 78. Prop. 6.

Butler de venarum sect. p. 11. *Schwenke* p. 29.

h Obs. 126.

velocitas sit , quam quidem in venis mediocribus *i*.

§. VI. *Causæ auxiliares.*

Musculi.

Hæc procul dubio potissima causa est , quæ venosi sanguinis motum ita valide adjuvat , ut absque ea minimis potissimum in vasis integer continuari nequeat : & videtur omnino Creatoris sapientia ita fines rerum contemperasse , ut corporis exercitatio tamquam auxiliaris cordis potentia addita sit , qua destitutum cor solum suo munere ægrius fungatur. Sola quies animalium hibernantium sanguinis motum ita frangit , ut neque sensibus nostris cordis pulsus se offerat *k* , neque calorem porro producat *l*.

Hinc in hominibus scellulariis , litteratisque viris , & in regnorum rectoribus , frequens hypochondriacus morbus *m* , neque raræ hæmorrhoides *n* , cum sanguis in vena portarum stagnet. Hinc ab exercitationis defectu œdemata , & hydrops. Inde nimia obesitas hominum residuum *p* , & animalium , quæ corpus suum exercere prohi-

i Senac T. II. p. 175. Conf. phenomenon in *Phil. transf.* n. 460.

k Conf. L. VI. p. 236. *Halle Geschichte der thiere* p. 86. de mele. *Harvei* apud *Birch* T. IV. p. 537.

l p. 236.

m *Prælect. in Boerh. Inst.* T. III. p. 497.

n *Ibid.* p. 547. *Stabl von der güldnen ader* p. 110.

p *Prælect. in Boerh. Instit.* T. III. p. 498. & hujus operis L. I. p. 79. seqq.

bentur. Hæc vitia omnia ad impeditum sanguinis venosi motum pertinent. Fuit, cui ne ex vena quidem sanguis fluebat, nisi corpus exercuisset *q*. A solo motu brachii sanguinis saltus altior profilit *r*.

Non unica ratione motus musculorum sanguinis venosi reditum promovet. Primum exposuimus *s*, qua venæ medios inter musculos positæ, a tumentibus musculis manifesto conprimuntur & inaniuntur. Ita, dum trunci majores celerius deplentur, sequitur ex minoribus ramis proximus sanguis, & expedita in spatia succedit, ex ea fere ratione, quæ in derivatione locum habet. Per easdem causas, depletis ex corporis exercitatione venis rubris, vapor & adeps ex minutioribus vasis & cellulis in venas inanitas resumitur, uti hydropicæ aquæ post purgantium medicamentorum actionem in rubras venas redeunt. Certum enim est, etiam per experimenta mea *t*, sanguinem vasorum majorum nimis plenorum sanguini ex minutis radiculis redituro resistere, eumque repellere.

Aliud, nihilo inertius, exercitati corporis commodum est, quod cor ad contractionem vehementius, & potentius sollicitetur. Quando enim muscoli turgentes venas conprimunt, plus utique sanguinis in dato tempore ad venam cavam venit, plus adeo est stimuli, qui cor dextrum sollicitet, frequentius ergo & majori

q Eph. Nat. Cur. Dec. II. ann. 2. obs. 154. *s* L. III. p. 385.
r Dionis cours d'oper. p. 459. *t* Second Memoire sur le mouvement du sang Exp. 137. 145.

vi idem contrahitur, plusque sanguinis in pulmones submittit. Nam post magnos corporis motus & in homine, & in animalibus, sanguis in venam cavam & in dextram auriculam congestus reperitur *v*. Inde animal moribundum, ad vitam rediit *x*, cum frigida adspersum se concuteret.

Si vero ex aucto sanguinis in venas cavas confluxu, plus cruoris, in dato tempore, in pulmonem venit, sumemus interim ex iis, quæ alibi plenius demonstrabuntur *c*, a copia sanguinis pulmonibus inmissi respirationis etiam frequentiam, atque ipsam pulmonis in quavis respiratione dilatationem augeri. Ipsam anhelationem hominum, qui corpus exercent, interim citasse suffecerit, nihil enim ea est, præter vehementiorem inspirationem, & celeriores. Sed inspiratio vehementior expirationem sibi respondentem utique poscit, nisi velis pulmonem sanguine plenum disrumpi. Celerior ergo etiam ex compresso pectore sanguinis ad cor sinistrum refluxus erit *d*, celerius idem contrahetur *e*, & celerius sanguinis penus in aortam, adeoque in totum corpus animatum redit. Non potest dissimulari, nimis exercitati corporis motum hætenus circuitum sanguinis, iterque venosi sanguinis turbare, quod refluxum sanguinis excitet, quem ornatius oportebit demonstrare,

v Senac T. II. p. 277.

x *Kaaww impet. fac.* n. 455.

c L. VIII.

d L. VI. p. 335. ed. 1769.

e Ibid.

demonstrare, quod parum nota res sit, & in controversiam venerit *f*.

§. VII. *Derivationis effectus.*

Inter potentissimas causas esse, quæ sanguinis venosi motum expediunt, jam ad arteriarum historiam docui *g*. In venis autem potius evidentior est efficacia. Incredibile est, quanta rapiditate sanguis venosus se in incisæ venæ vulnus *h*, aut, si cor refecueris, in præcisos venæ cavæ *i* fines conjiciat. Hujus derivationis tanta vis est, ut contra ponderis resistentiam *k*, contra legitimum iter *l*, sanguis undique ab omnibus venis, in locum laxatum quocunque sub angulo *m* apertis, aut per alios ramos cum eo consentientibus, se in vulnus conjiciat, maximoque cum impetu de rima venæ effluat. Ea nova celeritas nascitur, sive sanguis legitimo motu hætenus ad cor redierit *n*, ut unice a vi derivationis acceleretur, sive languidius & præter naturæ legem nunc fluxerit *o*, sive denique jam amisso motu *p* quieverit: nascitur denique etiam corde evulso *q*, aut præcisis ligatisve magnis arteriarum truncis *r*, quando in toto corpore

f Vide p. 292. seqq.

g p. 93.

h *Second Memoire* p. 300.

i Ibid. Exp. 120.

k Ib. p. 105. Exp. 192.

l Ibid. Exp. 150. 151. 152.

153. 154. 154*. 155. &c. *Ant. de Heyde de sang. miss.* p. 2.

Tom. IV.

m Exp. 167. 177.

n Exp. 153. 163. 166. 180.

o Exp. 162. *Ant. de Heyde l.c.*

p Exp. 154*. 155. 159. 160. 161. 167. 170. 177. 178. *Remus* p. 61.

q Exp. 149. 190.

r Exp. 168. 169. 191. 192. 193.

animalis nulla porro potentia superest, quæ sanguinem emoveat. Ex ea celeritate & coagula dissipantur s, & in arterias venæ incisæ focias t sanguis etiam ab iis arteriis averfus v violentius convertitur. Hæc omnia pariter ut ego nuper Cl. *Spalanzanus* vidit. Etsi nunc ea derivationis vis a medica potius manu, quam a naturæ consilio fere nascitur, non tamen ignoranda fuit, cum plurima animati corporis phænomena ex ea lege unice explicentur. Huc enim pertinet omnis humorum confluxus ad eas partes, de quibus resistantiam subtraximus, pediluviorum, aut emollientium cataplasmatum ope.

Huc subitæ sanguinis conversiones ad abdomen, de quo incumbens aquarum pondus chirurgica acus removit. Huc animi deliquia, ex quacunque majori evacuatione nata, ad cujus sedem sanguinis de ipso corde refugit. Etiam ideo hanc de effectu incisæ venæ paginam addidi, quod tota hæc res in plurimis in Gallia maxime libris agitata, etiam a clarissimis viris ad examen revocata fuerit x. A Cl. demum *Senaco* omnino negatum est, a venæ incisione sanguinem in ea ipsa vena accelerari. Hactenus tamen per experimenta nostra certum videtur y, utique ad sedem vulneris vicinarum venarum sanguinem,

s l. c. p. 301. Exp. 151. 155. 183. 184. 186. 187. 189. 191. 193.
 t Exp. 163. 164. 173. 178. 179. x *Premier Memoire sur le
 181. 182. 183. 184. 186. 187. 189. mouvement du sang* Sect. V.
 191. 193. y *Ibid. & Second Memoire*
 v Exp. 163. 173. 178. 182. p. 300. seqq.

nova cum celeritate & confluere, & arterias ad eundem artum sanguinem ducentes nova cum velocitate *a* sanguinem abducere, atque adeo ab aliis remotioribus venis & arteriis sanguinem ad sedem vulneris abduci, quod *revelli* vocant, nisi valvulæ impediverint *b*; & denique in tota venarum & sanguinis universitate languidum aut suppressum motum renasci *c*. Non ideo oportet diffiteri, & continuo, postquam vena deligata fuerit, hanc venæ sectionis efficaciam cessare, & derivationem denique, pariter atque revulsionem, non posse ad nimis distantia vasa extendi *c**, quæ utique parum, ab ea quidem causa, patiuntur.

Alii incisæ venæ effectus non sunt hujus loci, rubrorum nempe globulorum diminuta abundantia, atque adeo aquæ & tenuiorum humorum aucta in massa sanguinis portio *d*: deinde diminuta resistentia, quæ vasis minoribus se evacuaturis opponit *e*, hinc major circuitus libertas. Si ad cordis vires retuleris, invenies eam a venæ sectione & augeri posse & minui. Stimulus quidem subtrahitur, ut celeriter, ex magno vase inciso *f*, & minuatur cordis celeritas, & demum supprimatur: qui inprimis magnæ & Galenicæ

z p. 300. Idem ut in tubis 1735.

inanimatis fiat, lege apud Helsham lect. p. 229.

a p. 301, 302.

b p. 301. &c.

c p. 300. seqq.

*c** Oeder in propria disp. Senac Essais de physique p. 529. ed.

d L. V. p. 252. Non ignorata Bellino de sang. miss. prop. V. Spoliation Quesnai de la saignée p. 15.

e Second Memoire p. 264.

f Memoire sur la formation du poulet T. II. p. 118.

sanguinis missionis effectus est *g*, & deliquium animi vocatur. Contra si cordis vires in plethora promovendo humorum ponderi impares fuerint, eadem sanguinis missio, subtracta resistentia *b*, potest æquilibrium, & expeditam adeo circulationem restituere, etsi celeritatem cordis minuit, cum obstaculum subtrahat: ab omni enim obstaculo cordis motus acceleratur, cujus actio a stimuli præsentia sustentetur *i*. Porro manifesto vidi, sanguinem stantem & coactum a venæ incisione in vivo animale solvi, ut globuli dissipati secederent. Sed sanguis in corde ejusque auriculis coactus contractioni resistit *k*. Hoc ergo impedimentum potest a venæ sectione tolli.

§. VIII. Cause motum sanguinis venosi mutant.

Respiratio.

Hic causas exponere oportet, quæ motum sanguinis venosi partim adjuvant, partim morantur, in universum tamen aliquantum sanguinis circuitum incitant. Earum causarum illustrior, forte & efficacior, est respiratio. Adjuvare videtur sanguinis circuitum, quod per *Hookii* experimentum, aliaque *l* in eundem sen-

g Heuerman operat. T. III. p. 204. 206.

p. 266. laudat perinde ejusmodi sanguinis missiones, quæ duas aut tres libras subito subtrahant.

i L. IV. p. 490. 491. ed. 1757.

k Caldan. rifless. 254.

l Memoire sur la nature sensible & irritable Exp. 476. 478.

b Oettinger select. æcon. T. II. 482. 492.

sum instituta pericula utique sanguis in pulmonem inflatum facilius subeat, facilius etiam circulum per pulmonem absolvat, celeriusque in sinistrum ventriculum redeat. Ita sæpe, & in vivis animalibus, inflato pulmone vidi, & in mortuo pulmone, quem minister inflabat, dum interim per siphonem liquorem tenuem, colore tamen aliquo saturato tinctum, in venam cavam impellebam. Is enim liquor longe facillime per pulmonem, vehementer distentum, & in sinistrum ventriculum, & in asperam arteriam transit. Hactenus adeo inspiratio sanguini pulmonem aperit, & expedit, absque ea immeabilem futurum. Sed ea contemplatio alium locum inveniet. Nuperiorem hic oportet respirationis efficaciam detegere, quæ pulsum venosum, sed cum respiratione connexum, producit.

Nunc quidem motus in cerebro aliquis dudum innotuerat. Cum tenero infanti cerebrum solis membranis tegatur, ea in sede alternum encephali motum levissima adtentio animi distinguit, & omnino jam *Plinius a* adnotavit, soli inter animalia infanti cerebrum salire; quæ eadem causa fuit nominis *fontis pulsantis*, quo sedem cranii osse non coopertam antiqui designarunt; animalibus autem aliis minores sunt ex nudæ sedes, & celeriter ab ossea natura occupantur. Motum cerebri in infante manifestum esse *Oribasius b*, qui addit, dum id viscus elevatur, accedere idem ad duram membranam, & rece-

a L. XI. c. 37.

b Edit *Dundas* p. 50.

dere *c* vicissim , quando subsedit. Zoroastro , perantiquo mago , cerebrum ita palpitasse legitur , ut manum repelleret *d*. Eundem motum cerebri , quo alterne tumet & subsidet , plerique vetusti medici in sua scripta receperunt *e*. Innumeris exemplis idem motus in ægrotis hominibus , inque vivis animalibus confirmatus fuit *f*. Non potuerunt chirurgi ignorare , fungos in cerebri vulneribus per foramen cranii urgeri , sanguinem post terebram admotam exsilire cum impetu *g* , cerebrum ipsum *h* per vulneratum cranium exprimi , cranii futuras post cephalæas aliosve morbos hiare *i* eo in casu motum cerebri percipi , vasa demum peregrina vel morbos , a corpora ex foramine cranii alterne & exiisse , & in cranium fuisse resorbta *k*. Olim *Cauliacus* cum cranium deesset , cerebri motum vidit *l*. Necessè est autem aut molle esse cranium *m* , aut foramine perterebratum nudam ostendere duram membranam. Demum in meis certe experimentis non prius cerebri motum vidi , quam

c p. 9.

d Apud *Plenium* L.VII.c.16.

e *Columbus* p. 189. *Bauhinus* theatr. anat. *Sanctorius* in *I. Fen. Avic. Bartholin. anat.* p. 259. *Vieuſſens* p. 41.

f *V. Coiter* p. 132. *Paré* p. 300. *Riolan* p. 414. *C. Bauhin. theatr.* p. 247. *Hildar. Cent. I. obs. 13. Cent. II. obs. 18. Cent. V. obs. 23. Linden physiolog.* p. 148. 427. *Bellin. miss. sang.* p. 48. *Göckel gallic. obs. 54. Bagliv. oper.* p. 274. 275. *Ridley*

p. 5. *Phil. Transf.* n. 281. *Becker obs. 26. Fanton esp.* p. 212.

g *Tulp. L. I. obs. 5.*

h *Funello eventu Jamieson Essay of a Societ. at Edimb. T. II. p. 245.*

i *Bartholin. Cent. V. hist. 92. &c.*

k *Hagedorn Cent. I. Hist. 1. l p. 176.*

m Hinc in ave , & pisce , cerebrum non movetur *Schlichting Comm, Nor. 1744. hebd. 52.*

digito de calvaria cerebrum duramque meningem repuliffem.

Sequitur ut modus ostendatur, qua cum respiratione hic cerebri motus conjungitur. Prodierat anno 1750 *J. Danielis Schlichting* libellus *m*, quo cerebri alternum motum contra *Boerhaavium*, & contra *Sophistas*, vir Cl. experimento defendebat. Admiratus Clari viri confidentiam, quam non poteram cum indubitata duræ membranæ cerebri ad cranium adhæfione conciliare, per experimenta me dubio solvere sum conatus. Ea annis 1751. 1752 & 1753. institui, anni vero 1751 mense Aprili in conventu societatis regiæ prælegi *n*, & circa anni 1751 finem & 1752 initia cum amicis gallis *Reaumurio* etiam & *Sauvagio* Decembri & Januarii mense in litteris meis o communicavi. Eadem experimenta anno 1753 a Cl. *Walsdorfio* mense Martio *p*, & eodem tempore in *Tomo II. Commentariorum Gotttingensium* edita fuerunt, atque in Acad. Suevicæ Commentariis suecice recusa *p*^{*}, inter Commentarios autem Academiæ Parisinæ ad annum demum 1753 recensa sunt *q*.

Minute hæc recolo, quia fere sub eadem tempora Cl. *Franciscus Lamure* similia hæctenus

m^{*} Inter *Memoires des Savans étrangers présentés à l'Académie T. I. Conf. præf. ad Journ. étrang.*

n Inter cujus commentarios exstat T. II.

o Ad D. de *Sauvages* die 10. Dec. 1751. ad D. de *Reaumur* die 26. Jan. 1752.

p Diff. qua experimenta circa motum cerebri, cerebelli, duræ matris & venarum in vivis animalibus instituta Gotting. 1752.

p^{*} *Svenska Wetenskaps Acad. handlingar* 1753. Trimestr. I. & II.

q *Histoire p.* 136.

experimenta fecit, quæ ex viri Cl. verbis anni 1751 vernis mensibus incepta *r*, deinde interrupta, annoque 1752 repetita *s*, ejus anni mense augusto ad Academiam R. *Scient. Gallicam* missa sunt, quo tempore & Ill. vir. *Ren. Antonius Ferchaud de Reaumur* mea experimenta dudum acceperat *t*, & dudum a Cl. de *Sauvages* communicata habuerat ipse Cl. *Franciscus Lamure* *t**. Cum anni tamen 1749 commentariis ea experimenta prodierunt anni 1753 æstivis mensibus, ut necesse mihi videretur *v*, plagii suspicionem declinare, cum ostenderem, & nihil de Cl. viri experimentis me rescivisse, & mea ipsi Cl. *Lamure* cognita fuisse *x*, & priora mea publicata fuisse. Non æqua certe epistola *y*, etiam post meas responsiones repetito excusa, vir Cl. non se tuitus est, neque enim erat necesse, quem nemo accusaverat, & studiosissime conviceram, non accusari; sed in me nunquam à me intentatam accusationem retorfit, nihil tota in re meum esse, præter expositionem *z*, aliena experimenta,

r Februar. 1751. tria experimenta.

s Ad mensem Maii 1752 reliqua.

t Missa 26 Januar. 1752, ad quæ respondit 9 aug. 1752.

*t** Ita enim M. Martio 1752. Cl. de *Sauvages* fatetur, quæ epistola excusa prostackit.

v Ideo necesse visum, quia Cl. *Lamurii* libellus commentariis anni 1749 adjectus poterat videri dudum ante mea, anno

1752 demum edita, scriptus missusque fuisse. Æquus utique lector præfixum a *Lamurio* mensis augusti duodecimum diem 1752 legere poterat, sed multi iudices sedent, qui etiam amant causam invenire, cur condemnent.

x Per epistolam Cl. de *Sauvages* datam 1. Mart. 1752.

y *Lettre à M. d'Aumont &c.* Lyon 1756. 8.

z p. 9. 13. 14. 27.

alienam phænomeni explicationem. Iniquissime omnino, tot post meas vivorum animalium, eo jam tempore editas incisiones, pro alienorum experimentorum notario me habet, & etiam iniquius me accusat is idem vir, cui mea pericula dudum, & prius innotuerant, quam ederet quidquam. Deinde adparebit continuo, etiamsi diversa utriusque sit interpretatio, & meam tamen veram esse, & *Lamurianam*, quam minime ignoravi; multo vero numerosiora experimenta me fecisse, multo plures causas *a* motus venosi me detexisse, inque aliis quam Vir Cl. venis *b* multa ita vidisse, ut a natura fiunt, quæ Cl. vir non recte vidit *c*, qui cerebri sinus pulsare, & animal sopiri, cui venæ jugulares intercipiuntur, & spatium inter duas meninges esse scripserit. Hæc plagii accusatio me movit, ut calamum adriperem, nunquam ne verbo contendere certus, si de sola gloriola inventi ageretur.

§. IX. *Pulsus venosus qui a respiratione fit.*

Ego si vivo animali, non nimis debilitato,

a Addidi nempe actionem diaphragmatis, & auriculæ dextræ.

b Non vidit in venis brachii Vir Cl.

c Pulsuum finuum cerebri male adfirmat vir Cl. p. 547. Non recte etiam jugulares venas animal sopire scribit, si ligen-

tur p. 543. 544. Neque spatium inter duas meninges est, neque respirationis in cerebrum effectus demonstrari potest, nisi duram matrem a cranio depresseris: vide monentem etiam *Caldanum* p. 291. Confer cæterum *Supplément à l'Encyclopédie* T. I.

cranium utrinque aperueris *c**, aut trepano, aut unco, duram membranam detexeris, & digito a cranio deprefferis *d*, videbis ad singulas inspirationes *d** subsidere cerebrum *e*, aut solum *f*, aut cum suis involucris *g*, & cerebellum *h*, seque a cranio remove, & deorsum quasi resorbtum recipere. In proxima vero expiratione cerebrum mole augeri *i* & adfurgere *k*; & de cranio effracto prominere *k** digitumque impositum repellere *k***; & sanguinem super cerebrum effusum exprimere.

Cum his experimentis alia consentiunt. Dum clamatur, cerebrum exseritur *k†*. Inter exspi-

*c** Schlichting *Memoires des Savans étrangers* I. p. 117. *Walsdorf* p. 2. 9.

d Alioquin motus cerebri nullus adparet Schlichting l. c. p. 116. *Second Memoire sur les parties sensibles & irritables* exp. 73. 79. 80. 82. 83. 87. 88. 89. *Walsdorf* exp. 5. 6. 7. 9. 10. 11. 13. 16. 17.

*d** *Lamure* p. 565. *Mem. &c.* T. IV. Exp. 5.

e l. c. Exp. 73. 74. 75. 79. 80. 82. 86. 87. 88. 89. 92. 101. *Walsdorf* exp. 1. 2. 5. 6. 10. 17. *Caldan* p. 288. *Tosetti* Let. II. obs. 2. 3. *Lamure* p. 542. Schlichting l. c. *Lamure* p. 543. *Lorry* p. 300. 353.

f Exp. 73. 80. 82. 92. 95. *Walsdorf* exp. 5. 6. 7. 8. 9. 12. 13. 14. 15. *Sproegel* exp. 32.

g Exp. 73. 74. 75. 79. 80. 82.

86. 87. 88. 89. 92. *Caldan* l. c. *Walsdorf* p. 2. 3. 4.

h Exp. 93. obscurius, melius *Walsdorf* exp. 4. 5. & *Franciscus Lamure* p. 565.

i Exp. 73. *sur les parties irritantes* T. IV. exp. 3.

k Schlichting l. c. *Mem.* l. c. T. I. exp. 73. 74. 75. 80. 82. 86. 88. 89. 90. 91. 12. *Caldan* ib. T. III. exp. 49. 50. *Sproegel* de venen. p. 41 - 54. *Zinn* obs. 4. *Urb. Tosetti* lett. 2. obs. 2. p. 198. *Walsdorf* exp. 11. 5. 6. 10. 17. *Houffet* exp. 20. & ipsi demum Cl. viri A. C. *Lorry* *Memoires des Savans étrangers* T. III. p. 301. 307. 35. *Lamure* *Memoire* de 1749. f. potius 1753. p. 142. 517.

*k** *Lorry* l. c. p. 300.

*k*** *Memoire &c.* T. I. exp. 73. 75.

k† *Oribas.* dundass. p. 50.

randum per futuram coronalem fætida materies *k††* expulsa fuit. A tussi multus sanguis de cranii cavo expressus *k†††* est, sinusque cerebri intumescunt *l*. De fracto granio gutta sanguinis exsudavit, cum clauso ore, clausisque naribus conatus *l** ad respirationem ederetur, & de cranii foraminibus sanguis per expirationem effluxit *l***. A systole & diastole duræ membranæ in vulnere cerebri pus ejectum *l****. Vehemens pulsatio, ut dura membrana elevaretur, & magnum cranii hiatus repletet *l†*.

Deinde, per experimenta mea, si pectus *l††*, aut abdomen *m*, aut collum *n*, aut brachia *o* animalis aperueris, venas grandiores, cavam superiorem, inferiorem, jugulares, subclavias *p*, brachiales, mammariamve *q* nudaveris, videbis perinde, dum animal inspirat, sanguinem undique ad cor redire, venasque, quas nominavi, a corde recedere, etiam ad aliquot lineas, depleri easdem, pallefcere, explanari, exsangues fieri. In expiratione vero, quæ proxima sequitur,

- | | |
|---|--|
| <i>k††</i> Binninger Cent. V. obs. 96. | <i>Walsdorf</i> exp. 3. p. 51. exp. 6. |
| <i>k†††</i> <i>Ess. of a Soc. at Edimb.</i> | p. 52. & p. 54. <i>Lamure</i> p. 553. |
| II. n. 12. | <i>n</i> Exp. 100. 105. 106. 107. |
| <i>l</i> <i>Magat rar. med.</i> II. p. 13. | 108. 111. 116. <i>Walsdorf</i> exp. 8. |
| <i>l*</i> <i>Slevogt dura mat.</i> n. 50. | p. 11. 12. 13. <i>Lamure</i> p. 553. |
| <i>l**</i> <i>Acrel händels.</i> n. 9. | <i>Sproegel</i> exp. 53. |
| <i>l***</i> <i>Turner case</i> p. 30. | <i>o</i> Exp. 91. 102. 106. 110. 116. |
| <i>l†</i> <i>Ib.</i> | <i>Emett L.</i> II. p. 15. <i>Walsdorf</i> |
| <i>l††</i> Exp. 101. 109. 111. | &c. |
| <i>Walsdorf</i> exp. 13. | <i>p</i> Exp. 116. 117. |
| <i>m</i> Exp. 97. 98. 99. 101. 104. | <i>q</i> <i>Ibid.</i> |

easdem venas sanguine a corde rejecto turgere, cæruleas, cylindricasque fieri.

Magni ergo trunci venosi capitis, colli, pectoris, abdominis, brachii *r* ejusmodi motu agitantur, in vivis animalibus, ut per expirationem sanguine aut retento, aut a corde refluxo turgescant, per inspirationem remisso ad cor sanguine eadem depleantur: hinc per inspirationem, recedente de cerebri magnis vasis sanguine, cerebrum subsidet, idemque eo sanguine per expirationem retento, & reduce intumescit & mole crescit *r**. In vehementiori respiratione omnia evidentius adparent s. Hæc phænomena in debili *t* animale, aut parum habente sanguinis, aliasve ob causas, quas *v* casus obponit, inque minoribus demum artuum venis *v** non semper equidem conspicua, satis tamen numerosis in experimentis *x* a me Clarisque viris *Lamure* *y* & *Walsdorfio* *z*, & Ill. *Boissier* *a*, & *Caldano* *b*, & *Tosetto*, & *Roberto Emmet*, & *Cl. van Geuns* *b*** & a *G. v. Doeverer* visa sunt, & ab aliis *Cl. viris* adoptata *b****, ut dubii de

r Addit *Iliacas Lamure* p. 455. In iis non vidi.

*r** *Memoire sur les parties sensibles* T. IV. Exp. 5.

s Exp. 86. *Walsdorf* 16.

t Exp. 74. 82. *Walsdorf* exp. 11. 13.

v Exp. 76. 77. 78. 81. 83. 84. 85. 86. 91. pro cerebro, deinde exp. 96.

*v** Exp. 102. 103. 104. 106.

x Mea sunt 35.

y *Lamuriana* in universum 13.

z *Walsdorfiana*, si a meis separaveris, non facile numero, sed non pauca sunt.

a *Pulsus theoria* p. 45. & de *respirat. difficili*.

b *Memoire sur les parties sensibles* T. IV. p. 69.

*b** Alternam venæ jugularis contractionem vidit, quæ sanguinem ad cor pelleret de *vita* p. 16.

*b*** *De vomitu* n. 17.

*b**** *Cl. Andreæ de irritabil.* p. 20.

eorum veritate & constantia nihil possit superesse. Qui vero aut venas *c*, aut ipsum cerebrum, in animale inspirante turgere scribunt *d*, ii in experimento tempora confuderunt.

§. X. *Causæ phaenomenorum.*

Non unica nunc hujus phaenomeni causa est. Prima quidem, quæ olim *Santorino e*, absque tamen experimento, eadem etiam mihi se obtulit, & nuper ab Ill. *Francisco Boissier f* ad idem phaenomenon interpretandum adhibita fuit. Nempe per inspirationem sanguini via in pulmonem facilior aperitur *g*, nascitur ergo derivatio *h*, & sanguis venosus undique ad eam sedem confluit, a qua resistantia ablata est: confluit ergo per inspirationem sanguis auricularum & cordis in pulmonem, sanguis venarum cavarum in auriculam, sanguis venarum proximarum in venas cavas, deplentur ergo venæ remotiores, cerebri, brachii, abdominis, & inaniuntur. Experimento hæc confirmavit vir Cl. *Anna Car. Lorry*. Asperam arteriam adstrinxit, ut respiratio cessaret; ita cerebrum pro retenti sanguinis portione tumuit: laxavit eam arteriam, pulmoni libertatem reddidit, continuo cerebrum detumuit *h**.

Contra in expiratione sanguis in pulmones

c Radnizki Prag. 1756. Sect. III. obs. 1.

d Fanton anat. p. 441. Petriol in Fabri raccolta p. 336.

e In obs. anat. p. 147.

f De respir. difficili p. 2. 3.

g Prælect. Boerb. T. II. p. 173.

176. Kaauw perspir. n. 160.

h p. 214. seqq.

*h** p. 310.

compressos difficilius recipitur, difficilius adeo cor dextrum se deplet, stagnat sanguis in venis cavis, in vena jugulari, in cerebro demum toto, atque adeo sinus cerebri, & venæ jugulares intumescunt, quod a minimis vasculis sanguinem accipere pergant, emittere nequeant.

Ad hanc causam altera accedit, quam non monitus per experimenta cognovi *i*, ornatius vero ad phænomenon interpretandum adhibuit *Franciscus Lamure i**. In expiratione nempe imprimis thorax contrahitur, comprimuntur pulmones, auriculæ, venæ cavæ, fit refluxus sanguinis in venas jugulares *k* & cerebrum, eæ ergo in expiratione turgent, cerebrumque una totum. Hinc pressio, ut ego presseram, thorace *l*, elisæque vena cava *m* perinde cerebrum elevatur.

Quare etiam resectis ligatisve arteriis venisque capitis, intercepto in cerebri vasa refluxu, etiam is cerebri motus supprimitur *m**.

Dudum *J. Adrianus Slevogt n* in tussi cerebri sinus intumescere vidit, emetica o vero medicamenta, quæ expirationem violentam cient, sanguinem in caput determinare alii Cl. viri. Verum omnino uberius hæc cum experimentis conjunxit *Franciscus Lamure*, & etiam mea expe-

i Second Memoire sur les parties sensibles & irritabl. Exp. 78.

*i** p. 547-558. 559. 562. &c.

k T. I. Mem. exp. 96. 97.

98. 99. 100. 101. 102. 103. 104.

105. 106. 107. 108. 109. 110. 111.

Lamure p. 542. 548. 551. 554.

555. 556. 542. *Walsdorf* p. 51.

Sproegel venen. p. 37. 76. 81.

Lorry 308. 313.

l p. 548. *Mem. nostr. exp.* 78.

m p. 551. 552.

*m** *Lamure* p. 548. 555.

n In disp. de dura matre.

o G. v. *Swieten Comment.*

T. III. p. 266.

rimenta *p* non sinunt dubitare, quin veram phænomeni causam aperuerit. Videntur hæc amplius a Cl. de Borden diduci, ut etiam pulsum arteriæ a brachio refluxum cum inspiratione, undamque quasi expulsam cum tussi sive expiratione, conjungi narret *q*.

Facile intelligitur, quonam hic sermo tendat, expirationem nempe hætenus reditui sanguinis venosi resistere, & inter causas retardationis numerari posse. Non tamen oportet immemores nos esse, vehementes expirationes necessario a magnis inspirationibus præcedi, eas sanguinis in pulmonem iter accelerare, atque adeo id detrimentum, quod ab expiratione sanguinis venosi motus patitur, hætenus ab inspiratione compensari: eo magis, cum exspiratio pulmones evacuet, atque adeo novæ sanguinis undæ aditum in id viscus faciliorem aperiat. Deinde inprimis mente debet retineri, hæc omnia in vivo sanoque homine calvaria inviolata non tanta esse posse, cum venarum valvulæ refluxum sanguinem passim impedian, & in vehemente demum expiratione sola obtinere, etiam experimenta demonstrant *r*. Subsidentiam cerebri omnino duræ membranæ vehemens adhæsiō non permittit, quare nec in experimentis adparet, nisi eam adhæsiōnem violente solveris *s*. Id de tota re

p Second Memoire Exp. 116. exp. 113. 114. 115. Memoire sur
117. la respiration exp. 53. 56. 57. 59.
q Du pouls p. 324. 60. 61. 62.
r Second Memoire sur les *s* Schwartz de vomitu, in col-
parties sensibles & irritables lect, mearum disp. anat. T. I.

in vivo animale verum superest. Cum in exspirando venæ cerebri magis repleantur *t*, mollis cerebri interposita medulla comprimitur *v*. Inde a sanguine cerebrum infarciens ea cerebri induratio *v*^{*}, quam *Schlichtingius* convulsionem dixit.

Contra neque dissimulasse oportet, etiam inspirationem vehementem sanguinis venosi iter morari. Certum est inspirationis temperamentum, quo sanguinem in pulmonem adlicit; si ultra protenditur, neque exspiratio succedit, neque pulmo depletur, neque sanguis ergo in pulmonem eadem facilitate recipitur, cujus repletæ arteriæ non depleantur. Stat ergo sanguis ante pulmonem, repletur auricula dextra, vena cava, jugularis, venarum demum universitas. Sufflatur rubore facies, & rubescit, & frontis venæ turgent, totumque corpus undique tumet. Periculofus hinc nixus est, & venas in cerebro, & alibi in corpore passim rupisse visus. Hæc interim decerpimus, quæ alias ornatius enarrare præstet, & opus sit.

Alio etiam modo respiratio motum sanguinis venosi mutat & moderatur. Diaphragma nempe, ut suo loco dicetur, inferiorem venam cavam constringit agendo, dum inspiramus; sanguinem ejus venæ cogit descendere, & a corde avertit. Paulo post remittit se diaphragma & sanguis
per

t Quod in vomitu fit *Swieten* *Comment.* III. p. 266. Sed vide *L. VIII.* in *Cl. ap.* de vomitu.

v Aut *Lorry* *Memoire des Savans étrangers* III. p. 312. 53. *v*^{*} *Id. ib.* p. 377.

per expirationem in venam cavam & auriculam dextram adproperat.

Utroque modo respiratio motum sanguinis venosi potius dirigit, quam adjuvat, cum ejus reditui modo resistat, faveat modo. Sed ea alibi redibunt.

§. XI. *Venæ cavæ contractio & refluxus inde natus.*

Cum hoc inprimis pulmonis statu, alia causa refluxus venosi conjungitur, quam dudum citavimus α , & ad vivorum animalium incisiones frequenter adnotavimus. Nempe, quando animal moribundum, aperto pectore, pulmonem compressum habet & inmeabilem, & tamen suo porro robore irritabilis auricula pergit micare, tunc fit, ut ex auricula, in pulmone dextroque corde obstaculum reperiente, sanguis in venam cavam γ utramque, earumque etiam ramos z , longe repellatur & vehementer & sub ipsum hepar. Similis in venis pulmonalibus refluxus à me observatus alibi describitur a . Sed etiam hoc vitium a legitimo hominis statu alienum esse videtur.

§. XII. *Anastomosium effectus.*

Hoc etiam naturæ præsidium partim sanguinis

α L. VI. p. 270. Lamure p. 557. 126. 127. 118.
 γ Second Memoire sur les parties sensibles & irritables exp. 12. 128.
 a L. VI. p. 286.
 118. 119. 120. 121. 122. 124. 125.

per venas motum adjuvat, & partim celeritatem ejus frangit. Adjuvant equidem, & potentius quam in arteriis. In venis enim fere ubique rami, quibus etiam duarum linearum diameter est, truncos vicinos uniunt *b*, cum in arteriis hæ anastomoses, & plerumque minorum ramorum sint.

Si præterea insignissimam facilitatem expendis, qua in omnibus nostris experimentis sanguis directionem fluenti mutat, adque aliam & aliam sedem tendit, ut quæque expeditior est, & minorem moto sanguini resistantiam obvertit, etiam ob hanc rationem, ab anastomosis venosum sanguinem magis, quam arteriosum regi consenties.

Denique cum sanguis venosus a pondere multo magis dirigatur *c*, quam quidem arteriosus humor, iterum liquebit, magis varium & mutabile ejus per venas fluentis sanguinis per anastomoses iter esse.

Pone nempe quocunque loco, faciliorem sanguinis venosi motum, sive a vulnere, sive a depleto abdomine venam cavam liberante, sive ab inflato pulmone, sive a situ depresso & inclinato, sive a balneo, sive ab alia quacunque causa demum ea facilitas nata fuerit. Eo ergo non per truncum solum venosum eo ducentem, sed ab omnibus aliis vicinis venis, cum eo trunco communicantibus, sanguis confluet,

b L. II. p. 254.

c *Second Memoire sur le mouvement du sang* p. 339.

etiam contra nativum venosi cruoris iter, eaque pars corporis venosum sanguinem uberrimum, brevissimo eo tempore recipiet.

Pone contra iter sanguinis venosi aliquum in locum difficilius esse, sive a coagulo, sive a compressione, sive ab obstructione visceris, sive a situ altiori, sive a frigore ei parti adplicato, sive a quacunque alia causa ea difficultas orta fuerit; per inversam prioris propositionis, & per nostra experimenta, fugiet *d* eam partem sanguis venosus, inque vicinas venas, per quamcunque anastomosin, exitum inveniet, donec sedes obstructa manebit. Ita vidi *e*, cum vena cava abdominalis medulla polyposa inferciretur, sanguinem venosum de inferiori corporis parte omnem per minutam alioquin venulam, ex iliaca in spermaticam communicantem, viam invenisse, ut ea spermatica non valde infra legitimum cavæ venæ diametrum lata esset. Ita altera venâ jugulari ligata, aut utraque, jugulares externæ sanguinem ad cor revehunt, neque caput tumet oculive *f*. Cum nunc eæ facilitates, & difficultates, mille modis aliæ esse possint aliæque, intelligitur, venosum sanguinem certum iter non tenere, sed alio & alio tendere, quacunque viam inveniet expeditiorem. Prono homini sanguis de cerebri sinibus in faciem exsiliet, supino sanguis in cerebrum de jugulari vena regurgitabit, feminae gravidæ sanguis in venis infra iliacarum

d Ibid. Exp. III. 116. 123.
135. 182.

f Nuck defens. duct. aquosor.
p. 14.

e Opuscul. patholog. obs. 19.

divisionem morabitur, uterique truncos distendet, inspiranti in collo colligetur & in capite, hisque causis remotis horum fient contraria.

Ab his causis hactenus sanguinis venosi circuitus adjuvabitur, quod multis etiam venis magnisve obstructis & compressis, absque magno incommodo vivatur, & jugulari interna canis utraque ligata, & resecta, absque ullo symptomate animal & in vetustiori exemplo *g* supervixerit, & in nostris experimentis *h*. Hinc etiam fit, ut passim vena ligata, vinculum inter *i* & radículas suas, minime intumescat, neque cor inter & linum inanietur, quod per communicantes venas sanguis alio feratur. Inde fit etiam, ut cute refrigerata sanguis facillime in vasa profunda se recipiat, periculumque coagulationis vitet, & quæ alia ex facili hac sanguinis in novas vias avocatione sequuntur.

Hactenus tamen circuitui sanguinis, & velocitati venosi cruoris anastomoses obsunt *k*, quod contraria sanguinis fluentia sibi obsistant, & se morentur, vicissimque suam sibi celeritatem destruant *l*, usque dum torrens alter, superato altero, solus obtineat *m*. Potest autem aliquamdiu sanguis librari *n*, & oscillatione alterna ita moveri, ut nihil promoveatur. Iisdem

g Birch T. IV. p. 309. conf. p. 305.

h Second Memoire sur le mouvement du sang. Exp. 113. 114.

i Obs. III. &c.

k Ut in arteriis L. VI. p. 51.

l Vide venosorum torrentium pugnas Exp. 137.

m Exp. 65. 93. 95. 123. 129.

n Exp. 132. 137. 191. 229. in ramo anastomotico, conf. A. de Heyde obs. 85.

proculdubio anastomosibus *o*, licet non solis, sanguinis venosi in motu mira inconstantia debetur, quæ utique reditum in cor mire moratur.

§. XIII. *Quæ causæ sanguinem venosum retardent.*

Frictio.

Harum causarum aliquæ a venis absunt, arteriis fere propriæ. Huc plicas numero, quæ multo in venis, quam in arteriis infrequentiores sunt, etiam quando ab incisoris manu sebo supra naturalem mediocritatem distentæ fuerunt.

Frictio etiam minor est, tum quod celeritate minore sanguis venosus feratur *p*, tum quod ampliores pro sanguinis portione sint, quam arteriæ, atque adeo multo plures globuli medium per lumen incedant, pauciores parietes radant *q*. Eaque differentia non exigua est, cum venæ sodalibus arteriis plus duplo ampliores esse soleant *r*. Solent etiam pro causis minoris frictionis adducere, tum quod sanguis venosus præcedens sanguinem sequentem non moretur, ut qui celerius sequente feratur *s*: tum quod vena quælibet perpetuo eundo amplior reddatur, conique sit similis, cujus basis in corde est, unde iterum fieri persuadentur, ut sanguis venosus continuo minorem in parietes impressionem

o Exp. 125. 137.

p p. 317. 318.

q p. 35. seqq.

r L. II. p. 246. seqq.

s Boerhaave ad n. 212. 260. 261.

faciat, quo cordi propior est, proque eadem portione plures globuli inoffensi per liberum lumen fluant *t*. Inde credunt fieri, ut nullæ in venis obstructions nascantur. Utramque causam minoris frictionis accuratius oportet examinare.

Sanguinem venosum anteriorem sequenti resistere manifestum est, tum quod continuum per venas fluentum sibi continetur, & manifesto antecedentes columnæ a sequentibus truantur: tum quod ad incisæ venæ vulnus sanguis accelerato motu feratur, unice proculdubio, in venis non contractilibus, aque morte aut resecto animalis corde, quia anterior unda vulnerique proxima in sedem, de qua resistantia sublata est, exit, locumque facit undis insequentibus, quarum pressio tanto majorem effectum edit, quanto minorem resistantiam invenit. Sed etiam oculorum testimonio de resistantia constat, quam sanguis truncorum ramorum sanguini opponit *v*.

Porro, uti arteriæ non vere conice convergunt *x*, ita neque venæ vere conice divergunt. Non tota venarum universitas, cum ea, ad venas cavas comparata, non vertex, sed basis coni sit *y*. Non duæ venæ comparatæ cum suo trunco, in quem conveniunt, nam

t *Musschenbroeck essays de physique* p. 392. *Institut. physiq.* p. 326. Ob eam causam pulsus a venis abesse olim *Guilielmus Cole de secret* p. 197.

v *Second Memoire* Exp. 137.

x *L. II. p. 112. seqq.*

y *Ut in arteriis ib.*

etiam istæ duæ venæ suo trunco potius ampliores sunt z. Non unica vena, absque ramis considerata. Venæ enim, longe absque manifesto ramorum augmento productæ, & ipsæ cylindricæ sunt, & quælibet vena inter duos ramos æque ampla est, tuncque demum amplior redditur, quando a novo ramo aucta est. Verum tunc res redit ad lumen trunci minus lumine ramorum.

Si causa non vera est, neque effectus veri erunt. Venas obstrui certum est, certum est intumescere, & enormiter quidem se ipsis majores reddi, & multo quam in arteriis evidentius. Obstructas vidi aliquoties coacto sanguine, qui in polyposas fibrillas coiverat a. Vidit *Bontius* b & repetiit *Blancardus* b*, cavam venam materie adiposa plenam, & duplo ampliore, quam oportebat. Venam cavam circa divisionem in venas iliacas *Albinus* coaluisse vidit. Venam jugularem indurato quasi glutine fartam *Sponius*. Venæ portarum ramum excæcatum *Severinus* in phoca vidit. Vena cava ad arteriæ morem, & squamis osseis varia, & dilatata, & polyposa materia farta apud *Morgagnum*. Vidi uteri venas omnes obstructas, pene solidas, coacto duroque sanguine plenas.

Sed vulgatissimum est, venas supra modum dilatari, argumento hactenus obstructas esse, ut acceptum sanguinem nequeant emittere.

z Ib.

a *Opuscul. pathol. obs.* 19. 20.

b *Medic. Ind.*

b* *Chirurg. p.* 431.

Intumescunt in utero gravido, in spermaticis & vasis per sarcocelen & varicocelen, in hydropticorum *d*, in hypochondriacorum hominum abdomine, in scirrhis viscerum *d*^{*} (hic evidenter); in phlegmone denique, magis quam arteriæ *e*, & a spasmis *f*, & in morbis chronicis in universum *g*. In tumoribus cum periodica sanguinis effusione venæ tumidissimæ *g*^{*}. In febre tertiana intermittente vena portarum turgidissima *g*^{**}. Collari adstricto conjunctiva rubet *g*†. In pleuritide rami venæ sine pari varicosi *g*††. Eo major vero hujus phænomeni vis est pro demonstranda propositione nostra, quo magis his obstructionibus venarumque tumori anastomoses resistunt.

§. XIV. *Aliæ causæ.*

Ergo de celeritate in minimis venulis superstitie demit aliquid frictio, quæ non penitus ad parietes venosos nulla est: demit resistantia sanguinis anterioris, demit etiam pondus. Ostendi per manifestissima experimenta *b*, in venis sanguinem adeo potenter a sua gravitate regi,

c In gravida obs. of a Societ. at Edimb. p. 413. 414.

d Salzmann mir. abscess. hist. Peyer de ovar. hydrop.

d^{*} Ridley obs. p. 108.

e Franciscus de Sauvages de pulsu p. 27. theor. tumor. p. 14.

f Quesnai des fievres p. 212. Matani de aneurysm. p. 110. quorum uterque spasmus accusat.

g Sanguinem in venis con-

gregant Boerhaave Prax. Med. T. I. p. 98.

g^{*} Anonym. de febr. intermitt. p. 51.

g^{**} Idem p. 129.

g† Camerar ophthalm. vener.

g†† Lancis. de ea vena p. 86.

b Second Memoire sur le mouvement du sang exp. 204. 206. 208. 212. 218. 222. Conf. L. III. p. 388.

ut penitus cesset ad cor redire, inverſoque fluento verſus ſuas radículas relabatur, quam primum ita animal diſponitur, ut cor ſuperiori loco, radiculæ naſcentium venarum imæ ſint. Id ſi verum eſt, facile intelligitur, plurimum de celeritate redeuntium venarum fere in toto corpore decedere: quamdiu quidem homo ſedet, in vena cava inferiori, vena ſine pari, venis humeralibus & brachialibus, venis inteſtinorum craſſorum, & fere tenuium, venis hepatis bene multis, venis partium pelvi contentarum, venis pulmonis bene multis: quando homo ſtat, etiam in tibiæ venis; quando decumbit, in venis dorſi, quarum deleta motu gangræna naſcitur. Ut omnino non mirum ſit, abſque motus muſculorum auxiliatrice potentia, facillime hominibus diutius ſtantibus in cruribus varices naſci, pedesque typographis tumere *i*, & abdomen ſanguine repleti, & hæmorrhoides intumeſcere *k*.

Solæ fere venæ capitis pondere in homine adjuvantur, non ita in animalibus, eaque certe opportunitate in homine indigent, ut cerebrum ſæpiſſime congeſto arterioſo ſanguine obrutum, nullo fere muſculorum auxilio adjutæ, expedite depleant. Nemo ignorat, quam intolerabilis ſitus ſupinus ei ſit, cui vel paulo plus ſanguinis in vaſis ejusve motus celerior eſt. Nempe eo in ſitu ſanguis arterioſus, ponderis reſiſtentia ſublata, celerius in cerebrum irruit, & venoſus ſanguis, ſublata auxiliatrice gravitatis vi, tardius redit.

i In typographis,

k Hæ etiam in ſedentibus,

Tot autem a causis cum sanguinis venosi velocitas mutetur, & cum eæ causæ adeo subito nascantur atque evanescant, pondus potissimum, musculosus motus & respiratio, cum porro eadem causæ in sanguinem arteriosum *l* multo minus imperium habeant, non mirum videri debet, velocitatem venosi cruoris, multo quam arteriosi incertiores esse, & modo lente per venas sanguinem fluere *m*, quando causæ tardantes operantur, modo celeriter, quando accelerantes causæ prævalent.

§. XV. *Mensura celeritatis qua sanguis per venas redit.*

Celeriter sanguinem in magnis venis moveri, vel venæ in sano homine incisio demonstrat, de qua, etiam mediocri, pene arterioso saltu sanguis salit *n*. In nuperis *Cl. Frairiot* mensuris sanguis ex vena febrientis hominis missus ad 48, 55, & 61 lineas exsiluit, & intra tria minuta sanguinis libra effluxit apud *Vanuccium*. Maxima vi ex vena umbilicali sanguinem profiluisse vidit, qui ex placenta redibat *Cl. Denys n**. Sed mensuram celeritatis aliqui *absolute* ut vocant, tentarunt definire, ut iter metirentur, quod sanguis in vena intra datum tempus ex corde in cor absolvit. Alii unice rationem celeri-

l De pondere p. 71. 72. de musculis p. 98.

m *Quesnai æcon. anim.* p. 233.

ed. vet. & ed. nov. T. III. p. 425. 426.

n *Linden Select. med.* p. 579.

*n** *Vroedmeester* p. 273.

tatis in venis ad fodalium arteriarum velocitatem quæſiverunt. Facile vero intelligitur, hætenus poſſe arterias venasque ſocias vocari, & earum celeritates comparari, quod perinde in minimis venulis minimisque arterioliſ ea celeritas minima, in mediocribus ramis utriusque generis & ipſa mediocris, in maximis truncis iterum maxima ſit. In arteriis enim, uti a corde recedunt, ita velocitates minui o, in venis, uti ad cor propius accedunt, ita augeri vidimus p. Quando vero abſoluta velocitas quæritur, utique addendus eſt venæ truncus, in quo experimentum captum eſt, cum inventa in brachio celeritas neque de vena cava vera ſit, neque de vena in digito naſcente.

Ergo in abſolutam quidem celeritatem inquitſurus *Johannes Tabor* venam valvuloſam brachii digito conpreſſit, iterumque laxavit, ita vidit a valvula ad valvulam, pollicis ſpatium intra unius pulſus tempuſculum a ſanguine venoſo percurri q, nimis certe parcis calculis uſus. Eſſi enim vix certa ſatis ejuſmodi tempuſcula definiuntur, multo tamen majus ſpatium in brachio abſolvi vidi, dum vocem duarum ſyllabarum pronuntiabam.

Eandem fere celeritatem in venam cavam tranſtulit *Jacobus Jurin*, ejuſque ſanguinis momentum comparavit duodecim libris, intra ſecundum minutum per unciam motis r. Idem,

o p. 67. &c.
p p. 282.

q *Exerc. Med.* p. 114.
r *Differt.* p. 48.

in pulmone minus momentum fecit , ut celeritas eadem , pondus motum quadruplo minus foret. Ex his quidem menfuris celeritas sanguinis venosi , ad mediocrem sanguinis arteriosi celeritatem , fere subtripla fieret s.

Longe alias mensuras alii proposuerunt. Fuerunt Cl. viri *t* , qui arteriosi sanguinis momentum tamquam vivum motum , ex celeritatis quadrato in massam ducto æstimarunt, venosi vero, tamquam a mortua pressione acti , ex velocitate simplici , in eandem massam ducta. Verum , si utriusque motus causa in corde *v* est , non poterit alia in venosa , quam in arteriosa celeritate definienda mensura adhiberi.

Deinde *Jacobi Keil* calculos omittimus , enormiter in privilegiis arteriosi sanguinis liberalis viri : quem si sequeremur , sanguis in venarum capillarium ad portas pertinentibus ramulis 14613^{es} x lentius quam in arteria mesenterica fluere , & intra minutum primum vix supra lineam decimalem , inque hora non supra sex pollices percurreret , etiam si celeritatem arteriæ mesentericæ aortæ velocitati parem faceres. Idem tamen vir Cl. in arteria venaque socia effluxus reperit esse uti 15 & 6 , & valde probabilem certe rationem invenit *y*.

Cl. Collega noster *Stephanus Hales* ex saltu sanguinis de carotide sursum pulsi , cum saltu

s Si mensuram p. 318. dictam recipimus.

t *Kruger physiologie* n. 112. seqq. *Nicolaum pulsschlage*.

v p. 281. & in L. IV. Sect. IV.

x *De secretione* p. 93.

y *De vi cordis* p. 53. *Jurin* diff. p. 49.

de vena jugulari comparato , utramque velocitatem metiri maluit , reperitque , cum ex carotide saltus foret pedum quinque & unciarum totidem , saltum in vena sodali tredecuplo fere minorem , & quinque fere unciarum cum dimidia fuisse *z.* Verum saltus quidem de vena plurimum a laxitate ejus vasis minuitur , quod sanguini magis cedit , & celeritatis portionem in dilatationem suam confumit , cum arteriæ firmitas columnam sanguineam contineat. Non dubium est , quin de metallica cylindro aqua altius , quam de membranacea profiliat.

Mihi quidem res multo simplicior videtur. In sodalibus arteriarum venis sanguinem in ea fere ratione lentius fluere reperi , quæ inversa est luminum , paulo minori nempe quam subdupla *a.* In venis cavis cordi inmissis non dubium est , quin ea ratio legitima sit. Neque enim , ut ad simpliciora unius ventriculi corda calculos referamus , quidquam aorta educere potest , quod a venis cavis non accepit. Si ergo per eas venas sanguis lentius fluit , debet is lentor accurate per venarum majus lumen compensari , & si ratio lentoris major foret , quam est inversa luminum ratio , minorem certe copiam aorta acciperet , & cum ea differentia singulis pulsibus repeteretur , intra breve tempus sicca nunc esset. Quare ut celeritatem in nascente aorta , cum celeritate in venis cavis comparemus , suf-

*z Hæmæstat. p. 27. 55. mouvement du sang. Exp. 124.
a Second Memoire sur le comp. cum 128.*

ficit comparasse lumina. Si ea ratio est 11 ad 9 aut 10677 ad 91027 *b*, celeritas venosi sanguinis ad arteriosum erit uti 81 ad 121. Si rationes sunt 2 ad 1 ut apud *Taborum c*, motus per eam venam accurate duplo lentior erit, quam per aortam. Si rationes luminum sunt uti 3476 & 8177, quæ ex *Wintringhamianis* mensuris sequitur *d*, celeritas aortæ erit fere ut 80, venæ cavæ ut 35, minor ergo quam subdupla. Si ex mensuris *Cl. Boissier e* aorta luminum conjunctorum uniusque cavæ subtripla est, celeritas inversa cavarum venarum & ipsa subtripla erit. Si ex meis mensuris conjuncta venarum cavarum lumina ad aortam sunt uti 5030 ad 1600, iterum celeritas in vena cava aliquanto major quam subtripla erit. Diametros enim reperi in vena cava superiori 37. in inferiori 57. in aorta ad cor 40. cent. poll. Si, ut in alio exemplo vidi, conjuncta lumina venarum ad aortæ lumen fuerunt uti 24 ad 9. tunc velocitas venosa ad arteriosam erit uti 9 ad 24. Supra eam mensuram differentia non multum evagari potest, cum præterea venæ a cera longe magis super nativum modulum distendantur quam arteriæ, easque in vita minores esse probabile fiat.

Omnino ergo non pensitatis rebus nuper

b *Santorin obs. anat.* c. 8. n. 3. reformatis numeris, qui vitio laborant.

c p. 106.

d l. c. Exp. 33. in bruto ani-

male: sed venam cavam superiorem nimis grandem facit, & aorta majorem, quæ minor sit.

e *Physiolog.* p. 75.

Cl. viro excidit, sanguini ad cor redeunti vix decimam partem momenti supereffe, quo in aortam exiit, & novem decimas ejus momenti in transitu per cor & pulmones adquiri *f.* Nam momentum utriusque sanguinis perfecte idem est, cum tanto plus in cava sit sanguinis, quanto minor celeritas est.

§. XVI. *Quo tempore sanguis circulum majorem absolvat.*

Continuo postquam sanguinis major circuitus ex corde in ultimas arterias, ex iis per venas in cor inventus fuit, multum est disputatum, quo tempore universus sanguis eum circulum absolvat. Plerique prioris seculi auctores simplicissima methodo sunt usi. Æstimarunt massam sanguineam tot libris; deinde undam sanguinis uno pulsu de corde expressi ad drachmas appenderunt, pulsus in hora numerarunt; invenerunt tot uncias intra horam ex corde exire, contineri vero in tota vasorum universitate non supra eas libras, quas ab initio posuerunt, toties ergo in hora eas libras omnes per cor circumire debuisse, ut esset, unde id organum tot drachmas & uncias in ea hora expelleret: in ea ergo parte horæ copiam sanguinis æqualem toti sanguineæ massæ, per cor, universumque corpus circumivisse.

Primus ergo *Harveius*, cujus e re erat osten-

f *Whytt physiol. ess.* p. 34.

disse, non absque redeunte ex arteriis sanguine cor eam penum accepturum fuisse, quam in aortam expendit, tamen ut magnorum virorum is unus fuit modestissimus, ejusmodi calculos posuit, qui longe minus sibi faverent, quam res ipsa favet. Posuit adeo pulsus in hora 2000, qui sint 4500. Sanguinis vero drachmas tres in aortam projici *Idem* sumsit, cum duæ unciae projiciantur & ultra. Inde confecit, unicam tamen intra horam plus sanguinis per cor circumire, quam in totius corporis vasis reperitur g, nempe libras fere 50. In *posthumis* schedis *Idem* bis in hora circuitum absolvi reliquit. *Idem* veriores numeros minime ignoravit, etsi maluit minus propitiis uti h.

Inde *Johannes Waleus* pro unda sanguinis de corde expulsi unicum scrupulum sumsit, de industria parcior, pulsusque iterum bis mille i.

Vopiscus Fortunatus Plempius, jam confirmata vi veri, pulsus fecit 5376, undam sanguinis tamen ad decem grana iniquius restrinxit, massam sanguinis posuit 30 librarum, ita perfectus circuitus intra horas tres & paulo ultra absolvitur k.

Guernerus Rolfink pulsus 4420 numeravit, undam sanguinis iterum ad scrupulum dimidium aestimavit, libras sanguinis totidem ac *Plempius*,
ita

g *De motu cordis* diff. I. p. 88. *anatomies* posteriori editione

h Apud *Birch* T. IV. p. 535. *Exercit. I.* p. 773.

i Apud *T. Bartholinum* in *k Fundam. Medic.* p. 115. Ex calculis certe ita sequitur.

ita unica intra decem fere horas circulatio conficitur *l*.

Richardus Lower undam sanguinis de corde expulsi rectius ad uncias duas auxit, pulsus illos parciore bis mille retinuit, libras sanguinis fumsit 25. Ita totus sanguis intra tredecimam horæ partem circulum suum perficit *m*. *J. Godofredus de Berger* undam uncialem fecit, libras sanguinis sedecim, pulsus 3500; ita universus sanguis intra horam trigesies per cor, unde exiit, redit *n*. *Johannes Floyer*, cum undam priori æqualem, pulsus 4200, sanguinis libras 13 faceret, reperit circuitus intra horam viginti o. Ex *Jacobi Keilii* *p* calculis, si uncialem iterum undam, pulsus 4500, sed hominis pondus sexaginta librarum posueris, ita tantum sanguinis intra 36 minuta prima circulum obibit, quantum corporis pondus est, & intra 18 minuta, si duas, ut quidem verius fumeres, uncias fumas. *Johannes Tabor* libras sanguinis 16 numerat, pulsus septuaginta, undam pondere granorum 1500: ita universus sanguis circulum in 53 minutis absolvit *q*. Deinde *Stephanus Hales* in canē 52 libras pendente, reliquis fere cum *Keilio* æstimatis, reperit circulum intra 12 fere minuta perfici *r*, a copia sanguinis totī animali æquali. Pluscūlos alios calculos *Bartholinus* *s* collegit.

l Ex calculis *diff. anat.* p. 846.
m p. 170. ed. belg. Consentit
Morgagnus Advers. Anat. V.
p. 28.

n De natur. human. p. 111.

Tom. IV.

o In *physicians pulsewatch.*

p Apud *Hales* p. 39.

q l. c. p. 117.

r *Hæmestat.* p. 39.

s l. c. p. 376.

Multa in hujusmodi calculis desiderari, facillime adparet. Ipse princeps *Harveius* monuit *t*, sanguinem alias celerius, tardius alias per cor trajici, neque adeo aut in omni homine, aut in omnibus hominis partibus, constante aliquo tempore circulum sanguinem absolvi *v*. Inde *Nicolaus Fontanus* adnotavit, alias corporis animalis partes cordi propiores adfidere, alias longiori intervallo distare, atque adeo per illas quidem circuitum sanguinis minori tempore absolutum iri, per alias remotiores tardius *x*. Similia & *Keilii* monita sunt *y*, & *Schelhammeri*, & *Boerhaavii* *z*, & *Schreiberi* *a*, & *Stæbelini* *b*. Nuper etiam Cl. de *Sauvages* conjectura non improbabili reperit, per viscera in dato tempore plus sanguinis trajici, ut per laxiorem viam: per musculos difficiliorem ciamet iter tardius esse, cum aquæ parum ex arteriis in venas iis quidem in partibus transire persuaderetur *c*.

Ego quidem utique, cum ceram fere ubique in corpore humano facile circulum obire reperirem, difficilius tamen vidi iter suum relegere in glandulis, in membranis, facilius in renibus, venæ portarum systemate, pulmonibus, cerebro, facile certe etiam in artubus. Deinde, cum vivorum animalium phænomena specularer, certo vidi, sanguinem aliis in partibus

t p. 91.

v p. 251.

x In *Vesalii epitomen*. p. 25.

y *Anat. Abridgment* p. 140.

z *Inst. rei med.* n. 479. & T. II.

p. 306.

a In *Almag.*

b De *puls.* p. 17.

c *Memoire de l'Académie de*
Berlin 1755. p. 49.

animalis quiescere *d*, aut lente labi, aut in-
verso & naturæ contrario ordine moveri,
dum in aliis ejusdem mesenterii sedibus, aut
aliis ejusdem sedis vasculis, libere legitimum
circuitum obibat. Frigora certarum partium,
dum aliæ calent, pallorque febrilis *e*, & inflam-
mationes, atque pulsationes singularium artuum,
similem in hominis vasis inæqualitatem de-
monstrant.

Porro oportebit de hac quæstione removere
peculiares certorum humorum circuitus, adi-
pis, vaporis cellularum minimarum, medullæ,
bilis, exhalationum variarum, qui quidem
humores omnes de sanguine veniunt, inque
sanguinem, sed diversissimis periodis redeunt.
Deinde ponendum est, sanguinem omnem,
qui de corde exiit, in cor eadem copia redire,
neque usquam elabi. Sed neque in singularum
corporis particularum celeritates proprias des-
cendi, neque cordis, aut pectoris, aut capitis
velocior circuitus, a pedum lentiori circuitu
separari potest.

His ergo quasi nodis sepositis, & quæstione
ad simplicitatem revocata, hætenus responderi
potest. Positis ergo sanguinis libris triginta,
numeratis pulsibus 4500, unda quæ de corde
sinistro exit, ad quinque semuncias æstimata,
exibunt de corde intra horam drachmæ 90000.
Sed in homine sunt drachmæ sanguinis 3840,

d De arteriis *Second mouve-* 119. 122. 123. 125. 128. 129.
ment exp. 62. 65. 68. 69. 71. 72. 132. 137.
73. 81. 82. 90. 93. de venis exp. *e* Schreiber ibid.

erunt adeo intra horam pleni circuitus $\frac{90000}{3840}$ sive 23 & $\frac{1680}{3840}$: & unicus sanguinis de corde sinistro in cor dextrum circuitus absolvetur intra minus quam tria minuta prima. Inde porro sequitur, satis magnam tamen in minimis vasis moram esse. Nam si celeritatem a corde acceptam sanguis servaret, & intra minutum primum solos 260 pollices sive pedes 21 percurreret, qui modesti *Francisci Boissier f* calculi sunt, adparet bis vel ter in minuto sanguinem de corde per caput, aut pedes, in cor rediturum.

§. XVII. *Motus venosus perturbatus.*

In arteriarum contemplatione ostendimus, quam facile & sæpe, in vivo animale, ex debilitate, aut ob vim derivationis, aut aliis ex causis, arteriosi sanguinis motus perturbetur. Multo incertior venarum motus est, qui a pluribus causis *g*, & ab omnibus potentius mutetur *h*. In venis adeo frequens, & facile cum vita & sanitate reconciliabilis sanguinis est retardatio *i*, & plena demum quies *k*, aut vicissim nova acceleratio *l*. Sed neque rara est inversio motus; ut sanguis venosus, ad sedem minus resistentem, aut ad inferiorem sui vasis regionem,

f Mem. de Berlin 1755.

g p. 314.

h Conf. n.6. 7. 8. 14.

i Second Memoire sur le mouvement du sang Exp. 129. 133. 138. 139.

k Ibid. Exp. 116. 117. 119. 122. 124. 125. 129. 132. 154. 155. 159. 160. 163. 170. 173. 177. 178. 183. 191. 204. 233. *l* Exp. 138. 155. 159. 160. 191. &c.

aut omnino a debilitate contrario ductu fluat, quam quidem a natura fluere jubetur, quæ est motus inversio *m*, & ipsa cum restituto motu ad cor reconciliabilis *n*. Sic ab obstaculo sanguis quocumque ductu refugit *o*. Iterum vulgatissimum est, sanguinem in venis contrariis motibus librari *p*, atque alterno itinere ad cor, aut ad partes extremas ferri, & in venarum systemate composito demum motu, partim legitimum iter tenere, partim legitimo contrarium *q*. Cum oscillatione pugna contrariarum columnarum sanguinis non raro conjungitur *r*. Etiam hoc non rarum est, post hanc oscillationem motum naturalem restitui *s*, quando pugna præcessit, ex qua columna naturale sanguinis iter sequens superior exiit.

Quæ in animalculis frigidi sanguinis vidi, eorum aliqua manifesto etiam in homine locum habent, cum nihil in natura ejusmodi animalium sit, quod ea phænomena a calidis animalibus avertat. De retardatione dubium non videtur, quam in venis mesentericis animalis manifesto videas, cui abdomen apertum est.

m Ibid. Exp. 117. 129. 142. 150. 151. 152. 153. 154. 154*. 155. 156. 157. 158. 162. 164. 166. 167. 169. 171. 174. 177. 178. 180. 183. 184. 188. 190. 192. 193. 198. 204. 205. 206. 208. 210. 211. 218. 220. 223. 224. 225. 226. 229. 230. 231. 232. 234. *Leeuwenhoek anat. & contempl.* p. 208.

n Ibid. Exp. 117. 119. 154*. 155. 156. 166. 174. 177. 129. 185. 209. 226. 229.

o Ibid. Exp. 123. 135. 182. 199. 213. 234.

p Exp. 117. 123. 125. 134. 137. 142. 143. 146. 154. 192. 218. 221. 222. 223. 224. 225. 226. 227. 229. 233. 234.

q Exp. 137.

r Exp. 125. 134. 137. 141. 142. Conf. p. 90. 91. & *Ant. v. Leeuwenhoek contin. arcanor. natur.* p. 116. *Malpighi posthum.* p. 92. *Hales hæmastat. in mytulo.*

s Exp. 129. 142.

Quies videtur in submersis, suffocatisque locum habuisse, & quoties neque pulsus superest, neque respiratio *t*. Sanguinis venosi in minima vasa relapsum videtur demonstrare pudor, ruborque genarum, quem arteriæ vix tantum efficerent: distentio venarum minimarum intestinalium in hepatis, aut venæ ad portas obstructione, hæmorrhoidum inprimis fluxus, quo nihil manifestius est, indeque natum obstructorum abdominis viscerum levamen; tum venæ incisæ subitus effectus in suffocatis & suspensis, quibus sanguis in auricula dextra, vena cava superiori, & vena jugulari, collectus per vulnus abducitur. Relapsu admissio oscillatio sequi videtur, quamprimum nempe, in exemplo sanguis, de hæmorrhoidibus venis in legitimum iter redit, atque hepatis viam repetit. In omni etiam anastomosi, quoties aliam a priori directionem sanguis adoptat *v*, oscillationem præcessisse probabile est.

Obstructionem, ut pathologici potius argumenti, omitto, & plurimum ejus viri laborem laudarem, qui confirmare susciperet, quanta venarum in obstructione, & inflammatione pars sit, quos ego morbos multo facilius crederem explicari posse, si omnino non in arteriis, multo rarius obstructis, sed in venis causa mali quæreretur *v**.

t Fufius L. VIII. hæc dicentur.

v p. 306 seqq.

*v** Huc *Quesnai de la saignée* ed. nup. p. 587.

§. XVIII. *Sanguinis venosi a morte motus.*

Paucis hunc absque corde sanguinis motum tetigisse sufficiat, qui eodem fere modo in venis x se habet, atque in arteriis, & absque ulla cordis impellente vi, in meis experimentis ad 36 y usque minuta prima superfuit, quando diutissime. Ejus motus causæ sunt pondus z , frigus constringens a , vis derivationis b , aer de cruore expeditus c , vis demum non satis hactenus cognita, quam ex probabili rationum consensu ad adtractionem massarum d coacti sanguinis retuli. Eum motum vidi naturale iter secutum e esse, aut contrarium fuisse legitimi f , aut demum ad oscillationem pertinuisse g .

Uti post mortem venosi sanguinis motus superesse potest, ita multo evidentius lymphæ motus superest. Ea enim, quando primum aperto in abdomine vasa sua pulcherrime distendit, sub oculis insipientis incisoris

x Exp. 195. 196. 204. 205. 206. 207. 209. 210. 216. 218. 220. 221. 222. 223. 224. 225. 226. 227. 228. 229. 230. 232. 233. 234. 235.

y Exp. 146. Conf. 222. 225. 226. 229.

z Exp. 206. 216. 218. 222. 224.

a p. 106. *Swammerdam de respir.* p. 106.

b Exp. 198. 204. 205. 206. 207. 210. 216. 218. 220. 221. 225. 226. 228. 229. 231. 274.

c Conf. p. 107.

d Exp. 216. 217. 224. 226.

227. 228. 229. tum exp. 197. 215.

218. 212. 224. 225. 232. 234.

e Exp. 196. 198. 205. 210.

217. 218. 220. 223. 225. 226.

227. 228. 229. 230. 232. 233.

234. 235. In cadavere sanguis

per venas in vasa majora move-

tur *Pechlin de purgant.* p. 484.

f Exp. 204. 205. 210. 217.

218. 221. 222. 223. 224. 225.

226. 229. 232. 234.

g Exp. 146. 222. 223. 225.

226. 229. 234.

folet quasi evanescere, constrictis, ut videtur, per frigus vasculis, & suam aquam propulsantibus. Vulnerato vase, magna vis lymphæ de læso vasculo manasse visa est, quæ adeo eminens advenisset. Idem vasorum lacteorum est privilegium.

SECTIO V.

PRESSIO LATERALIS SANGUINIS VENOSI.

§. I. Argumenta quibus rejicitur.

MULTI nuperorum aut nullam pressionem in venis lateralem admiserunt, alii exiguam. Nullam admisit vir Ill. *Petrus v. Musschenbroeck* *b*, ob eamque rem nullam in venis medicamentorum actionem adgnovit, cum parietes neque contingant, neque adeo irritent. Exiguam, minoremque, quam arteriarum, non rejecit *Fr. Boissier* *i*, obque ejus parvitatem etiam parietes venarum debiliores esse adnotavit *k*. Rationem procul dubio Cl. viri in dilatata continuo venæ diametro quæsierunt *l*.

b Elem. de physc. p. 326.
J. G. Berger de natur. hum. p. 72.
R. Jackson de venæ sect. p. 9.
i *Memoire de l'Académie de*
Berlin T. XI. p. 50.

k p. 53.

l Hinc in vasis æque
 latis, pressionem lateralem

locum habere, admittit Cl.
Boissier l. c. p. 50. Verum ostendimus p. 340. omnes venas esse ejusmodi cylindros Ductus thoracicus, cylindricus, intumescit *Monro de hydrope* p. 17. 18. &c. & ureter obstructus *Henrici de abscess. mesent.*

§. II. *Confirmatur.*

Sed facile demonstratur, in venis omnino pressionem lateralem nihilo obscuriorem esse, quam in arteriis, perindeque debilioribus membranis venosis adaptatam, ut arteriosa illa ad robustos arteriarum canales. Siquidem columnæ sanguinis venosi continuo in angustiorem canalē stipantur *m*, atque adeo plures globulorum ordines in parietes nituntur, & præterea, uti motus progressivus minor, ita lateralis pressio major est *n*. Sed etiam dilatationes venarum ligatarum, quam arteriarum evidentiores sunt *o*, ut in vena jugulari aliisque sæpissime vidi, eæ vero dilatationes pressionem lateralem metiuntur. Constantes etiam venarum tumores frequentiores reperiuntur *p*, & ruptiones a parvis causis minime raræ sunt *q*. Sinus venosi duræ matris profundas foveas calvariæ imprimunt, quæ in fetu & infante nullæ fuerant. Varices pressionis lateralis effectus sunt, a qua denique non sine periculo rumpuntur. Demum in venæ sectione celeritas nova, qua sanguis per vulnus erumpit, manifesto eam pressionem demonstrat. Non enim nova aliqua causa per vulnus nascitur, quæ sanguinem in eam sedem urgeat, & unice sanguinis circumeuntis celeritati additur pressionis parietum venosorum integer & plenus nunc

m p. 284.*n* p. 128. *Jones de mot. mus-**cul.**o* L. II. p. 241.*p* Ibid.*q* p. 244.

effectus, quem dudum in sedem, nuper incisam, tunc vero integram, exercebat, sed quem sanguinis resistentia non sinebat adparere. Verum si venosi parietes contra sanguinem premebant, certum est sanguinem contra ipsos pressisse: nisi enim pressisset, parietes canalem ea ipsa sua vi arctassent. Eum vero effectum esse, & celeritatem sanguinis per vulnus a pressione vasorum integrorum augeri, & mea experimenta evincunt, & aliorum clarorum virorum *r*, neque hic possum cum illustribus viris sentire, qui nondum factis experimentis, sanguinem per vulnus venosum accelerari *s* ita non admitterunt, ut vinculo opus esset, quo efflueret *t*.

Si objeceris, me contra propria dictata loqui, qui venas musculosis fibris destitutas, visque adeo irritabilis expertes esse dixerim *v*, accusationem ni fallor non ægre diluero. Contractio est, quæ fibris animalibus communis, extensioni suæ resistit, seque in minimam longitudinem restituere conatur. Eam vim venena, aut scalpella non excitant *x*, neque nervi aut augent aut minuunt: eadem, etiam cellulosæ telæ propria, ex qua venæ formantur, etiam in cadaveris venis & arteriis potius potentior residet, hætenus unice efficax, ut dilatationi tubi renitatur, quæ absque fibrarum venam consti-

r Ant. de Heyde p. 2. 4. Hales
p. 165. Sauvages de l'inflammat.
n. 15.

s Morisson lettres sur le choix
des saignées L. V. Essays de phy-
sique ed. 1735. p. 522. Hamber-

ger de venæ sect. n. 43.

t Ibid.

v Premier Memoire sur les
parties irritables & sensibles.
p. 53.

x L. II. p. 236.

tuentium aucta longitudine esse nequeat. Derivationem cæterum , & olim *y* , & nuper *z* , a contractione vasorum minus oculis manifesta deduximus.

Cæterum hanc pressionem in vasis minimis minorem esse , in truncis vero venosis perpetim crescere , uti majores & cordi propiores sunt , facile intelligitur , cum venæ eundo arctentur. Circa cor vero & maximam esse oportuit , & cum pari flexilitate conjunctam , ut venæ quam latissimæ reddi possent , quia in variis vitæ stadiis sanguis ea sede ante cor & pulmones necessario retinetur , ut in omni nixu , in cursu , laboreque intensiori. Hinc in animalibus amphibis , quæ diu absque respiratione sunt , venæ amplissimæ *a*. Uti vero arteriosi sanguinis impetus , quam venosi major est , ita resistantia venosarum membranarum minor est , quam arteriosorum velamentorum. Inde , cum lanceola per venam in arteria brachii penetrante sanguini arterioso via in venam aperiretur , mirifice ea hoc loco dilatata fuit *b*.

§. III. *Cur venæ pulsu destituantur.*

Si in venis , perinde ut in arteriis , sanguis in parietes premit , quæri potest , cur venæ non perinde alterno pulsu agitentur , perque suas

y Second Mem. &c. p. 338. Valentinum.

z Supra p. 93.

b Obsf. of a Societ. at Lond.

a Schelhammer in phoca apud T. I. p. 340.

vices aut dilatatae micent, aut contractae se digito subducant. Neque enim verus pulsus est, quem descripsimus *c*, neque venarum cavarum *d*, & pulmonalium motus *e*, aut alia pauca ea exempla *f* huc trahi possunt, in quibus raris nonnullis mortalibus venae salierunt. Innumera- bilibus enim experimentis constat, grandes etiam venas, nudas, & suo tumore etiam inte- gram per cutem conspicuas, immutabili dia- metro in vivo homine vivoque animale persi- stere.

A figura conica divergente pulsatio non impe- ditur *g*, cum & venae in truncos confluentes potius angustiores fiant, & sanguis ex arteria in venam fluens utique pulsationem excitet *h*, & in varicibus venisque ligatis pulsus nullus nas- catur, ubi oportuit maximum esse, cum finis ejusmodi venarum non angustior solum, sed caecus sit.

Constat omnium primo, ne arterias quidem minores micare; majores vero venas non salire, quod ad eas cordis vis acceleratrix non perveniat, quae in arterias alterne plus sanguinis impellit. Nam etiam illa sanguinis alterna pro- pulsio, quam in arteriis cordis contractio pro- ducit, ea a venis majoribus abest *i*, minores vero ne arteriae quidem micant.

c p. 297. seqq.

d L. IV. p. 266.

e Ibid. p. 286.

f p. 337.

g Inde impediri *G. Cole de secret.* p. 107. Refutatur ab

III. *Seneca* l. c. T. II. p. 201. 202.

h *R. Jackson* l. c. p. 6. *J. Daniel Schichting Memoires présentés* p. 121.

i p. 282. seqq.

Supereſt , ut cauſa inveniatur , ob quam alterna cordis contractio non perinde alterne ſanguinem venoſum vehementius incitet , cum tamen utique a corde motus ſanguinis venoſi naſcatur. Varia varii obtulerunt.

Primus Ill. vir *Franciſcus Boiſſier* & olim *k* , & fuſius *l* nuper , ſolutionem dedit problematis , fere ejuſmodi. Sanguinem nempe ait in ultimis jam arterioliſ moveri velocitate uniformi , cum in truncis pulſantibus alterne novus ſanguis præcedentem urgeat , & alterne remittat urgere. Nempe in arteriis velocitatem a corde acceptam perpetuo decreſcere eundo , ut diaſtole ſemper minor fiat , minorque ſit differentia , qua ſanguinis unda ſequens antecedentis velocitatem ſuperat.

Contra vis contractilis in arteriis velocitatem generat tempore ſyſtoles , quæ perpetuo creſcit , cum a majori ſerie arteriarum generetur. Quare , cum velocitas in ſyſtole generata perpetuo increſcat , celeritas vero a corde impreſſa perpetuo minuatur , differentia ergo utriuſque perpetuo decreſcat , neceſſe eſt aliquod punctum eſſe , in quo hæc differentia evaneſcat , & celeritas ab arteriæ contractione nata æque magna ſit , ac celeritas a corde impreſſa. Id ſi factum fuerit , ſanguis movebitur celeritate æque magna in ſyſtole arteriæ , quando cor a motu remittit , & in diaſtole , quando cor contrahitur : nempe

k De pulſu p. 25. 26.

l In *Nov. Eph. Nat. Cur.* Cl. *Fournier*.

Vol. I. obſ. 36. Eadem habet

sanguis celeritate uniformi movebitur, & pulsus nullus erit. Id fit in ultima arteriola, atque adeo etiam in vena sanguis uniformi velocitate, & absque pulsu, movebitur.

Unico vero argumento impedimur, ne hanc problematis solutionem adoptemus. Nempe etiam in iis animalibus venæ absque pulsu sunt, & absque acceleratione, in quibus pleræque arteriæ vi contractili carent *m*, neque adeo in systole sua celeritatem aliquam generant, quæ sensim aucta demum velocitati a corde acceptæ æquiparari possit. Si ergo venosi pulsus absentia etiam absque vi contractili arteriosa nasci potest, aliam causam habere necesse est.

Deinde alia experimenta ostendunt, solam longitudinem canalis, in quem alterne liquor expeditur, & magnam distantiam ab impellente embolo, problemati satisfacere, ut differentia celeritatis undæ subsequæ, qua celeritatem undæ præcedentis superat, paulatim diminuatur, & denique evanescat, licet in eo canale nulla contractilis vis, nulla novæ velocitatis causa fuerit. Intestino inflato *Harveius* pulsus phænomena imitatus fuerat *n*: in vaccæ etiam prælongo, sed mortuo, neque irritabili intestino *Johannes Floyer* rem expertus est, cum alterne embolum agigaret, & vicissim ab agitando remitteret, atque adeo cordis sanguinem in arterias impellentis alternam actionem imitaretur; prima nempe intestini volumina, emboloque proxima,

m p. 210.

n Exerc. III. p. 246.

uti alterne liquorem recipiebant , ita alterne intumuerunt , & subsederunt vicissim o. Contra ad majorem ab impellente embolo distantiam p, denique eodem & continuo flumine aqua effluxit , etiamsi alterne professor embolum agitabat , & temperabat ab agitando.

Alio experimento repertum est q, liquorem , qui alterno impulsu in minimos poros spongiososque anfractus inellebatur , ita penitus alterni motus ac quietis differentiam amisisse , ut continuis stillis de spongia elaberetur. Cum vero in corpore animato periculum imitaretur *Vir Cl.* & liquorem in arteriam mesentericam alterno impetu impelleret , desineretque impellere , perinde de vena mesenterica aquæ continuum fluentum rediit.

Hæc experimenta meditatus reperi , pulsationem utique pendere a vicinia , & a magnitudine , atque robore cordis : hinc in homine febriente , cui cordis vires morbus intendit , pulsationem in consuetis quidem sedibus vehementem , & demum aliquam etiam in iis locis percipi , in quibus sano homini arteriæ non saliant r. Deinde homini sano , cui cor grande sit pro corporis portione , pulsationem evidentem ad arterias usque continuari , quæ fere sextæ partis lineæ diametrum habeant s. Contra

o *Physicians pulsewatch* p.25. p. 160. le *Clerc* an pulsationis
 26. *Kaauw* impet. facient. p. 183. defectus ab æquabilitate sanguinis Paris 1745.
Fournier Journ. de Medec. 1774. Jul. r p. 86. seqq. A suspirio ad
 p *Kaauw* l. c. extremos ungues pulsus percipitur *Henshaw* *aerochal.* p.79.
 q *Plemp* fundament. medicin. s p. 86.

in rana , cui cor multo pro corporis portione minus est , inque pisce , pulsationem a truncis etiam majoribus brachii , cruris , mesenterii abesse *t* , eoque propius ad cordis vicinam terminari , quò animal debilius fuerit *v*.

Hæc , quando cum experimentis *Floyeri* & *Plempii* confero , nullum mihi dubium relinquunt , quin simplicissima ratione pulsatio evanescat , quam primum velocitatis in unda consequente super undæ præcedentis velocitatem excessus evanuit. Sufficit autem ad destruendam hanc differentiam , ut undæ cordi proximæ plurimum de sua velocitate amittant , undæ vero remotiores minus. Verum id ita se habere ostendimus , cum in minimis retibus omnino ab arteriis figura conica absit , atque adeo illapsus in arterias minuatur *x* , in minimis porro & reticulatis vasculis natura tantum fere lumen ramorum faciat , quantum est lumen trunci *y*. Cum porro celeritas in minimis minor , atque adeo frictio minor sit , quam in magnis *z* ; cum demum venarum viciniis , laxiorque natura , sanguinis in arteriis minimis transitum expediat *a*. Ex hoc principio res tota constituitur. Si enim undam a corde ad digitum decem in regiones diviseris , in proxima cordi regione , primaque , multo celerior erit unda proxima præcedente , quæ resistentias varias detrimentumque passa

t Ib.

v Ib.

x L. II. p. 118.

y p. 65.

z per 37.

a Ex vi derivationis p. 93. seq.

passa est. Sed differentia undæ secundæ, a corde remotioris, qua undæ antecedentis velocitatem superat, jam minor est, quam differentia tertiæ undæ quartæque, inque perpetua progressionem minor nonæ supra decimam, donec ea diversitas evanescat. Evanescit autem eo citius, quo minorem celeritatem prima unda accepit, & evanescit eo integrius, quo plures æque longæ undæ fuerint, quæ cor inter & extremum vasculum intercedunt, nempe quo arteria longior est.

§. IV. *Vitiosus venarum pulsus.*

Dixi in raris quibusdam casibus venas alterne micavisse, pro ut arteriæ solent, ut sub costis spuriiis abdominis venae pulsarent *a**. Plerique casus fuerunt obstaculi *b* alicujus circa cor positi, & iter sanguinis venosi morantis. Cor amplissimum, & tenue, & in utraque arteria praelongus polypus, fibrosus erat: huic aegro venae brachii, & colli, eodem cum corde tempore micabant *c*. Cor magnum & aneurysma dextri ventriculi, cum palpitatione, & asthmate, causa fuit pulsationis venarum jugularium *d*. Valvulae mitrales in hydropico pene clausae, cor amplum, venae in collo pulsare visae *e*. A polypo perpetua & ex ordine sibi succedens venarum jugularium

*a** *Med. observ. and inquir. cadémie 1704. p. 218.*

III. n. 13.

d Lancis. l. c. p. 136. 141.

b Schreiber Almagest. p. 290. ed. prior. Rom. 1728.

c Homberg Memoire de l'Académie de Paris. p. 13.

pulsatio *f.* Pulsatio valida supra umbilicum, carpi pulsui synchrona, cum vena cava descendens adiposa membrana & medullae simili infarciretur *g.* A struma comprimente venam jugularem *g**. Adde paulo obscurius exemplum, pulsantium in febre petechiali venarum, ut earum subsultus arteriarum similes essent *h.*

Hos pulsus meditatus eo abducor, ut ad venae cavae, maligne in cor obstructum se deplentis, vitium pulsationis venosae causam referram. Ab ea causa sanguis refluus *i* proximos truncos, & potissimum jugulares, inflavit. *Weitbrecht* historiam, si in toto corpore venae salierunt, ego quidem omnino non intelligo. Frequentior jugularium pulsatio, *Galeno* non ignota fuit.

Alia rarior causa visa tamen est, quando *Huntero* potissimum auctore, arteria in venam inserta apertam varicem excitavit, quae ad aneurysmatis modum pulsabat *i**.

Frequentius fit, ut arteria subjecta venam succutiat, sic pulsus mentiatur. Exemplum in frontis vena *Cl. Carrere* habet. Sinuum venosorum cerebri pulsus omitto, qui nullus sit.

f Morand *Memoire de l'Académie* 1732. p. 432. 433. *Sagar* *system.* p. 143.

g Bont *Medic. Indor. Blancard Chir.* p. 431.

*g** *Arthaud* p. 10.

h *Weitbrecht hist. febr. petechizant.* quam in I tomo collectionis meae recendi feci.

i p. 305.

*i** *Ap. Gesnerum not. ad Purcel. colic.* p. 39.



S E C T I O V I.

MOTUS VENOSI EFFECTUS.

§. I. *Quæ venosus motus cum arterioso communia habet.*

REVISSIMUM etiam hic esse licebit. Pleraque enim in venis eadem fiunt, quæ in arteriis, celerque in truncis motus eadem, quæ velox in arteriis motus, sed mitius, lentior idem in ramis eadem potentius efficiet, quæ in arteriis lentior motus fecit. Sed etiam anastomosium venosarum eadem, quæ arteriosarum, utilitas est, parumque venosa retia ab arteriosis differunt. Quare & confricatio globulorum, & generatio caloris, & densitatis, & alcalinæ acrimoniæ, & ruboris hic, quam in arteriis, minores esse videntur, cum in universum venosi sanguinis motus, quam arteriosi, minus celer sit *k*. Globulorum *l* modulum venæ minimæ perinde præstant, quæ & ipsæ unius globuli capaces sint; par etiam est a putredine præservatio. Adtractio globulorum & visciditatis productio hic etiam majores esse videntur, cum motus in minimis venulis lentior sit: unum demum est, in quo venæ arteriarum contrarium effectum operantur.

k p. 317.

l p. 257. nisi quod mol-

liores minus sanguinem mutant.

§. II. *Mistio.*

Arteriæ diversæ indolis particulas separant, quæ conjunctæ sanguinis massam constituebant, & eas indiversi generis vascula distribuunt. Venæ contra ea elementa conjungunt, quæ eandem massam remittæ reparant. Sanguini ergo arterioso lympham reddunt *m*, & adipem, *n* & vapores exhalantes minorum cellularum *o*, & magnarum cavearum aquas *p*, & de receptaculis reformatos humores varios, ex vesicula fellea *q*, ex feminali utraque, ex ventriculo, ex intestinis, ex urinæ receptaculo, & potissimum resumtum ex digestionis officinis succum alibilem, in quo futurorum humorum humanorum elementa continentur. Uti in aorta ergo, ita in venis cavis, diversi humores omnes continentur, plenaque quasi sanguinis penus est: in minimis nascentibusque venis cruor, cum paucis tenuioribus aquulis superest, cui ex ordine ii humores redduntur, qui de arteriis secesserunt. Ita fit, ut in corde omnia genera liquorum iterato conveniant, quæ in diversas animati corporis provincias debent distribui.

m L. II. p. 290 seqq.*n* L. I. p. 82.*o* L. II. p. 282.*p* L. I. p. 284.*q* In sequentibus eadem oportebit demonstrare.

FINIS LIB. VI. & TOMI IV.





INDEX

T O M I Q U A R T I.

LIB. VI. ARTERIARUM ET VENARUM OFFICIA.

S E C T I O I.

MOTUS SANGUINIS PER ARTERIARUM AXIN.

1. Multa hic obscura & manca	pag. 1
2. Sinus aortæ maximus	2. 3
3. Aortæ magnus arcus	4. 5. 6
in brutis animalibus aliter se habet	7
arcus homini proprius	7
ejus varietates	8
Quinam primi veram fabricam statuerint.	9
4. Rami magnæ arteriæ præcipui	10
5. Sanguinis motus secundum axin	11
6. Ejus velocitas media	12. 13
Emendationes <i>Francisci Boissier</i>	13
7. Motus secundum axin celerior	14
8. Particularum graviorum impetus major est	15. 16
& longius promoventur	17
9. Retardatio motus progressivi	17. 18
Ejus causæ variæ	18 <i>seqq.</i>
Causæ non veræ	18
10. Pondus incumbentis atmosphæræ	18
utique gravitat in corpus animalis	19
Inde dilatatur, quæcunque pars ab eo pondere libera est	19. 20
Inde liquor quicunque in viscus irruit, quod in vacuo spatio est	20

Sed omnino inde sanguinis circulari motui nihil decedit	21
11. Neque a pondere partium corporis animalis, quæ arteriis incumbunt	22
12. Neque a vi contractili arteriæ	23
Vis balnearum	24
13. Aliquid decedit a mutata arteriarum figura	25
14. Plus facit dilatatum lumen ramorum	26
Inventor hujus retardationis <i>Guilielmus Cole</i>	<i>ib.</i>
Æstimatio <i>Keiliana</i>	<i>ib.</i>
alia, a Cl. <i>Boissier</i> proposita	27
Nondum certa proponi potest	28
Quia ratio luminum ramorum ad lumen trunci incon- stans est	<i>ib.</i>
& ignoratur	29
15. Sed tamen necesse est, ab eo majori lumine ramo- rum sanguinem retardari	30
Ut per experimenta confirmatur, facta in tubis duris	<i>ib.</i>
in aneurysmatibus	31
in arteriis vivi animalis	<i>ib.</i>
Mensura decrementi ignoratur	32
16. Frictio varia	<i>ib.</i> 33
I. Quæ a vasis longitudine nascitur	33
vehementer ea celeritatem diminuit	34
per experimenta	34. 35
17. II. Quæ a tubis angustioribus	35. 36
Per experimenta	36
18. III. Eo major frictio, quo sanguis celerius movetur	37
19. IV. Frictio, quæ nascitur a mutata figura tubi	37. 38
aque plicis	38
internisve arteriarum rugis	39
20. Et a figura conica convergente	40
21. Ab angulis rectis aut alioquin majoribus	41
& obtusis	42
Confirmatur hæc retardatio	42. 43
22. Similia fere in corpore animato locum habent	44
& longitudo vasorum de celeritate demit	<i>ib.</i>
& angustia	45
23. & plicæ	46. 47
24. & anguli magni, obtusique	48. 49
& major celeritas	50

25. Tum frictio sanguinis in ramis 51. 52
26. Torrentes sanguinis in anastomosibus oppositi 53. 54
27. Sanguinis viscor & cohæsiō 54. 55. 56
Confirmatur contra negaturos 54 *seqq.*
28. Ergo sanguis utique retardatur in arteriis vivi animalis 55. 56
Qui primi retardari invenerint 56
& nuperi 56. 57
29. Mensura retardationis Cl. *Stephani Hales* 57. 58
Francisci Boissier & aliorum 58. 59
30. Experimenta quid doceant 60. 61
non tanta est retardatio 61. 62
& celeritas major, quam calculi poscant 63
31. Oportet ergo retardationem minui 64
In minimis truncis lumen non est minus ramorum lumine 64. 65
aliqua frictionem minuunt 66
32. Unde nova sanguini velocitas accedat 67
Non a minori vasorum minorum diametro 68
Neque a columna sanguinis in minimis longiori 69
33. Neque a vi ponderis, quæ sanguinem tamquam per bicornem tubum cogat ad cor redire 69. 70
Id pondus equidem passim sanguinem ad loca inferiora derivat 70
& venosum cruorem regit *ib.*
in arteriosum parum potest 71
Nulla est vis bicornis tubi 72
34. Num a nervea vi arterioso sanguini nova addatur celeritas *ib.*
Argumentum ab animi adfectibus *ib.*
ab inflammatione 73
Modus, quo sanguis a nervea vi incitetur 73. 74
Plurimæ arteriæ laqueo nerveo comprehenduntur 75
35. Videtur, arterias ab ejusmodi laqueis comprimi posse *ib.*
indeque motus sanguinis & incitari & inhiberi 76
36. Sed ea parum firma sunt. 77
Nervi enim constringi nequeunt 78
Pulsus non augetur a nervis irritatis *ib.*
neque semper a dolore *ib.*
aut semper a convulsione *ib.*

- neque minuitur a paralyfi 78
 In placenta absque nervis sanguis circumit *ib.*
 & in arteriis offeis *ib.*
 inque animalibus capite destitutis *ib.*
 Non repugnat arterias magis irritabiles reddi 79
 tum cor *ib.*
 Sed experimenta eo non perveniunt *ib.*
 37. Veræ causæ accelerati motus sanguinis 79. 80
 Contractio arteriæ 80
 In magnas arterias ea causa potestatem habet 81
 Objectio, sanguinem ab arteriis contractis ad cor repelli 82
 Respondetur, non repelli, quia sanguis diversas arteriæ
 sedes non simul, verum ex ordine sollicitat 83
 atque adeo sedes quæque remotior suum sanguinem ad
 ultima determinat *ib.*
 Ea successio non percipitur, etsi probabilis est 84
 Mensura contractionis, quæ dilatationis 85
 38. Nulla adparet contractio in arteriis animalium frigido-
 rum plerisque 86
 & animalium calidorum multis arteriis 86. 87. 88
 39. Ejus contractionis causa 89
 In elatere quæritur *ib.*
 & in fibris arteriæ musculosis 90
 vique nervea 91
 Parva est arteriarum vis irritabilis *ib.*
 Resistentiæ arteriarum ad vires cordis ratio 92
 40. Vis derivationis 93. 94. 95
 Videtur ab elatere per universas arterias distributo nasci
ib.
 non multum ad motum sanguinis confert 94. 95
 41. Vis musculorum 95. 96
 utique motum sanguinis incitat 96. 97
 in arteriis tamen minus 97. 98
 42. Tonus 99
 43. Phænomena motus progressivi turbati & languentis 100
 Lentius sanguis movetur 101
 turbatur *ib.*
 retrocedit 102
 oscillat *ib.* 103
 quiescit 103

arteria inanitur	104
44. Causæ motus sanguinis a morte superstitis	105
Vis derivationis	<i>ib.</i>
ponderis	106
frigoris	<i>ib.</i>
adtractionis	107
evoluti aeris	<i>ib.</i> 108
inde Vampyri	108. 109
De vita minima	109. 110

S E C T I O II.

PRESSIO SANGUINIS LATERALIS.

1. Non est illa communis pressio a fluiditate nata	110
2. Arteriæ semper plenæ sunt, tum in systole sua, tum in diaftole	111. 112
Cur nonnuquam aut inanes adpareant, aut imperfecte plenæ	112. 113
Potest humor pellucidus replere, quod vacuum videtur	113
Potest vasculum se contrahere ad lumen minus	114. 115
3. Sanguinis unda nuper a corde expulsa celerior est unda antecedente	115. 116
eamque supe venit	116. 117
Id fieri demonstratur	117. 119
Mensura discriminis celeritatis in utraque incerta est	118. 119
4. Ex ea causa sequitur pressio lateralis sanguinis	119
arteriæ exporrectio in longitudinem	119. 120
etiam si cylindrica fuerit	120
Cur ligata non intumescat	121
5. Pressio perpendicularis ad latera	122
ab ea aneurysmata aortæ	123
& osseæ squamæ	<i>ib.</i>
& arteriæ diruptiones	<i>ib.</i>
6. Confirmatur hæc pressio. Ex tarditate undæ antece- dentis	125
7. Mensura hujus pressionis. Per observatos morbos	126. 127
per theoriam, ex saltu majori sanguinis, dum cor micat	128
ex copia sanguinis in quoque pulsu in venam transeun- tis	<i>ib.</i>

- Augetur eadem , quando circulus sanguinis moram patitur 129. 130
8. Ejus pressio effectus 130
- Membranæ arteriarum densantur 131
- comprimitur vascula arteriarum 132
9. Arteriæ lumen dilatatur 133
- Dubitatur de ea dilatatione *ib.*
- Non bene 134
- Ejus mensura sumtu difficilis est 135. 136
- A parva unda sanguinis dilatari non posse, objectio 136
- Josia Weitbrecht* *ib.*
- Joseph Brun* 137
- Videtur explicari posse a successione ictuum 138 *seqq.*
- Cur ea successio non percipiatur 140
10. Vocis pulsus significatio 141
- An a facultate pulsifica arteriæ 141
- Negatur 142. 143
11. A quibus medicis pulsus primum observati sint 144
- Nuperi de pulsibus scriptores 145
12. Quibus in arteriis pulsus percipiatur *ib.* 146
- Ejus aberrationes 146. 147. 148. 149
13. Pulsus celer & frequens 150
- Hactenus distingui possunt 151
- In morbis tamen raro separantur *ib.*
14. Causæ pulsus celeris , aut frequentis 152
- Cor pro portione majus *ib.*
- Cor magis irritabile 153
- in animalibus minoris molis utrumque 154
- Motus muscularis 155
- Calor 156
- cibus *ib.*
- obstaculum cordis evacuationi objectum 156. 157
- An pulsus frequentia ab animæ consilio augeatur 157. 158.
- An ab irritatione nervosa 158
- Debilitas pulsum numerum auget 159
- & acrimonia sanguinis *ib.*
- Pulsus magnus & celer signum velocis circuitus sanguinis 161
15. Causæ pulsus rari & tardi 161. 162
- Cor minus irritabile 162

Inde facilis circuitus	162
minor copia sanguinis ad cor remissi	163
frigus	<i>ib.</i>
Obstructio	164
Rarus , a pulmone obstructo & a respiratione difficili	165
pulsus	166
ex debilitate maxima	<i>ib.</i>
tunc periculo plenissimus	167
Ante mortem	168
Hi homines pro mortuis habentur	169
Exempla pulsus deficientis	170
16. Pulsuum varietates pro ætate varia	<i>ib.</i>
Primus numerum inivit <i>Keplerus</i>	171
Pulsus hominis nascentis	<i>ib.</i>
infantis	172
pueri	<i>ib.</i>
hominis adulti	173
Senis	174
A temperamento varietates	174. 175
A sexu	175
a statura	<i>ib.</i>
17. Matutini temporis	176
Sub noctem	<i>ib.</i>
Hæc febricula naturalis	177
In somno	<i>ib.</i>
A cibo	178
A motu musculorum & corporis exercitatione	179
18. Pulsuum diversitates a cæli varietate, ab æstivo calore	180
a febribus	<i>ib.</i>
Numeri pulsuum in febre levi, gravique	181 182
Pulsus in utroque latere inæqualis	182. 183
Pulsuum ad respirationem habitus	183
19. Pulsus alii. Magnus	184
Plenus	184. 185
parvus	185. 186
Durus	186
Æqualis & inæqualis	187
dicrotus	<i>ib.</i>
coturnizans	<i>ib.</i>

Inciduus	188
Pulsus <i>Solani</i>	<i>ib.</i>
Pulsus <i>Theophili de Bordeu</i>	189. 190

S E C T I O III.

EFFECTUS MOTUS SANGUINIS PER ARTERIAS.

1. Frictio sanguinis ad sua vasa	191. 192
Motus vertiginosus in arteriae diastole	192
In systole	192 <i>seqq.</i>
Globulorum	194. 195. 196
2. Ut eadem in ramis se habent	197. 198
cur rami non rumpantur	198
3. Anastomoses	199
Earum usus in evitanda & corrigenda obstructione	200. 201. 202. 203
Utilitas in ducendo sanguine infra sedem arteriae impeditae	202. 203
Alia in sanguine directio ad aliam & aliam sedem determinatur	204
Contrarii torrentes minuunt celeritatem	204. 205.
4. Retia horum similia faciunt	205
& tritum particularum sanguinis	205. 206
5. In vasculis minimis nascitur globulorum mensura	206. 207
6. Quae ex retardatione sequantur	207. 208
Coagulatio sanguinis	<i>ib.</i>
7. Dotes quae ex motu progressivo sequuntur	207. <i>seqq.</i>
Fluiditas	209
Sanguis motu privatus cogitur	210
quomodo a motu fluiditas conservetur	210. 211. 212
An motus intestinus in sanguine sit	213
Non videtur	214
8. Calor	215
Est a sanguine	<i>ib.</i>
hinc absque pulsu frigus	216
An sit aliquis in corde innatus calor	217. 218
An ab aliqua fermentatione sit	218. 219
Qui ita scripserint	219. 220
etiam nuper	221

9. Contra hanc hypothefin. Cor non calidius reliquo animalis corpore. 222
 Sanguis non effervescit *ib.*
 Neque oleum a fale lixiviofo in fanguine folvitur 223. 224
 neque putredo calorem generat humano parem 224
 neque urinoſus fal in homine datur 225
 neque putrefcit fanguis, qui moram non agit *ib.*
 10. Num fanguis a motu progreſſivo caleſcat 226 *ſeqq.*
 A tritu calor aliquis generatur *ib.*
 Tritu caleſcunt humores fanguini fimiles 227
 A motu ſolo animalia incaleſcunt 228
 etiam in ſummo aeris frigore *ib.* 229. 230. 231
 Motu fanguinis increbeſcente calor augetur 232
 Denſitas globulorum ad calorem facit 233
 & ferrum *ib.*
 & vaſorum denſitas *ib.*
 cordisque major vis 234
 Calor diminuto motu cordis una diminuitur 234. 235
 Pulſu ſublato tollitur calor 235
 Piſces non calent, ob cor minus, & paucitatem fanguinis 296
 A fanguinis copia minori calor frangitur 238
 11. Objectiones. Friſtio in fanguine calorem non facit 239
 Piſces cum celerrimo motu calorem non generant 240. 241. 242
 Caloris gradus non ſunt in ratione numeri pulſuum 243. 244
 Auſto motu fanguinis, non perinde calor augetur 244. 245. 246
 Pulſus augentur abſque caloris augmento 246
 12. Hypotheſis *Roberti Douglaſs* 247
 Calor non eſt a vi nervea 248
 13. Quid de utraque ſententia ſtatui poſſit 249
 Non ab electrica materie calor *ib.*
 neque a friſtione fanguinis contra frigidum aerem 249. 250
 Reſpondetur ad rationes dictas n. 11. 250 - 253
 14. Motus fanguinis facit, ne putrefcat 253. 254
 15. Et tamen diſponit ad degenerationem urinoſam 254
 255. 256
 16. Globulos facit 257

17. An etiam colorem rubrum 258
 Rubor non est a figura globulorum sphaerica 259
 neque a densitate *ib.*
 neque a vicinia globulorum 260
 neque a pulmone 261
 An ab exhalante phlogisto 262
 non ab aereo nitro 263
 Nitrum in aere nullum est *ib.*
 A laxiori globulorum congerie rubor 263. 264. 265
 Ab aere sanguis ruborem admittit 266
 Non est a lixivioso sale ruber 267
 neque a nucleo albo aut viridi, qui per serum pelluceat 268
 18. Forte a flavedine intensa 269
 Adeoque a ferro sanguinis 270
 19. Densitas, alia est a visciditate 271
 Densitas totius massae 272
 Densitas globulorum *ib.*
 densitas utraque conjuncta 272. 273
 Num in pulmone densitas massae nascatur 273
 Fit a globulorum numero 274
 Globuli ut densentur 274. 275. 276
 & serum 276
 20. Elementorum in sanguine separatio *ib.*
 21. Visciditas 277. 278

S E C T I O I V.

SANGUINIS PER VENAS REDUCIS
MOTUS PROGRESSIVUS.

1. Motus idem 279
 2. Ut se habeat in venulis unius globuli capacibus 279. 280
 Non valde lentus est 280. 281
 3. Ut in venis globulorum numerosiorum 281
 4. Quibus a causis acceleretur 282
 Causae non verae 283
 A motu cordis in majoribus venis non acceleratur *ib.*
 Neque multum potest vis venarum contractilis *ib.*
 An aliquid valeat resistentia sublata *ib.*
 5. Plus potest figura venarum conica, & sanguinis in
 angustius lumen congestio 284. 285

6. Adjuvant agentes muscoli 286
 tum quod venas inter se positas comprimant 287
 tum quod cor remisso sanguine stimulent *ib.*
 tum quod respirationem accelerent 288
7. Derivationis vis 289
 Accelerat sanguinis venosi iter 289. 290
 Sanguinem convocat ad partes non resistentes 290. 291
 Venæsectio globulos rubros minuit 291. 292
8. Causæ motum venosum mutant 292 *seqq.*
 Respiratio circuitum ut adjuvet 292
 Sed eadem refluxum facit venosi sanguinis 293. 294
 Lis inde auctori mota 294 - 297
9. Ab expiratione sanguis in venas redit de pectore,
 venaeque intumescunt 298. 299
 & cerebrum turget *ib.*
 Ab inspiratione horum fiunt contraria 300
10. Causæ phaenomenorum 301 *seqq.*
 Prima, quod inspiratio iter ad pulmonem & cor dex-
 trum expediat 301
 Altera, quod exspiratio thoracem exprimat 302. 303
 Aliqua de nixu 304
 de diaphragmate stringente venam cavam 304. 305
11. Refluxus in venam cavam ex contracta auricula 305
12. Effectus anastomosium 306 *seqq.*
 Adjuvant motum sanguinis magis quam in arteriis 307
 Faciunt ut sanguis per venas ad locum liberiores
 fluere possit 308
 Faciunt tamen torrentes contrarios *ib.*
13. Frictio in venis minor est 309
 Non tamen ideo quod conice divergant 309. 310. 311
 id enim non verum est 311. 312
14. Pondus vehementer mutat sanguinis venosi motum
 312. 313
13. Mensura celeritatis qua sanguis per venas redit 314
 Varia proponitur 315. 316. 317
 Est in ratione luminum venae & arteriae 317. 318
16. Quanto tempore totus sanguis circuitum in jorem
 absolvat 319
 Opiniones variae 319. 320. 321
 Difficultates aliquae 322

- Quid probabile videatur 323
 17. Motus sanguinis venosi perturbatus 324
 Obstructio venosa 326
 18. Motus sanguinis venosi qui post mortem superest 327

S E C T I O V.

PRESSIO SANGUINIS VENOSI LATERALIS.

1. Argumenta quibus rejicitur 328
 2. Confirmatur ex similitudine arteriarum; ex vi derivationis 329
 & pressione adeo venosa 329. 330. 331
 3. Cur venae pulsu destituantur 331
 variae hypotheses 331. 332. 322
 A diminuto excessu undae posterioris super priorem 334. 335. 336
 4. Vitiosus venarum pulsus 337
 Ejus causae 338

S E C T I O VI.

EFFECTUS MOTUS SANGUINIS PER VENAS.

1. Effectus analogi eorum, qui a motu arterioso fiunt 339
 2. Effectus diversi 339. 340
 Mistio humorum 340



